

ივანე ჯავახიშვილის სახელობის თბილისის სახელმწიფო უნივერსიტეტი

პუმანიტარულ მეცნიერებათა ფაკულტეტი

ინგლისური ფილოლოგიის დეპარტამენტი

ილია პაჭკორია

„ჰამლეტის“ ასოციაციური აღქმა
მოდერნიზმსა და პოსტმოდერნიზმში
(ჭ. ჯოისი და ტ. სტოპარდი)

ფილოლოგიის დოქტორის (Ph.D.) აკადემიური ხარისხის
მოსაპოვებლად წარმოდგენილი

დ ი ს ე რ ტ ა ც ი ა

სამეცნიერო ხელმძღვანელი: ფილოლოგიის მეცნიერებათა დოქტორი,
პროფესორი თემურ კობახიძე

თბილისი

2016

შინაარსი

შესავალი.....	1
1. „ჰამლეტის“ პრობლემატიკა	16
1.1. „ჰამლეტის“ მოდერნისტული და პოსტმოდერნისტული გააზრების ზოგიერთი ასპექტი	16
1.2. „ჰამლეტი“ და მეტათეატრი.....	21
1.3. აჩრდილი, თუ ჰალუცინაცია?	30
1.4. ჰამლეტი – პერსონაჟი	36
1.5. გერტრუდი, ოფელია და ჰამლეტის „ქალთმოძულეობა“	43
1.6. ჰამლეტი, ლაერტი და პოლონიუსი.....	59
1.7. როზენკრანცისა და გილდენსტერნის როლი	64
1.8. ჰამლეტის საქციელის ზნეობრივი ასპექტი.....	87
2. ჰამლეტური ასოციაციები ჯოისის „ულისეში“	95
2.1. „ჰამლეტი“ და „ულისეს“.....	95
2.2. სტივენი როგორც პაროდიული ჰამლეტი	99
2.3. სტივენის „შექსპირული თეორია“.....	113
2.4. ბლუმის ასოციაციური კავშირი „ჰამლეტთან“	120
2.5. პიესა „კირკე“, ანუ „აჩრდილთა დამე“	133
2.6. „მამა-შვილი“ ჰამლეტი.....	140
2.7. პაროდიული გერტრუდი და „ულისეს“ დასასრული.....	143

3. „ჰამლეტის“ პოსტმოდერნისტული ინტერპრეტაცია:	
სტოპარდის „როზენკრანცი და გილდენსტერნი მკვდრები არიან“	147
3.1. ორი ტექსტი სტოპარდის პიესაში.....	147
3.2. ფაბულის ხარვეზით განსაზღვრული სიკვდილი	150
3.3. მონეტების სიმბოლიკა.....	152
3.4. გაურკვევლობა და უმიზნობა როგორც პრობლემა	155
3.5. მსახიობის ვინაობის საკითხი.....	160
3.6. მეტადრამატული ქვეცნობიერი	163
3.7. „შეკითხვობანას“ თამაში	178
3.8. სიკვდილის გააზრება	180
3.9. „ჰამლეტის“ პოსტმოდერნისტული ხედვა სტოპარდის პიესაში	189
დასკვნები	198
დამოწმებული ლიტერატურის სია.....	203

შესავალი

ჩვენი საუკუნის დასაწყისში შექსპირის შემოქმედებით დაინტერესებულმა საზოგადოებამ „ჰამლეტის“ [Hamlet (1601)] შექმნიდან 400 წლის იუბილე იზეიმა, რაც გამოიხატა მსოფლიო მასშტაბით ამ პიესისადმი მიძღვნილი მრავალი შემოქმედებითი თუ სამეცნიერო დონისძიებით. მიუხედავად იმისა, რომ „ჰამლეტის“ დაწერიდან ოთხ საუკუნეზე მეტი გავიდა, ამ პიესისადმი განსაკუთრებული ინტერესი დღემდე არ განელებულა. ამას მოწმობს ბოლო ერთი საუკუნის განმავლობაში მსოფლიოს სხვადასხვა თეატრში მისი დადგმის მაღალი სიხშირე, არაერთი ფილმის გადაღება, ჰამლეტური ანარეკლების სიუხვე მხატვრულ ლიტერატურაში, თვით პიესის მხატვრული გადამუშავებისა და მსოფლმხედველობრივი გადააზრების შემთხვევები, მისი აქტუალობა სამეცნიერო სფეროში და სხვა. დღემდე იწერება და ქვეყნება ჰამლეტურ თემატიკასთან პირდაპირ თუ ირიბად დაკავშირებული საერთაშორისო მნიშვნელობის სამეცნიერო სტატიები, დისერტაციები თუ მონოგრაფიები. ეს ლიტერატურა უკვე ერთ დიდ ბიბლიოთეკას შეაღენს და კვლავაც განაგრძობს ზრდას. თითქოს „ჰამლეტი“ ამოუწურავია. მისი პირველი დადგმიდან მოყოლებული ყველა ეპოქა საკუთარ თავს ხედავს მასში და თავისი ახლებური ინტერპრეტაციებით არ აძლევს ამ პიესას მოძველების საშუალებას. ყოველი შემდგომი ეპოქა მიიჩნევს, რომ ეს მის დროებაზე დაიწერა, თითოეული ეპოქის სულთან ამ პიესის სულისკვეთების თანაკვეთის ხარისხი ერთობ მაღალია, რაც განხილული პიესის ზოგადსაკაცობრიო ხასიათზე მეტყველებს.

წინამდებარე სადისერტაციო ნაშრომში გამოკვლეულია „ჰამლეტის“ ასოციაციური აღქმა მოდერნიზმსა და პოსტმოდერნიზმში, ჯეიმზ ჯოისისა და ტომ სტოპარდის ნაწარმოებების მაგალითზე. დიდია „ჰამლეტის“ გავლენა მოდერნისტულ და პოსტმოდერნისტულ ლიტერატურაზე. მოდერნისტული ლიტერატურის ყველაზე გახმაურებული რომანი, ჯეიმზ ჯოისის „ულისეს“ [Ulysses (1922)], ცხადია, გვერდს ვერ აუვლიდა ამ გავლენას. პოსტმოდერნიზმის ეპოქაში კი ტომ სტოპარდი თავისი ექსპერიმენტული პიესით „როზენკრანცი და გილდენსტერნი მკვდრები არიან“ [Rosencrantz and Guildenstern Are Dead (1966)] პირდაპირ „ჰამლეტის“ მისეულ ექრსიას გვთავაზობს. სწორედ ამ ორი ნაწარმოების მიმართება „ჰამლეტთან“ წარმოადგენს ჩვენი შესწავლის საგანს. რატომ შევარჩიეთ მაინცადამაინც ეს ორი ნაწარმოები და არა რომელიმე სხვა?

ამის დასაბუთება არც ისე რთულია. ჯოისის „ულისე“ უდავოდ ლიტერატურული მოდერნიზმის არქეტიპული რომანია, ხოლო მასში არეკლილი ჰამლეტური მოტივები უაღრესად მნიშვნელოვან როლს ასრულებს რომანის როგორც იდეურ-მსოფლმხედველობრივი, ისე მისი მხატვრულ-შემოქმედებითი ასპექტის განსაზღვრა-ფორმირებაში. რაც შეეხება სტოპარდის პიესას „როზენკრანცი და გილდენსტერნი მკვდრები არიან“, მას თამამად შეიძლება ეწოდოს „ჰამლეტის“ უკელაზე ცნობილი და წარმატებული პოსტმოდერნისტული ინტერპრეტაცია. „ჰამლეტთან“ მიმართებით ჯოისისა და სტოპარდის ნახსენები ნაწარმოებების განსაკუთრებულ მნიშვნელობაზე მიუთითებს თუნდაც „ლიტერატურულ და თემატურ ტერმინთა ლექსიკონში“ (*A Dictionary of Literary and Thematic Terms*) ჰამლეტური თემატიკისადმი მიძღვნილი სალექსიკონო სტატია, რომელსაც ამ თემატიკის სერიოზული გავლენის მატარებელი ნაწარმოების ნიმუშად მოდერნისტული ლიტერატურიდან, პირველყოვლისა, სწორედ ჯოისის „ულისე“ მოჰყავს, ხოლო პოსტმოდერნისტული ლიტერატურიდან – მხოლოდ სტოპარდის „როზენკრანცი და გილდენსტერნი მკვდრები არიან“ (იხ. ქუინი 2006: 191-192).

უკელასათვის ნათელია, რომ პიესა „ჰამლეტისადმი“ არსებულ უშრეტ ინტერესში ლომის წილი სწორედ მის ეპონიმურ პროტაგონისტს უფლისწულ ჰამლეტს უდევს. ზნეობრივი სიმაღლე, დრმა ინტელექტისა და ძლიერი ემოციის იშვიათი სინთეზი, ქარიზმა, ბედისაგან უსამართლოდ დაჩაგრულობა, სიმართლისათვის ბრძოლა და კიდევ ბევრი სხვა რამ არის ის, რაც ხდის ამ პერსონაჟს ერთობ მიმზიდველს. ცოტა მხატვრული ხასიათი თუ შექმნილა მსოფლიო დრამატურგიაში, რომლის ტრაგედიასაც ისე ძლიერ თანაუგრძნებს მკითხველი თუ მაყურებელი, როგორც ჰამლეტისას.

ჰამლეტი რენესანსული გმირია. იგი ადორძინების ეპოქის ჰუმანისტურ იდეალებზეა გაზრდილი, მაგრამ ეს იდეალები ახლა კრიზისს განიცდის მასში. რაში მდგომარეობს უფლისწულის ტრაგედია? რა არის მისი პესიმიზმის უმთავრესი მიზეზი? ამ კითხვას სავსებით დამაჯერებლად პასუხობს თეოდორ სპენსერი (სპენსერი 1943: 94): ადამიანი, როგორიც ის არის და არა როგორიც უნდა იყოს. სწორედ აქედან იდებს სათავეს ჰამლეტის სულიერი გაორება. იგი ადამიანში ღმერთს ეძებს, მაგრამ დემონს პოულობს, სამოთხეს ეძებს, მაგრამ ჯოჯოხეთს ხედავს, სიყვარულსა და სიწმინდეს ეძებს, მაგრამ შიგ მხოლოდ სიძვა და სიმყრალეა. თავის პირად, ოჯახურ ტრაგედიაში ჰამლეტი მთელი

კაცობრიობის ტრაგედიას ხედავს და ამ გზით თვითონვე გვიადვილებს მის პერსონაჟში ჩვენი პიროვნების ანარეკლი დავინახოთ.

მიუხედავად ყველაფრისა, ჰამლეტს ბოლომდე მაინც არ ჩაუქნევია ხელი კაცობრიობაზე. მას სჯერა ადამიანში კეთილი საწყისის არსებობისა და მასში სიკეთისა და სათნოების გაღვივების შესაძლებლობისა. როგორც ნიკო ყიასაშვილი (ყიასაშვილი 1992: 118-119) აღნიშნავს, ჰამლეტურ პესიმიზმს ჯერ კიდევ თან ახლავს მის გამომწვევ მიზეზებთან ბრძოლის სულისკვეთება. მიუხედავად, იმედგაცრუებისა უფლისტული, ასე თუ ისე, მაინც იბრძვის სიმართლისათვის და ხედავს კიდევ ამ ბრძოლაში საზრისს, თუმცა წამხდარი დროების გასწორება მას ურთულეს საქმედ ესახება.

შექსპირისდროინდელ რენესანსსა და მოდერნიზმს დაახლოებით სამი საუკუნე აშორებთ ერთმანეთისაგან. ამ დროის განმავლობაში დასავლურმა სამყარომ გამოიარა მთელი ეპოქები განმანათლებლობის, რომანტიზმისა თუ რეალიზმის სახით. შედეგად, საკმაოდ დიდი მსოფლმხედველობრივი უფსკრულია „ჰამლეტსა“ და „ულისეს“ შორის. მოდერნისტულ ეპოქაში ჰამლეტის ჰუმანისტური სულისკვეთება, ფაქტობრივად, მკვდარია. ჯოისთან ის პაროდიის საგნად არის ქცეული. მოდერნისტი მწერალი ადარ მოედის ადამიანისგან მაღალი იდეალებისკენ სწრაფვას და შესაბამისად, მისი პერსონაჟებიც გამოცლილი არიან ყოველგვარი ჰეროიკულობისაგან. „ულისეში“ არ მეორდება უფლისტული ჰამლეტი, არც მისი მამის აჩრდილი; აქ მხოლოდ მათი დეგრადირებული ლანდები დაძრწიან სტივენ დედალოსისა და ლეოპოლდ ბლუმის სახით. ჰამლეტური ამხედრება და ბრძოლა ადამიანური ბოროტებისა და ზნედაცემულობის წინააღმდეგ უცხოა მოდერნისტული ნაწარმოებისათვის, რადგან არ არის იმედი ადამიანის სულიერი ამაღლებისა. ეს რეალობა მიღებულია, როგორც პესიმისტური მოცემულობა კაცობრიობის შესახებ. ჰამლეტური ტრაგიზმიდან „ულისეს“ ტრაგიკომიკურ პლანზე გადასვლა კი ამ რეალობისადმი უფრო ნელთბილ, თუმც კი ირონიულ დამოკიდებულებაზე მიანიშნებს. მიუხედავად ყველაფრისა, მაღალი ადამიანური ფასეულობები ჯოისთან და ზოგადად მოდერნისტულ ლიტერატურაში ბოლომდე უარყოფილი მაინც არ არის. რაკი მოდერნიზმი აცნობიერებს ადამიანის მორალურ დაცემულობას, ამით ზნეობრივი სიმაღლის არსებობასაც აღიარებს, როგორც ფენომენს, თუმცადა მას მიუწვდომლად მიიჩნევს ადამიანისთვის. რაც მიუღწეველია, ამაზე ჰამლეტივით დარდი არ ღირს, მაგრამ მისი სრული

იგნორირებაც შეუძლებელია, რადგან ეს ყველაფერი კაცობრიობაზე კარგს არაფერს მეტყველებს. ამიტომაც, დასცინის და განაქიქებს მოდერნისტული ხედვა ადამიანის ამგვარ მდგომარეობას, თუმცა გამოსავალს არ გვთავაზობს, რადგან ვერ ხედავს მას.

მოდერნიზმისაგან განსხვავებით, პოსტმოდერნისტული ეპოქა ბოლომდე უარყოფს მაღალ ლირებულებებს. მან არ იცის, რას დაარქვას მაღალი და რას – დაბალი. ჰამლეტი და როზენკრანც-გილდენსტერნი ერთ დონეზე არიან, რადგან აღარ არსებობს იერარქია. ყველაფერი ნიველირებულია; ყოველივე გათანაბრებულია. შედეგად, არც ადამიანის სულიერი დაცემულობის განცდა გვაქვს, რადგან პოსტმოდერნიზმისთვის გაუგებარია, რას ნიშნავს დაცემა. თუ მოდერნიზმი ყველგან ლოგიკას ეძებს, პოსტმოდერნიზმისთვის ეს ლოგიკა ილუზორულ თამაშად ქცეულა. სტოპარდის პიესის სამყაროში არ ჩანს რაიმე ორიენტირი, რადგან არც იგულისხმება მისი არსებობა. აქ ჭეშმარიტება ხელოვნურია, პირობითი და ვირტუალური. ეჭვეშაა დაყენებული ადამიანის თავისუფალი ნებაც. სტოპარდის გმირები შექსპირის მარიონეტები არიან, რომელთაც „ჰამლეტის“ სცენარი ათამაშებს ავტორის ნებაზე. ისინი ვერ გაურბიან სიკვდილს, რადგან სცენარის მიხედვით, „როზენკრანცი და გილდენსტერნი მკვდრები არიან“.

ადსანიშნავია, რომ ჯოისის „ულისეში“ ზოგიერთი მკვლევარი (იხ., მაგ., დეტმარი 1996; მაკეილი 1992) პოსტმოდერნიზმის ელემენტებს ხედავს და არცოუ უსაფუძვლოდ, მიუხედავად იმისა, რომ ეს რომანი თავისი არსით მაინც ტიპური მოდერნისტული ტექსტია. მეორე მხრივ, სტოპარდის „როზენკრანცი და გილდენსტერნი მკვდრები არიან“ შედარებით ადრეული პოსტმოდერნიზმის ნიმუშია და აქედან გამომდინარე, მასში პოსტმოდერნული სული ისე მკაცრად არაა გამოხატული. ამიტომაც, „ულისესა“ და სტოპარდის ამ პიესას შორის არსობრივად მთლად უფსკრული არ არის, თუმცა საკმარისად დიდი მსოფლმხედველობრივი მანძილი აშორებთ ერთმანეთისგან იმისათვის, რომ მათ ურთიერთმიმართებაში ნათლად დავინახოთ მოდერნიზმსა და პოსტმოდერნიზმს შორის არსებული ძირეული კონტრასტი. ორივე „ჰამლეტის“ პაროდირებას ახდენს, მაგრამ პირველთან ის მაინც დიდთან ასოცირდება, ხოლო მეორესთან ეს ასოციაციაც, ფაქტობრივად, პაროდიის საგანია.

მიუხედავად იმისა, რომ წინამდებარე ნაშრომის მთავარ მიზანს „ჰამლეტის“ მოდერნისტული და პოსტმოდერნისტული აღქმის შესწავლა წარმოადგენს

ჯოისისა და სტოპარდის ნახსენებ ტექსტებში, დისერტაციის პირველი და უკელაზე ვრცელი თავი უშუალოდ შექსპირის „ჰამლეტსა“ და მის ჩვენეულ გააზრებას ეთმობა. ეს თავი, ფაქტობრივად, შექსპიროლოგიურ კვლევას განეკუთვნება, თუმცა ჰამლეტურ პრობლემატიკასთან დაკავშირებული უამრავი საკითხიდან, ყურადღება გამახვილებულია მხოლოდ იმ ძირითად პრობლემებზე, რომლებიც თავიანთ მკაფიო გამოძახილს ჰქოვებენ ჯოისის „ულისესა“ და სტოპარდის პიესაში „როზენკრანცი და გილდენსტერნი მკვდრები არიან“.

ამგვარად, ნაშრომის პირველ, შექსპირულ თავში განხილული თემები ამზადებს მეორე, ჯოისურ და მესამე, სტოპარდულ თავებში შესასწავლ საკითხებს. მაგალითად, საჭიროდ მივიჩნევთ ჯერ ჰამლეტის პირველების რენესანსული სახის ჩვენეული ხედვა წარმოვაჩინოთ, ვიდრე განვიხილავთ, ერთი მხრივ, ჯოისის „ულისეში“ სტივენ დედალოსისა და მეორე მხრივ, სტოპარდის პიესაში როზენკრანც-გილდენსტერნის პაროდიულ მიმართებას ამ სახესთან. აუცილებელია, ვთქვათ, გავიაზროთ ჰამლეტის დამოკიდებულება ზოგადად ქალისადმი, რათა სწორად დავინახოთ მისი მსგავსება თუ განსხვავება სტივენ დედალოსის ხედვასთან ქალთა სქესის მიმართ. შექსპიროლოგიაში ორაზროვნებაა აჩრდილის წარმომავლობის შესახებ. რაკი მკვდევართა ნაწილი მას რეალურ გამოცხადებად მიიჩნევს, ხოლო ნაწილი ჰამლეტის ჰალუცინაციად, ჯერ უნდა გავარკვიოთ ამ ორიდან რომელთან გვაქვს საქმე, ვიდრე პარალელს გავავლებთ მერი დედალოსის მოჩვენებასთან, რომელიც ცალსახად სტივენის ჰალუცინაციაა. ამ პარალელიზმის ინტერპრეტაცია, ცხადია, ვერ იქნება ორივე შემთხვევაში იდენტური და ის პირდაპირ დამოკიდებულია „ჰამლეტის“ აჩრდილის წარმომავლობის რაობაზე. საფუძვლიანად უნდა იქნას შესწავლილი როზენკრანცისა და გილდენსტერნის შექსპირული სახე, რათა შემდეგ მართებულად შეფასდეს სტოპარდის პიესის პროტაგონისტებად ქცეული ამავე გმირების მიმართება თავიანთ წინამორბედებთან ისევე, როგორც სტოპარდის პიესის სხვა შექსპირულ გმირებთან. სწორედ ამიტომაც „ჰამლეტის“ ამ მეორესარისხოვან გმირებს უჩვეულოდ დიდი ადგილი ეთმობა დისერტაციის პირველ თავში.

ამრიგად, წინამდებარე ნაშრომის პირველი თავი (გარდა იმისა, რომ იგი წარმოადგენს ჰამლეტოლოგიურ კვლევას) მნიშვნელოვანი საყრდენია მის მეორე და მესამე თავში ჩატარებული კვლევისა. აქეთ უნდა აღინიშნოს ისიც, რომ ჩვენ მიერ განხილულ ჯოისის რომანსა და სტოპარდის პიესას შორის უშუალო

კავშირზე ლაპარაკი მეცნიერულ საფუძველს მოკლებულია. მათი კავშირი ძირითადად გაშუალებულია ჰამლეტური თემატიკით. ხოლო ამ თემატიკის განსხვავებული პროექცია ჯოისთან და სტოპარდთან, ფაქტობრივად, მოდერნიზმსა და პოსტმოდერნიზმს შორის არსებულ კონტრასტს გამოხატავს, რაც იძლევა აქ განხილული მათი ნაწარმოებების ურთიერთმიმართებაზე უზოგადესი დასკვნების გამოტანის საშუალებას.

ნაშრომის ამოცანაა აჩვენოს ჰამლეტის მაღალი, შექსპირული სახის სულიერი დაკნინება მოდერნიზმში, და მისი სრული, ლამის გაქრობამდე დამიწება პოსტმოდერნიზმში. შექსპირული ჰამლეტის სახისადმი მოდერნისტული ხედვის წარმოსაჩენად საგსებით საკმარისია მხოლოდ ჯოისის „ულისეს“ გაანალიზება, ისევე, როგორც ამ სახისადმი პოსტმოდერნისტული დამოკიდებულების წარმოსაჩენად კმარა მხოლოდ სტოპარდის პიესის „როზენკრანცი და გილდენსტერნი მკვდრები არიან“ შესწავლა, რადგან ორივე ნაწარმოებში საკმარის მკაფიოდ არის ასახული შესაბამის ეპოქათა მსოფლმხედველობრივი და ესთეტიკური დამოკიდებულება ჰამლეტის რენესანსულ-პუმანისტური სახისადმი.

ვინაიდან ნაშრომი ეხება შექსპირის, ჯოისისა და სტოპარდის ნაწარმოებებს, შესაბამისად, მასში გამოყენებული ძირითადი სამეცნიერო-კრიტიკული მასალაც, შექსპიროლოგიური, ჯოისოლოგიური და სტოპარდის შემოქმედებასთან დაკავშირებული კვლევებიდან გარკვეული პრინციპით გამორჩეულ ნაშრომთა თავისებურ ერთობლიობას წარმოადგენს. „ჰამლეტზე“ შექმნილი დიდადი სამეცნიერო ლიტერატურიდან ჩვენი ყურადღების ცენტრში მოექცა, მხოლოდ ის მასალა, რომელიც გამოსადგია ამ პიესის მოდერნისტული და პოსტმოდერნისტული გააზრების შესწავლის შესამზადებლად ჩასატარებელი შექსპიროლოგიური კვლევისათვის. ჯოისის „ულისესთან“ დაკავშირებული კრიტიკული ლიტერატურიდან ჩვენთვის, პირველყოვლისა, აქტუალურია მხოლოდ ის ნაშრომები, რომლებშიც ადგილი ეთმობა ამ რომანში ჰამლეტური პარალელების შესწავლას. სტოპარდის შემთხვევაში კი ძირითადად შეხება გვაქს იმ კვლევებთან, რომლებშიც შესწავლილია მისი „როზენკრანცი და გილდენსტერნი მკვდრები არიან“.

„ჰამლეტის“ მაღალმხატვრულ ღირებულებაზე და მის ზოგადსაკაცობრიო მნიშვნელობაზე მოსაუბრე მკვლევართა ჩამოთვლა ძალიან შორს წაგვიყვანს. სამაგიეროდ, უფრო ძნელია გვერდი აგუაროთ ტომას ელიოტის (ელიოტი 1998:

57) თუნდაც ნახევრად მეცნიერულ აზრს, რომლის თანახმადაც „ჰამლეტი“ შექსპირის შემოქმედებითი მარცხია. ამ მოსაზრებას წარმატებით აბათილებენ ჯონ დოუგერ უილსონი (უილსონი 1951: 307-308) და მარვინ ჰანტი (ჰანტი 2007: 2). თემურ კობახიძე (კობახიძე 2004: 41) კი ელიოტის ამ პოზიციას მისი, როგორც მოდერნისტი ხელოვანის, ესთეტიკური ხედვის თავისებურებით ხსნის.

შექსპიროლოგიაში ორაზროვნებაა ჰამლეტის მამის აჩრდილის რეალურობა-ირეალურობის შესახებ. ჯონ დოუგერ უილსონი (უილსონი 1951), მაგალითად, მიიჩნევს, რომ აჩრდილი ნამდვილია, რადგან მას, ჰამლეტის გარდა, ჰორაციო, მარცელუსი და ბერნარდოც ხედავს. უოლტერ გრეგი (გრეგი 1917: 410) კი თვლის, რომ აჩრდილი ჰამლეტის და მისი მეგობრების სულიერი მდელგარებისაგან გამოწვეული საერთო ჰალუცინაციური მოვლენაა. წინამდებარე ნაშრომში გაზიარებულია უილსონის აზრი, ხოლო გრეგისეული საყოველთაო ჰალუცინაციის იდეა უარყოფილია. მარვინ ჰანტი (ჰანტი 2007), რომელიც იზიარებს უილსონის აზრს აჩრდილის რეალურობის შესახებ „დამის საგუშაგოს სცენასთან“ მიმართებით, უჭირს გაიზიაროს იგივე აზრი „გერტრუდის ოთახის სცენასთან“ მიმართებით და შესაბამისად, აქ აჩრდილის ჰალუცინაციურობის იდეისაკენ იხრება. თუმცა მაინც საფიქრებელია, რომ აქაც შექსპირმა რეალური აჩრდილი იგულისხმა და ამის დამადასტურებელი რამდენიმე არგუმენტიც მოტანილია ნაშრომში.

აჩრდილის თემატიკა ერთობ საგულისხმოა ჯოისის „ულისეში“. იგი პირდაპირ უკავშირდება ნაწარმოების უმთავრეს მოტივს – მამისა და ძის ურთიერთებისას. თვით აჩრდილის ნამდვილობა-ჰალუცინაციურობის საკითხიც თავისებურად იჩენს თავს ამ რომანში. კერძოდ, უფლისწულ ჰამლეტთან ასოციაციურად გაიგივებულ სტივენ დედალოსთან მიმართებაში მამობრივი სულისკვეთებით გამსჭვალული ობიექტურად რეალური ლეოპოლდ ბლუმი, ძირითადად, ნამდვილი აჩრდილის პაროდიას წააგავს, ხოლო „პირკეს“ ეპიზოდში სტივენის წარმოსახვაში აღმოცენებული გარდაცვლილი დედის მოჩვენება, აჩრდილის ჰალუცინაციად გააზრების პაროდიულ გამოძიების უმსგავსება. აჩრდილის თემა პირდაპირ უკავშირდება სტივენის „შექსპირულ თეორიას“ და იმ რელიგიურ თუ ესთეტიკურ ასპექტებს, რაც ფიგურირებს მის გარშემო. სწორედ სტივენის „თეორიის“ ჭრილში განიხილავენ აჩრდილის თემატიკას, მაგალითად, უილიამ ტინდალი (ტინდალი 1959: 173-179), მოდ ელმანი (ეტრიჯი 2004ა: 83-101), რიჩარდ კერნი (კერნი 2003: 146-150). ლუკ გიბონსი

(გიბონსი 2015) მთლიანად წიგნს უძღვნის ამ თემატიკას, სადაც ფართოდ არის განხილული აჩრდილობა, როგორც ფენომენი არა მხოლოდ „ულისეში“, არამედ ზოგადად ჯოისის შემოქმედებაში.

არაერთი კრიტიკოსი (მულანი 1994; ფერნი 2002; გოლდშტაინი 2001) უფლისწულ ჰამლეტი ქალთმოძულეობას ხედავს. თუმცა ბლიცი (ბლიცი 2001: 191) თვლის, რომ ჰამლეტი არა მაინცადამაინც ქალთმოძულეობას, არამედ ზოგადად კაცთმოძულეობას ავლენს. ნაშრომში ეს მოსაზრებები არ არის გაზიარებული, რადგან, როგორც კვლევამ აჩვენა, ჰამლეტი არც ზოგადად კაცთმოძულეა და არც კონკრეტულად ქალთმოძულე, არამედ ის, რაც მას სძულს განყენებულია ქალობისაგან და ზოგადად ადამიანობისგან და უფრო მეტიც, უპირისპირდება კიდევაც მათ. სხვა სიტყვებით, ჰამლეტს ადამიანი კი არ სძულს, არამედ ადამიანში სწორედ ადამიანობის ნაკლებობა ზარავს, და თუ იგი ქალში ამ დანაკლისს უფრო მწარედ განიცდის, ეს მხოლოდ იმითაა განპირობებული, რომ პიესა „ჰამლეტის“ ორად ორი პერსონაჟი ქალიდან ერთი მისი დედაა, ხოლო მეორე – სატრფო. მკვლევართა (უაითო 1986; უილქნერი 2006; ჰელერი 2002) უმრავლესობა აგრეთვე მიიჩნევს, რომ ოფელია სრულიად უდანაშაულო მსხვერპლია იმ უსამართლო ხოციალური გარემოსი, რომელშიც იგი იმყოფება. ამ პოზიციას მხოლოდ ნაწილობრივ შეიძლება დავეთანხმოთ. მართალია, ოფელია უდავოდ მსხვერპლია ელსინორის კარის მანკიერი რეალობისა, მაგრამ უფლისწული ჰამლეტის წინაშე ის მთლად უდანაშაულო მაინც არ არის.

ჰამლეტის დამოკიდებულებას ქალისადმი თავისებურად ირეკლავს ჯოისის „ულისეში“ სტივენ დედალოსის ხედვა ქალთა სქესისადმი. სტივენისთვის ქალი არის როგორც ნაყოფიერებისა და სიცოცხლის წყარო, ასევე ცოდვისა და სიკვდილის სათავეც. იგი ქალში, ერთი მხრივ, ვნებიან, მაცდუნებელ, გარევნილ არსებას ხედავს, მეორე მხრივ კი, მისი თავისუფლების შემზღვდველ არსებას. ეს უკანასკნელი, პირველყოვლისა, დედამისთან ასოცირდება. ქალისადმი სტივენ დედალოსის დამოკიდებულების საკითხს ეხებიან, მაგალითად, რიჩარდ ელმანი (ელმანი 1972: 47-48), მარგერიტ ჰარკნესი (ჰარკნესი 1984: 115-118), ქეთლინ ფერისი (ფერისი 2010: 100-103). სამივე მათგანი ასევე საუბრობს ლეოპოლდ ბლუმის პოზიციაზე ქალთა სქესის მიმართ. მათგან სტივენისა და ბლუმის ხედვებს შორის კველაზე დიდ განსხვავებას ელმანი ხედავს, ხოლო კველაზე დიდ მსგავსებას – ფერისი.

შექსპიროლოგიაში არაერთი მკვლევარი (რაითი 2001: 21; სადოვსკი 2003: 159-160; დეივისი 2008: 113; ჩარნი 2012: 62) ამახვილებს ყურადღებას იმაზე, რომ „ჰამლეტის“ მეორეხარისხოვანი გმირები, როზენკრანცი და გილდენსტერნი მოკლებულნი არიან ინდივიდუალობას და შედეგად, იოლად ექვემდებარებიან ურთიერთხანაცვლებას. ამ გარემოებას მოხერხებულად იყენებს ტომ სტოპარდი თავის ექსპერიმენტულ პიესაში „როზენკრანცი და გილდენსტერნი მკვდრები არიან“, სადაც შექსპირის ეს ორი უფერული პერსონაჟი პროტაგონისტებად გვევლინებიან. სტოპარდის პიესის სხვა შექსპირული პერსონაჟები ვერ არჩევენ მათ ერთმანეთისგან. უფრო მეტიც, როზენკრანცი და გილდენსტერნი ზოგჯერ თვითონვე ურევენ თავიანთ სახელებს ერთმანეთში. ამით კი სტოპარდი პოსტმოდერნულ ეპოქაში ადამიანის იდენტობის პრობლემასა და მის სულიერ დეზორიენტირებულობას უსვამს ხაზს და ამასთანავე მიანიშნებს, რომ დღევანდელ ცივილიზებულ მსოფლიოში ადამიანი, როგორც ინდივიდი, სინამდვილეში, არაფრად არის ჩათვლილი. თუმცა, მეორე მხრივ, ავტორი შესაძლოა არც მიიჩნევს თანამედროვე ადამიანს უკეთესი ყოფის დირსად, რადგან მისი თვალთახედვით, პოსტმოდერნულ ეპოქაში ჰამლეტის ადგილი როზენკრანც-გილდენსტერნებმა დაიკავეს.

როზენკრანცისა და გილდენსტერნის ძირითადი ფუნქცია ჰამლეტზე ჯაშუშობაა. ბოლოს მათ ჰამლეტის გაცილება ევალებათ ინგლისისაკენ და ინგლისის მეფისათვის კლავდიუსის წერილის გადაცემა, რომელშიც დაკვეთილია დანიის უფლისწულის მკვდელობა. მეკობრეების თავდასხმის შედეგად ჰამლეტი ახერხებს ინგლისისკენ მიმავალი გემიდან გაქცევას, მაგრამ, მიუხედავად ამისა, როზენკრანცი და გილდენსტერნი უჰამლეტოდ აგრძელებენ თავდაპირველ კურსს. მეცხრამეტე საუკუნის გერმანელი მეცნიერი კარლ ვერდერი (ვერდერი 1907: 172-173) ერთ-ერთი პირველია, ვინც ამ მომენტზე მკაფიოდ ამახვილებს ყურადღებას. იგი შენიშნავს, რომ ჰამლეტის გარეშე ინგლისის მეფისათვის კლავდიუსის წერილის გადაცემა აზრს მოკლებულია. აქედან გამომდინარე, ვერდერი ასკვნის, რომ როზენკრანცსა და გილდენსტერნს წარმოდგენა არ ჰქონდათ კლავდიუსის წერილის შინაარსის შესახებ. ამავე აზრზე დგანან მკვლევარების უმეტესობა (მაკალინდონი 1991; ბლიცი 2001; სადოვსკი 2003; ჰოგანი 2013). ეს მოსაზრება იმდენად გაბატონებულია, რომ მას ვაწყდებით არა მხოლოდ წმინდად სამეცნიერო ლიტერატურაში, არამედ ისეთ საცნობარო ტიპის წიგნში, როგორიცაა, მაგალითად, „კრიტიკული გზამკვლევი

უილიამ შექსპირისაკენ“ (*Critical Companion to William Shakespeare*), სადაც თითქმის უდავოდ არის მიჩნეული როზენკრანცისა და გილდენსტერნის მიერ კლავდიუსის შეთქმულების შესახებ უცოდინრობა (ბოისი 2005: 154). უილიამ ლორენსი (ლორენსი 1944: 59) და ტომას როკუელი (როკუელი 2008: 124) კი ერთგვარ ნეიტრალურ პოზიციაზე დგანან და ფიქრობენ, რომ გაურკვეველია, იცოდნენ თუ არა მეფის კარისკაცებმა კლავდიუსის მზაკვრული ჩანაფიქრის შესახებ.

მიუხედავად აქ მოყვანილი მოსაზრებებისა, ეს საკითხი მეტ შეხწავლას საჭიროებს, რადგან, როგორც კვლევამ აჩვენა, შექსპირის როზენკრანცსა და გილდენსტერნს იმაზე მეტი სცოდნიათ იმ სინამდვილის შესახებ, რაც იმალებოდა პამლეტზე შეთქმული კლავდიუსის მუხანათური წერილის უკან, ვიდრე ეს ერთი შეხედვით ჩანს, რაც მნიშვნელოვნად ცვლის პიესის მოქმედებიდან მათი გაყვანის ლოგიკურ სურათს. მიღებული შედეგის საფუძველზე კი განისაზღვრა, რომ დანიაში დაუყოვნებელი დაბრუნება უფრო მართებული იქნებოდა მათგან, ვიდრე ინგლისისკენ სვლის გაგრძელება. ამ საკითხის გარკვევა მნიშვნელოვანი იყო არა იმდენად შექსპიროლოგიური კვლევის თვალსაზრისით, რამდენადაც წინამდებარე ნაშრომში განხილულ სტოპარდის პიესასთან მიმართებით, რომლის მოქმედება განსაზღვრულია „პამლეტის“ სიუჟეტით. სტოპარდის როზენკრანცი და გილდენსტერნი ახსნას ვერ უძებნიან თითქმის ვერაფერს, რაც მათ გარშემო ხდება. კარისკაცებს ისიც კი ვერ გაუგიათ, რატომ გადაწყდა მათი სიკვდილი. აქ, ცხადია, „პამლეტის“ სცენარი მოქმედებს მათზე, როგორც ერთგვარი მისტიკური დეტერმინისტული ძალა. მიუხედავად იმისა, რომ პიესის პროტაგონისტებს არ სურთ სიკვდილი, ისინი არ ცდილობენ თავის გადარჩენას და ემორჩილებიან ბედს, რადგან თვით ბედისადმი მათი მორჩილებაც თითქოს დეტერმინირებულია. რაკი ირკვევა, რომ საკუთრივ შექსპირის როზენკრანცსა და გილდენსტერნს შეეძლოთ, გაეცნობიერებინათ უპამლეტოდ ინგლისში მოგზაურობის გაგრძელების აბსურდულობა და რაკი არავითარი ხელშესახები გარემოება არ ჩანს, რაც აიძულებდა მათ ასეთი სულელური არჩევნის გაკეთებას, გამოდის, რომ ისინიც, ისევე, როგორც სტოპარდის პროტაგონისტები, მეკობრეების ეპიზოდთან არც ისე გამართული „პამლეტის“ სცენარის დეტერმინისტული ძალის მსხვერპლნი ყოფილან, რითაც უკვე მეტადრამატულ განზომილებაში გადავდიგართ.

შექსპირის როზენკრანცისაგან და გილდენსტერნისაგან განსხვავებით, სტოპარდის პროტაგონისტები ცოტათი სულელებად გამოიყურებიან. მკვლევართა

უმრავლესობა (ბლუმი 2003: 17; ჰანტერი 2000: 32; ჯერნიგანი 2012: 19) ამას მეტნაკლებად ერთგვარი მიზეზით ხსნის, კერძოდ, იმით, რომ სტოპარდის ოზენკრანცმა და გილდენსტერნმა როგორც „ჰამლეტიდან“ ნასესხებმა პერსონაჟებმა მხოლოდ შექსპირის მიერ მათვის დაწერილი როლის შესრულება იციან ჯეროვნად; ამ როლის მიღმა კი ისინი გზააბნეულნი და მიუხვედრელნი ხდებიან. თუმცა ჰამლეტის გარეშე ინგლისისკენ მიმავალი შექსპირის ოზენკრანციც და გილდენსტერნიც სულელებს ემსგავსებიან, თუკი არ დავუშვებთ, რომ ეს „ჰამლეტის“ ფაბულის ხარვეზმა განაპირობა.

ამრიგად, „ჰამლეტის“, „ულისესა“ და პიესის „ოზენკრანცი და გილდენსტერნი მკვდრები არიან“ გარშემო შექმნილი სამეცნიერო-კრიტიკული დიტერატურის ანალიზი, ერთი მხრივ, ცხადყოფს, რომ თვით მეცნიერული შესწავლის ისეთი დიდი ისტორიის მქონე ნაწარმოებში, როგორიც შექსპირის „ჰამლეტია“, ჯერ კიდევ შესაძლებელია მივაგნოთ „თეთრ ლაქებს“, სულ ცოტა იმ შემთხვევაში მაინც, თუ პიესას ვიკვლევთ, როგორც მოდერნისტულ და პოსტმოდერნისტულ ლიტერატურაში ჰამლეტური ელემენტების არსებობის საფუძველს. მეორე მხრივ, იკვეთება ისიც, რომ გარკვეული შექსპიროლოგიური კვლევის ჩატარება სასურველია პირველ ეტაპზე, რათა შემდგა მეცნიერული თვალსაზრისით უფრო შედეგიანი იყოს ჰამლეტური თემატიკის შესწავლა მოდერნისტულ და პოსტმოდერნისტულ ლიტერატურაში.

ნაშრომის სამეცნიერო სიახლე, პირველყოვლისა, მდგომარეობს იმაში, რომ მსოფლიო მასშტაბით პირველად იქცა შექსპირის „ჰამლეტი“, ჯოისის „ულისე“ და სტოპარდის „ოზენკრანცი და გილდენსტერნი მკვდრები არიან“ ერთიანი მონოგრაფიული ნაშრომის შესწავლის საგნად. შესაბამისად, ნაშრომში წარმოჩენილია რენესანსული, მოდერნისტული და პოსტმოდერნისტული სულისკვეთებანი, რაც გამოიხატება დისერტაციის სამთავიანობაში, ხოლო ჰამლეტური თემატიკა არის ის, რაც აერთიანებს ამ სულისკვეთებებს ერთ მონოგრაფიულ მთლიანობად. ამგვარმა მიდგომამ საშუალება მოგვცა შექსპირის კველაზე ღრმად და მრავალმხრივ შესწავლილ პიესაში წინა პლანზე წამოგვეწია ისეთი საკითხები, რომლებიც საჭიროობო იქნებოდა ჩვენ მიერ განხილულ ჯოისის რომანსა და სტოპარდის პიესაში. განსაკუთრებით ეს შეიძლება ითქვას სტოპარდის პიესასთან მიმართებით, რომლის შესწავლის შემზადებამაც საკმაოდ ვრცელი და ორიგინალური შექსპიროლოგიური კვლევის ჩატარებას მისცა ბიძგი „ჰამლეტის“ მეორადი პერსონაჟების, ოზენკრანცისა და

გილდენსტერნის გარშემო, რამაც თავის მხრივ, ნათელი მოპფინა არაერთ მნიშვნელოვან საკითხს სტოპარდის პიესის შესწავლისას.

სადისერტაციო თემის აქტუალობა იმთავითვე განსაზღვრულია საქუთრივ პამლეტური პრობლემატიკის მუდმივი აქტუალურობით როგორც სამეცნიერო, ისე ხელოვნების სხვადასხვა სფეროში. ნაშრომის აქტუალობას აგრეთვე განაპირობებს პამლეტური თემატიკის განხილვა მოდერნისტული და პოსტმოდერნისტული ლიტერატურის გადმოსახედიდან, ისეთი მნიშვნელოვანი მხატვრული ნაწარმოებების მაგალითზე, როგორიცაა ჯოისის „ულისე“ და სტოპარდის „როზენკრანცი და გილდენსტერნი მკვდრები არიან“. ამ გარემოებამ, ბუნებრივია, წინ წამოსწია ნაშრომში პამლეტურ პრობლემატიკასთან XX საუკუნის ადამიანისა და მისი ყოფიერების მიმართების საკითხი, რაც გულისხმობს როგორც მოდერნისტული და პოსტმოდერნისტული ეპოქების თვალით დანახულ პამლეტს, ისე პამლეტური იდეალების თვალთახედვიდან დანახულ XX საუკუნის ადამიანს. უკანასკნელი გარემოება კვლავდაკვლავ მიანიშნებს სადისერტაციო ნაშრომის პირველი, შექსპირული თავის მნიშვნელობაზე ჯოისურ და სტოპარდულ თავებთან მიმართებით.

ნაშრომის თეორიული დირექტულება მდგომარეობს როგორც მოდერნისტული და პოსტმოდერნისტული თვალთახედვიდან რენესანსული პამლეტური ფენომენის შესწავლაში, ისე პამლეტური პრობლემატიკის გადმოსახედიდან მნიშვნელოვანი მოდერნისტული და პოსტმოდერნისტული ლიტერატურული ტექსტის მხატვრულ და მსოფლმხედველობრივ თავისებურებათა გააზრება-გაანალიზებაში. ამდენად, ნაშრომი წარმოადგენს შექსპიროლოგიური, ჯოისოლოგიური და სტოპარდის შემოქმედებასთან დაკავშირებული კვლევის თავისებურ სინთეზს, რომელიც, პირველყოვლისა, მიღწეულია საერთო პამლეტური თემატიკის შედეგად.

ნაშრომის პრაქტიკული დირექტულება განისაზღვრება იმით, რომ მისი შედეგების გამოყენება შესაძლებელი და სასარგებლო იქნება არა მხოლოდ ლიტერატურის სპეციალისტებისათვის, არამედ შექსპირის, ჯოისისა თუ სტოპარდის შემოქმედებით დაინტერესებული მკითხველისთვისაც. ნაშრომი ასევე გარკვეულ სარგებელს მოუტანს მოდერნისტული თუ პოსტმოდერნისტული ესთეტიკით დაინტერესებულ ნებისმიერ პირს. კვლევის შედეგების გამოყენება შესაძლებელია შექსპირის, ჯოისისა და სტოპარდის შემოქმედებისადმი მიძღვნილ სალექციო კურსებში, უმაღლესი განათლების სამივე (საბაკალავრო, სამაგისტრო, სადოქტორო) საფეხურზე.

სადისერტაციო ნაშრომის მეთოდოლოგიურ და თეორიულ საფუძველს შეადგენს შექსპირის, ჯოისისა და სტოპარდის შემოქმედების გარშემო შექმნილი მნიშვნელოვანი სამეცნიერო-კრიტიკული ლიტერატურა, გარკვეულწილად აგრეთვე – ლიტერატურათმცოდნეობითი ხასიათის სამეცნიერო ლიტერატურა ინგლისური რენესანსის, მოდერნიზმისა და პოსტმოდერნიზმის შესახებ.

ნაშრომში სხვადასხვა დოზით გამოყენებულია კვლევის რამდენიმე მეთოდი, მათ შორის, აღწერილობითი, ანალიზურ-სინთეზური, შედარებით-შეპირისპირებითი, კონტექსტუალურ-ინტერტექსტუალური და პერმენევტიკის ზოგიერთი მეთოდი. მეთოდოლოგიური მრავალფეროვნება, ბუნებრივია, განაპირობა საკვლევი მასალის სირთულემ და მასშტაბურობამ.

დისერტაციაში „ჰამლეტსა“ და მასში დადგმულ „გონზაგოს მკვლელობას“ შორის არსებული მეტადრამატული მიმართების განხილვისას, შემოგვაქვს პირობითი ტერმინი „მეტაჰამლეტი“. ამ ტერმინით აღვნიშნავთ არაფიქციურ რეალობას, ჩვენს სინამდვილეს, რომელიც თავისი არსით იმავე მეტადრამატულ მიმართებაშია პიესა „ჰამლეტთან“, როგორშიც „ჰამლეტია“ პიესა „გონზაგოს მკვლელობასთან“.

სტოპარდის პროტაგონისტების მეტადრამატული გათვითცნობიერებულობის შესწავლისას ტერმინში „ქვეცნობიერი“ ვგულისხმობთ „ცნობიერსა“ და „არაცნობიერს“ შორის არსებულ მდგომარეობას, ანუ გაცნობიერების ზღვარზე ყოფნას. „ქვეცნობიერისა“ და „არაცნობიერის“ ამგვარი დიფერენციაცია აუცილებლად მივიჩნიეთ, რადგან იმ მოვლენათა და გარემოებათა შორის, რომლებსაც სტოპარდის როზენკრანცი და გილდენსტერნი ან აცნობიერებენ, ან ვერ აცნობიერებენ, კიდევ არის ისეთებიც, რომლებსაც ისინი ლამის თუ თითქმის აცნობიერებენ.

დისერტაციის სტრუქტურა ლოგიკურად განსაზღვრა წინამდებარე კვლევის სამპლანირობამ, კერძოდ, შექსპიროლოგიურმა, ჯოისოლოგიურმა და სტოპარდის შემოქმედებასთან დაკავშირებულმა ასპექტებმა. შესაბამისად, ნაშრომი შედგება შესავლის, სამი თავისა და დასკვნებისაგან. ასევე დართული აქვს გამოყენებული ლიტერატურის სია, სულ 104 დასახელება.

შესავალში მოცემულია შესასწავლი საკითხის ზოგადი დახსასიათება, განსაზღვრულია კვლევის მიზანი; მიმოხილულია პრობლემის გარშემო არსებული ძირითადი სამეცნიერო-კრიტიკული წყაროები; წარმოჩენილია დისერტაციის სიახლე და აქტუალობა, მისი თეორიული და პრაქტიკული

მნიშვნელობა; გაცხადებულია პვლევის მეთოდოლოგია და წარმოდგენილია ნაშრომის სტრუქტურის მოკლე აღწერა.

პირველ თავში განხილულია შექსპირის „ჰამლეტი“. ყურადღება გამახვილებულია არა მარტო პიესის დრამატულ დირექტულებაზე, არამედ აგრეთვე მის მეტადრამატულ მნიშვნელობაზე. ამის საფუძველს იძლევა პიესაში დადგმული პიესა „გონზაგოს მკვლელობა“, რომელიც პირდაპირ ირეკლავს „ჰამლეტში“ აღწერილ მხატვრულ სინამდვილეს და ამ გზით მას უკვე ჩვენი ნამდვილი სინამდვილის ანარეკლად წარმოაჩენს. მიმოხილულია ჰამლეტის გარდაცვლილი მამის აჩრდილის რეალურობა-ჰალუციურობის საკითხი. გაზიარებულია მოსაზრება მისი ნამდვილობის შესახებ და ეს აზრი გამყარებულია დამატებითი არგუმენტაციით. გაანალიზებულია უფლისწული ჰამლეტის პერსონაჟი პიესის სხვა პერსონაჟებთან კავშირში. პირველყოვლისა, ხაზგასმულია, რომ მის სულში არ არის კლავდიუსური მსოფლხედვის ჩამოყალიბების ხელშესახები საფუძველი. ასევე წარმოჩენილია, რომ ჰამლეტი, მიუხედავად გერტრუდთან და ოფელიასთან გართულებული ურთიერთობისა, სულაც არ არის ქალთმოძულე, როგორც ის ზოგჯერ აღიქმება ხოლმე. განსაკუთრებულად ვრცლად ამ თავში შესწავლილია პიესის მეორეხარისხოვანი პერსონაჟების როზენკრანცისა და გილდენსტერნის მიმართება ჰამლეტთან და იმ შეთქმულებასთან, რომელიც მეფე კლავდიუსმა შეიმუშავა უფლისწულის წინააღმდეგ. გამოკვლეულია, რა შეიძლება სცოდნოდათ მეფის კარისკაცებს იმ წერილის შინაარსიდან, რომელიც კლავდიუსმა გაატანა მათ ინგლისის მეფისათვის გადასაცემად და გამოვლენილია, რომ ეს ცოდნა საკმარისი იყო ჰამლეტის გარეშე ინგლისისკენ მოგზაურობის გაგრძელების უაზრობის დასანახად, მაგრამ, როგორც ჩანს, მათი აბსურდული გადაწყვეტილების საფუძვლები მეტადრამატულ სამყაროშია საძიებელი.

მეორე თავი შეისწავლის „ჰამლეტის“ ასოციაციურ გააზრებას ჯეიმზ ჯოისის მოდერნისტულ რომანში „ულისე“. უფლისწულ „ჰამლეტს“ რომანში სტივენ დედალოსი შეესაბამება და აქედან გამომდინარე, პირველ რიგში, ამ თრ პერსონაჟს შორის არსებულ ასოციაციურ ჰარალელებს განვიხილავთ. ჰარალელები ხშირად კონტრასტული ხასიათისაა და ზოგჯერ მათ საკმაოდ გროტესკულ პაროდიამდევ მივყავართ. განხილულია ასევე სტივენის „შექსპირული თეორია“, რომელშიც წამყვანი როლი სწორედ პიესა „ჰამლეტს“ უკისრება. რაკი სტივენი უფლისწული ჰამლეტის ჰაროდიაა, მის მიმართ

მამობრივად გამსჭვალული „ულისეს“ მთავარი პროტაგონისტი ლეოპოლდ ბლუმი რომანში ჰამლეტის მამის პაროდირებულ აჩრდილად წარმოგვიდგება. შესაბამისად, შესწავლილია ამ პერსონაჟებს შორის არსებული ასოციაციურ-პაროდიული მიმართებაც, რომელიც ძირითადად ასევე კონტრასტული ხასიათისაა. ნაჩვენებია, რომ სტივენის და ბლუმის სახით საქმე გვაქვს მორალურად დეგრადირებულ „ჰამლეტთან“ და ასეთსავე „აჩრდილთან“. ამით კი პირდაპირ მინიშნებულია მოდერნიზმის სკეპტიკური დამოკიდებულება რენესანსის ჰუმანისტური ღირებულებებისადმი.

მესამე თავში გამოკვლეულია ტომ სტოპარდის ექსპერიმენტული პიესა „როზენკრანცი და გილდენსტერნი მკვდრები არიან“, რომელიც შექსპირის „ჰამლეტის“ პოსტმოდერნისტულ გადაზრებას წარმოადგენს. შესწავლილია შექსპირისა და სტოპარდის ტექსტებს შორის არსებული მიმართება. წარმოჩენილია, რომ შექსპირის როზენკრანცისა და გილდენსტერნის მიერ ინგლისისკენ უჰამლეტოდ მოგზაურობის გაგრძელებას მნიშვნელოვანი როლი აკისრია სტოპარდის პიესის დეტერმინისტული თემატიკისა და აგებულების განსაზღვრაში. იკვეთება, რომ სტოპარდის პროტაგონისტებს აქვთ არაცნობიერი თუ ქვეცნობიერი განცდა მეტადრამატული სინამდვილისა, ხოლო ამ სინამდვილეს სრულად აცნობიერებს პიესაში წარმოდგენილი მსახიობთა დასის მთავარი მსახიობი, რომლის ვინაობა სტოპარდმა, სავარაუდოდ, შექსპირს დაუკავშირა. განხილულია სიკვდილის თემა; გაურკვევლობის, უმიზნობისა და მეხსიერების პრობლემა. შესწავლილია პიესის ძირითადი პოსტმოდერნისტული მახასიათებლები და ნაჩვენებია, რომ შექსპირულ-ჰამლეტური მაღალი ფასეულობები ზუსტად ისევე მკვდარია პოსტმოდერნიზმისთვის, როგორც „როზენკრანცი და გილდენსტერნი მკვდრები არიან“.

დასკვნებში შეჯამებულია ჩატარებული კვლევის ძირითადი შედეგები. დასკვნითი ნაწილი მოიცავს როგორც შექსპიროლოგიური, ჯოისოლოგიური და სტოპარდის შემოქმედებასთან დაკავშირებული კვლევის შედეგად მიღებულ ყველაზე მნიშვნელოვან შედეგებს, ისე ზოგად დასკვნებსაც მთელ სადისერტაციო თემატიკასთან მიმართებით.

სადისერტაციო ნაშრომში შესწავლილი საკითხები და კვლევის შედეგები წარმოდგენილი იყო სხვადასხვა სამეცნიერო კონფერენციაზე და დაიბეჭდა საერთაშორისო რეფერირებად ჟურნალებსა და შექსპირის შემოქმედებისადმი მიძღვნილ საერთაშორისო სამეცნიერო კონფერენციის კრებულში.

1. „პამლეტის“ პრობლემატიკა

1.1. „პამლეტის“ მოდერნისტული და პოსტმოდერნისტული გააზრების ზოგიერთი ასპექტი

როგორც ნიკო ყიასაშვილი შენიშნავს, „პამლეტური პრობლემა სრულიად სამართლიანად ითვლება შექსპირის შემოქმედების ცენტრალურ პრობლემად. „პამლეტში“ ყველაზე ნათლად, ყველაზე ღრმად არის ასახული დრამატურგის ჰუმანისტური მსოფლმხედველობა, მისი რწმენა ადამიანის უზომო შესაძლებლობისადმი და ამავე დროს ამ შესაძლებლობათა განხორციელების ჩაკვლის ტრაგიკული შეგრძნობა“ (ყიასაშვილი 1959: 185). „პამლეტით“, ფაქტობრივად, შექსპირის შემოქმედების ტრაგიკული ხანა იწყება. ეს ის ეტაპია, როდესაც დრამატურგი პირველად დაუჭვდა ადამიანში. ეს ის მომენტია, როდესაც მან უფრო ღრმად ჩაიხედა მის სულში და ნათლად გააცნობიერა, რომ ადამიანი ვერ ამართლებს ჰუმანიზმის იდეალებს, რომ იშვიათი გამონაკლისია ჰორაციო, როზენკრანც-გილდენსტერნებით კი სავსეა ქვეყანა. ადამიანურ სამყაროში შექსპირის ამ ჩაღრმავების გამოძახილია სწორედ „პამლეტის“ ეპონიმური პროტაგონისტის, დანიის უფლისწულის ტრაგიკული განცდა და პესიმისტური ფილოსოფიური მსჯელობანი, რამაც განხილულ პიესას ზოგადსაკაცობრიო მნიშვნელობა მისცა. მიუხედავად იმისა, რომ „პამლეტი“ არ არის უმთავრესად რელიგიური პიესა, როგორც ამას ფილიპ ედუარდსი (შექსპირი 2003: 50) მიიჩნევს, ის მაინც ქრისტიანული მოტივების გამორჩეულად მატარებელი ტრაგედიაა, როგორც ამაზე რეჯისალდ ფოუკსი (ფოუკსი 1993: 173) მიანიშნებს. ცხადია, ეს გარემოება პიესას ერთგვარ ზედროულობას ანიჭებს. „პამლეტის“ გავლენის მასშტაბურობას მისი მკაფიო მეტადრამატულობაც განაპირობებს, რაც მიღწეულია პიესაში დადგმული პიესით „გონზაგოს მკვლელობა“, რომელიც მიახლოებით იმეორებს და ბაძავს „პამლეტის“ მოვლენებს. ამ გზით შექსპირი ამცირებს ზღვარს მხატვრულსა და ნამდვილ სინამდვილეს შორის და ცდილობს უფრო ახლოს მოიყვანოს „პამლეტში“ ასახული სამყარო მკითხველთან და მაყურებელთან, რასაც უდავოდ ახერხებს პიდეც დღემდე.

პოლ კანტორი (კანტორი 2004: ix) „პამლეტისადმი“ მიძღვნილ თავის წიგნში უწევდებას ამახვილებს ამ პიესის უნივერსალურ ხასიათზე. იგი მიიჩნევს, რომ

„ჰამლეტს“ უნიკალური ადგილი უჭირავს მსოფლიო ლიტერატურაში და იმყოფება „ანტიკური და თანამედროვე ლიტერატურის გზაჯვარედინზე“¹ (ix). მისი აზრით, ჰამლეტს ბევრი რამ აკავშირებს თანამედროვეობასთან თავისი კითხვებითა და ეჭვებით, და ამავე დროს, მის ამბავს ბევრი საერთო აქვს დასავლური ლიტერატურის სათავეებთან თავისი შურისძიებისა და სისხლის აღების ისტორიით. აქედან გამომდინარე, კანტორი ასკვნის, რომ „ჰამლეტს“ აქვს პასაჟები, რომლებიც „ილიადას“ მოგვაგონებს, და ამავე დროს, თითქოს მოეპოვება ადგილები, რომლებიც წააგავს ბეკეტის პიესას „გოდოს მოლოდინში“.

როგორც თემურ კობახიძე აღნიშნავს, „თანამედროვეობისათვის თვით შექსპირის შემოქმედება სხვა არაფერია, თუ არა მის შესახებ დღეს არსებული ცოდნა, მისი თანამედროვე ინტერპრეტაცია, მისი დღვანდელი „წაკითხვა“, რაც ძალიან განსხვავდება შექსპირის დროინდელი აღქმისგან“ (კობახიძე 2015: 10). მსგავს მოსაზრებას გამოთქვამს ჰაროლდ გოდარდი (გოდარდი 1960: 331) ზოგადად ხელოვნების ნაწარმოებზე, რომელშიც ყველა საკუთარ ანარეკლს ხედავს, როგორც სარკეში. ამ მოვლენის გამოვლენის ყველაზე თვალსაჩინო მაგალითად მას სწორედ შექსპირის „ჰამლეტი“ ესახება. „თითქოს „ჰამლეტი“ თვითონვეა პიესა პიესაში. „გონზაგოს მკვლელობა“ ერთს ნიშნავდა უფლისწულისთვის, მეორეს – მეფისთვის, და კიდევ სხვას – დედოფლისთვის, პოლონიუსისთვის, ოფელიასთვის და დანარჩენებისთვის. ზუსტად ასეა ჩვენთვის „ჰამლეტიც“ (გოდარდი 1960: 331). ამ ფენომენის საინტერესო ახსნას გვაძლევს ასევე რობერტ უოტსონი (ბრაუნმიულერი ... 2003: 320). მისი აზრით, ეს პიესა მოხერხებულად გვაჯერებს, რომ ჩვენც ჰამლეტივით ტრაგიკული გმირები ვართ, რადგან თუ მეგობარმა გვიდალატა როზენკრანც-გილდენსტერნივით, ან თუნდაც სატრფომ ზურგი გვაქცია ოფელიასავით, ეს უკვე დაგვაფიქრებს ადამიანური სამყაროს დამახინჯების მიზეზებზე, რითაც დავემსგავსებით კიდეც ჰამლეტს.

„ჰამლეტისადმი“ მიძღვნილ ესეში (*Hamlet and His Problems*) ტომას ელიოტი (ელიოტი 1998: 57-58) ამ პიესას შექსპირის შემოქმედებით წარუმატებლობად აცხადებს, რადგან მიიჩნევს, რომ ჰამლეტის ტრაგიკულ განცდას არ მოეპოვება პიესის სამყაროში ობიექტური კორელატი.² მისი აზრით, უფლისწულის ემოცია

¹ აქ და შემდგომ ინგლისურენოვანი სამეცნიერო-კრიტიკული ლიტერატურიდან მოყვანილი ციტატების თარგმანი ეკუთვნის დისერტაციის ავტორს.

² ობიექტური კორელატი (objective correlative) – ტომას ელიოტის მიერ ამავე ესეში შექმნილი ტერმინი, რომელიც გულისხმობს აქრსონაჟის შინაგანი განცდის შესატყვის გარეგან მოვლენათა ერთობლიობას პიესის მხატვრულ თბიექტურ სამყაროში.

აჭარბებს იმ ფაქტებს, რაც მის გარშემო ხდება. ელიოტი ფიქრობს, რომ გერტრუდის დანაშაულის სიმძიმე ვერ შეესატყვისება და მკვეთრად ჩამოუვარდება პამლეტის შინაგანი განცდის სიმძიმეს დედამისის საქციელზე. აქედან გამომდინარე, იგი ასკვნის, რომ უფლისწული ახსნას ვერ უძებნის თავის გრძნობებს და სწორედ ეს უწამლავს მას ცხოვრებას და ხელს უშლის მოქმედებაში.

ჯონ დოუგერ უილსონი (უილსონი 1951: 307-308) მართებულად ეწინააღმდეგება ელიოტის მოსაზრებას, როდესაც შენიშნავს, რომ გერტრუდის საქციელი არ შემოიფარგლება მხოლოდ ქმრის გარდაცვალების შემდგომ ნაჩქარევი ქორწინებით, არამედ ის შეიცავს ისეთ საშინელ სიბილწეს, როგორიცაა სისხლის აღრევა, რაც შექსპირის დროს, უილსონის თქმით, კიდევ უფრო მძაფრადაც აღიქმებოდა, ვიდრე ელიოტის თანამედროვეობაში. ამის გათვალისწინებით და აგრეთვე პამლეტის მამის აჩრდილის ნაამბობის მხედველობაში მიღებით, უილსონი თვლის, რომ პამლეტის მძიმე სულიერ მდგომარეობას უდავოდ მოეპოვება შესატყვისი სიმძიმის ფაქტები პიესის მხატვრულ სამყაროში.

მარვინ პანგი (პანგი 2007: 2) მეცნიერული არგუმენტაციის სანაცვლოდ, „პამლეტის“ უბადლო წარმატებულობას უსვამს ხაზს მსოფლიო სცენაზე მისი დაწერიდან დღემდე და ასე უბრალოდ ცდილობს გააბათილოს ელიოტის მტკიცება, რომ ეს პიესა შექსპირის შემოქმედებითი მარცხია. და მართლაც, თავად ელიოტის ტერმინოლოგიითვე რომ ვთქვათ, „პამლეტის“ მხატვრულ დირექტულებას დღიდან შექმნისა მუდამ მოეპოვება სერიოზული ობიექტური კორელატი როგორც შემოქმედებით, ისე სამეცნიერო სფეროში მისდამი გაუნელებელი ინტერესის სახით. ამის ნათელი დადასტურებაა თუნდაც ჯოისის „ულისე“, რომელიც სწორედ იმ ხანებში იწერებოდა და ნაწილ-ნაწილ გამოდიოდა ამერიკულ ჟურნალში *The little Review*, როცა ელიოტმა დაწერა და გამოაქვეყნა თავისი ესე „პამლეტზე“. თვით ამ ესეს შექმნაც „პამლეტის“ წარმატებულობის ერთგვარი გამოძახილია. იმავე ელიოტის ლექსი „ჯ. ალფრედ პრუფროკის სასიყვარულო სიმღერა“ [*The Love Song of J. Alfred Prufrock* (1917)] კი ერთგვარად წინასწარმეტყველებს ნახევარი საუკუნის შემდეგ შექსპირის „პამლეტზე“ დაფუძნებული სტოპარდის ექსპერიმენტული პიესის „როზენკრანცი და გილდენსტერნი მკვდრები არიან“ შექმნას თავისი შემდეგი სიტყვებით: “No! I am not Prince Hamlet, nor was meant to be; / Am an attendant lord....” (ელიოტი 1963: 7)

[„არა! მე არ და ვერც ვიქებოდი უფლისწული პამლეტი; მე მხლებელი ვარ....“].

ამრიგად, ელიოტის დამოკიდებულება „პამლეტისადმი“ მოკლებულია მყარ მეცნიერულ საფუძველს და მეტწილად იგი მისი, როგორც პოეტის, ესთეტიკური ხედვის გამოძახილია. თემურ კობახიძე მართებულად შენიშნავს, რომ კრიზისული ხანის მოდერნისტი ხელოვანისთვის, პაროდისტისა და სკეპტიკოსი ელიოტისთვის მიუღებელი აღმოჩნდა რენესანსული პუმანისტური მსოფლხედვის მთლიანობა და მაღალი პათოსი, „რომელსაც მისთვის პამლეტი განასახიერებდა“ (კობახიძე 2004: 41). აქედან გამომდინარე, პამლეტის განცდები და საქციელი ელიოტს ხელოვნური და გაზვიადებული ქმნება.

ადსანიშნავია, რომ შექსპირი, სინამდვილეში, ბევრად უფრო შორს მიდის „პამლეტი“, ვიდრე ეს ელიოტს წარმოუდგენია. დრამატურგი არა მარტო პიესის სამყაროში გვაძლევს პამლეტის სულიერი განცდის ობიექტურ კორელატს, არამედ ჩვენს ნამდვილ სამყაროშიც მიგვითოთებს მსგავსი განცდის გამომწვევი კორელატის არსებობაზე, როდესაც თავის პიესაში უფლისწულს ადგმევინებს „პამლეტის“ მოვლენების სარკესავით ამრეკლავ პიესას. ამგვარი მეტადრამატიზმის შედეგად კი, რაც უფრო მეტად ხედავს „პამლეტის“ პიოთხველი თუ მაყურებელი ჩვენს სამყაროში მსგავს კორელატს ამა თუ იმ მოვლენის სახით, მით უფრო უახლოვდება მისი შინაგანი განცდა პამლეტისას. ასე და ამგვარად, შექსპირი იმ მეტადრამატული ობიექტური კორელატის არსებობაზე მიგვანიშნებს ჩვენს სამყაროში, რომლის პოვნაც აუცილებელია იმისათვის, რომ სათანადოდ ჩავწევდეთ პამლეტის შინაგან განცდას და არ მოგვეჩვენოს, რომ პიესის მხატვრული სამყარო განიცდის უფლისწულის შინაგანი განცდის ობიექტური კორელატის უკმარისობას. და როდესაც პამლეტი „გონზაგოს მკვლელობის“ წარმოდგენამდე ავალებს მსახიობებს, რომ სცენაზე მათი სიტყვა და ქმედება შეეფერებოდეს ერთმანეთს და ორივე ერთად კი სარკისებური ბუნებრიობით შესაბამებოდეს სინამდვილეს (იხ. შექსპირი 2003: 3.2.15-19; შექსპირი 1987: 352) – ეს ელიოტის ტერმინოლოგიური ენით, სხვა არაფერია, თუ არა მსახიობებისადმი უფლისწულის მოწოდება ობიექტური კორელატის მხედველობაში მიღებისკენ სცენაზე თამაშის დროს.

„პამლეტში“ დადგმული „გონზაგოს მკვლელობა“ ფაქტიურად ელსინორის კარზე მომხდარი მოვლენების ხელახლი გათამაშებაა. როგორც ზემოთაც

¹ ციტატის თარგმანი ეკუთვნის დისერტაციის ავტორს.

აღვნიშნეთ, შექსპირი ამით ცდილობს შეამციროს ზღვარი „პამლეტის“ მხატვრულ სამყაროსა და ჩვენს ნამდვილ სამყაროს შორის, რათა ხაზი გაუსვას ამ სამყაროების ურთიერთმსგავსებას და ჩვენი ხედვა უფრო დაუახლოვოს პიესის პროტაგონისტის ხედვას. ამგვარი მეტადრამატიზმი კი გვიძიძგებს დავფიქრდეთ იმაზე, თუ სად გადის საერთოდ ზღვარი რეალობასა და ფიქციას შორის.

ჯინი მური (მური 2000: 51-58) საგანგებო ყურადღებას ამახვილებს „პამლეტის“ მეტადრამატულობაზე და მასში დადგმული პიესის შედეგად ჩვენს სინამდვილესა და მხატვრულ სინამდვილეს შორის გაბუნდოვანებულ ზღვარზე. ამ ბუნდოვანებას იგი პოსტმოდერნულ ორაზროვნებასაც კი ამსგავსებს. მკვლევარი მიანიშნებს, რომ „პამლეტის“ მეტადრამატიზმი მიისწრაფვის ერთმანეთთან გაათანაბროს მხატვრული და ნამდვილი სინამდვილე, შინაგანი და გარეგანი სამყარო, მსახიობი და მაყურებელი, და ამით ერთგვარი დეკონსტრუქცია მოახდინოს მათ შორის არსებული განსხვავებებისა. თუმცა, მისი აზრით, „პამლეტი“ ბოლომდე არ შლის და არ აქრობს თეატრალურსა და ნამდვილს შორის არსებულ ზღვარს, რათა ამ ზღვარის გაბუნდოვანების პარალელურად, შეგვასხვნოს, რომ მაინც არსებობს მიჯნა დრამატულსა და მეტადრამატულს შორის.

„პამლეტის“ მეტადრამატულობით გამოწვეული ორაზროვნება ეხმიანება მისი ეპონიმური პროტაგონისტის ორაზროვან დამოკიდებულებას სინამდვილისადმი. უფლისწულიც ცდილობს გაიგნოს გზა ყოფნასა და არყოფნას შორის, სინამდვილესა და მოჩვენებითობას შორის, გულწრფელობასა და თამაშს შორის. ამდენად, დიდი მიხვედრა არ სჭირდება იმას, რომ „პამლეტის“ მეტადრამატულ ასპექტს პიესის ინტერპრეტაციისთვის საკვანძო როლი აქვს. იგი თვით პროტაგონისტის შინაგან დრამას უკავშირდება და მასთან მიმართებით ჩვენს (მაყურებლისა თუ მკითხველის) შინაგან სამყაროს ერთგვარ მეტადრამადაც კი წარმოაჩენს. ამ ყველაფრიდან გამომდინარე, ნაშრომის შემდგომი ქვეთავი „პამლეტის“ მეტათეატრალურობის საკითხს დაეთმობა, კერძოდ კი, განიხილება პიესაში დადგმული პიესა „გონზაგოს მკვლელობა“ და მისი მეტადრამატული დანიშნულება „პამლეტში“.

1.2. „ჰამლეტი“ და მეტათეატრი

„ჰამლეტისა“ და „გონზაგოს მკვლელობის“ სიუჟეტებისათვის, შესაბამისად, შექსპირიცა და ჰამლეტიც არსებულ წყაროებს მიმართავენ.¹ შექსპირი, რომელიც გლობუსის თეატრში, გადმოცემით, ჰამლეტის მამის აჩრდილის როლს ასრულებდა, არა მხოლოდ ავტორად, არამედ „ჰამლეტის“ პირველ რეჟისორადაც შეგვეძლო მოგვეაზრებინა.² მის მსგავსად, ჰამლეტიც დგამს „ჰამლეტში“ „გონზაგოს მკვლელობას“ და გარკვეული ცვლილებებიც შეაქვს მასში. როგორც მარვინ ჰანტი ამბობს, „გონზაგოს მკვლელობაში“ თორმეტი თუ თექვსმეტი სტრიქონის ჩამატებით, ჰამლეტი, ასე ვთქვათ, „ჰამლეტის“ თანაავტორი ხდება“ (ჰანტი 2007: 213). თუმცა ამ პიესის დადგმის იდეა მამის აჩრდილის მონაყოლმა ამბავმა ჩააწერა.

აჩრდილთან საუბრის შემდეგ ჰამლეტი ეუბნება ჰორაციოსა და მარცელუსს: „Touching this vision here, / It is an honest ghost, that let me tell you“ (შექსპირი 2003: 1.5.137-8) [„მოჩვენებას რაც შეეხება, – პატიოსანი ხული არის ივი, – ძერწმუნეთ“³ (შექსპირი 1987: 336)]. მიუხედავად ამისა, ჰამლეტს მაინც სჭირდება სრული დარწმუნება იმაში, რომ აჩრდილი ნამდვილად მამამისია და არა მის დასაღუპად მოვლენილი ბოროტი სული. ამიტომ, სულაც არ არის გასაკვირი, რომ ჰამლეტი, რომელიც ამბობს: „Man delights not me – no, nor woman neither“ (შექსპირი 2003: 2.2.290-1) [„აღარც კაცის ნახვა მიამება, აღარც ქალისა“ (შექსპირი 1987: 344)], უცბად უზომოდ ნაამები რჩება, როდესაც როზენკრანცი აუწყებს მოხეტიალე მსახიობთა დასის ელსინორში ჩამობრძანებას. ახლა მას შეუძლია კლავდიუსის თვალშინ ამ მსახიობებს გაათამაშებინოს აჩრდილის მონათხობი ამბის მსგავსი წარმოდგენა და საბოლოოდ დაადგინოს სიმართლე. ასეთ წარმოდგენად კი ჰამლეტს „გონზაგოს მკვლელობა“ ესახება, რომელზედაც იგი დიდ იმედებს ამყარებს: „The play's the thing / Wherein I'll catch the conscience of the

¹ ამ შემთხვევაში საკმარისია „გონზაგოს მკვლელობის“ სიუჟეტური წყაროს მხოლოდ ფიქციური არსებობა ვიზუალისტებთ: როგორც ჰამლეტი გვამცნობს პიესაში, „The story is extant, and written in very choice Italian“ (შექსპირი 2003: 3.2.238) [„ეს ამბავი ნამდვილია და ჩინებულის იტალიურის ენის არის დაწერილი“ (შექსპირი 1987: 356)]. მისი შესაძლო წყაროს რეალური არსებობის შესახებ ის., მაგ., რედმონდი 2009: 18-23.

² ჯონ სტაინი შენიშვნავს: „შექსპირი არ იყო თავისი პიესების რეჟისორი თანამედროვე გაგებით, მაგრამ როცა კი ხელი მიუწვდებოდათ მასზე, რაც ხშირად სცენაზე მოხდებოდა რეპეტიციის დროს, ეს ჩააყენებდა მას არსებითად იმავე პოზიციაში“ (სტაინი 1967: 53).

³ აქ და შემდგომ „ჰამლეტიდან“ მოყვანილი ქართული ტექსტის ინგლისურიდან თარგმანი ეკუთვნის ივანე მაჩაბელს.

king” (შექსპირი 2003: 2.2.557-8) [„ეს წარმოდგენა მე გამიმხელს მეფის სინდისს“ (შექსპირი 1987: 349)].¹

გარდა მეფის სინდისის და აჩრდილის ბუნების გამოაშკარავებისა, პიესა პიესაში აგრეთვე ემსახურება დედოფლის სინდისის გამოღიძებას. ჰამლეტი ცდილობს დაეხმაროს დედამისს საკუთარი „სინდისის დაჭერაში“ და ამავე დროს, აფრთხილებს ოფელიას, არ დაემსგავსოს მას.

ამრიგად, ჰამლეტის „გონზაგოს მკვლელობა“, ისევე როგორც ალბათ შექსპირის „ჰამლეტი“, ასახავს მისი მაყურებლის მორალურ სინამდვილეს. და გასაოცარია, რომ ეს პიესა პიესაში აგრეთვე ცდის საკუთარ მართებულობას: კლავდიუსს რომ არ გამოემუდავნებინა თავისი დანაშაული, აჩრდილის მონათხრობი სიცრუე აღმოჩნდებოდა, „გონზაგოს მკვლელობა“ კი დაკარგავდა თავის მორალურ საფუძველს. ასეთი ურთიერთმიმართების დამყარება ხელოვნებასა და სინამდვილეს შორის ჰამლეტის შემოქმედებითი მიღწევაა. ეს მიგვანიშნებს შექსპირის ანალოგიურ მიღწევაზე „ჰამლეტის“ დაწერისა და დადგმის საქმეში.

„გონზაგოს მკვლელობის“ წარმოდგენამდე, უშაუალოდ „ყოფნა-არყოფნის“ მონოლოგის წინ, კლავდიუსი და პოლონიუსი, ჰამლეტზე თვალთვალის მიზნით, მისი და ოფელიას ვითომ შემთხვევითი შეხვედრის მოწყობას ცდილობენ. ამ ჩანაფიქრის მიმართ პოლონიუსის კრიტიკული რეპლიკის გაგონებაზე, კლავდიუსი ფაქტობრივად უტყდება მკითხველსა და მაყურებელს თავის დანაშაულში:

POLONIUS

.....
..... We are oft to blame in this:
'Tis too much proved, that with devotion's visage,
And pious action, we do sugar o'er
The devil himself.

¹ დედნისეულ ტექსტში უკვე დევს მეფის ფარული შედარება თაგვთან, რომელიც უნდა გააბან ხაფანგში. მოგვიანებით, ჰამლეტი „გონზაგოს მკვლელობას“ მეორე სათაურად „თაგვების მახეს“ უწოდებს, რითაც მიანიშნებს, რომ მეფე თაგვია, რომელიც ამ პიესამ უნდა დაიჭიროს.

CLAUDIUS (*Aside*)

Oh, 'tis too true.

How smart a lash that speech doth give my conscience!

The harlot's cheek, beautied with plastering art,

Is not more ugly to the thing that helps it

Than is my deed to my most painted word.

O heavy burden! (შექსპირი 2003: 3.1.46-54)

პოლონიუს

გასაკიცხნი ვართ თუმც ამისათვის, მაგრამ კი ხშირად
ფარისევლობით, ვითომ სათნო სახის ჩვენებით
ჩვენს ეშმაკეულ ბუნებასაც წმიდანად ვსახავთ.

ხელმწიფე (იქიო)

ოჲ, რასაც ამბობ, მართალია, ყოვლად მართალი!

როგორ მწვავად ჰქიბენს მისი სიტყვა ჩემ სინიდისსა!

ფერ-უმარილით წათხუპნილის როსკიპის სახე

არ არის ისე საზიზდარი, ვით ცოდვა ჩემი,

გამოხვეული ფერად-ფერად სათნო სიტყვებში.

მძიმე ყოფილხარ, ცოდვის ტვირთო! (შექსპირი 1987: 350)

პოლონიუსისთვის დაფარული, ხოლო მკითხველისა და მაყურებლისთვის გაცხადებული ხელმწიფის ამ სიტყვებით შექსპირი მიგვანიშნებს, რომ კლავდიუსი ნამდვილად მკვლელია საკუთარი მმისა, ხოლო აჩრდილი – მართლაც ჰამლეტის მამის სული. მართალია კლავდიუსი აქ არ აცხადებს უშუალოდ რას შეადგენს მისი დანაშაული, მაგრამ მის მიერ ამ დანაშაულის სიმძიმის აღწერა აშკარად მიანიშნებს, რომ საქმე გვაქვს რაღაც საშინელ და მზაკვრულ ცოდვასთან. პოლონიუსის სიტყვებმა უნებლიერ გაპენტლა და ამხილა მეფის სინდისი, მაგრამ გულწრფელი სინანული ვერ აღძრა მასში. მიუხედავად იმისა, რომ ისიც და პოლონიუსიც გრძნობს და ზოგადად აღიარებს სინდისის ფენომენის არსებობას, მაინც ორივე სიყალბის გზას ირჩევს, რადგან

თავიანთი სულმოკლე მიზნების მისაღწევად ეს ფენომენი მხოლოდ დაბრკოლებას წარმოადგენს მათვებს.

პამლეტის ხელმძღვანელობით დადგმული სპექტაკლის შინაარსით შეძრწუნებული კლავდიუსი განმარტოებისთანავე აღიარებს საკუთარი მმის მკვლელობას მკითხველისა და მაყურებლის წინაშე. შემდეგ კი დაიჩოქებს და ლოცვას შეუდგება. ამით მკითხველისთვის და მაყურებლისთვის საბოლოოდ გარკვეულია მეფის დამნაშავეობის საკითხი. ჩვენ სულაც არ გვჭირდება „ხაფანგის სცენაში“ კლავდიუსის სახეზე დაკვირვება, რათა ამოვიცნოთ მისი სინდისის საიდუმლო, როგორც ეს სჭირდება პამლეტს. რაც შექსპირმა ჩვენ მზამზარეულად მოგვართვა, პამლეტისათვის დაფარულია. ამიტომ, აქ საკითხი ასე დგას: შეუძლია თუ არა პამლეტს, დარწმუნებული იყოს მეფის დანაშაულში იმ შედეგით, რაც მოიტანა „გონზაგოს მკვლელობის“ დადგმამ?

წარმოდგენის დაწყებამდე პამლეტი გაესაუბრება მსახიობთა დასის წამყვან მსახიობს (მაჩაბლისეულ პირველ აქტორს) თეატრის როლსა და ფუნქციაზე. ის განუმარტავს მსახიობს თეატრის ჭეშმარიტ მნიშვნელობას და ადარებს მას სარკეს, რომელმაც უნდა აჩვენოს სინამდვილე ზუსტად ისე, როგორიც ის სინამდვილეში არის, რათა მივიღოთ სასურველი ესთეტიკური შედეგი. ამიტომ, პამლეტი ერთგვარი ზომიერებისაკენ მოუწოდებს მსახიობებს: მათ ევალებათ, რომ სიტყვა და მოქმედება ერთმანეთს შეუფერონ, არც ყვირილი მორთონ და არც ზედმეტად მოდუნდნენ. გარდა ამისა, მათ არაფერი არ უნდა დაამატონ ან მოკლონ იმ სცენარს, რომელიც პამლეტმა მოამზადა მათვის, რადგან ამ სცენარმა მაქსიმალურად რეალისტურად უნდა წარმოაჩინოს დანიის სამეფო კარის გარევნილი სამყარო. აჩრდილის ამბავი, რა თქმა უნდა, ზუსტად ისე უნდა გათამაშდეს, როგორც მან ეს უამბო პამლეტს. და მართლაც, როგორც ჯონ დოუვერ უილსონი შენიშნავს, „ბადის სცენა, ნაშეადლევს წაძინება, საწამლავის ბუნება, მოწამვლის მეთოდი, დედოფლის შებმა, გვირგვინის მიტაცება: ყველაფერი დუბლირებულია“ (უილსონი 1951: 140). ერთადერთი მნიშვნელოვანი ცვლილება, რომელიც პამლეტს შეაქვს ამ ამბავში, არის ის, რომ მეფე გონზაგოს მკვლელი, ლუციანუსი, მისი ძმა კი არ არის, არამედ – ძმისშვილი. ამ ცვლილებასთან დაკავშირებით პაროლდ გოდარდი აცხადებს: „მა რომ ყოფილიყო, „გონზაგოს მკვლელობა“ რამდენადმე შეინარჩუნებდა სარკესთან მსგავსებას. ორიოდე მარცვლის დამატებით პამლეტი მენტალურ მახვილს ნამდვილ მახვილად აქცევს და საბოლოოდ, პირდაპირ მუქარად გარდაქმნის

იმას, რაც წარმოსახვითი ექსპერიმენტის სახით დაიწყო“ (გოდარდი 1960: 367). რა თქმა უნდა, ჰამლეტის ასეთი გადაწყვეტილება შეიძლება გავიგოთ, როგორც მისი მუქარა ბიძამისისადმი, მაგრამ ისიც უნდა აღინიშნოს, რომ ამგვარი ცვლილება ერთგვარი აუცილებლობაცაა, რადგან, თუ ლუციანუსი გონზაგოს მმა იქნებოდა, მაშინ გათამაშებული წარმოდგენა, კლავდიუსის სინდისის გამოაშკარავების ნაცვლად, პირდაპირ დაადანაშაულებდა მას მმის მკვლელობაში, რითაც დაკარგავდა კიდეც ჭეშმარიტების დადგენის ფუნქციას. ასეთ შემთხვევაში, ჰამლეტი ვერასდროს გაარკვევდა დადგმულ წარმოდგენაზე მეფის რეაქციის ნამდვილ მიზეზს: ასეთი რეაქცია შეიძლება გამოეწვია როგორც კლავდიუსის დამნაშავეობას, ასევე მის ბრაზს ჰამლეტის უსაფუძვლო და უნამუსო ბრალდებაზე.

გოდარდისგან შემოთავაზებული გამოსავლის გაკრიტიკება არ გულისხმობს იმას, რომ ლუციანუსის მმისწულობა სრულებით არ წარმოადგენს პრობლემას. წარმოდგენის შეჩერების შემდეგ ჰამლეტს შეეძლო საკუთარი თავისთვის შეკითხვა დაესვა: „იქნებ მეფე უდანაშაულოა და მხოლოდ წარმოდგენაში მინიშნებულმა ჩემმა მუქარამ დააფეთა?“ მსგავსი გაუგებრობა არ წარმოიქმნებოდა, ჰამლეტს, შექსპირის ნებით, ლუციანუსი არა გონზაგოს მმად ან მმისწულად, არამედ მის ცოლისმად ან ბიძაშვილად ან თუნდაც ძედ რომ გამოეცხადებინა.¹ ამის ნაცვლად, შექსპირმა მკვლევრებს თავსატეხი დაუტოვა. როგორც ჩანს, მას ძალიან სურდა ჰამლეტის დადგმულ „გონზაგოს მკვლელობას“ ერთდროულად დანიის სამეფო კარის ახლო წარსულის საიდუმლოც გამოემჯდავნებინა და მისი უახლოესი მომავალიც განეჭვრიტა. ზოგადად, წარსულის სწორი გააზრება მომავლის სწორად დაგეგმვის საწინდარია. ამ კონკრეტულ შემთხვევაში კი, თუ კლავდიუსი მართლაც მმის მკვლელია, მაშინ ჰამლეტისგან მისი მოკვდინება დანიის კეთილი მომავლისთვის აუცილებელი ხდება. წარმოდგენაში ამგვარი ორმაგი აზრის ჩადებით შექსპირისგან დემონსტრირებულია თავისი ყველაზე ინტელექტუალი პროტაგონისტის შემოქმედებითი ოსტატობა. გარდა ამისა, უნდა აღინიშნოს ისიც, რომ გათამაშებული წარმოდგენის წარმატებულ შედეგებში ჰამლეტს, ისევე როგორც ჰორაციოს, ოდნავაც ეჭვი არ ეპარება: “O good Horatio, I'll take the ghost's word for a thousand pound. Didst perceive? . . . Upon the talk of the poisoning?”

¹ მის შემთხვევაში, ჰამლეტს ვერავინ დააბრალებდა მამის მკვლელობას, რადგან მამამისის გარდაცვალებისას იგი ვიტენბერგში იმყოფებოდა. გარდა ამისა, ჰამლეტის მამის სიკვდილით არა ჰამლეტმა, არამედ კლავდიუსმა ისარგებლა.

(შექსპირი 2003: 3.2.260-1; 3.2.263) [„ოჲ, ჩემთ კარგო პორაციო. იმ აჩრდილის თითო სიტყვა ათასი ოქრო ღირებულია. შენიშნე? . . . როცა მოწამვლაზე ლაპარაკი დაიწყება...“ (შექსპირი 1987: 357)]. პორაციოც უდასტურებს, რომ ყველაფერი კარგად შენიშნა. ამის შემდგომ, ჰამლეტისგან შურისძიების დაყოვნება უკვე აღარ უკავშირდება ჭეშმარიტების უცოდინობას.

წარმოდგენის შეჩერებიდან რამდენიმე წუთში, შურის საძიებლად გამზადებული ჰამლეტი თავს წაადგება დაჩოქილ და ლოცვაში მყოფ მეფეს. მართალია, უფლისწულს მლოცველი მეფის სიტყვები არ ესმის, მაგრამ საკუთრივ ეს სანახაობა მისთვის ბიძამისის დამნაშავეობის დამატებითი საბუთია, რადგან სხვანაირად ძნელი წარმოსადგენია წარმოდგენის ხილვის შემდეგ კლავდიუსს დაჩოქებისა და ლოცვის სურვილი აღმვროდა.

ამგვარად, მეტადრამატული გადმოსახედიდან, „გონზაგოს მკვლელობაში“ მკვლელის, ლუციანუსის, ნათესაური მიმართება მის მსხვერპლთან, გონზაგოსთან, „ჰამლეტში“ შესაბამება არა კლავდიუსის ნათესაურ მიმართებას მეფე ჰამლეტთან, არამედ უფლისწული ჰამლეტის ნათესაურ მიმართებას კლავდიუსთან; თუმცა ლუციანუსისგან არჩეული მკვლელობის მეთოდი ზუსტად ირეკლავს აჩრდილის მონაყოლ ამბავს და ამიტომ კლავდიუსის ნამოქმედარს შეესატყვისება. “Let the galled jade winch” (შექსპირი 2003: 3.2.220) [„გიხაც ნიორი უჭამია, პირიც იმას დაეწვას“ (შექსპირი 1987: 356)], – ეუბნება ჰამლეტი კლავდიუსს. დადგმულმა წარმოდგენამ ის უნდა შეაწუხოს, ვისი სინდისიც არ არის სუფთა, იქნება ეს უფლისწული თუ მეფე. როგორც მარტინ სკოუფილდი შენიშნავს, „ლუციანუსი პოტენციურად სარკეში არეკლილი კლავდიუსის ან ჰამლეტის სახეა; თუ მეფე გამოამჟღვნებს თავის დამნაშავეობას, ჰამლეტის ანარეკლი გაუჩინარდება“ (სკოუფილდი 1980: 158). როდესაც კლავდიუსი უკითხება ჰამლეტს, თუ რა ჰქვია წარმოდგენას, უფლისწული ცვლის პიესის სათაურს და პასუხობს: “The Mousetrap” (შექსპირი 2003: 3.2.216) [„თაგვების მახე“ (შექსპირი 1987: 356)]. იგი განუმარტავს მეფეს, რომ სათაური მეტაფორული მნიშვნელობისაა. საინტერესოა ასევე აღინიშნოს, რომ ეს სათაური მეტადრამატულადაც არის გამოყენებული, ვინაიდან „თაგვების მახე“ უნდა დაიჭიროს არა ლუციანუსის ან თავისი რომელიმე სხვა პერსონაჟის სინდისი, არამედ მასთან მიმართებით მეტადრამატული პერსონაჟის, კლავდიუსის, სინდისი. და საბოლოოდ, ეს წარმოდგენა ადასტურებს ხელმწიფის დამნაშავეობას და აჩრდილის პატიოსნებას. მეფის სინდისი ებმება „თაგვების

გახეში“. ახლა სრულებით არ არის გასაკვირი, რომ ჭეშმარიტების ძიებაში ჰამლეტი თეატრს დაეყრდნო. უფლისწულს სამართლიანად სწამს ხელოვნების ძალის და ენდობა მას როგორც სარკეს, რომელსაც შესწევს ძალა არა მხოლოდ ასახოს მის წინ არსებული გიზუალური სინამდვილე, არამედ აგრეთვე გაშიფროს მასში მაყურებელი პიროვნების სინდისიც.

„გონზაგოს მკვლელობის“ წარმოდგენა დაახლოებით „ჰამლეტის“ შუაში ხდება. წარმოდგენის შეჩერება გადამწყვეტი მომენტია პიესაში. აქედან მოყოლებული, ჰამლეტს ყოველ მიზეზ გარეშე და დაუყოვნებლივ მართებს მოქმედება. აჩრდილი არ აღმოჩნდა ბოროტი სული. იგი მამამისის ტანჯული სულია, რომელიც დვიძლმა ძმამ მუხანათურად გამოასალმა სიცოცხლეს. და მართლაც, ავად თუ კარგად, ჰამლეტი გადადის მოქმედებაზე.

„გონზაგოს მკვლელობას“ გარს რომ აკრავს მეტაპიესად მისივე მსგავსი სიუჟეტისა და რეალობის ამსახველი „ჰამლეტი“, ამით შექსპირისგან მინიშნებულია, რომ „ჰამლეტსაც“ ალბათ გარს უნდა ეკრას ერთგვარ მეტაპიესად მისივე მსგავსი სინამდვილე, რომელიც, სინამდვილეში, ჩვენი სინამდვილეა. შეგვიძლია ამ მეტაპიესას პირობითად „მეტაჰამლეტი“ ვუწოდოთ.

„ჰამლეტის“ პირველი დადგმიდან გასულ ოთხ საუკუნეს არსებითად არ შეუცვლია ადამიანური ბუნება. ჩვენი სამყაროც ისევე მოცულია ბოროტებით, როგორც „ჰამლეტში“ ასახული სამყარო. ეს დროებაც ისევე „ნაღრძობია“¹, როგორც, ჰამლეტის თქმით, ეს იყო დანიაში. “Denmark’s a prison” (შექსპირი 2003: 2.2.234) [„დანია საპყრობილეა“ (შექსპირი 1987: 343)], – ამბობს უფლისწული და შენიშნავს, რომ მთელი მსოფლიო ერთი დიდი საპყრობილეა, რომელიც შედგება მრავალი ჯურდმულისაგან. “There’s ne’er a villain dwelling in all Denmark / But he’s an arrant knave” (შექსპირი 2003: 1.5.123-4) [„ბოროტი კაცი დანიაშიც ბოროტი არის“ (შექსპირი 1987: 335)], – ეუბნება ჰამლეტი პორაციოსა და მარცელუსს. “There needs no ghost, my lord, come from the grave, / To tell us this” (შექსპირი 2003: 1.5.125-6) [„მაგის საცნობად რად გვინდოდა აჩრდილის მოხვდა“ (შექსპირი 1987: 335)], – გაკვირვებას გამოთქვამს პორაციო. და მართლაც, ეს ყველაფერი ნებისმიერ ქვეყანას ეხება, იქნება ეს ჰამლეტის დანია, შექსპირის ინგლისი თუ ჩვენი საქართველო.

¹ დედნის *The time is out of joint* (შექსპირი 2003: 1.5.189) – დრო ნაღრძობია – მაჩაბელმა, ნიკო ფასაშვილის აზრით, სავსებით ადეკვატურად გადმოიტანა როგორც: „დროთა კაგშირი დაირღვა“ (შექსპირი 1987: 489).

ამრიგად, „პამლეტი“ და მასში დადგმული პიესა „გონზაგოს მკვლელობა“ ერთ არსებობა გამოხატავს. მეფე პამლეტის ფარული მკვლელობა, რომელიც წინ უძლვის და განაპირობებს „პამლეტში“ განვითარებულ მოვლენებს, თითქმის ზუსტად არის იმიტირებული უფლისწული პამლეტის მიერ დადგმულ „გონზაგოს მკვლელობაში“. თუმცა საყურადღებოა, რომ სიუჟეტურად ამ ორ პიესას ერთმანეთისგან მკვლელსა და მის მსხვერპლს შორის არსებული ნათესაური მიმართება განასხვავებს, რაც განპირობებულია პამლეტის გადაწყვეტილებით, უსამართლოდ არ დაადანაშაულოს ბიძამისი მკვლელობაში და თან დაემუქროს მას შურისძიებით, თუკი ის მართლაც დამნაშავეა. რახან „გონზაგოს მკვლელობის“ დადგმით პამლეტმა ამხილა „პამლეტში“ წარმოდგენილი რეალობა, მართებულია ვიფიქროთ, რომ „პამლეტის“ დაწერითა და დადგმით შექსპირმაც მსგავსადვე ამხილა ჩვენი რეალობა. აქედან გამომდინარე, პიესა „პამლეტის“ მიმართ ჩვენი რეალობა ერთგვარი მეტაპიესის პოზიციაში დგება, რის გამოც მას პირობითად „მეტაპამლეტი“ ვუწოდეთ.

ქართულ სინამდვილესთან მიმართებით, საინტერესოა რობერტ სტურუას მიერ რუსთაველის თეატრში ბოლოს დადგმული ქართული „პამლეტის“¹ მეტათეატრალურობა. ამ თვალსაზრისით, უპირველეს ყოვლისა, რა თქმა უნდა, გამოვყოფთ „ხაფანგის სცენას“, მაგრამ ასევე საყურადღებოა „ყოფნა-არყოფნისა“ და „პამლეტის“ დამაბოლოვებელი სცენა, რომლებიც სტურუას ხელში აშკარა მეტათეატრალურობას იძენენ. რეჟისორი სამივე ნახსენები სცენის საკმაოდ ორიგინალურ გადაწყვეტებს გვათვაზობს და კიდევ ერთხელ მივყავართ იმ დასკვნამდე, რომ ერთგვარ „მეტაპამლეტში“ ვიმყოფებით.

სტურუას „პამლეტი“ დაყოფილია ორ მოქმედებად. მოქმედებებს შორის მიჯნას სწორედ „ხაფანგის სცენა“ ანუ პიესა პიესაში ავლებს. გონზაგოს მკვლელობა რომ გათამაშდება, კლავდიუსი წამოდგება, შეაჩერებს წარმოდგენას და მოითხოვს სინათლეს. ზუსტად ამ დროს სტურუას წარმოდგენაც ჩერდება, დარბაზში სინათლე ინთება და მაყურებელიც წამოდგება. კლავდიუსის დანაშაულს მოეფინა სინათლე, აჩრდილის სიტყვები კი აღმოჩნდა სიმართლე. როგორც პამლეტისა და პორაციოსთვის, ასევე ჩვენთვისაც ნათელი ეფინება ამ სიმართლეს. ასეთი პარალელიზმით რეჟისორს სურს შეამციროს ზღვარი სცენასა და აუდიტორიას შორის, რათა ამით ხაზი გაუსვას იმ სიღრმისეულ

¹ ვგულისხმობთ სტურუას „პამლეტის“ მეორე ვერსიას, რომლის პრემიერა შედგა 2006 წლის ნოემბერში. პირველი ვერსია დაიდგა 2001 წელს.

კავშირსა და მსგავსებას, რაც არსებობს პიესასა და ჩვენს ოქალობას შორის, ანუ „ჰამლეტსა“ და „მეტაჰამლეტს“ შორის. ანტრაქტის შემდეგ, წარმოდგენის მეორე ნაწილი „ხაფანგის სცენის“ სწრაფი განმეორებით იხსნება, და როცა მეფე კვლავ წამოდგება, პიესის სისხლიანი ნაწილიც იწყება. სტურუასგან „ხაფანგის სცენის“ ამგვარი გააზრება კი კვლავ და კვლავ მიანიშნებს, რომ „გონზაგოს მკვლელობა“, „ჰამლეტი“ და „მეტაჰამლეტი“ არსობრივად ყველა ერთ სინამდვილეს გამოხატავს.

მეტათეატრალურობის მეორე და ძალიან საინტერესო მაგალითს „ჰამლეტის“ განხილულ დადგმაში „ყოფნა-არყოფნის“ სცენა წარმოადგენს. ჰამლეტი დგას სცენის შუაში, მის უკან კი – რამდენიმე მსახიობი. მცირე დაყოვნების შემდეგ, ჰამლეტი ინგლისურად იტყვის – *To be, or not to be –* და იქვე წყვეტს, რადგან სცენაზე, დასაჯდომით ხელში, ვიდაც შემორბის.¹ როცა ჩამოჯდება, მიანიშნებს ჰამლეტს, რომ თავიდან დაიწყოს „ყოფნა-არყოფნის“ მონოლოგი, მაგრამ ჰამლეტი უსიტყვოდ დგას. შემოსული მსახიობი შეეცდება შეასხენოს მას მონოლოგის დასაწყისი („ყოფნა?.. არყოფნა?.. საკითხავი აი ეს არის“), მაგრამ ჰამლეტი კვლავ დუმს და ცოტა დაბნეულიც ჩანს. მსახიობი შპარგალკას მიაჩეჩებს და კიდევ ერთხელ მოუწოდებს, რომ წარმოადგინოს მონოლოგი, მაგრამ ჰამლეტი, ყველასათვის გასაოცრად, ცეცხლს წაუკიდებს შპარგალკის ფურცელს სიტყვებით „სიტყვები, სიტყვები, სიტყვები“ და დაწვავს.² მეტათეატრალურობა აშკარაა. ჰამლეტი და დანარჩენი პერსონაჟები არღვევენ პიესის საზღვრებს. იკარგება ზღვარი პერსონაჟება და მსახიობს შორის. ჰამლეტი წვავს თავის ცნობილ მონოლოგს და ამ გზით, სხვა პერსონაჟებთან ერთად, „მეტაჰამლეტის“ პერსონაჟი ხდება, რითაც კიდევ ერთხელ მინიშნებულია „ჰამლეტისა“ და მეტაჰამლეტის“ არსობრივი ერთიანობა.

¹ რეალურად აქ ლაერტის შემსრულებელი მსახიობი შემორბის სცენაზე, მაგრამ ამ შემთხვევაში ალბათ არც ლაერტი იგულისხმება და არც სხვა რომელიმე კონკრეტული პერსონაჟი.

² შექსპირთან, II მოქმედების II სურათში, პოლონიუსის შეკითხვაზე – “What do you read my lord?” [„რასა კითხულობთ, ხელშივის შეიღორ?“] – ჰამლეტი პასუხობს: “Words, words, words” (შექსპირი 2003: 2.2.187-9) [„სიტყვებს, სიტყვებს, სიტყვებს“] (შექსპირი 1987: 342)]. სტურუამ ჰამლეტის ეს სიტყვები „ჰამლეტის“ III მოქმედების II სურათში წარმოდგენილ „ყოფნა-არყოფნის“ ცნობილ მონოლოგს დაუკავშირა. მის ჰამლეტს სურს მიანიშნოს, რომ ეს მონოლოგიც მხოლოდ ცარიელი სიტყვებია და გზას უხშობს რეალურ მოქმედებას. სწორედ ამიტომაც წვავს იგი ამ მონოლოგს, და სცენას შემდეგი სიტყვებით ასრულებს: „და გონება, საღი გონება ჩვენს სიმამაცებს ასამარებს“ (შექსპირი 2006). პრინციპში, შექსპირის ჰამლეტიც მსგავსი სულისკვეთებით აბოლოტს თავის მონოლოგს: “Thus conscience does make cowards of us all, / And thus the native hue of resolution / Is sicklied o'er with the pale cast of thought, / And enterprise of great pitch and moment / With this regard their currents turn awry / And lose the name of action” (შექსპირი 2003: 3.1.83-8) [„აი ასე გვხდის დასარად ჩვენივ ცნობიერება, გაძედეულობას მოხაზება უცემებებს შეუსა და სასახლო ძლიერ საქმეთ, დიდად განზრახულო წინ ელობება...“ (შექსპირი 1987: 350)].

„ჰამლეტის“ განხილული დადგმის ბოლო სცენაშიც მეტათეატრალურობის საგულისხმო მაგალითს ვხვდებით. როდესაც სტურუას ფორტინბრასი უბრძანებს ჰორაციოს, რომ ჰამლეტი ლირსეულად უნდა დაიკრძალოს, და თითქოს კულისებისკენაც დააპირებს წასვლას, უცებ შემობრუნდება და აუდიტორიას ბრაზიანი ტონალობით მიმართავს: „თქვენ კი, ამ ამბის უტყვია მოწმენი, გაფითრებული რომ შესცემეროდით სისხლიან თამაშს, თქვევენ!...“ ხელს მაღლა ასწევს, ოდნავ გაიშვერს აუდიტორიისკენ, მაგრამ გინებისგან თავს შეიკავებს, უხმოდ შემოტრიალდება და მშვიდი ტონალობით ბრძანებს: „გაათრიეთ გვამები!“ (შექსპირი 2006). რისი თქმა უნდა ამით რეჟისორს მაყურებლისათვის, ამაზე თავად მაყურებელმა უნდა იფიქროს, მაგრამ ის კი ცხადია, რომ მისი პერსონაჟებისათვის პიესის საზღვრებიდან რეალობაში გადმოსვლა და კვლავ პიესაში შებრუნება, პრობლემას არ წარმოადგენს, რაც ისევ და ისევ „ჰამლეტისა და „მეტაჰამლეტის“ არსობრივ გაიგივებას გულისხმობს.

1.3. აჩრდილი, თუ ჰალუცინაცია?

„ჰამლეტის“ ზოგიერთი მკვლევარი მიიჩნევს, რომ აჩრდილი პიესის ობიექტურ სამყაროში შემოსული გარდაცვლილი მეფის სული კი არა არის, არამედ – ჰამლეტის სუბიექტური სამყაროდან ამოზრდილი ჰალუცინაცია. სხვა სიტყვებით რომ ვთქვათ, ჰამლეტს მამის სული კი არ ეცხადება, არამედ მხოლოდ ელანდება მისი გამოცხადება. ნიკო ყიასაშვილი თქმით, „აჩრდილი ჰამლეტის დაძაბული გონების ნაყოფია. მისი გამოჩენა სცენაზე ერთგვარად იმ ეჭვებსა და მჭმუნვარე ფიქრებს გამოხატავს, რომელთაც ჰამლეტი და მისი მეგობრები მოუცავთ“ (ყიასაშვილი 1959: 159). ჰამლეტის მიერ დადგმული „გონზაგოს მკვლელობა“ ადასტურებს აჩრდილის სიტყვების სისწორეს კლავდიუსის დანაშაულის შესახებ, მაგრამ ეს არ კმარა აჩრდილის ნამდვილობის დასადასტურებლად. უფლისწულს მასთან საუბრამდეც უდავოდ ჰქონდა ეჭვი, რომ მეფე ჰამლეტი სწორედ კლავდიუსმა გამოასალმა სიცოცხლეს მისი ტახტისა და მეუდღის ხელში მოგდების მიზნით. ეს დასტურდება მისივე სიტყვებით, როცა აჩრდილი გაუმხედს მას თავისი სიკვდილის საიდუმლოს: „O my prophetic soul! My uncle?“ (შექსპირი 2003: 1.5.40-1) [„ოჲ, წინადგმვრძნობო ჩემთ გონებავ! მაშ ვა გველი ბიძაჩემია!“ (შექსპირი 1987: 334)].

ჰალუცინაციის თეორიის ერთ-ერთი თვალსაჩინო წარმომადგენელია უოლტერ გრეგი, რომლის მსჯელობის ლოგიკა დაახლოებით ასეთია: მიუხედავად იმისა, რომ „გონზაგოს მკვლელობის“ პანტომიმა მკაფიოდ წარმოგვიდგენს მკვლელობის მეთოდს, კლავდიუსს ამაზე მძიმე რეაქცია არა აქვს; რახან საკუთრივ პიესა ამ თვალსაზრისით ახალს არაფერს მატებს პანტომიმას, კლავდიუსის ისტერიული რეაქცია გამოწვეულია არა მკვლელობის სცენის ხილვით, არამედ ჰამლეტის მუქარით მისდამი; აქედან გამომდინარე, კლავდიუსს ყურში საწამლავის ჩაწვეთებით არ მოუკლავს მძინარე ძმა; შესაბამისად, აჩრდილის მიერ აღწერილი მკვლელობის მეთოდი არ არის მართალი, რაც მიანიშნებს იმაზე, რომ მისი მონათხობი, სინამდვილეში, მხოლოდ ჰამლეტის გონების ნაყოფია და სხვა არაფერი (გოლანცი 1916: 179-180).

თუ დავუშვებთ, რომ აჩრდილი ჰამლეტის იჭვნეული მდგომარეობიდან აღმოცენებული ჰალუცინაციაა, მაშინ უნდა ვადიაროთ, რომ ამ ჰალუცინაციამ ჰამლეტს სწორად უკარნახა, მეფე ჰამლეტი არა უბედური შემთხვევის, არამედ განზრას მკვლელობის მსხვერპლი რომ არის, და ასევე სწორად მიუთითა მკვლელის ვინაობაზეც. ამას ვერც გრეგი უარყოფს. მაგრამ თუ მის მოსაზრებას მივყვებით, მეფის მკვლელობის მეთოდს ჰამლეტის ჰალუცინაციური წარმოსახვა უკვე ვედარ შიფრავს სწორად.

რამდენად შეიძლება გრეგის თეორია დამაჯერებლად მივიჩნიოთ? ჯონ დოუვერ უილსონი (უილსონი 1951), მაგალითად, კატეგორიულად ეწინააღმდეგება ამ თეორიას. ის შენიშნავს, რომ შექსპირის ეპოქაში სულების გამოცხადების შესაძლებლობისადმი რწმენა საკმაოდ გავრცელებული იყო. აჩრდილის რეალურობის მთავარ არგუმენტად კი უილსონს მოჰყავს ის ფაქტი, რომ პიესაში იგი არა მხოლოდ ჰამლეტს, არამედ კიდევ სამ პერსონაჟს ეცხადება და თანაც არაერთხელ. თუმცა გრეგი (გრეგი 1917: 410) ამ მოვლენის ახსნას უფლისწულისა და მისი მეგობრების საერთო შთაგონებისგან გამოწვეული ერთგვარი კოლექტიური ჰალუცინაციით ცდილობს.

მნელია დავვთანხმოთ გრეგს და არ დავვთანხმოთ უილსონს. რა თქმა უნდა, ზოგადად დასაშვებია კოლექტიური ჰალუცინაციის როგორც ფენომენის არსებობა, მაგრამ „ჰამლეტში“ ამ ტიპის მოვლენას აშკარად არა აქვს ადგილი. აჩრდილის ნამდვილობაზე მიანიშნებს არა მხოლოდ მისი გამოჩენისა და გაუჩინარების ერთდროული დაფიქსირება მისი მხილველი პერსონაჟებისგან, არამედ მათ მიერ აჩრდილის ჩაცმულობის, მოძრაობისა და გამომეტყველების

იდენტური ინტერპრეტაცია. მაგალითად, როდესაც ჰამლეტი ჰორაციოსა და მარცელუსის თანდასწრებით მოუწოდებს აჩრდილს თქვას თავისი სათქმელი, ავტორის რემარკა მიუთითებს: *Ghost beckons Hamlet* (შექსპირი 2003: 115) [აჩრდილი იწვევს ჰამლეტს (შექსპირი 1987: 333)]. ამ უესტს სამივე პერსონაჟი ერთდღოულად აფიქსირებს. ჰორაციო უუბნება ჰამლეტს: “It beckons you to go away with it, / As if it some impartment did desire / To you alone” (შექსპირი 2003: 1.4.58-60) [„გიწვევთ, თან წაბეჭეთ, თითქო ცალკე უნდა რამ გითხრათ“ (333)]. მარცელუსიც უმოწმებს: “Look with what courteous action / It wafts you to a more removed ground” (1.4.60-1) [„ხევდავთ, ალერსით განიშნებთ, რომ შორს წაბეჭეთ სადმე...“ (333)]. ჰამლეტიც, თავის მხრივ, აფიქსირებს: “It waves me forth again....” (1.4.68) [„აგერ განიშნებს, წამომყეო....“ (333)]. ნეთუ შეუძლია კოლექტიურ ჰალუცინაციას ასე ზუსტად დამთხვიოს სამი პერსონაჟის თვალთახედვა?! ნამდვილად არა!

ასე რომ, ჰამლეტისა და მისი მეგობრებისგან აჩრდილის ერთდღოული ხილვა საკმაოდ სანდოდ მიანიშნებს იმაზე, რომ იგი რეალურია და უფლისწულის ჰალუცინაციური ფანტაზიის ნაყოფს სრულებითაც არ წარმოადგენს. გასათვალისწინებელია ისიც, რომ ჰამლეტი არ არის პირველი, ვისაც ეცხადება აჩრდილი. შესაბამისად, მას ჰალუცინაციისკენ მიღრეკილებას ვერ დავაბრალებთ. თუნდაც ჰალუცინაციად ჩავთვალოთ აჩრდილის ხილვა, ვერ ვიტყვით, რომ ეს ფანტაზია უფლისწულის ცნობიერებამ შეთხზა. აჩრდილი პირველად მარცელუსმა და ბერნარდომ იხილეს და თანაც ორჯერ,¹ ვიდრე ჰორაციოსთან ერთადაც ნახავდნენ. საყურადღებოა ასევე ჰამლეტისა და ჰორაციოს დიალოგი, როდესაც ჰორაციო აპირებს, შეატყობინოს უფლისწულს ამ უცნაური გამოცხადების შესახებ. ჰამლეტი ამბობს: “My father, methinks I see my father” (შექსპირი 2003: 1.2.184) [„.....მამაჩემი... თითქო მას ჯხედავ“ (შექსპირი 1987: 328)]. ჰორაციო აშკარად იეჭვებს, უფლისწულიც ხომ არ ხედავს აჩრდილს და უკითხება: “Where my lord?” (1.2.185) [„ხადა, ბატონო?“ (328)]. ჰამლეტი კი განმარტავს: “In my mind's eye” (1.2.185) [„მე ჯხედავ მას გონების თვალით“ (328)]. ამით შექსპირი, ერთი მხრივ, გვაგებინებს, რომ ჰამლეტს ჯერ არ უხილავს აჩრდილი, მეორე მხრივ კი, გვახვედრებს, რომ უფლისწულს ჰალუცინაციები არ აწუხებს, რადგან იგი მშვენივრად განარჩევს გონების თვალით დანახულს სინამდვილისაგან. აბსოლუტურად ბუნებრივი და ლოგიკურია ასევე მისი

¹ იხ. შექსპირი 2003: 1.1.33 და იხ. შექსპირი 1987: 324.

რეაქცია, როდესაც პორაციო ატყობინებს გარდაცვლილი მეფის აჩრდილის გამოცხადების შესახებ:

HORATIO

My lord, I think I saw him yesternight.

HAMLET

Saw? Who?

HORATIO

My lord, the king your father.

HAMLET

The king my father! (შექსპირი 2003: 1.2.189-91)

ჰორაციო

წუხელის, ვგონებ, ვნახე იგი, ხელმწიფის შვილო.

ჰამლეტ

ვინ იგი ნახე?

ჰორაციო

მამათქვენი, ჩვენი ხელმწიფე.

ჰამლეტ

მამაჩემიო? (შექსპირი 1987: 328-329)

ჰამლეტის გაკვირვება კიდევ ერთხელ გვიდასტურებს მისი ფსიქიკის სიჯანსადესა და ჰალუცინაციებისაგან თავისუფლებას.

განსხვავებულ შემთხვევასთან გვაქვს საქმე, როდესაც ჰამლეტს ეცხადება აჩრდილი დედამისის ოთახში, მასთან კამათის დროს. აქ მხოლოდ ჰამლეტი

ხედავს აჩრდილს, ხოლო გერტრუდისთვის იგი უხილავია. უფლისწული მიუთითებს: “Why, look you there – look how it steals away – / My father in his habit as he lived....” (შექსპირი 2003: 3.4.135-6) [„ერთი შეხედვ, ნახვ, როგორ მიიპარება; ძაბაჩემია თავისხავვ შეხამოხელ ზო...“ (შექსპირი 1987: 363)]. გერტრუდი კი პასუხობს: “This is the very coinage of your brain. / This bodiless creation ecstasy / Is very cunning in” (3.4.138-40) [„ეს მხოლოდ შენის წარმოდგენის ნაყოფი არის, – ძნელით ძოცულს ჭავას მოჩვენება ეწვევა ხშირად“ (363)].

რამდენად მართალია დედოფალი? მარვინ ჰანტი (ჰანტი 2007: 153-154), რომელიც არ იზიარებს ჰალუცინაციის თეორიას აჩრდილის წინა გამოცხადებებთან მიმართებით, ფიქრობს, რომ განხილულ სცენაში ჰალუცინაციასაც ვერ გამოვრიცხავთ. ჰამლეტს, რომელსაც ადრე თავისი მეგობრების თანდასწრებით ობიექტურად გამოეცხადა მამის სული, ახლა შესაძლოა მხოლოდ ელანდებოდეს მისი გამოცხადება, რახან მის მეხსიერებაში უკვე არსებობს ადრე ნანახის ხსოვნა. აჩრდილი ახალს არაფერს ეუბნება აქ ჰამლეტს და ამ გამოცხადების ხანგრძლივობაც ძალიან ხანმოკლეა. თუმცა შესაძლებელია, აჩრდილს უბრალოდ უნარი აქვს ერთ ადამიანს ეჩვენოს და იმავდროულად მეორისთვის ფარული დარჩეს. თუკი ეს მართლაც ასეა, რატომ უნდა იფარავდეს იგი თავს დედოფლისაგან? ამის პასუხი, საგარაუდო, ჰამლეტისადმი მიმართულ მისსავე სიტყვებშია: “....look, amazement on thy mother sits. / Oh step between her and her fighting soul: / Conceit in weakest bodies strongest works” (შექსპირი 2003: 3.4.111-3) [„....შეხედვ დედაშენსა, როგორ თრთის ზოშით. ჩადეგ შენ იმის შეძერთაღ სულსა და იმის შორის, თორებ თცნება სუსტედ უფრო ძლიერ მოქმედობს“ (შექსპირი 1987: 363)]. როგორც ჩანს, აჩრდილი უფრთხილდება დედოფლის სუსტ ბუნებას, რადგან შიშობს, რომ მისი ფსიქიკა ვერ დაიტევს აჩრდილის ხილვას და შეირყევა.

ადსანიშნავია, რომ აჩრდილის განხილული გამოცხადება, რეალურია ის თუ მოწვენებითი, ჰამლეტისთვის არსებითად არაფერს ცვლის. მას ისევ იმავე საქმის აღსრულება ევალება, რაც აქამდეც ევალებოდა. აჩრდილიც განუმარტავს მას ამ გამოცხადების მიზეზს: “Do not forget. This visitation / Is but to whet thy almost blunted purpose” (შექსპირი 2003: 3.4.109-10) [„ნუ დაივიწყებ, რომ ამ მოხვდით მე მწადის მხოლოდ მისუსტებული ნებისყოფა გაგიცხოველო“ (შექსპირი 1987: 363)]. აქედან გამომდინარე, აჩრდილის რეალურობა-ირეალურობის საკითხი მნიშვნელოვანი და

საჭირობო ოგონი მხოლოდ მაშინაა, როდესაც იგი უმხელს უფლისწულს საკუთარი გარდაცვალების საიდუმლოს და მოუწოდებს მას შურისძიებისაკენ.

მიუხედავად გერტრუდის ოთახში აჩრდილის გამოცხადებისადმი არსებული ორაზროვნებისა, მაინც უფრო ლოგიკურია, რომ შექსპირმა აქაც მისი რეალური გამოცხადება იგულისხმა და არა პამლეტის პალუცინაცია. უფლისწულისა და დედამისის საუბარიც დაახლოებით შუალამისას ხდება, როცა აჩრდილს სჩვევია ხოლმე გამოჩენა. გარდა ამისა, არის ერთი ნიშანდობლივი მომენტი, რაც თანაბრად ეხება აჩრდილის ყველა გამოცხადების შემთხვევას პიესაში, მათ შორის, გერტრუდის ოთახშიც. დრამატული თვალსაზრისით, აჩრდილი სხვა პერსონაჟების თანასწორია. სცენაზე მისი შემოსვლა-გასვლა თუ სხვა მოქმედება ავტორისეული რემარკებითაა აღნიშნული ტექსტში. მის გამოჩენასა თუ გაუჩინარებას პამლეტი და მისი მეგობრები ზუსტად იმ დროს აფიქსირებენ, როცა შექსპირი თავისი რემარკებით მიგვანიშნებს ამის შესახებ. თავად დრამატურგი აჩრდილად მოიხსენიებს მას. როგორც პიესის თითოეული პერსონაჟის, ისე აჩრდილის კუთვნილი რეპლიკებიც იმავე წესითაა გამოყოფილი სხვათა რეპლიკებისაგან. ან როგორ უნდა ეთამაშა აჩრდილის როლი გლობუსის თეატრის სცენაზე შემოსულ მსახიობს (გადმოცემით თავად შექსპირს) იმგვარად, რომ იგი მაყურებელს პამლეტის ცნობიერების მიერ შეთხულ პალუცინაციად ადექვა?! ასეთი, რამ მხოლოდ თანამედროვე კინემატოგრაფიაში თუ შეიძლება წარმოვიდგინოთ და ისიც კომპიუტერული ტექნოლოგიის მნიშვნელოვანი ჩარევით. შექსპირს რომ ნდომებოდა პალუცინაციის იდეაზე პედალირების რეალური მეცნიერული პოტენციალი ჩაედო აჩრდილის წარმომავლობის საკითხთან მიმართებით, მას ეს არ გაუჭირდებოდა ნამდვილად. ამისათვის საკმარისი იქნებოდა აჩრდილის მოქმედების ამსახველი ყველა რემარკისა და მისი ყველა რეპლიკის ამოღება პიესიდან და შესაბამისად, მისი საცენო როლის გაუქმებაც. ამ შემთხვევაში, აჩრდილი, როგორც პერსონაჟი, დაკარგავდა დრამატულ არსებობას პიესაში თუ მის დადგმაში. გვექნებოდა მხოლოდ პამლეტის, პორაციოს, მარცელუსისა და ბერნარდოს რეპლიკებიდან მიღებული ინფორმაცია მისი გამოცხადების შესახებ. ცხადია, ვერ გვექნებოდა პამლეტისა და აჩრდილის დიალოგი, მაგრამ ამ დანაკლისის აღმოფხვრას შექსპირი იოლად შეძლებდა: „გონზაგოს მკვლელობის“ დადგმამდე ირკვევა, რომ პამლეტს მონაყოლი აქვს პორაციოსთვის აჩრდილის ნამბობი, რაც იმაზე მიანიშნებს, რომ დრამატურგს, საჭიროების შემთხვევაში, თავისუფლად შეეძლო

მკითხველისა და მაყურებლის წინაშე წარმოედგინა პიესაში ნაგულისხმები ჰამლეტისა და ჰორაციოს ეს საუბარი და ამგვარად გაეგებინებინა ჩვენთვის აჩრდილის საიდუმლო. ასეთ „ჰამლეტში“ მართლაც გაურკვეველი იქნებოდა აჩრდილი სინამდვილეა, თუ ჰალუცინაცია, და საყოველთაო ჰალუცინაციის იდეასაც უკვე რეალური საფუძველი გაუჩნდებოდა. რახან შექსპირი ამგვარ გზას არ აღგება, უნდა ჩავთვალოთ, რომ მისი აჩრდილი ნამდვილია.

ამრიგად, აჩრდილის გაიგივება ჰალუცინაციურ მოვლენასთან ერთობ არადამაჯერებელი მეცნიერული პოზიციაა, რომელსაც ერთგვარ დრამატულ აბსურდამდეც კი მივყავართ. დედოფლის ოთახშიც მისი გამოცხადება ასევე რეალურად უნდა მივიჩნიოთ და არა ჰამლეტისეულ მოლანდებად. თუმცა, აჩრდილის ეს გამოცხადება არსებითად არაფერს ცვლის პიესაში.

14. ჰამლეტი – პერსონაჟი

ჰამლეტის პერსონაჟი და მისი ამბავი მომდინარეობს XII-XIII საუკუნის დანიელი მემატიანის, საქსონ გრამატიკოსის ნაშრომიდან „დანიელთა საქმენი“, რომელიც მოგვითხრობს საუკუნეებით ადრინდელ სკანდინავიურ ლეგენდას ამლეთზე. თუმცა, ჰუმანისტურ-რენესანსული შეგნების მქონე შექსპირის ჰამლეტს საკმაოდ ბევრი აშორებს თავისი ლეგენდარული წინამორბედის ვიკინგური სულისგან. ჰამლეტის უნივერსალობა, მისი ქარიზმატულობა და თვითშემეცნებისაკენ სწრაფვა, როგორც ჰაროლდ ბლუმი (ბლუმი 2008: 399) აღნიშნავს, ამსგავსებს მას თვით ბიბლიურ მეფე დავითს. აშკარაა ისიც, რომ ჰამლეტის მსოფლებელი ქრისტიანული ფასეულობების საგრძნობ გავლენას განიცდის, რაც ნაწილობრივ განსაზღვრავს კიდეც უფლისწულის ქმედებებს.

ჰამლეტის შინაგანი სამყაროს შესახებ, უპირველეს ყოვლისა, მისივე მონოლოგებიდან ვგებულობთ. უფლისწულის მონოლოგებში ყველაზე ნათლად ირკლება მისი გულის მოძრაობა, მისი მსოფლებელი და მორალური მისწრაფებანი. მონოლოგების შემდეგ ყველაზე მნიშვნელოვანია ჰამლეტისა და ჰორაციოს დიალოგები. ბუნებრივია, თავის უერთგულეს მეგობართან ჰამლეტი ყველაზე გულწრფელი და პირდაპირია. ჰაროლდ ბლუმი (ბლუმი 2009ბ: 5-6) საგანგებოდ ამახვილებს ყურადღებას ჰორაციოს მნიშვნელობაზე ამ თვალსაზრისით. იგი მიიჩნევს, რომ ჰორაციო „ჰამლეტის“ მაყურებელს

განასახიერებს და ჩვენსავით თანაუგრძნობს მას. მისი აზრით, პიესა აიტანს ფორტინბრასის, როზენკრანცისა და გილდენსტერნის, თვით ლაერტის ჩამოშორებასაც სიუჟეტიდან, მაგრამ პორაციოს გარეშე, პამლეტი ძალიან გაუცხოვდება ჩვენგან და მისი უნივერსალობაც დაკნინდება. პორაციოს გარდა, პამლეტი თავის მსოფლედვისა და ხასიათის მნიშვნელოვან შტრიხებს პიესის სხვა პერსონაჟებთან დიალოგშიც ავლენს. დაბოლოს, უფლისწულის პიროვნება ვლინდება აგრეთვე მის ქმედებებში თუ უმოქმედობაში.

აღსანიშნავია, რომ პამლეტის დამოკიდებულება პიესის დანარჩენი პერსონაჟებისადმი დიდწილად განსაზღვრავს იმას, თუ როგორი იქნება ჩვენი დამოკიდებულებაც მათდამი. უფლისწულის აზრი სხვა პერსონაჟებზე თითქმის პირდაპირპორციულად აისახება მათ მიმართ ჩვენს აზრზე. პოეტური სამართლიანობის საზომი შექსპირმა პამლეტის ხედვაში ჩადო და ამგვარად, მისი თვალებით შეგვახედა პიესაში მოცემულ ადამიანურ სამყაროს, რაც ერთ-ერთი მნიშვნელოვანი მიზეზია იმისა, რომ პამლეტური განწყობილება ასეთი ნაცნობი და ახლოა ჩვენთვის.

პამლეტოლოგიაში ძალზე აქტუალურია პამლეტური ყოფმანის თემა. უფლისწულს თითქოს ყოველგვარი საფუძველი აქვს იმისა, რომ კლავდიუსზე შური იძიოს, მაგრამ იგი მაინც აყოვნებს. განსაკუთრებით თვალშისაცემი ხდება პამლეტის მერყეობა მას შემდეგ, რაც იგი რწმუნდება, რომ ბიძამისმა ნამდვილად ჩაიდინა ის ბოროტმოქმედება, რომლის შესახებაც აჩრდილმა უამბო. ამიტომაც, ბევრი მკვლევარისთვის პამლეტის ამგვარი უმოქმედობა ერთგვარ გამოცანადაც იქცა. თუმცა, როგორც ჯონ ჰოლოუეი მიიჩნევს, „უაზრობაა მხატვრულ ნაწარმოებში მერყეობა დავინახოთ მხოლოდ იმიტომ, რომ სასწრაფოდ არ ხდება იმის აღსრულება, რაც აღსასრულებელია“ (ჯამპი 1968: 163). იგი მიანიშნებს, რომ თუკი „პამლეტისა“ და მისი პროტაგონისტის მოქმედებას შურისძიების მოტივი წარმართავს, მაშინ სავსებით ბუნებრივია, რომ შურისგება პიესის ბოლოში აღსრულდეს.

პამლეტი ის პიროვნებაა, რომლისთვისაც სამყარო უბრალო მოცემულობას არ წარმოადგენს. ის ბევრს ფიქრობს ადამიანის სიცოცხლის საზრისზე და ამიტომ ნაკლებად ჩქარობს მოქმედებას. მას ჯეროვანი საფუძველი სჭირდება იმისათვის, რომ იმოქმედოს. ბრმა და განუკითხავი მოქმედება მისი სულისთვის უცხოა და მიუღებელი. იგი შეკითხვებს სვამს, რომელთა უმეტესობაზეც ცალსახა პასუხი არ არსებობს და მხოლოდ ვარაუდები თუ შეიძლება

გამოითქვას. ხედავს რა ადამიანურ ბოროტებას, უფლისწული დაეჭვებულია კაცობრიობის ზნეობრივ შესაძლებლობებში. მისი ეჭვი შემდგომ ვრცელდება ადამიანის შემეცნებით შესაძლებლობებზეც. თუმცა პამლეტის ტრაგიკული განცდის ძირითადი მიზეზი მაინც ადამიანის ზნეობრივი დაცემულობაა და არა მისი შემეცნებითი შეზღუდულობა (ანუ, პირველყოვლისა, ის, რაც პიროვნების გულს გამოხატავს და არა მის გონებას).

პამლეტი არ არის მხოლოდ დადებითი თვისებებით დაჯილდოებული გმირი, რომელიც შეცდომებს არ უშვებს. მასში საკმარისად მოიპოვება უარყოფითი თვისებებიც. მიუხედავად იმისა, რომ იგი ლრმა ანალიზის უნარით გამოირჩევა, უმოციურ მდგომარეობაში ძალზე იმპულსურიცაა. ცხადია, ეს ფაქტი უფრო მეტ დამაჯერებლობას სძენს გმირის სახეს, რადგან მხოლოდ დადებითი თვისებებით დაჯილდოებული პერსონაჟი მკითხველისა და მაყურებლის წინაშე რადაც მიუწვდომელ, იდეალურ პიროვნებას დაემსგავსებოდა, რომელიც რეალობაში ქნელი მოსაძებნია, თუკი საერთოდ არსებობს ასეთი.

ადსანიშნავია, რომ ზოგიერთი მკვდევარი უფლისწულ პამლეტში პოტენციურ კლავდიუსსაც ხედავს. ორივენი ცდილობენ ერთმანეთს მახე დაუგონ. როგორც კლავდიუსი, ისე პამლეტიც არავის ინდობს, ვინც მის მიზნებს წინ ედობება და საბოლოოდ, როგორც პელენ კუპერი (კუპერი 2008: 173) შენიშნავს, ერთგვარ სერიულ მკვდელადაც კი ყალიბდება. მის ქმედებებს მთლიანობაში რვა ადამიანის სიცოცხლე ეწირება, საკუთარი თავის ჩათვლით. მიუხედავად ამ ყველაფრისა, შეიძლება კი პამლეტი პოტენციურ კლავდიუსად ჩაითვალოს? პამლეტი რომ ყოფილიყო კლავდიუსის ადგილას, ისიც ჩაიდენდა მუხანათობას ამქვეყნიური ძალაუფლებისა და პრივილეგიების მოსახვეჭად? უნდა ითქვას, რომ ეს გამორიცხულია. პამლეტი და კლავდიუსი პოლარულად განსხვავებული სულიერი საწყისის მატარებელი პერსონაჟები არიან და აქედან გამომდინარე, მათი ქმედებების მოტივები აბსოლუტურად განსხვავებული ბუნებისაა.

კლავდიუსი სამეფო ტახტისა და დედოფლის დასაუფლებლად საკუთარი მმის მკვდელობაზე მიდის და ძალიან მალე მის დაქვრივებულ მეუღლესთან სისხლისშემრევ საქორწინო კავშირს კრავს. როდესაც პამლეტისგან საფრთხეს იგრძნობს, მასზე სასიკვდილო შეთქმულებას აწყობს. პირველი გეგმა ჩაუგარდება, მაგრამ მეორეს ლაქტის მეშვეობით წარმატებით ახორციელებს, თუმცა ამ გეგმას პამლეტთან ერთად ლაქტის, დედოფლისა და თვით მისივე

სიცოცხლეც გადაჰყება. ამრიგად, კლავდიუსი არის პიროვნება, რომელიც საკუთარი ეგოისტური მიზნებისთვის ყველაფერზე მიდის.

რაც შეეხება ჰამლეტს, პირველყოვლისა უნდა აღინიშნოს, რომ მისი ქმედებები, კლავდიუსის ქმედებებისგან განსხვავებით, ძირითადად, გარეშე ძალებისაგან არის ინსპირირებული. ჰამლეტს მამის აჩრდილი და მისი მონაცოლი აქეზებს და ავალდებულებს მოქმედებას. რომ არა ეს გარემოება, უფლისწული ნამდვილად არ იმოქმედებდა ბიძამისისა და მისი გარემოცვის წინააღმდეგ. კლავდიუსს კი საკუთარი ეგოისტური ამბიციები უბიძგებს მზაკვრობისაკენ და ჰამლეტის მკვლელობაშიც თვითონვეა ლაერტის წამქეზებელი. ჰამლეტის მთავარი მიზანია დამნაშავის დასჯა და სამართლიანობის აღდგენა. კლავდიუსმა კი სხვა სათნოებებთან ერთად სამართლიანობაც გათელა. როგორც აგნეს ჰელერი ამბობს: „ჰამლეტს სურს სიმართლე და მხოლოდ სიმართლე, ხოლო კლავდიუსს სურს სიცრუე და მხოლოდ სიცრუე“ (ჰელერი 2002: 93). მართლაც, როგორც ჰელერი (93) შენიშნავს, ჰამლეტი ცდილობს სიმართლის სააშკარაოზე გამოტანას, ხოლო კლავდიუსი, პირიქით, – მის მიჩქმალვას. ბოლოსაც, მომაკვდავ ჰამლეტს ძლიერ ადარდებს, თუ როგორ სახელს დატოვებს იგი ერის წინაშე და ჰორაციოს ევედრება, მოუთხროს ყველას მისი ამბის შესახებ. სულთმობრძავი კლავდიუსი კი ყვირის: “Oh yet defend me friends, I am but hurt” (შექსპირი 2003: 5.2.303) [„მომეშველებით, მუგობრუებო, მე დამჭრა მხოლოდ“ (შექსპირი 1987: 388)].

ამრიგად, კლავდიუსს მთლიანად ეგოიზმი მართავს, ჰამლეტი კი სამართალს ეძებს. იმდენად უცხოა ჰამლეტის ბუნებისათვის უსამართლობა, რომ იგი მოქმედებაზე არ გადადის, ვიდრე აჩრდილის ნამბობის სიმართლესა და კლავდიუსის დამნაშავეობას „გონზაგოს მკვლელობის“ დადგმით არ დაამოწმებს. მოგვიანებით, გემზე ყოფნისას იგი მეფის წერილს გახსნის და მის მზაკვრულ ჩანაფიქრის ამოიკითხავს, რაც უკვე კლავდიუსის მუხანათური ბუნების დამატებითი საბუთია მისთვის. და როდესაც სასიკვდილოდ განწირული ჰამლეტი თავისი ამქვეყნიური სიცოცხლის უკანასკნელ წუთებს იყენებს და კლავს მეფეს, სრული განცდა რჩება იმისა, რომ კლავდიუსზე სამართალი აღსრულდა.

ჰამლეტის მიერ კლავდიუსის მკვლელობა, როგორც ვხედავთ, იოლად ექვემდებარება გამართლებას, მაგრამ რამდენად შეიძლება გამართლდეს უფლისწულის მიერ ჰოლონიუსის მკვლელობა? თუ დავუშვებთ, რომ ჰამლეტი მიხვდა, ვინ იმალებოდა ფარდის უპან, მაშინ მისი მოქმედება არც ისე

სამართლიანად გამოიყერება, მიუხედავად იმისა, რომ პოლონიუსი უდირსად იქცეოდა, როდესაც აყურადებდა უფლისწულის საუბარს დედოფალთან. მაგრამ პიესაში აშკარად ჩანს, რომ პამლეტს ფარდის უკან მეფე პგონია დამალული და როდესაც აღმოაჩენს, რომ პოლონიუსი შემოაკვდა, გულწრფელად შეწუხდება ამის გამო. ერთი შეხედვით პამლეტი იმპულსურად მოქმედებს, მაგრამ უნდა შევნიშნოთ, რომ შექმნილი სიტუაცია აიძულებს მას სასწრაფოდ იმოქმედოს. გერტრუდს პგონია, რომ პამლეტი მის მოკვლას აპირებს და შველას ითხოვს. პოლონიუსიც საშველად უხმობს ხალხს. თუ პამლეტი უმალ არ მოაყუჩებდა ფარდის უკან მდგომს, კარისკაცები მოცვივდებოდნენ და დააკავებდნენ მას. ამით კი პამლეტი საბოლოოდ დაემშვიდობებოდა არათუ თავისი გეგმების განხორციელების იდეას, არამედ საკუთარ თავისუფლებასაც. მას უსათუოდ დედის მკვლელობის მცდელობის ბრალდებას წაუყენებდნენ და როგორც შეურაცხადს დაამწყვდევდნენ საპყრობილები. ამიტომ, უფლისწულმა, რომელსაც შეეძლო წამებში ეს საშიშროება გაეაზრებინა, სავარაუდოდ იმოქმედა არა იმდენად იმპულსურად, არამედ უფრო ლოგიკურად. რომც სცოდნოდა, რომ ფარდის უკან პოლონიუსი იმალებოდა, მაინც იძულებული იქნებოდა ნახსენები საშიშროების თავიდან ასაცილებლად ანალოგიურადვე ემოქმედა. გარდა ამისა, რახან მას ფარდის უკან მეფე პგონია ჩასაფრებული, იგი იდეაში აღასრულებს მამის აჩრდილის შურისმაძიებლურ მოწოდებას და კლავს „კლავდიუსს“ სწორედ იმგვარ მომენტში, როცა კლავდიუსი კი არ ლოცულობს, არამედ პამლეტის წარმოდგენით, ფარდის უკნიდან ურცხვად აყურადებს მისი და დედამისის საუბარს.

ამრიგად, კლავდიუსისა და პოლონიუსის სიკვდილი მათსავე კისერზეა. მით უფრო უსამართლოა, პამლეტს ბრალი დავდოთ ოფელიასა და ლაერტის სიკვდილში, ან თუნდაც დედოფლის სიკვდილში. არც ლაერტის დაშნა შეუწამლავს მას და არც გერტრუდის დვინო შეუზავებია შხამით. არც პოლონიუსის მოკვლა განუზრახავს და არც ამის ნიადაგზე – ოფელიას შეშლა და სიკვდილამდე მიყვანა. ყოველივე ეს კი მიუთითებს იმაზე, რომ პამლეტი სულაც არ არის მკვლელი თავისი მოწოდებით და არც კლავდიუსობის პოტენციალი დევს მის ხასიათში. ყველა უბედურება, სინამდვილეში, სწორედ კლავდიუსის პირველმა და ყველაზე მთავარმა ბოროტმოქმედებამ მოიტანა, რომელიც პიესის მოქმედების დაწყებამდე დაახლოებით თვენახევრით ან ორი თვით ადრე მოხდა. აქედან გამომდინარე, ყველა გარდაცვლილი პერსონაჟის

პაკლელი რეალურად კლავდიუსია და არა პამლეტი. თვით პიესის მეორეხარისხოვანი პერსონაჟების როზენკრანცისა და გილდენსტერნის სასიკვდილო ბედიც თავისდა უნებურად კლავდიუსმა განსაზღვრა, თუმცა პამლეტის პასუხისმგებლობა მათ სიკვდილში ალბათ ყველაზე მეტ გამოძიებას მოითხოვს, რასაც მოგვიანებით შევეცდებით.

საინტერესოა, საერთოდ, რამდენად ამოძრავებს პამლეტს კარიერული ინტერესები. ბალაუფლების მოსახვეჭად უსამართლო გზის არჩევა რომ შეუთავსებელია მის ბუნებასთან, ამაზე უკვე გვქონდა საუბარი. სამეფო ტახტის მოპოვება რომ არ წარმოადგენს მისთვის მთავარ მიზანს, ესეც ცხადია. მაგრამ ნუთუ პამლეტის ტრაგიკულ განცდაში არანაირი როლი არა აქვს იმას, რომ გამეფებაში შეეცილნენ? ის ხომ უფლისწული და მემკვიდრეა გარდაცვლილი მეფისა?! პატრიკ ჰოგანი (ჰოგანი 2013: 65-66), მაგალითად, მიიჩნევს, რომ პამლეტის მიზნები ნაწილობრივ კარიერულიც არის, რაც შესაძლოა ახლოსაა სიმართლესთან. პიესაში ორი ადგილია, სადაც ხდება ამ მომენტის მინიშნება. ერთია მას მერე, რაც პამლეტი ჰორაციოს უამბობს კლავდიუსის მზაკვრული ჩანაფიქრის შესახებ:

Does it not, think thee, stand me now upon –
He that hath killed my king, and whored my mother,
Popped in between th' election and my hopes,
Thrown out his angle for my proper life,
And with such cozenage – is't not perfect conscience
To quit him with this arm? And is't not to be damned
To let this canker of our nature come
In further evil? (შექსპირი 2003: 5.2.63-70)

ეხლა ხომ ცხადი არის, რაცა მდევს ვალად:
იგი, ვინც მოჰკლა მამაჩემი, გამირყვნა დედა,
ვინც გამიმტკუნა მე იმედი მეფედ აღრჩევის,
ვინც მანქანებით სასიკვდილოდ მახე დამიგო, –
ნუთუ არ არის იგი დირსი, რომ ამ მარჯვენით
ესრეთ დიადი ბოროტება გადავუხადო?
განა კარგია, ამ იარამ ჩვენს ბუნებაში

დაისადგუროს და საზარელ გესლად გადგვექცეს!?

(შექსპირი 1987: 383)

ჰამლეტი კლავდიუსის დანაშაულად, პირველ რიგში, მეფის მკვლელობასა და თავისი დედის გარყვნას ასახელებს, რაც იმაზე მიანიშნებს, რომ მისთვის უპირველესია ზნეობრივი ფასეულობები და აქედან გამომდინარე, მისი ტრაგიკული განცდის მიზეზიც, პირველყოვლისა, ადამიანში ამ ფასეულობების დაკნინების მწარე სიმართლის გაცნობიერებაა. თუმცა, ამის შემდეგ უფლისწულს ისიც აწუხებს, რომ ბიძამისმა გაუცრუა მას გამეფების იმედი, მაგრამ ეს არამც და არამც არ ნიშნავს იმას, რომ ესაა კლავდიუსის წინააღმდეგ ჰამლეტის ამხედრების მთავარი მიზეზი. უფრო მეტიც, ბიძამისის მიერ დედოფლის გარყვნაც არ წარმოადგენს ჰამლეტისთვის საკმარის მიზეზს კლავდიუსის მოსაკლავად, რადგან იგი ამაში, უპირველეს ყოვლისა, გერტრუდს ადანაშაულებს. მაგრამ როდესაც მამის აჩრდილი გაუმხელს მას თავისი სიკვდილის საიდუმლოს და მოუწოდებს შურისძიებისაკენ, ჰამლეტი უკვე იწყებს ბრძოლას კლავდიუსის წინააღმდეგ. ხოლო როდესაც უფლისწული გემზე გამოარკვევს, რომ უზურპატორი მეფე მასზე სასიკვდილო შეთქმულებას აწყობს, მას უკვე სასწრაფოდ სჭირდება კლავდიუსის განეიტრალება, თუ უნდა, რომ სიკვდილს თავად გადაურჩეს. არც შეიძლება, დანიას ასეთი თავზეხელადებული, პირსისხლიანი არამზადა მართავდეს. ის უნდა განადგურდეს, რადგან წინააღმდეგ შემთხვევაში, როგორც ჰამლეტი პორაციოსადმი ნათქვამ აქ მოყვანილ სიტყვებში მიანიშნებს, ბოროტება კიდევ უფრო მეტად გაშლის ფრთებს. უფლისწული ვალდებულია გაანთავისუფლოს თავისი ქვეყანა ბოროტმოქმედი მეფისგან, რომელიც, რეალურად, საკუთარი ქმის, კანონიერი მეფის მკვლელი და სამშობლოს მოდალატეა. არ შეიძლება მისი და დედოფლის სისხლისშემრევ ურთიერთობასაც წერტილი არ დაესვას, რადგან ეს არცხვენს ჰამლეტს, სამეფო ოჯახს და მთელ დანიასაც. ამ ყველაფრიდან გამომდინარე, ცხადი ხდება, რომ უფლისწულის მიზნებისა და ქმედებების ფორმირებაში მის ამბიციას სამეფო ტახტთან მიმართებით მხოლოდ და მხოლოდ მეორეხარისხოვანი როლი თუ აკისრია.

მეორე ადგილი პიესაში, სადაც იკვეთება ჰამლეტის კარიერული მოტივები არის უფრო ადრე, „გონზაგოს მკვლელობის“ წარმოდგენის შეჩერების შემდგომ, როდესაც როზენკრანცი ცდილობს ათქმევინოს ჰამლეტს ხასიათის გაფუჭების

მიზეზი. “Sir, I lack advancement” (შექსპირი 2003: 3.2.308) [„მე სამხახურში კარგ ადგილს არ მაძლევებ“], – ეუბნება უფლისწული როზენკრანცს. თავისი უხასიათობის მიზეზად ჰამლეტი აქ სხვას არაფერს ასახელებს, მაგრამ ეს სულაც არ ნიშნავს იმას, რომ მისი ტრაგიკული განცდის მთავარი მიზეზი დანის მეფედ არჩევის იმედის გაცრუებაა. ჰამლეტი ვერ გაუმხელდა როზენკრანცსა და გილდენსტერნს მამამისის სიკვდილის საიდუმლოს. იგი ასევე მოერიდებოდა დედამისისა და ბიძამისის სისხლისშემრევ ურთიერთობაზე ყურადღების გამახვილებას კარისკაცების წინაშე. უფლისწული მხოლოდ იმას ეუბნება მათ, რასაც ისინი ისედაც მოელიან. აქედან გამომდინარე, რეალურ და სრულ წარმოდგენას ჰამლეტის მოტივებზე კლავდიუსის წინააღმდეგ ბრძოლაში გვიქმნის არა როზენკრანცისადმი უფლისწულის ნასროლი აქ მოყვანილი რეპლიკა, არამედ ზემოთ მოყვანილი მისი სიტყვები ჰორაციოსადმი, სადაც კარიერული მოტივი ერთ-ერთია, მაგრამ არამც და არამც ყველაზე მნიშვნელოვანი ან გადამწყვეტი. რაკი ჰორაციო ჰამლეტის ყველაზე სანდო მეგობარი და ერთადერთი მესაიდუმლეა, არც უნდა გაგვიკვირდეს, რომ უფლისწული მხოლოდ მასთან აყალიბებს თავის მოტივებს სრულად, გულწრფელად და თანმიმდევრულად, ხოლო სხვებთან იმდენს ამბობს, რამდენადაც ენდობა მათ.

გარდა განხილული ორი ეპიზოდისა, პიესაში არსად ფიგურირებს ჰამლეტის კარიერული მოტივი. ნიშანდობლივია ასევე, რომ უფლისწული თავის მონოლოგებში, როცა იგი მარტოა და შეუძლია სრულიად გულწრფელი იყოს, არსად გამოთქვამს წუხილს ამ საკითხზე. საყურადღებოა ისიც, რომ ჰამლეტი არ კლავს მეფეს, როდესაც ის ლოცულობს, რაც კვლავდაკვლავ უფლისწულის კარიერული ამბიციების სისუსტეზე მიანიშნებს და უპირისპირებს მას ამ ამბიციებისადმი მთლიანად დამონებულ, უზურპატორ კლავდიუსს.

1.5. გერტრუდი, ოფელია და ჰამლეტის „ქალთმოძულეობა“

ჰამლეტს ხშირად ადანაშაულებენ ოფელიასადმი უსამართლო და მკაცრ მოპყრობაში. რაკი უფლისწული ზიზღით უყურებს კლავდიუსთან საბუთარი დედის სქესობრივ ცხოვრებას და რახან ამ მიზეზით გერტრუდისადმიც ამჟღავნებს აგრესიას, ზოგიერთი კრიტიკოსი (მაგ., მულანი 1994; გოლდშტაინი

2001: 56) ამის გამო ქალთმოძულეობასაც სწამებს მას. პამლეტის უხეშ მოპყრობას ოფელიას მიმართ, ჩვეულებრივ, დედამისისადმი მისი იმედგაცრუებითა და აქედან გამომდინარე, ზოგადად ქალის დირსებისადმი მისი რწმენის დაკარგვით ხსნიან ხოლმე (იხ., მაგ., ბევინგტონი 2008: 186). იუენ ფერნი, მაგალითად, ფიქრობს: „რაკი პამლეტს არ შეუძლია ისე შეხედოს ქალს, რომ მასში სასირცხო სიშიშვლეც არ დაინახოს, ამიტომაც არის მისი სიტყვები ოფელიას მიმართ სისასტიკისა და ქალთმოძულეობის გამომხატველი“ (ფერნი 2002: 118). სტივენ გრინბლატის (გრინბლატი 2010: 41) აზრით კი, პამლეტის ასეთი მოპყრობა ოფელიასადმი სავარაუდოდ მომდინარეობს არა მისი მსოფლედვიდან, არამედ მისი დასწულებული სულიერი მდგომარეობიდან. პავლეგართა უმრავლესობა ასევე მიიჩნევს, რომ ოფელია უმანკო კრავია, რომელიც უსამართლობასა და უიღბლობას შეეწირა (იხ., მაგ., უაითი 1986: 63; უინკლერი 2006: 86; ჰელერი 2002: 50-51). თუმცა სანამ პამლეტისა და ოფელიას ურთიერთდამოკიდებულების მორალურ მხარეს გავაანალიზებდეთ და შევაფასებდეთ, აუცილებლად მივიჩნევთ, განვიხილოთ უფლისწულის დამოკიდებულება დედამისის მიმართ, რადგან ეს იძლევა ოფელიასადმი პამლეტის მოპყრობის გარკვეულ ახსნას.

პამლეტის პირველივე მონოლოგი ფაქტიურად გერტრუდის მორალური სახის შეფასებას ემსახურება. პამლეტისთვის დედოფალი მოღალატეა ქმრისა, ერთგულებისა, ჭეშმარიტი სიყვარულისა. დედის ცრემლები, რომელიც ცოტა ხნის წინ მეუღლის გარდაცვალებას გლოვობდა, უფლისწულისთვის ახლანიგის ცრემლებად იქცა. “O God, a beast that wants discourse of reason / Would have mourned longer” (შექსპირი 2003: 1.2.150-1) [„ოჲ, ზეცის მაღლო! უჭირო პირუტყვი იგლოვებდა უფრო ხანგრძლივად“ (შექსპირი 1987: 328)] – ასე აფასებს პამლეტი გერტრუდის საქციელს. მისთვის არც დედამისის მეორედ ქორწინების გაუკულმართებული სახეა უმნიშვნელო: “....married with my uncle, / My father’s brother . . . / Ere yet the salt of most unrighteous tears / Had left the flushing in her galled eyes, /She married. Oh most wicked speed, to post / With such dexterity to incestuous sheets” (1.2.151-2; 154-7) [„დაქორწინდა და მერე ვისთან? პიძახებთანა! თვით მამიხემის ღვიძლსა ძმასთნ! . . . არ შეშრობია გარდმონადენი მის ცბიერთა თვალთაგან ცრემლი და ქმრის საწოლი შეაგინა სისხლის შერვეოთ“ (328)]. სწორედ ამ მონოლოგში აღმოხდება პამლეტს ქალისადმი მიმართული შემდეგი სიტყვები: “....frailty, thy

name is woman” (1.2.146) [„[ხისუბეტვა], დედაკაცი უნდა გერქვას შენ“ (328)]. სისუსტეში პამლეტი გულისხმობს ქალის სულიერ სისუსტეს, მასში ნამდვილი სიყვარულის ნიჭისა და ერთგულების ნაკლებობას. რატომ აზოგადებს პამლეტი ამ აზრს ქალზე? იქნებ ყველა ქალი არ არის ასეთი? აზოგადებს, რადგან დედამისია ასეთი – მისთვის ყველაზე ახლო დედაკაცი. დედა ხომ შვილისთვის ქალობის უპირველესი მორალური საზომია. თუმცა, უნდა აღინიშნოს, რომ პამლეტის ეს აზრი დედაკაცის შესახებ ჯერ მხოლოდ ემოციურ პლანშია განზოგადებული და არა ლოგიკურში, რადგან უფლისწული ამ მომენტში განსაკუთრებულად მძიმე ემოციურ მდგომარეობაში იმყოფება. უფრო მშვიდ მდგომარეობაში, პამლეტი ჯერ კიდევ არ არის ლოგიკურად მისული იმ აზრამდე, რომ ყველა ქალი მართლაც ასეთია. ეს დახტურდება მისი თავდაპირველი კეთილი განწყობით ოფელიასადმი. მაგრამ თუ პამლეტი მასშიც აღმოაჩენს პოტენციურ გერტრუდს, ეს ალბათ უკვე საკმარისი იქნება იმისათვის, რომ მას ყველა დედაკაცზე ერთი უარყოფითი აზრი ჩამოუყალიბდეს და საბოლოოდ დაკარგოს ნდობა ქალისადმი. რადა მნიშვნელობა ექნება მაშინ პამლეტისათვის სხვა ქალების ზნეობრიობას, თუკი მისთვის ორი ყველაზე ახლობელი და საყვარელი ქალი – დედა და სატრფო – მორალურად გაუფასურდა. ამიტომ, შემთხვევითი ალბათ არც არის, გერტრუდისა და ოფელის გარდა პიესაში სხვა ქალი პერსონაჟი რომ არ ფიგურირებს. ამის შედეგად, მკითხველისა და მაყურებლის თვალში უფლისწულის დამოკიდებულება მათდამი გარკვეულწილად, თუ შეიძლება ასე ითქვას, ავტომატურ განზოგადებასაც განიცდის და ქმნის ქალისა და ქალობის ერთიან სახეს.

ნუ გვიკვირს, რომ პამლეტისათვის უზომოდ ტრაგიული და ზიზღისმომგვრელია გერტრუდის კლავდიუსზე ქორწინება, თანაც ასე ნაჩეარევად. დედოფალმა არა მხოლოდ სიყვარულს უდალატა, არამედ გარდაცვლილი მეუღლის მმასთან სისხლისშემრევი კავშირის დამყარებით საქვეყნოდ თავი მოჭრა დანიის უფლისწულსაც. პამლეტს სრული საფუძველი აქვს იგარაუდოს, რომ ამ რეალობის შედეგად, სამეფო ოჯახის ავტორიტეტი დანიელი ხალხის უმრავლესობის თვალში დაეცა. დედის უხამსმა ნაბიჯმა, ბუნებრივია, მისი გაჟიც რამდენადმე გასვარა. “I pray thee do not mock me fellow

¹ მაჩაბლის „არარაობავ“ ამოვიდეთ და მის ნაცვლად ჩავსვით „სისუსტევ“, რადგან დედნისეული frailty ქართულად ხისუბეტვა ნიშნავს. იხ. აგრეთვე ნიკო ყიასაშვილის შენიშვნა ამ ფრაზაზე (შექსპირი 1987: 487).

student, / I think it was to see my mother's wedding" (შექსპირი 2003: 1.2.177-8) [„ნუ
დამცინი, მეგობარო! მე ეს მეონია შენ დედიხემის ქორწილისთვის უფრო
ჩამოხვედი“ (შექსპირი 1987: 328)], – მწარე ირონიით მიმართავს უფლისწული
ჰორაციოს, რომელმაც იქამდე მოახსენა, რომ ელსინორში მამათქვენის
დაკრძალვაზე დასასწრებად ჩამოვედიო.

ჰამლეტისა და აჩრდილის დამოკიდებულება გერტრუდისადმი არსებითად
იდენტურია. “O Hamlet, what a falling off was there, / From me whose love was of that dignity
/ That it went hand in hand even with the vow I made to her in marriage” (შექსპირი 2003:
1.5.47-50) [„ო, ჰამლეტ, ჰამლეტ, ხომ გრძნობ ესეთს თავ-დამცირებას! მე
მიღალატა, მე, რომელსაც სიკვდილის დღემდე ისე მიყვარდა, ვით შევფიცე
ქორწილის ქამსა“ (შექსპირი 1987: 334)], – შესჩივის აჩრდილი ჰამლეტს. აი,
სწორედ ამ სიტყვებში დევს დედამისის საქციელისადმი უფლისწულის
ტრაგიული განცდის დედაარსი. ჰამლეტი ასე იგონებს მამამისისადმი
დედამისის დამოკიდებულებას: “....she would hang on him / As if increase of appetite had
grown / By what it fed on” (შექსპირი 2003: 1.2.143-5) [„ესეც მას როგორ ეხვეოდა,
თავს ევლებოდა, თითქო გულისთქმას გულისთქმითა ასაზრდოებდა“ (შექსპირი
1987: 328)]. ჰამლეტისათვის, ისევე როგორც აჩრდილისათვის, გამაოგნებელია
პირველი ქმრისადმი გერტრუდის სიყვარულის სიყალბის ხარისხი. მათვის
აუსნელია, რა საჩუქარზე შეიძლებოდა გაუყიდა გერტრუდს ასე მალე
საკუთარი სინდისიცა და მეუღლის სიყვარულიც, თუკი მას საერთოდ გააჩნდა
ან ერთი ან მეორე. “O wicked wit and gifts that have the power / So to seduce” (შექსპირი
2003: 1.5.44.5) [„წყვულიძე იყოს ის ჭარაც და ის საჩუქარიც, რახაც აქვს ძალი
ესრედ გრძნებით მოღორებისა“ (შექსპირი 1987: 334)], – ამბობს აჩრდილი,
რომელიც საკუთარი ცოლის ასეთ დაცემას მართლაც მხოლოდ ჯადოქრობის
უემოქმედებითდა თუ ასენიდა.

ამრიგად, იმდენად დიდი და საძაგელია გერტრუდის დანაშაული მეუღლისა
და შვილის წინაშე, და იმდენად მოულოდნებლიც, რომ ძნელია უფლისწულს
ქალთმობულეობა დაგწამოთ. ჰამლეტი ქალში ქალობას ეძებს და არა
მდედრობითი სქესის პირუტყვს, და თუ იგი დედამისში პირუტყვზე მეტს
ვერაფერს ხედავს, ეს გერტრუდის ამორალურობის შედეგია და არა
ქალებისადმი მისი ვაჟიშვილის გამრუდებული ხედვისა. ჰამლეტი რომ
ქალთმობულე არ არის, ეს დასტურდება დედამისთან მისი კამათის დროსაც. იგი
ცდილობს დედოფალში სინდისი გააღვიძოს: “Confess yourself to heaven, / Repent

what's past" (შექსპირი 2003: 3.4.150-1) [„გაუტყდი ზეცას, შეინანე შენი წარხული“ (შექსპირი 1987: 363)]. რახან ამას ცდილობს, უშვებს კიდევაც მისი სულიერი წამოდგომის შესაძლებლობას, თუნდაც ასეთი დაცემულობიდან. როგორც კი გერტრუდი მცირეოდენ სინანულს გამოავლენს, ჰამლეტიც არ აყოვნებს მისდამი სითბოსა და სიყვარულის გამოხატვას: "Once more good night, / And when you are desirous to be blessed, / I'll blessing beg of you" (შექსპირი 2003: 3.4.171-3) [„კიდევ და კიდევ მშვიდობასა ვისურვებ შეხოვის, და თუ სურვილი გულს აღვეძრა დაგლოცოს ვინძებ, მე თვით მოვითხოვ, დედახემო, შენგან დალოცვას!“ (შექსპირი 1987: 364)].

დედამისისადმი ჰამლეტის დამოკიდებულების ფონზე, რა შეიძლება ითქვას უფლისწულისა და ოფელიას ურთიერთობაზე? ხედავს თუ არა ჰამლეტი ოფელიაში პოტენციურ გერტრუდს? მიუხედავად დედამისის საქციელისგან მოყენებული მძიმე სულიერი ტრავმისა, ნამდვილად ვერ დავაბრალებო ჰამლეტს, რომ ოფელიაში თავიდანვე ეჭვი ეპარება, და ვერც იმას ვიტყვით, რომ უჯეროდ უპყრობა მას, ვიდრე მათ ურთიერთობაში პოლონიუსი არ ჩაერევა. ოფელიასა და პოლონიუსის საუბრიდან ჩვენ ვგებულობთ როგორია თავდაპირველად ჰამლეტის დამოკიდებულება ოფელიასადმი. ოფელია უფლისწულზე ამბობს: "He hath [...] of late made many tenders / Of his affection to me. . . . he hath importuned me with love / In honourable fashion. . . . And hath given countenance to his speech [...] / With almost all the holy vows of heaven" (შექსპირი 2003: 1.3.99-100; 110-11; 113-14) [„....ამ ბოლო დროს მან რამდენჯერმე ალერსიანი სიტყვა მითხრა. . . . მან მოკრძალებით სიყვარული გამომიცხადა. . . . თვისი სიტყვები დაამტკიცა სახტიკი ფიცით“ (შექსპირი 1987: 331-332)]. ჰამლეტის ქალთმობულებაზე აქ ლაპარაკიც კი ზედმეტია. რა ხდება შემდეგ? მამამისის დავალებით, ოფელია დისტანციას იჭერს ჰამლეტისგან: "...as you did command, / I did repel his letters, and denied / His access to me" (შექსპირი 2003: 2.1.106-108) [„....როგორც მიბრძანეთ, მე ავუკრძალე ჩემთან მოხვდა და წერილებიც აღარ მივიღე მისგან“ (შექსპირი 1987: 339)], – ეუბნება ჰამლეტის შესახებ ოფელია პოლონიუსს. როგორი უნდა იყოს ჰამლეტის რეაქცია, როდესაც მას ყოველგვარი ასსნა-განმარტების გარეშე სატრფო უარს ეუბნება ურთიერთობაზე, მაშინ როცა ხედავს, რომ ჯერ-ჯერობით არაფერი დაუშავებია ოფელიასთვის? აღსანიშნავია, რომ ეს უკვე ის ეტაპია პიესაში, როცა დედამისის კლავდიუსზე ქორწინებით ისედაც დამძიმებული ჰამლეტის სული კიდევ უფრო დამძიმებულია აჩრდილის ნაამბობით. თავმოგიჟიანებული ჰამლეტი ერთგვარ

მეთოდად იყენებს ამ „სიგიურს“ ოფელიას აკრძალვის დასარღვევად და შემლილის სახით თავს დაადგება მას თავის ოთახში, როდესაც იგი საპერავს უზის. ოფელია აღწერს ჰამლეტის გარეგნულ მდგომარეობას და მის უცნაურ მოქმედებასაც (შექსპირი 2003: 2.1.75-82; 85-98; შექსპირი 1987: 338-339). შემლილის ნიღაბს ამოფარებული უფლისწული ცდილობს მიანიშნოს ოფელიას, რომ გულნატკენია მასზე, თუმცა პირდაპირ არაფერს ეუბნება მას. “He raised a sigh so piteous and profound / As it did seem to shatter all his bulk, / And end his being” (შექსპირი 2003: 2.1.92-4) [„...ისე ძლიერ, ხაცოდავად ამოკვნება, გეგონებოდათ, შეერყაო ძოვლი ხევული და ამ კვნებას ამოკვდაო მიხი ხიცოცხლეც“ (შექსპირი 1987: 339)], – ჰყვება ოფელია. ჰამლეტის ქმედებაში ერთგვარი მუდარაც ჩანს სატრიუსადმი. თითქოს ეუბნება მას: „შენ მაინც დამინდე, ოფელია!“. როგორც ალეგზანდერ ლეგატი (ლეგატი 2005: 69) შენიშნავს, შესაძლოა ამ სცენაში ჰამლეტი იმიტომ აშტერდება ოფელიას დიდხანს სახეზე, რომ დაინახოს რამდენად ავლენს იგი გერტრუდობის ნიშნებს. მიუხედავად ყველაფრისა, ჰამლეტს ჯერ კიდუვ ცუდი და შეურაცხმყოფელი არაფერი უკადრებია ოფელიასთვის.

ოფელიასადმი უფლისწულის გრძნობების შესახებ გარკვეულ ინფორმაციას იძლევა ჰამლეტის სასიყვარულო წერილიც, რომელსაც თავად ოფელია გადასცემს პოლონიუსს:

To the celestial, and my soul's idol, the most beautified Ophelia....

Doubt thou the stars are fire,
Doubt that the sun doth move,
Doubt truth to be a liar,
But never doubt I love.

O dear Ophelia, I am ill at these numbers, I have not art to reckon
my groans; but that I love thee best, O most best, believe it. Adieu.

Thine evermore, most dear lady, whilst this machine is to him, Hamlet.

(შექსპირი 2003: 2.2.109; 2.2.115-22)

ზეცით გარდმოვლენილს ჩემი სულის ღმერთს,
უუშვენიერესს ოფელიას....

თუნდ ნუ ენდობი ვარსკვლავთ სინათლეს,
ნურც ცის სფერაში ტრიალსა მზისას,
თუნდ ნუ ენდობი მართალთ სიმართლეს, –
ენდე ძალს ჩემის სიყვარულისას.

ოჰ, ძგირფასო ოფელია, ლექსების წერა მე არ მეხერხება, არ
შემიძლიან ჩემი გულის პვნესა რითმებისათვის ვთვალო, მაგრამ
გჯეროდეს, რომ მიყვარხარ, მიყვარხარ ყოვლის უმეტესად.
მშგიდობით!

შენი საუკუნოდ, ვიდრე ამ სუსტ სხეულში სული შემრჩება, ჰამლეტ.

(შექსპირი 1987: 341)

ეს არ არის ქალთმომულის წერილი. ამ წერილით ჰამლეტი ცდილობს, ოფელიას თავისი სიყვარული დაუმტკიცოს. იგი ირწმუნება, რომ მისი სიყვარული ძალიან ძლიერია. ნიშანდობლივია ჰამლეტის ლექსის შინაარსიც, რომელიც მოუწოდებს ოფელიას, თვით სიმართლეზე მეტად ჰამლეტის სიყვარულს ენდოს. თითქოს უფლისწული აფრთხილებს მას, არ აჲყვეს სხვების აზრს, თუნდაც მამამისისას, და არ უდალატოს ამ სიყვარულს. საყურადღებოა ასევე წერილის დამაბოლოვებელი სიტყვებიც, სადაც ჰამლეტი ირიბად მიანიშნებს ოფელიას საკუთარი სულის დამძიმებულ მდგომარეობაზე და თითქოს ერთგვარად აცოდებს კიდეც მას თავს. შეიძლება ითქვას, რომ ჰამლეტის წერილი და ზემოთ განხილული მისი ექსცენტრული გამოცხადება ოფელიას ოთახში ერთ არსეს გამოხატავს. ორივე შემთხვევაში ჰამლეტი ცდილობს, ოფელიას საკუთარი სულის ტკივილი გაუზიაროს და მისი თანაგრძნობა მოიპოვოს, თუმცა, უშედეგოდ. ოფელია ვერ უგებს მას.

აღსანიშნავია ჰამლეტის წერილთან დაკავშირებით პოლონიუსის კომენტარი მეფე-დედოფლის წინაშე: “This in obedience hath my daughter shown me, / And, more above, hath his solicitings, / As they fell out, by time, by means, and place, / All given to mine ear” (შექსპირი 2003: 2.2.123-6) [„ჩემი ასულმა მორჩილებით მე ეს გადმომცა და უკელავერი დაწვრილებით შემატეობინა, თუ სად გაეხდო მას ჰამლეტი, როდის, ან რა გზით“ (შექსპირი 1987: 341)]. რამდენად კეთილსინდისიერია ოფელიასგან ჰამლეტის სასიყვარულო წერილის გასაჯაროება, თუ მას იგი ნამდვილად უყვარს? ცხადია, ოფელია აქ შეყვარებულისთვის შეუფერებელ საქციელს

სჩადის. იგი არდვევს სიყვარულის ინტიმურობას და მისდამი ჰამლეტის გრძნობებს სხვების განსახილველ საკითხად აქცევს. მიუხედავად ამისა, ოფელიას ამ ქმედებას გარკვეული გამართლება მაინც გააჩნია. ჯერ ერთი, იგი ემორჩილება მამის ნებას; მეორეც, ის წუხს ჰამლეტის მდგომარეობის გამო და მის შესახებ უფროსებისათვის ინფორმაციის მიწოდებით იმედს იტოვებს, რომ ისინი გაერკვევიან უფლისწულის სულიერ პრობლემაში და დროულად უწამლებენ მას. ამითვე შეიძლება აიხსნას ისიც, რომ მოგვიანებით კლავდიუსისა და პოლონიუსის დავალებით ოფელია ჰამლეტზე ჩასატარებელ ერთგვარ ჯაშუშურ ექსპერიმენტში მონაწილეობაზეც თანხმდება. ოფელიას ზრახვები ჰამლეტისადმი აქაც უბოროტოა, მაგრამ მისი შეცდომა სწორედ ის არის, რომ მეფისა და მამამისის დამოკიდებულებაც ასეთივე ჰგონია უფლისწულისადმი. “Read on this book, / That show of such an exercise may colour / Your loneliness” (შექსპირი 2003: 3.1.44-6) [„აპა, ეს წიგნი¹, კითომ კითხულობ. წიგნით ხელში რომ დაგინახავს [ჰამლეტი – ი.პ.], შენი მარტოკა ყოფნა აღარ ეუცხოება“ (შექსპირი 1987: 350)], – არიგებს პოლონიუსი თავის ქალიშვილს. ოფელიაც, რა თქმა უნდა, ემორჩილება ამ არც ისე კეთილსინდისიერ დავალებას და ჰამლეტის წინაშე წიგნის მოჩვენებითი კითხვით წარსდგება.

უშუალოდ ოფელიასთან შეხვედრის წინ ჰამლეტი „ყოფნა-არყოფნის“ ცნობილ მონოლოგს წარმოთქვამს. ამ მომენტში მისი სულიერი და ემოციური მდგომარეობა საკმაოდ მძიმეა.² მიუხედავად იმისა, რომ უფლისწულს თვითმკვლელობის რეალური განზრახვა არა აქვს, იგი მაინც განიხილავს მას, როგორც იდეას, თუნდაც ცოცხლად დარჩენაზე ბევრად უფრო საშიშს. თვითმკვლელობა ასეთი საშიში რომ არ იყოს, მაშინ ლირსეული ადამიანი, ჰამლეტის აზრით, გაექცეოდა ამქვეყნიურ სინამდვილეს: “For who would bear the whips and scorns of time, / Th’oppressor’s wrong, the proud man’s contumely, / The pangs of disprized love, the law’s delay, / The insolence of office, and the spurns / That patient merit of th’unworthy takes, When he himself might his quietus make / With a bare bodkin?” (შექსპირი

¹ სავარაუდოდ იგულისხმება ლოცვანი. იხ. აგრეთვე ნიკო ყიასაშვილის კომენტარი (შექსპირი 1987: 493).

² „ყოფნა-არყოფნის“ მონოლოგი უფრო მსჯელობაა უფლისწულისა, ვიდრე მის სულში არსებულ საპირისპირო განზრახვათა ურთიერთჭიდილი. თუმცა ჰამლეტის ტრაგიკულ მდგომარეობაში ასეთ სამკვდრო-სასიცოცხლო თემაზე მსჯელობა, ცხადია, ვერ იქნებოდა ნელთბილი და უემოციო.

2003: 3.1.70-6) [„զո՞ն մոստմյեճօծ շամօեռծ յամտա ևօթիարյե, մԾարցալու հաջըրաԵ¹, ևօմայու տացօակյլուծօծաԵ, Ծաճչասա մի՞ցայես շարյոցուծ ևօյցարյլուսաԵ, մարտլմեաչյլոյեծու զցուանուծաԵ, մելուաշրտ շյմյեռուծաԵ, մշյրաւեյոցաԵ քորեյյլուս շլուրեսացաԵ, – մմցուուծու ձոյնա ռոմ մցցցյելուս դանու յրտ քայյրուտ?“ (Մյյէսպորո 1987: 350)]. Տայյշրագցածու, ռոմ այ քամլյեթո շարյոցուծ ևօյցարյլուսացաԵ մոյյենցիյլ մի՞ցաց Ծաճչանցու Տայյածրուծ, ռաց մոանո՛նյեծս ոմանց, ռոմ մուս Տայյրու Ծրացույլու ցանցուծու նախուու յե Ծաճչանց արուտ. ոցյելուս յարո յրտոյերտուծանց პորդապոր շարյոցաԵ ոյ առ նո՛նացա, մոնոմյի մուս ևօմէցումյեծս մանց աթարյեծու շյլուսիյլուսատցուս. դա առ, եցուցս քամլյեթո ոցյելուս վոցնու յուուեցու մուկյեն մոմացալս, Վյայը տացու Ծրացույլ մոնուուց դա մոմարտացս մաս: “Nymph, in thy orisons / Be all my sins remembered” (Մյյէսպորո 2003: 3.1.89-90) [„մոսեկյեց մյեն լուցաժո, ձու, զյրոազ, իյծո շուացյեծո“² (Մյյէսպորո 1987: 350)]. Ոցյելուս մուկյուուց մաս: “Good my lord, / How does your honour for this many a day?” (3.1.90-1) [„ամ ձուու քրու ռոշու ձրմանցյեծու, ելումիոցու մցուուր?“ (350)]. Քամլյեթո յո քայյեռուծս: “I humbly thank you, well, well, well” (3.1.92) [„լուուած ցմարլուծու, յարցած ցաելուացարտ“ (350)]. Արանաուրո ացրյեսու այ առ օցրմեռու քամլյեթուսաց. პորոյուտ, մացնյելու յոյյրյեծու մուցյլս ոցյելուս դանաեցա տուոյու մցեցասաց անոյցյեծս. մուս դամմոմյեյլուս ևյլուստցուս ամ քրուս ոցյելուստան մցեցաւրա յրտցարո ևյլույրո յանցեացու ռոլս ասրյլյեծս, մացրամ ամ ևյլույրո յանցեացու Վյարուսաց ոցյելուս յեմուս քամլյեթո մյեմցյցու ևօթյացյուտ: “My lord, I have remembrances of yours / That I have longed long to re-deliver. / I pray you now receive them” (3.1.93-5) [„մյ եաեւովրյեծու ռոմ մյյեն ոյցյենցա, քուու եանու, մոնուու յյան մոմյրումու, առ, ոնյեյյո“ (350)]. Քամլյեթո ցամրա. ոցո ամյարած առ մոյլուու ոցյելուսացա, ասյո ցյլուու ևյլուստցու ևյլույրու յունյեծս մաս: “No, not I, / I never gave you aught” (3.1.95-6) [„եշուացյեծո, մյ ոյցյենցուս արացյերո առ մոմուցու“ (350)]. Քամլյեթուս ամ ռյէլոյոյուս արայրուո ոնքյրացյեթացու արսեցուծս (օբ. նոյո յուսամցուու յոմյենցարո: Մյյէսպորո 1987: 493), ոյմցա յյորո մարტուու դա լոցույրու, զոյոյոյրու, ռոմ մոյլուու դույնյելուսացա, ցոթատու դանյյլուս յյոցուսիյլուս ամ ևօթյացյուտ

¹ „մԾարցալու հաջըրաԵ“ անյ „մԾարցալու միացըրյլուծաԵ“. մահամյելու որանիրոգան զարուանիւ որիյց, ռոշորց հանս, Ծայբմու տուումյեթո մարցուու մյյանարիյնյեծուաց.

² Կոցյուրու մյացլյացարո քամլյեթուս ամ ևօթյացյեծու որոնուս եցուցս, ոյմցա նայլյեծա ևյարայուու, ռոմ այ օրոնուս ոյուս. օբ. ացրյուց նոյո յուսամցուու յոմյենցարո (Մյյէսպորո 1987: 493).

ცდილობს გადააფიქრებინოს ოფელიას საჩუქრების დაბრუნება და ალბათ გულისხმობს: „რახან არაფერი მიჩუქნია, არც არაფერს არ უნდა მიბრუნებდეო“. მაგრამ ოფელია მკვახედ მიუგებს: “My honoured lord, you know right well you did, / And with them words of so sweet breath composed / As made the things more rich. Their perfume lost, / Take these again, for to the noble mind / Rich gifts wax poor when givers prove unkind” (3.1.97-101) [„ოქვენ კარგად იცით, რომ მიბოძეთ და იმ ხახხოვრებს ამოდ ხახმენი სიტყვებიც თან გამოატანეთ, რომელთაც ძვირფასს ნივთო ღირსება გაუახეცეს. მდიდარს საჩუქარს სულგრძელისა მიმდებისათვის ფახი აღარ აქვს, თუ გამცემი გაგულცივდება“ (350)]. ოფელია არა მარტო უბრუნებს უფლისწულს საჩუქრებს, არამედ უგულობასაც აბრალებს მას, თუმცა ის კი დავიწყებია, რომ პირველად ოფიონ მოექცა ჰამლეტს გულცივად, როდესაც მამამისის დავალებით აუკრძალა მას მოსვლა და წერილების გამოგზავნაც. იგი ახლაც ვერ ხვდება, რომ უგულოდ ექცევა ჰამლეტს. მის უკმერ სიტყვებში იგრძნობა პოლონიუსის გავლენაც. სწორედ პოლონიუსმა ჩაუნერგა მას, რომ ჰამლეტის გრძნობა მისდამი ყალბია და მხოლოდ ხორციელი: “Do not believe his vows, for they are brokers, / Not of that dye which their investments show, / But mere implorators of unholy suits, / Breathing like sanctified and pious bonds, / The better to beguile” (შექსპირი 2003: 1.3.127-31) [„ნუ ენდობი შენ იმის ფიცხა, იგი არ არის იმ ფერისა, რა ფერისაც სჩანს: თუმც არაწმინდა გულისთქმათა მოუგზავნიათ, მაგრამ წმიდანობს, რომ ადვილად მოხიბელა შეხძლოს“ (შექსპირი 1987: 332)]. პოლონიუსის ჩაწვეთებული შხამით ოფელია ნებსით თუ უნებლიერ გესლავს ჰამლეტს. და აი, აქ ისედაც სულდამძიმებული ჰამლეტი კარგავს წონასწორობას. მის წინაშე ახლა მისი სატრფო კი არა, პოლონიუსის ქალიშვილი დგას. ეს გადამწყვეტი მომენტია პიესაში ოფელიასა და ჰამლეტის ურთიერთობის თვალსაზრისით. ოფელიას კდემამოსილი სახე ჰამლეტის ცნობიერებაში შეირყა. აქედან მოყოლებული, უფლისწული მასში უკვე პოტენციურ გერტრუდს ხედავს. მისი წყენა თანდათან დამცინავ და ბრაზიან რეპლიკებში გარდაისახება. იგი ალბათ იმასაც ხვდება, რომ ოფელიას სიტყვებისა და საქციელის უკან პოლონიუსის გავლენა დგას. ეს მინიშნებულია იმითაც, რომ ჰამლეტი მოიკითხავს პოლონიუსს, და როდესაც ოფელია მოატყუებს, რომ იგი შინ არის, თავმოგიუიანებული უფლისწული მოხერხებულად და დამცინავად ეუბნება: “Let the doors be shut upon him, that he may play the fool nowhere but in's own house” (შექსპირი 2003: 3.1.128-9) [„კარგი მაგრად

ჩაუკეტე, რომ თავის სახლს გარეთ მასხარობა კერსად შესძლოს“ (შექსპირი 1987: 351)].

ცხადია, ოფელია ვერ ხვდება უფლისწულის განრისხების ნამდვილს მიზეზს. მას ყველაფერი მისი სიგიჟის ბრალი პგონია: “Oh help him you sweet heavens!” (3.1.130) [„ძალნო ციურნო, თქვენ დაუბრუნეთ თავის გონება“ (351)]. პამლეტი მას ურთგვარად პკბენს, როდესაც ჯერ ეუბნება ერთ დროს მიუვარდიო, შემდეგ კი – არასდროს მყვარებისარო. მისი სიტყვები სიმართლეს არ შეაფერება, მაგრამ პამლეტის მიზანია ოფელიასაც განაცდევინოს სატრფოსგან უარყოფის სიმწარე, ისევე, როგორც თავად განიცადა მისგან. იგი უგულობაზე უგულობითვე პასუხობს და ამით უხდის მას სამაგიეროს. ამავდროულად, შესაძლებელია, რომ ამ მეთოდით პამლეტი ცდის ოფელიას გრძნობებს მისდამი, რათა უფრო კარგად გაერკვეს, რა არის მისგან ოფელიას გაუცხოების ძირითადი მიზეზი: პოლონიუსის ჩარევა, თუ თავად ოფელიას გულცივობა. ყველა შემთხვევაში, პამლეტი გრძნობს, რომ ოფელია ადვილად ექვემდებარება სხვებისგან მანიპულირებას. უფლისწული, როგორც ჩანს, ფიქრობს, რომ ელსინორის სამეფო კარის ბინძურმა და ფარისევლურმა გარემომ შესაძლოა ოფელიაც ზნეობრივად დაამახინჯოს და გერტრუდივით გარყვნას. სწორედ ამიტომ, იგი დაჟინებით მოუწოდებს ოფელიას მონასტერში წასვლას, რათა განარიდოს იგი სასახლის ამორალურ სამყაროს: “We are arrant knaves all, believe none of us. Go thy ways to a nunnery” (შექსპირი 2003: 3.1.125-6) [„ჩვენ ყველანი ნამდვილი მატუუარები გართ. ნურც ერთს ნურას დაგვიჯერებ. წადი მონასტერში“ (შექსპირი 1987: 351)]. პამლეტის რწმენა ადამიანისადმი იმდენად შერყეულია, რომ იგი კაცობრიობის გამრავლებაშიც უკვე გედარ ხედავს კეთილ საზრისს. იგი მოუწოდებს ოფელიას არ გათხოვდეს და არ ამრავლოს ცოდვიანები ქვეყანაზე. ჯენ ბლიცის (ბლიცი 2001: 191) აზრით, პამლეტის ეს სიტყვები უკვე სცდება ქალთმომულეობის ფარგლებს და ზოგადად კაცომომულეობას გამოხატავს. თუმცა აქვე გასათვალისწინებელია, რომ პამლეტის ასეთ მიზანთროპულ განწყობილებას რამდენადმე მისი განრისხებული მდგომარეობაც განაპირობებს ამ მომენტში. გარდა ამისა, შესაძლოა უფლისწული იმიტომაც მიმართავს თავის მსჯელობაში ურთგვარ რადიკალიზმს, რომ უფრო მყარად დაარწმუნოს ოფელია სასახლის გარემოსგან თავის გარიდების აუცილებლობაში.

პამლეტის ოფელიასადმი მოწოდებაში იკვეთება ისიც, რომ უფლისწულს არ უნდა შეეგუოს ოფელიას სხვაზე გათხოვების იდეას. პამლეტს არ ემეტება იგი

სხვისთვის და ფაქტიურად წყევლის მას, თუ სხვაზე მოინდომებს გათხოვებას: “If thou dost marry, I'll give thee this plague for thy dowry: be though as chaste as ice, as pure as snow, thou shalt not escape calumny. Get thee to a nunnery, go” (შექსპირი 2003: 3.1.131-3) [„თუ ქმარს შეირთავ, ეს სიმწარე მზითვად გამომიტანებია: ყინულსავით რომ უმანეთ იყო და თოვლსავით წმინდა, მაინც ცილისწამება არ აგცდება. გეუბნები, მონასტერში წადი“ (შექსპირი 1987: 351)]. პამლეტს, რომლის გატეხილ გულში ოფელიას მაინც რჩება ადგილი, რა თქმა უნდა, ურჩევნია მისი მონასტერში წასვლა, ვიდრე სხვაზე გათხოვება. ხოლო ისეთ ოფელიაში, რომელიც გათხოვების გზას აირჩევს, პამლეტი მხოლოდ პოტენციურ გერტრუდს ხედავს: “Or if thou wilt needs marry, marry a fool, for wise men know well enough what monsters you make of them” (3.1.133-5) [„თუ მაინცდამაინც ქმარს შეირთავ, ხულელი შეირთავ, თორებ ჭკვიანებს კარგად ეხმით, რა საშინელებასაც იმათ უმზადებო“ (351)].

მოგვიანებით, „ხაფანგის სცენაში“ პამლეტი და ოფელია ერთად უყურებენ „გონზაგოს მკვლელობას“. ოფელია ეუბნება პამლეტს: “You are merry my lord” (შექსპირი 2003: 3.2.108) [„თქვენ დღეს მხიარულად ბრძანდებით“ (შექსპირი 1987: 354)], რაზეც უფლისწული მიუგებს: “O God, your jig-maker. What should a man do but be merry? For look you how cheerfully my mother looks, and my father died within's two hours” (3.2.111-13) [„არა თუ? მე ხომ თქვენი მახხარა გარ, და ან კაცმა სხვა რა გააკეთოს თუ არ იმხიარულოს? აი ხომ ხედავთ, დედაჩემს სახე როგორ უცინის და მამაჩემი კი ამ ორის საათის წინად მოკვდა“]. ოფელია უსწორებს: “Nay, 'tis twice two months my lord” (3.2.114) [„რას მიბრძანებო? რატომ ორჯერ ორი თვე არ არის მას აქეთ“]. ამის გაგონებაზე კი პამლეტს ადმოხდება: “So long? Nay then let the devil wear black, for I'll have a suit of sables. O heavens! Die two months ago, and not forgotten yet?” (3.2.115-16) [„იქნება მაგდენი ხანია? მაშ ეშმაკმა ჩაიცვას შავი და ბნელი, მე კი ყარყუმის წამოხაბურავით მოვირთობი, დმჟრთო ჩემო, კაცი ორი თვეა მკვდარია და ჯერ კიდევ არ გამოუგლოვიათ“ (354)]. პამლეტის ემოცია აქ პალიან ნიშანდობლივია. იგი ვერ მალავს იმედგაცრუებას ოფელიას მიმართ. განა ოფელია რაიმე არასწორს ეუბნება?! რეალურად, მართლაც ორ თვეზე მეტია გასული პამლეტის მამის გარდაცვალებიდან და ეს უფლისწულმაც კარგად უწყის, მაგრამ მისი იმედგაცრუება სწორედ იმაში მდგომარეობს, რომ ოფელიამ ვერ გაიგო პამლეტის „ორი საათის“ ტრაგიული მნიშვნელობა და როგორც ჩანს, მხოლოდ მისი „სიგიჟის“ გამოხატულება პგონია ეს „უზუსტობაც“. ოფელია ვერ ხვდება, რომ პამლეტის ტკივილი გერტრუდის

ღიმილია. უფლისწულის თვალში კი ოფელიას სიტყვები თითქოს ამართლებს გერტრუდის ასეთ საქციელს: რახან ორ თვეზე მეტი გასულა წინა მეუღლის გარდაცვალებიდან, ახლა არაფერი უჭირს, რომ დედოფალმა იმხიარულოს. ჰამლეტს ზარავს ოფელიას ასეთი სულიერი სიბრმავე. ოფელია ვერ უგებს მგლოვიარე უფლისწულს, მაგრამ უგებს გამხიარულებულ დედოფალს. აქედან კი, ჰამლეტი ბუნებრივად ასკვნის, რომ ოფელია არაფრად მიიჩნევს გერტრუდის ამორალურ მდგომარეობას. იგი საბოლოოდ რწმუნდება, რომ თუ ოფელია მონასტერში არ გაიხიზნება, ამ გარუცნილ და ზნედაცემულ გარემოში მისი სულიერი დაღმასვლა ფაქტიურად გარდაუვალი იქნება. თავისი გადმოსახედიდან, ჰამლეტს საკმარისი საფუძველი აქვს იფიქროს, რომ თუ ოფელიას ცოლად შეირთავს, ისიც გერტრუდივით ძალიან მალე უდალატებს საკუთარ ქმარს, თუკი ჰამლეტი გარდაიცვლება. ამიტომ, სრულებით ადარ არის გასაკვირი, რომ უფლისწული ოფელიაში პოტენციურ გერტრუდს ხედავს. ოფელია საკმარის საფუძველს აძლევს მას ამ დასკვნის გამოსატანად და ეს ჰამლეტის ქალთმოძულეობით ვერასგზით ვერ აიხსნება. ჰამლეტს არ სძულს ქალი, არც გერტრუდი სძულს და არც ოფელია. მას აძრწუნებს ქალის სულიერი სიცარიელე, მისი ორგულობა და უსიყვარულობა. როდესაც ოფელია შენიშნავს, რომ ჰიესის პროლოგი ძალიან მოკლეა, ჰამლეტი მწარედ მიუგებს: “As woman’s love” (შექსპირი 2003: 3.2.135) [„როგორც ქალის სიყვარული“ (შექსპირი 1987: 355)] და ამით კიდევ ერთხელ ადასტურებს, რა წარმოადგენს ქალისადმი მისი უნდობლობის მთავარ წყაროს. რახან ჰამლეტის თვალში ოფელიას ძველ უმანკო სახეს გერტრუდობის ავხორცული პერსპექტივა ჩაენაცვლა, უფლისწული მას უკვე არათუ მოკრძალებულად აღარ მიმართავს, არამედ საკმაოდ უხამსი სექსუალური ქარაგმებითაც უმასპინძლდება. თითქოს ამით იგი უუბნება ოფელიას: „რაკი შენ სულიერად თურმე გერტრუდს ენათესავები, მე შენში სექსუალური ობიექტის მეტს უკვე ვედარაფერს ვხედავ“. “Still better and worse” (შექსპირი 2003: 3.2.227) [„თანდათან უარესსა პრძანებთ“ (შექსპირი 1987: 356)], – აპროტესტებს ოფელია, რაზეც ჰამლეტი მიუგებს: “So you mistake your husbands” (3.2.228) [„დიაღ, როგორც თქვენ თანდათან უარესს ქმრებს ირთავთ“ (356)]. ამით ჰამლეტი ფაქტიურად მიანიშნებს ოფელიას, თუ რატომ მიმართავს იგი მას ასე უხამსად: „მე შენში მომავალ გერტრუდს, ანუ ქმრის მოღალატეს ვხედავო“.

დაბოლოს, ჰამლეტის ტრაგიკული განცდა ოფელიას სიკვდილის გამო საბოლოოდ ადასტურებს, რომ იგი ქალთმოძულე არ არის. ამ მომენტზე,

მაგალითად, შივან კინენი (კინენი 2008: 95) ამახვილებს უურადღებას. ოფელიას სიკვდილისგან და ლაერტის მტრული მოპყრობისგან გამწარებული ჰამლეტი დიად აცხადებს: “I loved Ophelia; forty thousand brothers / Could not with all their quantity of love / Make up my sum” (შექსპირი 2003: 5.1.236-8) [„მე ოფელია მიყვარდა და ორმოც ათას ძმას ერთად მოგროვიდთ ჩემსავით ვერ უყვარებოდოთ“ (შექსპირი 1987: 38)]. შეიძლება, ჰამლეტის სიტყვები გაზვიადებულია, მაგრამ სიცრუეს ნამდვილად არ წარმოადგენს. მას უყვარდა ოფელია და ძნელი წარმოსადგენია, ზოგადად ქალთა მოძულეს კონკრეტული ქალი შეყვარებოდა.

ამრიგად, ცხადია, რომ ჰამლეტი ქალთმოძულე არ არის. იგი ქალში სიყვარულსა და სიწმინდეს, ერთგულებასა და უმანკოებას ეძებს. და რომ ვერ პოულობს ამას, სწორედ ეს არის მისი მრისხანების მიზეზი. ჰამლეტი იმედგაცრუებულია არა მარტო ქალით, არამედ ზოგადად ადამიანით, მაგრამ მისთვის, როგორც შვილისთვის, განსაკუთრებულად მტკიცნეულია დედის სულიერი დაცემა, ხოლო როგორც მამაკაცისთვის, განსაკუთრებულად მძიმე – სატრფოში ანალოგიური საშიშროების აღმოჩენა. სწორედ ამით აიხსნება ჰამლეტის მეტი ფოკუსირება დედაკაცის ზნეობრიობაზე, ვიდრე მამაკაცისაზე.

ჰამლეტისა და ოფელიას ურთიერთობის ანალიზი აჩვენებს, რომ ოფელიამ საკმარისი საფუძველი მისცა უფლისწულს იმისათვის, რომ მას თავის სატრფოში პოტენციური გერტრუდი დაენახა. ჰამლეტს სხვა აზრი არც შეეძლო ჰქონოდა, რადგან მის წინაშე წარმოდგენილი რეალობა ყველანაირად ამ შეხედულებისაგან უბიძგებდა. მიუხედავად ამისა, მაინც ისმის კითხვა, ობიექტურად რამდენად შეიძლება ოფელია მომავალი გერტრუდობის კანდიდატად ჩაითვალოს, თუ იგი არ განერიდება სასახლის უზნეო გარემოს. ჩვენ ხომ მის შესახებ მეტი ვიცით, ვიდრე ჰამლეტმა.

ერთი რამ ცხადია: ოფელია უმანკო კრაგს ნამდვილად არ წარმოადგენს. იგი აშკარად ცდება ჰამლეტის წინაშე. ისიც ჩანს, რომ მას თავდავიწყებით მაინც არ უყვარს უფლისწული. ჯულიეტას როგორც უყვარდა რომეო, ისე რომ ჰყვარებოდა ჰამლეტი, მამამისის ბრძანების წინაშე მისი ნება ასეთი უსუსური არ აღმოჩნდებოდა. იგი აუცილებლად გაარღვევდა პოლონიუსის გავლენას და უფლისწულსაც ნაწილობრივ მაინც გაუგებდა. ოფელიას უდავოდ აკლდა ჰამლეტის რთულ პრობლემაში წვდომისათვის საკმარისი ინტელექტი, რაც მას გარკვეულწილად ამართლებს კიდევ, მაგრამ ძლიერ სიყვარულს შეეძლო ამ უკმარისობის გარკვეული კომპენსაცია, რადგან ამ გრძნობას თაგისი იდუმალი

გონი აქვს. სიყვარულის გონი ხშირად წარმოუდგენელ რამეს მოაფიქრებინებს ჩვეულებრივ ტრაფარეტულად მოაზროვნე ადამიანს და ბევრსაც გააბედვინებს, ოღონდ კი თავის სანუკვარ მიზანს მიაღწიოს. თუმცა ოფელიასთან ასე არ ხდება. მისი სიყვარული ჰამლეტისადმი მთლად ნელთბილი, რა თქმა უნდა, არ არის, მაგრამ არც თავგანწირულია.

მიუხედავად ყველაფრისა, ოფელიას დანაშაული სხვებთან შედარებით ძალიან მცირება. იგი ვერ გაერკვა სიტუაციაში. ის ახალგაზრდაა, საკმაოდ მიამიტი და გამოუცდელი. მას უყვარს მამა და ენდობა მას. ამიტომ, გაქნილ პოლონიუსს არ უჭირს თავისი ქალიშვილის მართვა. შეიძლება ოფელია არ არის უმანქო კრავი, მაგრამ ის ნამდვილად მსხვერპლია ყალბი და დაუნდობელი გარემოცვისა. ამით შექსპირი თითქოს მიანიშნებს, რომ ოფელიას ზნეობრივი დაკნინება უკეთურ გარემოს რამდენადმე შეუძლია, მაგრამ გერტრუდობამდე მისი დაცემის რეალურობა მაინც არადამაჯერებლად რჩება. სრულიად გასაგებია ისიც, რომ ჰამლეტმა მასში პოტენციური გერტრუდი დაინახა, მაგრამ ობიექტურად ოფელია ასეთი მაინც არ არის. ამაზე, ყველაზე მეტად, მისი ფსიქიკური შეშლა მიანიშნებს, რაც ფენომენალურად არაგერტრუდული მოვლენაა.

შეშლილი ოფელიას სიტყვებსა თუ სიმღერებში არა მხოლოდ მამის, არამედ სატრუტს დაკარგვის მოტივებიც ფიგურირებს. ეს ორი რამ თითქოს აზელილია ერთმანეთში; თითქოს ამ სიგიჟეში მამისადმი და ჰამლეტისადმი სიყვარული ეპაექრება ურთიერთს, რაც პრინციპში მის გაგიშებამდეც ასე იყო. ნიშანდობლივია ოფელიას შემდეგი სიტყვები: “They say the owl was a baker’s daughter. Lord, we know what we are, but know not what we may be” (შექსპირი 2003: 4.5.42-3) [„ისინი ამბობენ, ჭოტი ძეპურებ ქალი არისო.¹ დამერთო ჩემო, ეს ვიციო, რა ვართ, და ის კი არ ვიციო, რა ვიქებით“ (შექსპირი 1987: 370)]. როგორც ჩანს, ოფელია აქ საკუთარ თავს ადარებს მეპურის ქალს, რომელსაც, თქმულების მიხედვით, პურის მიცემა დაენანა მასთან მათხოვრის სახით გამოცხადებული ქრისტესთვის და ამიტომ მან იგი ჭოტად აქცია. მათხოვრის სახეს ამოფარებული ქრისტე, ამ შემთხვევაში, ალბათ სიგიჟეს ამოფარებული² ჰამლეტია, რომლისთვისაც ოფელიამ სიყვარული ვეღარ გაიმეტა, ხოლო მეპურე, პოლონიუსი გამოდის. რახან ოფელია ჰამლეტისთვის ვერ იმეტებს სიყვარულს,

¹ ის. ნიკო ყიასაშვილის კომენტარი (შექსპირი 1987: 496).

² რა თქმა უნდა, სინამდვილეში, ჰამლეტი მხოლოდ თაგმოგიუანებასაა ამოფარებული, მაგრამ ამ შემთხვევაში ჩვენი მსჯელობა ოფელიას გადმოსახედიდანაა წარმართული.

ჰამლეტი უკლავს მამას და ამის ნიადაგზე აგიჟებს ოფელიას, რომელიც საკუთარ შეშლას ჭოტად ქცევასთან აიგივებს. ფაქტიურად, ოფელია აქ თავის თავს ადანაშაულებს იმისათვის, რომ ჰამლეტი პოლონიუსის მკვლელობამდე მიიყვანა, ხოლო საკუთარი თავი – სიგიჟემდე. სწორედ ამიტომ ამბობს: „რანი ვართ ვიცით, მაგრამ რანი ვიქნებით – არაო“.

ოფელიას ტრაგედია უმძიმესია. მამა სატრფოს აკარგვინებს, სატრფო კი – მამას. ის კარგავს არა მხოლოდ ორ უსაყვარლეს ადამიანს, არამედ სწორედ ეს ორი უსაყვარლესი ადამიანი ნებსით თუ უნებლიერ ანადგურებს ერთმანეთს ოფელიას გამო, რაც ბევრად საშინელი რამ არის მისთვის. ოფელია ხედავს თავის დანაშაულსაც ამ ყველაფერში. როგორც პოლონიუსი ფიქრობდა, ისიც ვარაუდობს, რომ ჰამლეტი სწორედ მისმა უარმა გაამწარა და შეშალა. მიუხედავად იმისა, რომ ოფელიას ძალიან უყვარდა მამა, ახლა ის, როგორც ჩანს, ნანობს, რომ მას დაუჯერა და ჰამლეტთან გაწყვიტა ურთიერთობა, რადგან ასეთი ბრმა მორჩილებით მამაც დაღუპა, სატრფოც და საკუთარის თავიც. თუმც ჰამლეტი ფიზიკურად ჯერ კიდევ ცოცხალია, ოფელიასთვის იგი საბოლოოდ დაკარგულია, ვინაიდან მამა მოუკლა; მართალია, სიგიჟეში, მაგრამ ეს ოფელიასთვის იმას ნიშნავს, რომ ჰამლეტი ამ მდგომარეობიდან ვედარასოდეს გამოვა. ის პიროვნულად მკვდარია, სრულიად შეურაცხადია და სიგიჟეში შეიძლება თვით მისი მოკვლაც კი მოინდომოს.

როგორც ვხედავთ, ოფელიას შეშლა პირდაპირ მიანიშნებს, რომ იგი არ არის პოტენციური გერტრუდი, რომელიც ხანმოკლე გლოვის შემდეგ ახალ სიამტკბილობებზე დათანხმდა. როგორც კი თავს დამტყდარი უბედურება მწარე სინამდვილეზე თვალებს აუხელს, ოფელიას სული ორად იგლიჯება. სიგიჟეში ის უკვე სწორად აფასებს რეალობას, მაგრამ იმასაც ხვდება, რომ სიტუაციის გამოსწორება აწი გვიანაა. ჰამლეტისგან განსხვავებით, მისი სათუთი ბუნება ვერ უძლებს მძიმე განსაცდელს და ამიტომაც ილეწება ბოლომდე. თუმცა ოფელიასგან ამ განსაცდელის დაუტევნელობა მხოლოდ მისი სუსტი ქალური ბუნებით ვერ აიხსნება. აქ მოულოდნელობის ეფექტიც დიდ როლს თამაშობს. მას სჯეროდა ადამიანის სიკეთის, ენდობოდა მას; ჰქონდა პირადი ბედნიერების იმედიც, და ალბათ არც ჰამლეტთან გამორიცხავდა ამ ბედნიერების პოვნას, მაგრამ უცებ ფერადი ოცნებები იმსხვრევა და მის წინაშე ჯოჯოხეთური კოშმარი იშლება. ტრაგიკული შოკი ოფელიასთან უფრო ძლიერია, ვიდრე ჰამლეტთან. უფლისწულსაც საშინელი ტრაგედია ატყდება თავს, რამდენადმე

მოულოდნელიც, მაგრამ ისიც ცხადია, რომ მას ადამიანის სიკეთისა და ნათელი მომავლის ისე არასდროს სჯეროდა, როგორც ოფელიას. ამიტომ, მიუხედავად დიდი სულიერი ტკივილის განცდისა, ჰამლეტი როგორდაც იტანს განსაცდელს ფსიქიკური შემლის გარეშე. ტკბილი და იმედიანი ქალური ოცნებების სიმაღლიდან ძირს დანარცხებული ოფელიას სული კი, ბუნებრივია, ვერ უძლებს ასეთ ძლიერ დარტყმას და მთლიანად იმსხვრევა. იგი ყველაზე მეტ სიბრალულს იმსახურებს, რადგან მის მცირე შეცდომებთან მიმართებით, მასზე მოწეული სასჯელი უკიდურესად სასტიკი და დაუნდობელია. ალბათ სწორედ ამიტომაც აღიქმება ხოლმე ოფელია უმანკო კრავად. ასეთ მკაცრ განაჩენს ის ნამდვილად არ იმსახურებს და ამ ფონზე იგი მართლაც უმანკო კრავს ემსგავსება.

ამრიგად, ოფელია არ არის პოტენციური გერტრუდი, თუმცა ისე მოიქცევა ჰამლეტის წინაშე, რომ დედის საქციელისგან ტრავმირებული უფლისწული მასში ალალად გერტრუდობის ნიშნებს დაინახავს. ოფელიაც გულწრფელად სცდება, როდესაც ჰგონია, რომ სიგიურა მისდამი ჰამლეტის ნასროლი მწარე სიტყვების მთავარი მიზეზი და არა საკუთარი გულცივი ქმედებები უფლისწულის მიმართ: მისთვის მოსვლის აკრძალვა; წერილების გამოგზავნაზე უარის თქმა; ბოლოს კი საჩუქრების უკან დაბრუნება. უნდა აღინიშნოს ისიც, რომ ინტრიგითა და სიცრუით გაჟღენთილი გარემო არ უტოვებს ოფელიასა და ჰამლეტს ერთმანეთის სულებისაკენ თუნდაც ბორძიკით გზის გაგნების საშუალებას. პირიქით, საბედისწერო შეცდომებს აშვებინებს მათ და შემდგომ სასტიკად სჯის ამ შეცდომების გამო.

1.6. ჰამლეტი, ლაერტი და პოლონიუსი

ჰამლეტის ერთგვარ ორეულად და იმავდროულად საპირწონედ პიესაში ფორტინბრასთან ერთად ლაერტი მოიაზრება. თუმცა, როგორც მაიკლ დეივისი (დეივისი 2008: 89) შენიშნავს, ლაერტს პიროვნულად საერთო აქვს არა მხოლოდ ჰამლეტთან, არამედ პოლონიუსთან და თვით კლავდიუსთანაც კი. ცხადია, თავისი ინტელექტით იგი მამამისისა და საკუთარი დის კატეგორიაში ექცევა და ჰამლეტის გონებრივ სიღრმეებთან ძალიან მცირე თუ აქვს საერთო. მარვინ როზენბერგის თქმით, „ლაერტი არის თავდაჯერებული ომანტიკული სახე, რომელიც პიესაში ქმნის საოცარ სანახაობრივ მომენტებს“ (როზენბერგი 1992:

253). მისთვის უცხოა პამლეტური ყოფილი. იგი მზად არის გადაიმტეროს მთელი ამქვეყნიური და იმქვეყნიური სამყარო, ოდონდ კი მამამისის მკვლელს დაუყოვნებლივ გადაუხადოს სამაგიერო.

ლაერტის მორალური სახე ალბათ, პირველ რიგში, პამლეტისადმი მისი და მამამისის დამოკიდებულებათა ურთიერთგანსხვავებაში ვლინდება. საფრანგეთში გამგზავრების წინ ლაერტი ოფელიას უფლისწულზე ესაუბრება. ლაერტის წასვლის შემდეგ პოლონიუსიც ამავე საკითხზე ელაპარაკება. მამისა და მისი ვაჟის ხედვა პამლეტის პიროვნების შესახებ ნამდვილად პგავს ერთმანეთს, მაგრამ გარკვეულწილად განსხვავდება კიდეც. ლაერტი პამლეტს დიდბუნებოვან ადამიანად თვლის და უშვებს იმასაც, რომ მას ნამდვილად უყვარს ოფელია; მაგრამ ლაერტი, ამავე დროს, აფრთხილებს თავის დას:

For nature crescent does not grow alone
In thews and bulk, but as this temple waxes
The inward service of the mind and soul
Grows wide withal. Perhaps he loves you now,
And now no soil nor cautel doth besmirch
The virtue of his will; but you must fear,
His greatness weighed, his will is not his own,
For he himself is subject to his birth. (შექსპირი 2003: 1.3.11-18)

დიდი ბუნება მარტო ტანით არ არის დიდი,
მაღალ ტაძარში მაღალია სულის კვეთებაც.
იქნება პამლეტს შენ ამჟამად უყვარდე კიდეც, –
ჯერ სიცრუე და ორპირობა არ დასწრევია
მის სათხო სურვილს, მაგრამ შიში კი უნდა გქონდეს:
მას, ვით მეფის შვილს, თვის სურვილზედ არ აქვს უფლება,
იგი მორჩილებს თავის სისხლს და შთამომავლობას.
(შექსპირი 1987: 330)

რაც შეეხება პოლონიუსს, იგი არ უშვებს პამლეტის გულწრფელობას. ის მის სიყვარულს იმთავითვე არაწმინდად მიიჩნევს და შესაბამისად, აკრიტიკებს ოფელიას: “Think yourself a baby / That you have tane these tenders for true pay, / Which are

not sterling” (შექსპირი 2003: 1.3.105-107) [„შენ ბავშვის მზგავსად ყალბი ხიტებია ხალდი გვონია“ (შექსპირი 1987: 331)]. ამიტომაც უკრძალავს იგი საკუთარ ქალიშვილს უფლისწულთან ურთიერთობას: “I would not in plain terms from this time forth / Have you so slander any moment leisure / As to give words or talk with the Lord Hamlet” (1.3.132-4) [„პირდაპირ გეტუნი, ოფელია, დღევანდელ დღიდამ აღარ გაბეჭო ლაპარაკი ხელმწიფის შვილთან“ (332)].

პოლონიუსის ასეთი ცილისმწამებლური წარმოდგენა ჰამლეტის შესახებ გარკვეულწილად მისსავე სიყალბესა და უგუნურებაზე მეტყველებს. ლაერტისგან განსხვავებით, მას ვერ წარმოუდგენია, რომ უფლისწულს შეიძლება მართლაც უყვარდეს ოფელია, რადგან ჰამლეტის ადგილას რომ ყოფილიყო თავად, როგორც ჩანს, ვერ შეძლებდა ამას. თუმცა, მოგვიანებით, როდესაც ოფელია მოუყვება მას ჰამლეტის შეზღილის სახით გამოცხადების შესახებ, პოლონიუსი აღიარებს თვის შეცდომას:

I am sorry that with better heed and judgement
I had not quoted him. I feared he did but trifle,
And meant to wrack thee, but beshrew my jealousy.
By heaven, it is as proper to our age
To cast beyond ourselves in our opinions
As it is common for the younger sort
To lack discretion. (შექსპირი 2003: 2.1.109-15)

მეტად ვწუხვარ, რომ დღევანდლამდე მე იმის ქცევას უფრო სიფრთხილით, გულმოდგინედ ყურს არ ვუგდებდი;
მე მეგონა, რომ იგი მხოლოდ გულს აყოლებდა
და მას სცდილობდა, დაედუპნე. დასწყევლოს დმერთმა ესეთი ეჭვი! როგორც ვატყობ, კაცს სიბერეში
თვის აზრისადმი ჩაციება ისე სცოდნია,
გით სიყმაწვილეს გაფრთხილება აკლია ხოლმე. (შექსპირი 1987: 339)

პოლონიუსი ერთგვარ სინანულს ავლენს იმის გამო, რომ ვერ მიხვდა ჰამლეტის სიყვარულის გულწრფელობასა და ნამდვილობას. პოლონიუსის თვითკრიტიკულობა, ამ შემთხვევაში, მის გარკვეულ დირსებაზე მიანიშნებს. იგი

თავის როლს ხედავს უფლისწულის შეშლაში, რადგან ფიქრობს, რომ ეს გამოიწვია ოფელიასთვის მასთან ურთიერთობის აკრძალვამ. გარდა ამისა, პოლონიუსი ალბათ წუხს იმაზეც, რომ ჰამლეტის სიგიურ მეფეც ძლიერ შეაშფოთა. ამიტომაც, ის ახარებს კლავდიუსს, რომ დაადგინა ჰამლეტის გაგიუების ნამდვილი მიზეზი, რომ ეს სიგიურ სინამდვილეში ოფელიასგან მისი სიყვარულის უარყოფის შედეგია და რომ მეფეს, აქედან გამომდინარე, საფრთხე არ ემუქრება. პოლონიუსი თავდაპირველად კატეგორიულად ამტკიცებდა, რომ უფლისწულს მხოლოდ ქვენა გრძნობები ამოძრავებდა ოფელიას მიმართ, ახლა კი თავგამოდებით ცდილობს საპირისპირო დაამტკიცოს და ამით ახსნას უფლისწულის შეშლაც.

პოლონიუსსა და ლაერტს შორის კონტრასტს მნიშვნელოვანწილად მათდამი ჰამლეტის არაერთგვაროვანი დამოკიდებულებაც ქმნის. მაშინ, როცა უფლისწული პიესაში არაერთგზის უდიერად მოიხსენიებს პოლონიუსს და დამცინავად ეპყრობა მას, მისი დამოკიდებულება ლაერტისადმი სრულიად სხვაგვარია. ეს ჩანს, მაგალითად, სასაფლაოზე, სადაც ჰამლეტი ოფელიას დამკრძალავ პროცესიაში ლაერტს მოჰკრავს თვალს და ჰორაციოს გადაულაპარაკებს: “That is Laertes, a very noble youth. Mark” (შექსპირი 2003: 5.1.191) [„აი ლაერტიც კეთილ შობილი, ხულმაღალი, ემაწვილი კაცი“ (შექსპირი 1987: 380)]. აქ ნათლად ვლინდება ჰამლეტის პატივისცემა ლაერტისადმი. ამის შემდგომ, მათ შორის შეტაკება მოხდება ოფელიას საფლავში და როდესაც გააშველებენ, უფლისწული საყვედურობს ლაერტს: “What is the reason that you use me thus? / I loved you ever....” (5.1.256-7) [„აგრე მტრულად რისთვის მეპყრობი? მე ხომ ეთვერთვის მიყვარდი შენ....“ (382)]. მოგვიანებით, ჰამლეტი ჰორაციოს უებნება: “But I am very sorry, good Horatio, / That to Laertes I forgot myself, / For by the image of my cause, I see / The portraiture of his” (5.2.75-8) [„მე ამას ვწერებარ, ჰორაციო, რომ წელან ლაერტს თავდავიწყებით ვაწყენინ; მას თანავუგრძნობ, რადგან მის ხვედრში ხარჯებავით ჩემ ხვედრსა ვხედავ“ (383)]. ხოლო დაშნის ხმარებაში საბედისწერო შეჯიბრის წინ უფლისწული მეფე-დედოფლისა და დიდებულთა წინაშე ლაერტს შენდობას სისხლის იმის გამო, რომ დაუფიქრებდლად, სიგიურ მამა მოუკლა მას: “Sir, in this audience, / Let my disclaiming from a purposed evil / Free me so far in your most generous thoughts, / That I have shot my arrow o'er the house / And hurt my brother” (5.2.211-16) [„ამხადე ბრალი ამ ბრწყინვალე კარის წინაშე; ნუ ირწენ, კითობც განზრახ ცედი რამ მომექმდოს და დააჯერე, ლაერტ, შენი მაღალი

სული, რომ მე ისარი გადავტყორცნე სასახლის ბანსა და იგი ჩემდა უხილავად ჩემსავ ძმას მოხვდა“ (386). ყველა მოყვანილ მაგალითში ნათლად ჩანს, რომ ჰამლეტი ლაერტის მაღალი ლირსების მქონე პიროვნებად თვლის და პოლონიუსის სულიერ ნაშიერს არ ხედავს მასში.

აღნიშვნის ლირსია ლაერტის ავტორიტეტი დანიელ ხალხში. როდესაც გამგინვარებული შეიჭრება მეფის სასახლეში, გარეთ ხალხი ყვირის, რომ ლაერტი გახდეს მეფე, ქუდების სროლისა და ტაშის გრიალის თანხლებით. საყურადღებოა ისიც, რომ თავდაპირველად იგი კლავდიუსს მოსთხოვს პასუხს პოლონიუსის სიკვდილზე, რასაც თავად მეფეც მოელოდა: “O thou vile king, / Give me my father” (შექსპირი 2003: 4.5.116-17) [„საზიზღო მეფე, დამიბრუნე მე ძამაჩემი!“ (შექსპირი 1987: 371)] – ბრდდვინავს ლაერტი. აქ ვლინდება მისი უნდობლობა კლავდიუსისადმი. მიუხედავად იმისა, რომ მეფე პოლონიუსთან კარგად იყო, ლაერტი სწორედ მას ადანაშაულებს და სრულებით არ მოსდის თავში, რომ მამამისი შეიძლება ჰამლეტს მოეკლა. აშკარაა, რომ მის თვალში, პიროვნული თვალსაზრისით, ჰამლეტს ბევრად მეტი ავტორიტეტი ჰქონდა, ვიდრე კლავდიუსს. ეს კვლავდაკვლავ მიანიშნებს, რომ ლაერტს მამამისივით გამრუდებული ხედვა არა აქვს და უკუთ შეუძლია ლირსეული გაარჩიოს უღირსისაგან. აქედან გამომდინარე, მისთვის მოულოდნელი იქნებოდა, როდესაც კლავდიუსისგან გაიგებდა, რომ მამა ჰამლეტმა მოუკლა. შურისძიების წყურვილით აღვსილი და კლავდიუსისგან წაქეზებული ლაერტი მთელ თავის ბოლმას ჰამლეტისაკენ მიმართავს: “To cut his throat i'th'church” (შექსპირი 2003: 4.7.125) [„კალებიაში რომ გამეჯცე, იქაც კი მოკელავ“ (შექსპირი 1987: 375)], – იმუქრება იგი და კლავდიუსის მზაკვრულ გეგმას უყოფმანოდ მიიღებს. უფრო მეტიც, ლაერტი არ იქმარებს კლავდიუსის იდეას, რომ თავის დაშნა ჰამლეტის დაშნისგან განსხვავებით მხოლოდ მჭრელი იყოს და სხვა არაფერი: “And for that purpose I'll anoint my sword . . . I'll touch my point / With this contagion, that if I gall him slightly, / It may be death” (4.7.139; 145-7) [„...რომ უფრო ადვილად შევძლო ამა განხრახვის შესრულება, მოვიშველიებ ერთ-გვარ ხაცხებელს . . . მე ჩემსა დაშნას ზედ წავუხვამ სწორედ ამ შხამხა და თუ გავაწრე, უხილებელოდ კერ გადამრჩება“ (375)]. აი, ეს არის ალბათ ლაერტის ყველაზე უდირსი სიტყვები მთელს პიესაში. ამ მომენტში იგი აზროვნების მეთოდით თავის დამრიგებელ კლავდიუსსაც კი ემსგავსება. ის რომ დასჯერებოდა მეფის გეგმას და არ შეემატებინა მისთვის ეს მზაკვრული ჩანაფიქრიც, ალბათ თავადაც და

ჰამლეტიც გადაურჩებოდა სიკვდილს: ისინი მხოლოდ დაჭრიდნენ ერთმანეთს ბასრი დაშნით. თუმცა, მას მერე, რაც უფლისწული პატიებას სთხოვს ლაერტს მიყენებული ტკივილისათვის და აუხსნის მას, რომ ამის მიზეზი თავისი სიგიური იყო, ლაერტს უკვე უჭირს აღასრულოს ჰამლეტზე დაგეგმილი მუხანათური მკვლელობა: “And yet it is almost against my conscience” (შექსპირი 2003: 5.2.274) [„ამ საქმეს თითქო ჩემი სინდისი უარობს“ (შექსპირი 1987: 388)], – ჩაილაპარაგებს ის, რაც მიანიშნებს, რომ დირსება მთლად არ დაუკარგავს. მაგრამ საბოლოოდ, ის მაინც დასჭრის ჰამლეტს და შემდეგ თვითონაც დაიჭრება მისგან იმავე მოწამლული დაშნით. ლაერტის შემდეგი სიტყვები ზუსტად გამოხატავს საკუთარი ნამოქმედარის მორალურ არსეს: “I am justly killed with mine own treachery” (5.2.287) [„...რაც რომ ხევისთვის განვიზრახე მოღალატობით სამართლიანად მისპობს იგი თვით მე სიცოცხლეებს“ (388)]. სასიკვდილოდ განწირული ლაერტი უკვე სრულად აცნობიერებს საკუთარი ბოროტმოქმედების სიმძიმეს. ის დამნაშავედ გრძნობს თავს ჰამლეტის წინაშე და მიტევებას სთხოვს მას. ცხადია, თავადაც გრძნობს, რომ ვალდებულია, იქითაც მიუტევოს ყველაფერი უფლისწულს, რომელმაც მისგან განსხვავებით, შეცდომით მოკლა პოლონიუსი. ჰამლეტიც, რა თქმა უნდა, პატიობს ლაერტს დანაშაულს.

ამრიგად, ლაერტს თავისი ღირსებით ჰამლეტამდე ბევრი უკლია, მაგრამ მამამისზე მაღლა თითქოს მაინც დგას. გასათვალისწინებელია ისიც, რომ ლაერტი გამწარებულია. თავიდან იგი თვით მეფის მოსაკლავადაც კი მზად არის. გარდა ამისა, მისი და უფლისწულის ურთიერთპატივისცემის ნიშნებს პიესაში აშკარად ვხვდებით, რასაც ნამდვილად არა აქვს ადგილი პოლონიუსისა და ჰამლეტის ურთიერთდამოკიდებულებასთან მიმართებით. ხოლო უფლისწულის ხედვა სხვა პერსონაჟების მიმართ, ისევე როგორც ამ პერსონაჟების დამოკიდებულება ჰამლეტისადმი, უდავოდ სერიოზულ მორალურ საზომს წარმოადგენს პიესაში მათი ხასიათების გასახსნელად.

17. როზენკრანცისა და გილდენსტერნის როლი

როზენკრანცი და გილდენსტერნი, როგორც პერსონაჟები, მოკლებულნი არიან ინდივიდუალობას. მათ თითქმის არაფერი განასხვავებთ ერთმანეთისგან და ხშირად ერთგვარ დრამატულ ტყუპებადაც მოიხსენიებიან. პიოტრ სადოვგვარი

(2003: 159) და მაიკლ დეივისი (2008: 113) შენიშნავენ, რომ თავისუფლად შეიძლება როზენკრანცისა და გილდენსტერნის სათქმელი რეპლიკების ურთიერთჩანაცვლება ისე, რომ არ დაირღვეს პიესაში დრამატული და ფსიქოლოგიური თანმიმდევრულობა. რახან ისინი არასდროს ეწინააღმდეგებიან ერთმანეთს და მათი ფუნქცია ერთ პერსონაჟსაც შეეძლო ეტვირთა, სადოვსკი¹ (სადოვსკი 2003: 160) დაინტერესებულია, რატომ გადაანაწილა შექსპირმა ეს ფუნქცია ორ პერსონაჟზე. მკვლევარი თავადვე ცდილობს, ამის ერთ-ერთი შესაძლო ახსნა მოგვცეს. მისი აზრით, დრამატურგმა ამ ხერხით ინდივიდუალობა გამოაცალა თავის მეორად პერსონაჟებს, რათა სიმბოლურად ეჩვენებინა კლავდიუსის სამეფო კარის წარმომადგენელთა უმრავლესობის ზოგადი სახე, და ბოროტების წინააღმდეგ მეამბოხე პამლეტის დრმა ინდივიდუალობის ფონზე, ხაზი გაესვა მათი კონფორმისტული და უსახური ბუნებისათვის.

სადოვსკის მოსაზრება საკმაოდ ლოგიკური ჩანს. სავსებით შესაძლებელია, რომ ორი ურთიერთჩანაცვლებადი პერსონაჟის სახით, შექსპირს სურდა, ეჩვენებინა ჩვენთვის სწორედ ინდივიდუალობაგამოცლილი პიროვნებების შეხმატებილებული ურთიერთობა იმ სამეფო კართან, რომელშიც „რადაცა დალპა“.² საგულისხმოა ისიც, რომ პამლეტის ერთგული მეგობარი – პორაციო – ერთია, ხოლო მისი ორგული მეგობრები – როზენკრანცი და გილდენსტერნი – ორნი არიან.

გარდა სადოვსკის მოსაზრებისა, შეიძლება კიდევ მოიძებნოს რამდენიმე მიზეზი, რის გამოც შექსპირმა ორ პერსონაჟს, ასე ვთქვათ, ერთი სული შთაბერა.

კლავდიუსმა როზენკრანცი და გილდენსტერნი ამ ბოლო დროს უქეიფოდ შექნილი პამლეტის გასართობად დაიბარა, ერთი მხრივ, ხოლო მეორე მხრივ, დავალა მათ პამლეტზე დაკვირვება მისი უცნაური ქცევის მიზეზის მისაკვლევად. ცხადია, დამწუხერებული პამლეტის გართობას ორი ადამიანი უფრო წარმატებით გაართმევდა თავს, ვიდრე – ერთი. თუ, ვთქვათ, როზენკრანცი ვერ მიაგნებდა უფლისწულის უცნაური ქცევის საიდუმლოს,

¹ უნდა შევნიშნოთ, რომ სადოვსკის ცალკე ქვეთავიც (სადოვსკი 2003: 154-160) კი აქვს მიძღვნილი შექსპირის როზენკრანცისა და გილდენსტერნისათვის.

² შექსპირის ცნობილი ფრაზა “Something is rotten in the state of Denmark” (შექსპირი 2003: 14.90) – რადაცა დაღმა დანიის სამეფოში – მაჩაბელმა გადმოიტანა, როგორც: „მგონი, დანიას ელის რაღაც უბედურება“ (შექსპირი 1987: 333).

შესაძლოა ეს გილდენსტერნს მოქაერხებინა, ან – პირიქით. თუ ორივეს ურთნაირი მოსაზრება ექნებოდა (პიესაში რეალურად ასეც არის) პამლეტის ამგვარი ქცევის გამომწვევ მიზეზე, ეს კლავდიუსისთვის უფრო დამაჯერებელი იქნებოდა, ვიდრე – მხოლოდ ერთი ადამიანის მოსაზრება. სანამ ერთ-ერთი კარისკაცი ესაუბრება პამლეტს, მეორეს საშუალება ეძლევა უფრო ყურადღებით დააკვირდეს უფლისწულის სახეს, მის რეაქციებს; საკუთარი საოქმელიც უფრო ხეირიანად შეუძლია შეამზადოს გუნებაში, სანამ მის მეგობარს ძალა გამოელევა და შეშველება დასჭირდება. თავმოგიუიანებული პამლეტის სიტყვიერ ჟონგლიორობასთან გამკლავება რომ ადვილი საქმე არ არის, ესეც ფაქტია. ხოლო მისგან ერთის ნაცვლად ორი თანამოსაუბრის წარმატებული გაპამპულება, მეტ კომიკურ ეფექტსაც იძლევა და პამლეტის ინტელექტუალურ უპირატესობასაც უფრო მეტად უსვამს ხაზს. გარდა ამისა, საჭირო იყო უფლისწულის მაკონტროლებელთა რაოდენობრივი უპირატესობაც, რადგან „გადარეული“ პამლეტისგან ფიზიკური აგრესიის გამოვლენის შემთხვევაში, ერთი კაცი ვერ შეძლებდა მისი მოქმედების შეზღუდვას. ორივესი, როგორც როზენკრანცის, ისე გილდენსტერნის საჭიროება ჩანს, მაგალითად, იმ სცენაში, რომელშიც როზენკრანცი ატყობინებს მეფეს, რომ ვერ გამოტეხეს პამლეტი, სად დამალა პოლონიუსის გვამი; ამასობაში კი გილდენსტერნი სცენის მიღმა მეთვალყურეობს პამლეტს (შექსპირი 1987: 366). დაბოლოს, თავზე ხელაღებული უფლისწულის წაყვანას ინგლისისკენ მიმავალი გემისაკენ და ასევე გემზე მის მეთვალყურეობას მხოლოდ ერთი კარისკაცი ვერ იტვირთავდა. აღსანიშნავია აგრეთვე, რომ როზენკრანცსა და გილდენსტერნს ინგლისის მეფისათვის დანიის მეფის საიდუმლო წერილების გადაცემაც ევალებოდათ, რაც გვახსენებს იმას, რომ კლავდიუსმა თავის დროზე ასევე ორ ელჩს – ვოლტიმანდსა და კორნელიუსს – დაავალა უფლისწულ ფორტინბრასის ბიძისათვის წერილების გადაცემა.

ამრიგად, არაფერია უცნაური იმაში, რომ შექსპირმა პამლეტზე სამეთვალყურეოდ თუ სათვალთვალოდ ერთის ნაცვლად, პიესაში ორი ურთმანეთის მსგავსი პერსონაჟი შემოიყვანა. ამის ლოგიკურობის წარმოსაჩენად ბოლოს მოყვანილი არგუმენტები შესაძლოა ისე სიღრმისეულად არ უკავშირდება პიესის იდეურ-მსოფლმხედველობრივ ასპექტს, როგორც სადოვსკის ზემოთ მოყვანილი მოსაზრება (სადოვსკი 2003: 160), მაგრამ არც რომელიმე მათგანი ეწინააღმდეგება მას, რადგან ეს არგუმენტები, რეალურად, დრამატულ-

ფსიქოლოგიური თვალსაზრისით ორი თითქმის იდენტური პერსონაჟის პიესაში შემოყვანის დამატებით, თუმც კი საგულისხმო ახსნას იძლევა.

თვალთვალისა და ჯაშუშობის თემა „პამლეტში“ საკმაოდ თვალსაჩინოდ ფიგურირებს. როზენკრანცისა და გილდენსტერნის გარდა, პამლეტზე თვალთვალს ერთ-ერთ სცენაში კლავდიუსი და პოლონიუსი ახორციელებენ. ამ საქმეში ოფელიასაც კი იშველიებენ. მოგვიანებით, კლავდიუსთან და გერტრუდთან შეთანხმებით, პოლონიუსი კვლავ ახორციელებს უფლისწულზე თვალთვალს და ეწირება კიდეც ამ ქმედებას. მისი ჯაშუშური ბუნება ვლინდება იმაშიც, რომ იგი ლაერტთან, საკუთარ შვილთანაც კი აგზავნის თავის მსახურს, რეინალდოს, რომელმაც ლაერტთან შეხვედრამდე, ჯერ ერთგვარი ჯაშუშური საქმე უნდა განახორციელოს საფრანგეთში ლაერტის მოღვაწეობის შესახებ ინფორმაციის მოსაპოვებლად, რათა შემდეგ პოლონიუსს მოახსენოს, რას აკეთებს რეალურად იქ მისი ვაჟი. მართალია, პოლონიუსის მიზანი ამ შემთხვევაში არ არის ბოროტი, მაგრამ მისი მეთოდი სიმართლის გარკვევის საქმეში ამჯერადაც ჯაშუშურია. თვალთვალს ახორციელებენ თვით პამლეტი და პორაციოც, როდესაც „ხაფანგის სცენაში“ აკვირდებიან კლავდიუსის სახეს. პამლეტი პარალელურად დედამისსაც აკვირდება. თვალთვალის რეჟიმში არიან პამლეტი და პორაციო აგრეთვე სასაფლაოზე, როდესაც შემოდის ოფელის დამკრძალავი პროცესია, თუმცა ამ თვალთვალს კონკრეტული, წინასწარ განზრახული მიზანი არ გააჩნია. დაბოლოს, თვით პიესის დასაწყისში წარმოდგენილი საგუშაგოც ერთგვარ სათვალთვალო ასპარეზს წარმოადგენს.

ამრიგად, ისეთი შთაბეჭდილება რჩება, თითქოს ყველა ყველას უთვალთვალებს. თუმცა, მიუხედავად ყველაფრისა, ჯაშუშებთან პიესაში ყველაზე მეტად მაინც როზენკრანცი და გილდენსტერნი ასოცირდებიან, რადგან, განსხვავებით სხვა პერსონაჟებისგან, ისინი სწორედ პამლეტზე სათვალთვალოდ არიან დაქირავებულნი მეფისგან და მათ ძირითად ფუნქციად პიესაში ბოლომდე ჯაშუშობა რჩება, ვიდრე ეს ფუნქცია ხელიდან არ გამოეცლებათ პამლეტის დაკარგვით, ინგლისისკენ მოგზაურობის დროს.

ჯერ კიდევ 1859 წელს კარლ ვერდერი სვამდა შეკითხვას: „რატომ არ გაცურეს უკან დანიაში როზენკრანცმა და გილდენსტერნმა მას მერქ, რაც უფლისწული გაიქცა? მისი ინგლისში მიყვანაა მათი მოგზაურობის მიზანი. რა

აზრი აქვს წერილის გადაცემას მის გარეშე?“ (ვერდერი 1907: 172).¹ და შემდეგ თვითონგვე ცდილობს უპასუხოს: „ისინი იმიტომ აგრძელებენ მოგზაურობას, რომ არ იციან რა წერია წერილში; მათ არჩევანი არ გააჩნიათ, რადგან არ არიან სრულად ინფორმირებულნი იმ საქმის შესახებ, რაც დაევალათ“ (ვერდერი 1907: 173). ჯენ ბლიციც ფიქრობს, რომ როზენკრანცმა და გილდენსტერნმა არ იცოდნენ კლავდიუსის წერილის შინაარსი: „თუ მათ მართლა იცოდნენ გაუგებარია, რატომ წარუდგინეს წერილი ინგლისის მეფეს მას მერე, რაც პამლეტი გაიქცა“ (ბლიცი 2001: 357). პიოტრ სადოვსკიც მსგავს აზრზეა: „მეტად საუკეთესოა, თითქმის შეუძლებელია, რომ როზენკრანცმა და გილდენსტერნმა იცოდნენ მეფის დაბეჭდილი წერილების ზუსტი შინაარსი, რომლებიც მიჰქონდათ ზღვით ინგლისისკენ მიმავლებს“ (სადოვსკი 2003: 157). ტომას მაკალინდონიც ამავე აზრზე დგას: „ვარაუდს, რომ როზენკრანცმა და გილდენსტერნმა იცოდნენ . . . პამლეტის წინააღმდეგ მიმართული სასიკვდილო შეთქმულების შესახებ, არ გააჩნია მყარი საფუძველი“ (მაკალინდონი 1991: 110). პატრიკ ჰოგანიც მიიჩნევს, რომ „მიზეზი არ არსებობს იმის დასაჯერებლად, რომ მათ რამე იცოდნენ პამლეტის სიცოცხლის წინააღმდეგ მიმართული შეთქმულების შესახებ“ (ჰოგანი 2013: 67). თუმცა, უილიამ ლორენსი აცხადებს, რომ „არაფერი ჩანს ისეთი, რაც ცალსახად დაამტკიცებს როზენკრანცისა და გილდენსტერნის უდანაშაულობას ან დამნაშავეობას“ (ლორენსი 1944: 59). მათი დამნაშავეობა-უდანაშაულობის გაურკვევლობა კი ნიშნავს, რომ შეუძლებელია ზუსტად დავადგინოთ იცოდნენ თუ არა მათ კლავდიუსის ავბედითი წერილის შინაარსის შესახებ. მსგავსი აზრისკენ იხრება ტომას როკუელიც: „გაურკვეველია, რა იცოდნენ როზენკრანცმა და გილდენსტერნმა შეთქმულების შესახებ“ (როკუელი 2008: 124).

მიუხედავად ზემოთ მოყვანილი მოსაზრებებისა, საფიქრებელია, რომ როზენკრანცმა და გილდენსტერნმა იმაზე მეტი იციან, ვიდრე ეს ზედაპირზე ჩანს. ამიტომაც, შევეცდებით უფრო ღრმად გამოვიკვლიოთ, რამდენი შეიძლება სცოდნოდათ მათ დანიის მეფის საიდუმლო წერილის უკან მდგარი რეალობის შესახებ. ცხადია, რაც უფრო მეტად გამოვლინდება კლავდიუსის კარისკაცების ცოდნა ამ კუთხით, მით უფრო ალოგიკური გახდება მათ მიერ ინგლისისაკენ მოგზაურობის გაგრძელება პამლეტის დაკარგვის შემდგომ, რაც მნიშვნელოვანი

¹ ეს წერილი წარმოადგენს გერმანელი მეცნიერის კარლ ვერდერის (1806-1893) მიერ 1859-1860 წლებში ბერლინის უნივერსიტეტში „პამლეტის“ შესახებ წაკითხული ლექციების ინგლისურ თარგმანს.

დასკვნების გამოტანის საშუალებას მოგვცემს არა მხოლოდ „ჰამლეტთან“ მიმართებით, არამედ მოგვიანებით ჩვენ მიერ განსახილველ სტოპარდის პიესასთან მიმართებითაც.

როზენკრანცი და გილდენსტერნი ჰამლეტის ყოფილი სკოლის ამხანაგები და ამჟამად კლავდიუსის კარზე მოხმობილი კარისკაცები არიან. თავიდანვე ცხადია, რომ ისინი არასოდეს ყოფილან ჰამლეტის ნამდვილი მეგობრები. ჰამლეტი დარწმუნებულია, მათ არასდროს მოქნატრებოდათ იგი ისე, რომ თავიანთი ნებით ენახულებინათ. მან მშვენივრად იცის, როზენკრანცი და გილდენსტერნი „ბედის საიდუმლოს ალაგთან“ დაახლოებულნი რომ არიან და აქედან გამომდინარე, უპრობლემოდ ხვდება იმასაც, რომ ისინი მეფემ და დედოფალმა გამოგზავნეს მასზე სათვალთვალოდ.

შექსპირი იყენებს როზენკრანცსა და გილდენსტერნს იმისათვის, რომ გაურკვიონ კლავდიუსს ჰამლეტის სიგიჟე ნამდვილია თუ ყალბი, და დაადგინონ ამ სიგიჟის თუ თავის მოგიჟიანების მიზეზი. მათ ასევე ევალებათ გაართონ ჰამლეტი, რათა გადაუყარონ გულიდან მწუხარება და სევდა. დაბოლოს, მათი მისია ჰამლეტის მიცილება ინგლისამდე და ინგლისის მეფისათვის კლავდიუსის წერილების გადაცემა.

ჰამლეტთან პირველი და ყველაზე ხანგრძლივი საუბრის შედეგად, როზენკრანცმა და გილდენსტერნმა აღმოაჩინეს, რომ ჰამლეტი მხოლოდ აჩვენებს შეშლილად თავს და სინამდვილეში სულაც არ არის გიჟი. ამას ვგებულობთ მაშინ, როდესაც ისინი ანგარიშს აბარებენ კლავდიუსს უფლისწულთან გამართული ამ საუბრის შესახებ:

CLAUDIUS

And can you by no drift of circumstance
Get from him why he puts on this confusion,
Grating so harshly all his days of quiet
With turbulent and dangerous lunacy?

ROSENCRANTZ

He does confess he feels himself distracted,
But from what cause a will by no means speak.

GUILDENSTERN

Nor do we find him forward to be sounded,
But with a crafty madness keeps aloof
When we would bring him on to some confession
Of his true state.

GERTRUDE

Did he receive you well?

ROSENCRANTZ

Most like a gentleman.

GUILDENSTERN

But with much forcing of his disposition.

ROSENCRANTZ

Niggard of question, but of our demands
Most free in his reply. (შექსპირი 2003: 3.1.1-14)

ბ ელ მწიფე
მაშ ვერ შესძელით, დაპარაკში ვერ შეამჩნიეთ,
თუ რა მიზეზით მიუდიდ შეშლილის სახე,
და სიგიჟისა ქარტებილით აღშფოთებული
რისთვის იმწარებს იგი ასე მშვიდსა ცხოვრებას?

როზენკრანცი

თვისი ჭკვით შეშლა ადვიარა თავის პირითვე,
მაგრამ მიზეზი ვერა დონით ვერ ვათქმევინეთ.

გილდენსტერნი

ისიც შეგატყვეთ, ხელმწიფეო, რომ ეს გამოცდა

საწყენად დარჩა და ცდილობდა, შორს გაგვდგომოდა
ჭკვიდამ შეშლილის კაცის ხერხით, როდესაც კი ჩვენ
მას მივიყვანდით თავის სევდის მიზეზის თქმამდე.

დ ე დ ო ფ ო ლ ო

კარგად მიგიღოთ?

როზენ კრანც

ჩინებულად, დიდის თავაზით.

გილდენსტერნ

თუმცა თავის თავს, შევამჩნიეთ, ძალას ატანდა.

როზენ კრანც

არა გვითხრა რა თითონ, მაგრამ არც ერთ ჩვენ კითხვას
უპასუხოდა არ სტოვებდა, ჩემო ხელმწიფევ. (შექსპირი 1987: 349)¹

როგორც ვხედავთ, როზენკრანცი და გილდენსტერნი ხვდებიან, რომ პამლეტი
მალავს რაღაც საიდუმლოს. აქედან გამომდინარე, მათ უკვე შეიძლება ყნოსეს
კიდეც, რომ იგი მეფისათვის შესაძლო საფრთხეს წარმოადგენს.

პამლეტს თანდათანობით თითქმის ყველასთან ეძაბება ურთიერთობა, გარდა
პორაციოსი. დაძაბულობა განსაკუთრებით „ხაფანგის სცენის“ შემდგომ
მატულობს, რასაც მალე პამლეტის მიერ პოლონიუსის მკვლელობაც მოჰყება.
შეშინებული კლავდიუსი იყენებს ამ სიტუაციას და პამლეტს ინგლისისაკენ
გაისტუმრებს. მას თან აახლებს როზენკრანცსა და გილდენსტერნს, რომელთაც
საიდუმლო წერილებსაც გაატანს ინგლისის მეფესთან. ჩვენ ამ წერილთა არსის
შესახებ ვგებულობთ კლავდიუსის მონოლოგიდან პიესის მეოთხე მოქმედების
მესამე სურათის ბოლოს (იხ. შექსპირი 2003: 4.3.54-64; შექსპირი 1987: 367) და
პამლეტის სიტყვებიდან პორაციოს მიმართ მეხუთე მოქმედების მეორე სურათის

¹ ამ ეპიზოდთან დაკავშირებით ფილიპ ედუარდსი შენიშნავს: „სცენის დასაწყისში, კლავდიუსი შეა საუბარში იმუოფება როზენკრანცთან და გილდენსტერნთან. მან უკვე გაიგო, რომ [პამლეტს] „მიუღია შეშლილის სახე“... [აქამდე] დასადგენი იყო, რა სჭირდა პამლეტს. ახლა გასარკვევა, რატომ იღებს იგი შეშლილის სახეს“ (შექსპირი 2003: 155).

დასაწყისში (იხ. შექსპირი 2003: 5.2.19-25; შექსპირი 1987: 382). მაგრამ მნიშვნელოვანია მიახლოებითი წარმოდგენა შევიქმნათ იმაზე, თუ რა შეიძლება სცოდნოდათ საკუთრივ როზენკრანცსა და გილდენსტერნს ამ წერილების შინაარსიდან.

„ხაფანგის სცენის“ შემდეგ როზენკრანცი ეუბნება ჰამლეტს: “You do surely bar the door upon your own liberty if you deny your griefs to your friend” (შექსპირი 2003: 3.2.305-307) [„თუ მეგობარს მწუხარებას არ გაუმხედო, მაშინ თქვენვე ხელს შეუჭლით თქვენის ხენისაგან განთავისუფლებას“ (შექსპირი 1987: 358)].¹ როგორც გდუარდსი შენიშნავს, „როზენკრანცი გულისხმობს, რომ ჰამლეტი იქნებოდა უფრო თავისუფალი და ნაკლებად დამძიმებული ფიქრებით, თუ იტყოდა თავისი პრობლემების შესახებ. მაგრამ (როგორც ასე ხშირად ამ პიესაში) ცუდი ადამიანები საუბრისას უიღბლო მხატვრულ ხერხებს მიმართავენ. როზენკრანცი გულის კუნჭულში უნდა გულისხმობდეს ჰამლეტის ციხეში გამომწყვდევის შესაძლებლობას“ (შექსპირი 2003: 179). გარდა ამისა, სრულიად მართებულია ვიფიქროთ, რომ უფლისწულის მიერ დადგმულ პიესაში, სადაც სამეფო ტახტის ხელში მოსაგდებად მეფეს საკუთარი მმისწული კლავს, როზენკრანცმა და გილდენსტერნმა, ისევე როგორც სხვებმა, ამოიკითხეს ჰამლეტის მუქარა ბიძამისისადმი.

შემდეგი საუბარი მეფე კლავდიუსსა და როზენკრანც-გილდენსტერნს შორის ასევე იძლევა გარკევულ მინიშნებას იმაზე, თუ როგორ ხედავენ ეს კარისპაცები სინამდვილეს პიესის ამ უტაკზე:

CLAUDIUS

I like him not, nor stands it safe with us
To let his madness range. Therefore prepare you:
I your commission will forthwith dispatch,
And he to England shall along with you.
The terms of our estate may not endure
Hazard so near us as doth hourly grow
Out of his brows.

¹ ნიკო ყიასაშვილი აქ დედნისეულ ტექსტზე ამახვილებს ყურადღებას: *You do surely bar the door upon your own liberty* – „მაშინ თქვენვე კარს ჩაურაზავთ თქვენს თავისუფლებას“: მისი განმარტებით, აქ „როზენკრანცი აფრთხილებს ჰამლეტს, რომ იგი შეიძლება დაამწყვდიონ, როგორც სულით ავადმყოფი“ (შექსპირი 1987: 495).

GUILDENTERN

We will ourselves provide.

Most holy and religious fear it is
To keep those many many bodies safe
That live and feed upon your majesty.

ROSENCRANTZ

The single and peculiar life is bound
With all the strength and armour of the mind
To keep itself from noyance; but much more
That spirit upon whose weal depends and rests
The lives of many. The cess of majesty
Dies not alone, but like a gulf doth draw
What's near it with it.
.....

CLAUDIUS

Arm you I pray you to this speedy voyage,
For we will fetters put about this fear
Which now goes too free-footed.

ROSENCRANTZ

We will haste us. (შექსპირი 2003: 3.3.1-17; 3.3.24-6)

ხელმწიფე

იმისი ქცევა მე არ მომწონს და საფრთხილოა,
რომ მის სიგიჟეს ვაძლევთ ამდენს თავისუფლებას.
ოქვენ მოემზადეთ მასთან ერთად ინგლისს წასვლისთვის
და მეც ეხლავე გამოვგზავნი ბრძანების ქაღალდს.
ჩვენი ქვეყანა ვერ აიტანს, რომ ისე ახლო
დასტრიალებდეს მას ხიფათი, რაც მის სიგიჟეს
ერთად მოჰყვება და თან-და-თან უფრო შიშს გვაგდებს.

გილდენსტერნ

ჩვენ შეგუდგებით სამზადისსა, ჩემთ ხელმწიფებ;
და ნება დამრთეთ, მოგახსენოთ, რომ ეგე შიში
საკეთილოა და წმიდაა, რადგან თქვენ ზრუნავთ
მთელის ერისთვის, რაიც თქვენით სცხოვრობს, სულდგმულობს.

როზენკრანც

თვით უბრალო, და კერძო კაციც მოვალე არის,
ყოვლის თავისის სულისა და ჭკვის ძლიერებით,
უბედურების წინააღმდეგ აღიჭურვოდეს
და მით უმეტეს ვალად სდევს მას, ვის სიკეთეზეც
მრავლის-უმრავლესთ დღეგრძელობა დადგენილია.
როდესაც მოდის მეფისათვის აღსასრულის დღე,
მაშინ სიკვდილი მარტო იმას არ კმარობს მსხვერპლად
და თან ჩაითრევს, ვით მორევი, რაც მის ახლოა.
.....

ხელმწიფე

გთხოვთ, რომ სამგზავროდ მოემზადოთ დაუყოვნებლივ,
სჯობს, ამ შიშს მალე გავუყაროთ ფეხში ბორკილი
და თავისუფლად უწინდელებრ აღარ ვატაროთ.

როზენკრანც და გილდენსტერნ

მოსამზადებლად გიახლებით. (შექსპირი 1987: 359-360)

როზენკრანცსა და გილდენსტერნს უკვე ეჭვი აღარ ეპარებათ იმაში, რომ პამლები სერიოზულ საფრთხეს წარმოადგენს ხელმწიფისათვის. ეს კარგად ჩანს მოყვანილი დიალოგიდან. გილდენსტერნი უწონებს კიდეც კლავდიუსს პამლების სიგიჟისადმი გამოთქმულ შიშს, ხოლო როზენკრანცი ვრცელ სიტყვას წარმოთქვამს მონარქის სიკვდილის საგალალო შედეგების შესახებ. მეფის

გადაწყვეტილება ცხადად მიანიშნებს, რომ პამლეტი, სულ ცოტა, საპურობილები მაინც უნდა ჩასვან, როცა ინგლისში ჩაიყვანენ.

ამ საუბრის შემდეგ უფლისწული მალე კლავდიუსის მარჯვენა ხელს, პოლონიუსს გამოასალმებს სიცოცხლეს. ახლა როზენკრანცსა და გილდენსტერნს უკვე სრულიად დარწმუნებულნი შეუძლიათ იყონ იმაში, რომ პამლეტი მართლაც საშიშია და მეფის მკვლელობაზეც კი არის წამსვლელი. როზენკრანცისა და გილდენსტერნისადმი მიმართულ კლავდიუსის უკანასკნელ სიტყვებში უკვე განგაშის ზარი ისმის:

Follow him at foot, tempt him with speed aboard.

Delay it not, I'll have him hence tonight.

Away, for everything is sealed and done

That else leans on th'affair. Pray you make haste.

(შექსპირი 2003: 4.3.50-3)

წაჰყეთ ფეხდაფეხ. მიიტყუეთ გემზედ საჩქაროდ.

ნუდარ აყოვნებო, ამაღამვე მსურს, მოვიშორო.

რაც კი გზისათვის საჭიროა, ყველა მზად არის.

გთხოვთ, დააჩქაროთ, ერთ წუთს აღარ დააგვიანოთ.

(შექსპირი 1987: 367)

ამრიგად, ინგლისისკენ გამგზავრების წინ, როზენკრანცმა და გილდენსტერნმა მშვენივრად იციან, რომ კლავდიუსის წერილი პამლეტის, სულ ცოტა, დატუსადებას მოითხოვს, თუ უფრო მეტს არა. მათ შეუძლიათ ისიც ივარაუდონ, რომ პამლეტის მოკვდინებაა გადაწყვეტილი. ყოველ შემთხვევაში, კლავდიუსის წერილის მთავარი გმირი, უფრო ზუსტად კი ანტიგმირი, რომ პამლეტია, ამას მაინც ვერ უარყოფენ. თუ მათ ზუსტად არ იციან, როგორ ბედს უსაზღვრავს ეს წერილი დანიის უფლისწულს, მინიმუმ ის მაინც იციან, რომ სწორედ მისი ბედია ამ წერილში განსაზღვრული და მის გარეშე წერილი უფუნქციოა.

როდესაც როზენკრანცსა და გილდენსტერნს ინგლისისაკენ მიჰყავთ პამლეტი, მათ ხომალდს მექობრეთა გემი დაესხმება თავს. ბრძოლისას პამლეტი მათ გემზე გადახტება და მექობრეებიც თან წაიყოდებენ მას. შედეგად,

კლავდიუსის წერილი შეთქმულებისათვის უსარგებლო ხდება და აქედან გამომდინარე, მისი გადაცემა ინგლისის მეფისათვის უკვე აბსურდულია.¹ როზენკრანცი და გილდენსტერნი მშვენივრად უნდა აცნობიერებდნენ ამას, როგორც ეს ზემოთ წარმოვაჩინეთ. მიუხედავად ამისა, რაოდენ გასაკვირიც არ უნდა იყოს, ისინი ყველაზე ალოგიკურ და სულელურ არჩევანს აკეთებენ და აგრძელებენ მოგზაურობას ინგლისისაკენ. ასეთი უცნაური გადაწყვეტილების ასესნას როგორდაც მოვახერხებდით, ინგლისის ნაპირებთან ახლოს მაინც რომ ყოფილიყვნენ მეკობრეთა თავდასხმისას, მაგრამ პამლეტის წერილი ჰორაციოსადმი გამორიცხავს ამგვარ შესაძლებლობას:

Ere we were two days old at sea, a pirate of very warlike appointment gave us chase. Finding ourselves too slow of sail, we put on a compelled valour, and in the grapple I boarded them. On the instant they got clear of our ship, so I alone became their prisoner. (შექსპირი 2003: 4.6.13-17)

ჩვენ ჯერ ორი დღე არ გვევლო ზღვაზედ, როცა უეცრად გამოგვიდგა მეკობართა გემი, მთლად საომრად შეჭურვილი. რაკი მეტად ნელა მივცურავდით, სხვა გზა არ იყო, უნდა ძალად გვემამაცნა და გვეტრძოლა. შეტაკების დროს მე იმათს გემზე ავვარდი. მაშინვე მოშორდნენ ჩვენს გემს და მარტო მე შევრჩი ტყვედ ხელში. (შექსპირი 1987: 373)

წერილი გვატყობინებს, რომ ისინი ორი დღის გასულებიც არ იყვნენ ზღვაში, როცა მათზე თავდასხმა მოხდა. გამოდის, რომ პამლეტმა მათი მოგზაურობის პირველ დამეს შეანაცვლა წერილები, ხოლო შემდეგ დღეს იგი მეკობრეებმა გაიტაცეს.² ეს გარემოება მოგვიანებით ჰორაციოსთან საუბრის დროსაც ჩანს (შექსპირი 2003: 5.2.53-5; შექსპირი 1987: 383). რახან წერილში

¹ რა თქმა უნდა, პამლეტს უკვე ჩანაცვლებული აქვს კლავდიუსის წერილი საბუთარით, მაგრამ ვინაიდან როზენკრანცმა და გილდენსტერნმა არ იციან ეს, ჩვენც მათი გადმოსახედიდან უნდა შევხედოთ ჩანაცვლებულ წერილს.

² ასე ნაწილდება დროში ის მოვლენები, რომლებიც პამლეტმა ორი დღის მანძილზე გამოიარა:

- 1) საღამოს „გონზაგოს მკვლელობა“ დადგა;
- 2) იმ დამესებე პოლონიუსი იმსხვერპლა;
- 3) გამოენისას ინგლისისკენ გააქანეს;
- 4) ის დღე რომ დადამდა, წერილები შეანაცვლა;
- 5) ვიდრე შემდეგი დღე მოსაღამოვდებოდა, მეკობრეებმა გაიტაცეს.

ჰამლეტი ამბობს „ჯერ ორი დღე არ გვევლოთ“, – ამით ირიბად მიანიშნებს, რომ მოგზაურობის უმეტესი ნაწილი მეკობრეების თავდასხმისას ჯერ კიდევ წინ არის. გარდა ამისა, უნდა შევნიშნოთ, რომ შუა საუკუნეებში და თვით შექსპირის დროსაც გემების სისწრაფე თანამედროვე გემებთან შედარებით ბევრად მცირე იყო. აქედან გამომდინარე, ორ დღეზე ნაკლებ დროში დანიიდან ინგლისისაკენ მიმავალ გემს გასავლელი მანძილის მხოლოდ მცირე ნაწილი ექნებოდა დაფარული და შესაბამისად, ელსინორის სანაპიროსთან ბევრად უფრო ახლოს იქნებოდა, ვიდრე ინგლისის ნაპირებთან. კლავდიუსისადმი მიწერილ წერილში ჰამლეტი ამბობს: “I shall [...] recount th’occasion of my sudden and more strange return” (შექსპირი 2003: 4.7.45-6) [„...მოგახსენებოთ მოზებს ახე საჩქაროდ და უუცრად დაბრუნებისას“ (შექსპირი 1987: 374)]. ცხადია, საჩქარო და უეცარი დაბრუნება შეუძლებელი იქნებოდა, მეკობრეების თავდასხმა დანიის ნაპირებიდან შორს რომ მომხდარიყო.

გარდა ზემოთქმულისა, წესით და რიგით, როზენკრანცი და გილდენსტერნი ადვილად უნდა მიმხდარიყვნენ, რომ მეკობრეები ისეთ ძვირფას ტყვეს, როგორიც ჰამლეტია, სწორედ დანიის ნაპირზე გადასვამდნენ (როგორც სინამდვილეშიც ხდება) და არა სხვაგან, ვინაიდან დანიის უფლისწულის გამოსასყიდი, ბუნებრივია, მისი სამშობლოდან უნდა მიეღოთ: “They have dealt with me like thieves of mercy, but they knew what they did: I am to do a good turn for them” (შექსპირი 2003: 4.6.17-18) [„ძალიან ზრდილობიანად მომექუენ ეს ავაზაკები. მაგრამ კარგად იცოდენ, რასაც სჩადიოდნენ – იცოდენ, რომ გადაუხდევს არ დაგზოვებდი“ (შექსპირი 1987: 373)]. როზენკრანცსა და გილდენსტერნს ასევე უნდა ევარაუდათ, რომ თავად ჰამლეტიც ყოველ ლონეს მოიხმარდა, რომ მეკობრეებს იგი სამშობლოში დაებრუნებინათ, რაც დანიის მეფეს კვლავ საფრთხეში ჩააგდებდა.

რა მიზეზებს შეიძლებოდა შეეშალა ხელი როზენკრანცისა და გილდენსტერნისთვის სასწრაფოდ უკან გამობრუნების გადაწყვეტილების მიღებაში? ამასთან დაკავშირებით კრიტიკულ ლიტერატურაში რამდენიმე არგუმენტი მოჰყავთ, რომელთა მართებულობა-უმართებულობის საკითხს აქვთ განვიხილავთ.

ზოგიერთის მოსაზრებით, როზენკრანცსა და გილდენსტერნს არ შეეძლოთ უფლება მიეცათ თავიანთი თავებისთვის და გადაეხვიათ მეფის ბრძანებისთვის. ჩვეულებრივ სიტუაციაში ეს, რა თქმა უნდა, ბუნებრივიც იქნებოდა. მაგრამ

მოცემულ შემთხვევაში მოხდა სრულიად გაუთვალისწინებელი რამ. მათ დაკარგეს ჰამლეტი, რომლის გარეშეც კლავდიუსის წერილმაც აზრი დაკარგა. ეს გარემოება, როგორც კვლევამ წარმოაჩინა, როზენკრანცისა და გილდენსტერნის უურადღების მიღმა ვერასგზით ვერ დარჩებოდა. კლავდიუსის ბრძანება არ ყოფილა მხოლოდ წერილების გადაცემა ინგლისის მეფისათვის. მან, უპირველეს ყოვლისა, ჰამლეტის ჩაყვანა ბრძანა ინგლისში და ამისი აუცილებლობა კარისკაცებისადმი თავისი დაუინებული მოთხოვნითაც დაამოწმა ბოლოს: “Delay it not, I'll have him hence tonight” (შექსპირი 2003: 4.3.51) [„ნუდარ აყვანებთ, ამაღამვე მხურს, მოვიშორო“ (შექსპირი 1987: 367)]. კლავდიუსის ზრახვების არსთა არსი რომ უფლისწულის მოშორებაა და არა უბრალოდ წერილების გადაცემა, ეს ცხადი უნდა ყოფილიყო როზენკრანცისა და გილდენსტერნისთვის. ამიტომ, ზღვაზე ჰამლეტის გატაცებით შექმნილი მდგომარეობის გათვალისწინებით, მათ მიერ ინგლისისაკენ სვლის გაგრძელება, არსობრივად, უკვე მეფის ბრძანების შესრულება კი არა, მისი დარღვევა უფრო გამოდის.

უნდა აღინიშნოს, რომ მინიჭებული ნდობისა და უფლებების თვალსაზრისით როზენკრანცი და გილდენსტერნი მთლად ჩვეულებრივი კარისკაცებიც არ იყვნენ, თუნდაც ისეთები, როგორებიც არიან ვოლტიმანდი და კორნელიუსი. მაშინ, როცა ამ უკანასკნელებს კლავდიუსი უბუნება “Giving to you no further personal power / [...] than the scope / Of these dilated articles allow” (შექსპირი 2003: 1.2.36-8) [„სხვა უფლება თქვენ არა გაქვთ რა იმას გარდა, რაც აქ სწერია“ (შექსპირი 1987: 326)], როზენკრანცთან და გილდენსტერნთან მიმართებით პიესის არცერთ ეპიზოდში არაფერს მსგავსს ადგილი არა აქს. ისინი ჰამლეტის ბაგშობის მეგობრებად ითვლებიან. ჰამლეტიც თავიდან მათ როგორც მეგობრებს ისე დებულობს. კლავდიუსის ნდობა მათდამი, პოლონიუსის შემდეგ, ალბათ, უკელაზე უფრო დიდია. მათ მიენდოთ ჰამლეტის თავშექცევა, მისი საიდუმლოს გამორკვევა. ჰამლეტის მიერ პოლონიუსის მკაფელობის შემდეგ, სწორედ მათ ავალებს მეფე უფლისწულის მოქებნასა და პოლონიუსის გვამის ეკლესიაში წასვენებას. ასევე მათ მიანდობს ინგლისის მეფისათვის წერილების გადაცემას და მათივე კონტროლის ქვეშ გაუყენებს ჰამლეტს ინგლისისაკენ მიმავალ გზას. აქედან გამომდინარე, უნდა ითქვას, რომ ამ მოგზაურობაში როზენკრანცი და გილდენსტერნი თავიანთი ფუნქციით მხოლოდ ელჩებს არ წარმოადგენდნენ. ისინი ნამდვილად იყვნენ აღჭურვილნი ნდობისა და უფლების იმ ხარისხით, რომ

ჰამლეტის დაკარგვის შემდეგ მოეხდინათ შექმნილი სიტუაციის რევიზია და შეეცვალათ თავიანთი კურსი, მაგრამ ეს ასე არ ხდება.

აღსანიშნავია, რომ პიესაში არ ფიგურირებს ინგლისისკენ მიმავალი გემის კაპიტანი, თუმცა გემი უკაპიტნოდ ნამდვილად არ იქნებოდა. მიუხედავად იმისა, რომ გემის კაპიტანს ექსტრემალურ სიტუაციაში, ზოგადად, გააჩნია უფლებები მარშრუტის შეცვლა-არშეცვლის გადაწყვეტილების მიღებაზე, განხილულ შემთხვევაში ის მაინც უნდა გამოვრიცხოთ, რომ მისი უფლებები როზენკრანცისა და გილდენსტერნისას აღემატებოდა. კლავდიუსი იზრუნებდა ისეთი კაპიტნისა და ეკიპაჟის შერჩევაზე, რომელიც აუცილებლობის შემთხვევაში უმაღ როზენკრანცისა და გილდენსტერნის სურვილს დაემორჩილებოდა, ვიდრე ჰამლეტისას. არ უნდა დაგვავიწყდეს, რომ ჰამლეტზე მეთვალყურეობა მათზეა მინდობილი დანიის მეფისგან, და კლავდიუსის წერილებიც მათ უპყრიათ ხელთ და არა გემის კაპიტანს. აქედან გამომდინარე, მეფესთან დაახლოებულ კარისკაცებს ჰამლეტის გატაცების შემდეგ არ გაუჭირდებოდათ კაპიტნის დარწმუნება გეზის უკან, დანიისაკენ ადების აუცილებლობაში. გემის კაპიტანი ამას სავსებით ბუნებრივად მიიღებდა, რადგან დანიის უფლისწულის გატაცება ნამდვილად ვერ იქნებოდა მისთვის უსაფუძვლო მიზეზი კურსის შესაცვლელად.

არის კიდევ ერთი მნიშვნელოვანი მომენტი. ზოგიერთი მკვლევრის აზრით, როზენკრანცისა და გილდენსტერნის ჰამლეტის დაკარგვის შემდეგ მაინც უნდა გავგრძელებინათ მოგზაურობა ინგლისისაკენ, რადგან მათ, ჰამლეტის ჩაყვანის გარდა, ინგლისისგან ხარკის აღებაც ევალებოდათ. უნდა აღვნიშნოთ, რომ ეს არგუმენტი კარისკაცების არჩევნის გასამართლებლად საკმაოდ სუსტია, უპირველეს ყოვლისა, იმიტომ, რომ ჰამლეტის მეთვალყურეობა და მისი ინგლისში ჩაყვანაა ამ მოგზაურობის უმთავრესი მიზანი და არა ხარკის აღება, რაც, წესით, როზენკრანცისა და გილდენსტერნის კარგად უნდა მოხსენებოდათ. გარდა ამისა, გავიხსენოთ, რას ამბობს კლავდიუსი ჰამლეტზე, როდესაც ხარკის ასაღებად მისი ინგლისში გაგზავნის იდეა მოუვა:

There's something in his soul

O'er which his melancholy sits on brood,
And I do doubt the hatch and the disclose
Will be some danger; which for to prevent,

I have in quick determination
 Thus set down: he shall with speed to England
 For the demand of our neglected tribute.
 Haply the seas, and countries different,
 With variable objects, shall expel
 This something-settled matter in his heart,
 Whereon his brains still beating puts him thus
 From fashion of himself. (შექსპირი 2003: 3.1.158-69)

მაგას რადაცა სევდის თესლი გულს ჩაბნევია
 და სახიფათო უნდა იყოს, ვგონებ, იმ თესლის
 აღორძინება. ამ ხიფათის ასაცილებლად,
 მე მომივიდა უცებ აზრად, რომ ის საჩქაროდ
 გავგზავნოთ ინგლისს ასაკრეფად დარჩენილ ხარჯის.
 ეგება ზღვებმა, უცხო მხარემ, უცხო საგნებმა
 გადაუყარონ უცნაური ეგ გულის დარდი.

რაც მას გონებას უავადებს, ცნობას უკარგავს. (შექსპირი 1987: 352)

კლავდიუსი ამ გადაწყვეტილებას დებულობს მას შემდეგ, რაც
 პოლონიუსთან ერთად მიაყურადებს ჰამლეტისა და ოფელიას დაძაბულ საუბარს.
 მეფის სიტყვებიდან კარგად ჩანს, რომ დარჩენილი ხარჯის აღება სულაც არ
 წარმოადგენს დაგეგმილი მოგზაურობის მიზეზსა თუ მიზანს. ის მხოლოდ
 საპაპია ჰამლეტის ინგლისში გაგზავნისათვის. რეალური მიზეზი კი
 უფლისწულის უცნაური საქციელია, ხოლო მიზანი – მისი დამშვიდება და
 დაშოშმინება. ამაზე მეტი საფუძველი ჰამლეტის ინგლისში გასაგზავნად
 კლავდიუსს ამ ეტაპზე არ გააჩნია. უფლისწულს ჯერ არც „გონზაგოს
 მკვლელობა“ დაუდგამს და არც პოლონიუსი მოუკლავს. შესაბამისად,
 კლავდიუსი მის მკვლელობას თავდაპირველად არც გეგმავს, რადგან ჯერ
 წარმოდგენა არა აქვს, რომ უფლისწულმა იცის მისი ჩადენილი მზაკვრული
 ცოდვის შესახებ.

საინტერესოა, როგორია კლავდიუსის ზრახვები ჰამლეტისა და მისი
 მეთვალყურეების ინგლისში გამგზავრების წინ, როდესაც უფლისწულს

„გონზაგოს მპვლელობა“ უკვე დადგმული აქვს და პოლონიუსიც მოკლული ჰყავს:

And England, if my love thou hold'st at aught,
As my great power thereof may give thee sense,
Since yet thy cicatrice looks raw and red
After the Danish sword, and thy free awe
Pays homage to us – thou mayst not coldly set
Our sovereign process, which imports at full,
By letters congruing to that effect,
The present death of Hamlet. Do it England,
For like the hectic in my blood he rages,
And thou must cure me. Till I know 'tis done,
Howe'er my haps, my joys were ne'er begun. (შექსპირი 2003: 4.3.54-64)

შენ კი, ინგლისო, ჩემს წყალობას თუ იმჩნევ რადმე, –
და ვგონებ დანელთ ხმალმა ჩვენი ძალა გაცნობა,
რაკი ჭრილობა მისგან ჯერ არ გაგმროელებია
და ჩვენს ძლიერ ტახტს ხარკსაც აძლევ ქვეშევრდომულად –
შენ გულმხურვალედ მოეპყარ ჩვენს მაღალსა სურვილს,
რაც წარმოგზავნილს წერილებში გამოთქმულია
და სიკვდილს მიეც მყის ჰამლეტი. ასე მოიქეც,
თორემ ვით სენი გესლიანი გულზედ მკბენს იგი
და უნდა მიხსნა ამ სენისგან. მის სიკვდილამდე
გერავითარი სიხარული ვერ გამახარებს. (შექსპირი 1987: 367)

ამ მონოლოგში კლავდიუსი პირდაპირ გვიცხადებს, რომ ჰამლეტის ინგლისში გაგზავნის მიზანია მისი სასწრაფო მოკვდინება. მონოლოგიდან ჩანს, რომ მოგზაურობის მთავარი მიზანი და სავარაუდოდ ერთადერთიც არის სწორედ უფლისწულის მკვლელობა. ინგლისისგან ხარკის აღებას მოგზაურობის საბაბადაც კი არ ასახელებს აქ კლავდიუსი. ის მხოლოდ შენიშნავს, რომ ინგლისი, როგორც დანიის ქვეშევრდომი და მისთვის ხარკის გადამხდელი, გალდებულია შეასრულოს მისი ბრძანება და მოაკვდინოს ჰამლეტი. გარდა

ამისა, უნდა აღვნიშნოთ, რომ ამ შემთხვევაში კლავდიუსს სულაც არ აწყობს ინგლისისგან დარჩენილი ხარჯის მოთხოვნა, როგორც ამას თავდაპირველად გეგმავდა, რადგან ახლა ამ ქვეყანაში მას ისეთი საქმე უნდა გაუკეთოს, რომ მისგან დარჩენილი ხარჯის მოთხოვნა კი არა, მისთვის ამ ხარჯის პატიება უფრო ლოგიკური იქნებოდა. და თუ დავაკვირდებით, მოყვანილი მონოლოგის დასაწყისში კლავდიუსი ინგლისისადმი თავის წყალობას ახსენებს, რაც არ არის გამორიცხული, პამლეტის მკვლელობის სანაცვლოდ ქვეშევრდომი ქვეყნისათვის სწორედ იმ დარჩენილი ხარჯის პატიებას, შემცირებას ან გადავადებას გულისხმობდეს, რომლის აკრეფაზეც საუბრობდა ადრე.

ამგვარად, ცხადია, რომ ინგლისისგან დარჩენილი ხარჯის მიღება მხოლოდ თავდაპირველად წარმოადგენდა უფლისწულის ინგლისში გაგზავნის საბაბს. პამლეტის მიერ „გონზაგოს მკვლელობის“ დადგმის შემდეგ და მით უფრო, მისგან პოლონიუსის მკვლელობის შემდეგ, კლავდიუსს უკვე ადარ სჭირდება ასეთი საბაბი უფლისწულის ინგლისში გადასაკარგავად. ის უკვე ადვილად ახერხებს დაარწმუნოს ყველა, რომ პამლეტი შეურაცხადია და საშიშია ქვეყნისათვის. აქედან გამომდინარე, ძალიან არადამაჯერებელია ვიფიქროთ, რომ კლავდიუსი წერილებში, გარდა პამლეტის მოკვლისა, დარჩენილ ხარჯსაც ითხოვდა ინგლისისგან. პირიქით, უფრო მეტად მოსალოდნელია, ხარჯის მომენტი კლავდიუსს ერთგვარი გარიგებისთვის გამოეყენებინა, რაც ზემოთ უკვე შევნიშნეთ. მნიშვნელოვანია, ასევე, აღვნიშნოთ, რომ საკუთრივ როზენკრანცთან და გილდენსტერნთან სხვადასხვა ეტაპზე გამართულ საუბრებში კლავდიუსი არსად არ ახსენებს ხარჯის აღების საკითხს. როგორც ზემოთ ვაჩვენეთ, მხოლოდ პოლონიუსთან ახმოვანებს ამ აზრს და ისიც ერთადერთხელ. როზენკრანცთან და გილდენსტერნთან კი მუდამ მხოლოდ პამლეტის საკითხი დგას. ამიტომ, როზენკრანცისა და გილდენსტერნის მიერ ინგლისისაკენ მოგზაურობის გაგრძელების გადაწყვეტილება ხარჯის აღების მოტივით საკმაოდ აბსურდულად ჟღერს. პიესის ტექსტის ანალიზი ცხადყოფს, რომ ამ მოსაზრებას სერიოზული მეცნიერული საფუძველი არ გააჩნია.

განვიხილოთ კიდევ ერთი შესაძლებლობა. ვთქვათ, როზენკრანცი და გილდენსტერნი ასეთ საშიშროებაზეც დაფიქრებულიყვნენ: იქნებ პამლეტმა დაუშვა მათი უკან შემობრუნების შესაძლებლობაც და ჯილდოს სანაცვლოდ დაავალა მეკობრეებს გარკვეული დროით ელსინორის ნავსადგურისაკენ მიმავალი სანაოსნო გზის გაკონტროლება. ეს დანიურ გემს კვლავ თავდასხმის

საშიშროების წინაშე დააყენებდა და შესაბამისად, მისი ელსინორში ჩასვლა სერიოზული კითხვის ნიშნის ქვეშ დადგებოდა. მიუხედავად ამისა, როზენკრანცსა და გილდენსტერნს მარტივად შეეძლოთ შემდეგნაირად ემოქმედათ: მეკობრეთა თავდასხმის შემდეგ ინგლისისაკენ მიმავალი გეზი მცირე ხნით არ შეეცვალათ, რათა ამით შთაბეჭდილება შეექმნათ ჰამლეტისთვის და მეკობრეებისთვის, რომ ინგლისისაკენ აგრძელებენ მოგზაურობას; ჰორიზონტიდან მათი გაუჩინარების შემდეგ შემობრუნებულიყვნენ და კურსი აედოთ ელსინორთან ყველაზე ახლოს მდებარე ნავსადგურისაკენ; იქიდან კი ცხენებით ჩასულიყვნენ ელსინორში. რა თქმა უნდა, ასეთ შემთხვევაში, ჰამლეტზე ერთი-ორი დღით გვიან ჩააღწევდნენ სატახტო ქალაქში, თუმცა პიესის ბოლო, სისხლიან სცენამდე ბევრად ადრე, რომელსაც, როგორც ვხედავთ, თვით ინგლისის ელჩებმაც ჩაუსწრეს.¹ ასე რომ, აღწერილ ჰიპოთეზურ სიტუაციაშიც როზენკრანცსა და გილდენსტერნს პატარა შემოვლითი გზით შეეძლოთ ელსინორში მცირე დაგვიანებით დაბრუნება, ხოლო ინგლისში ჩასვლა და ინგლისის მეფისათვის კლავდიუსის წერილების გადაცემა, ამ შემთხვევაშიც, ისეთივე აბსურდად რჩება, როგორც აქამდე იყო.

დაბოლოს, რამდენად შეგვიძლია კარისკაცების ასეთი უგუნური გადაწყვეტილება, მათ გონებაჩლუნგობას დავაბრალოთ? თუკი დავასაბუთებთ, რომ ისინი მართლაც ასეთები არიან, მაშინ ერთგვარ ლოგიკურობას შეიძენს მათი უგუნური გადაწყვეტილება. მაგრამ არის კი პიესაში რაიმე სერიოზული მინიშნება ამის შესახებ? როდესაც ჰამლეტი როზენკრანცს სარეცხ დრუბელს ადარებს, როზენკრანცი უფლისწულს ეუბნება, რომ ვერ გაიგო მისი ნათქვამის არსი, რაზეც ჰამლეტი მიუგებს: “I am glad of it, a knavish speech sleeps in a foolish ear” (შექსპირი 2003: 4.2.21) [„მით უფრო კარგი: მოხსწებული სიტყვა რეგვნის უკრ გერ გამოაღვიძებს“ (შექსპირი 1987: 366)]. რამდენად შეიძლება ჰამლეტის ეს სიტყვები როზენკრანცისა და გილდენსტერნის გონებაჩამორჩენილობის საბუთად გამოგვადგეს? უნდა ითქვას, რომ ნამდვილად ვერ გამოგვადგება რამდენიმე მიზეზის გამო. ჯერ ერთი, არ არის გამორიცხული, რომ როზენკრანცი მიუხვდა ჰამლეტს ნააზრებს, მაგრამ არ შეიმჩნია ეს, რახან მასში უფლისწულისგან მოყენებული შეურაცხეოვა ამოიკითხა. შესაბამისად, მისი სიტყვები – “I understand you not my lord” (4.2.20) [„მე არ მემის თქვენი ლაპარაკი ხელმწიფის

¹ ცხადია, როზენკრანცი და გილდენსტერნი მეკობრეების თავდასხმის შემდეგ დანიისკენ რომ გამობრუნებულიყვნენ, ინგლისის ელჩების ელსინორში ჩასვლა ვერ მოხდებოდა.

შვილო“ (366] – შეიძლება, ერთგვარად შენიღბულ წყენასა და აღშფოთებას გამოხატავდეს. მეორეც, თუ როზენკრანცმა მართლაც ვერ გაიგო უფლისწულის სიტყვების მნიშვნელობა, ესეც არაფერს ნიშნავს, რადგან თავმოგიუიანებული ჰამლეტის ქარაგმები ხშირად სხვა პერსონაჟებისთვისაც გაუგებარი რჩება.¹ არც ის არის უჩვეულო, რომ ჰამლეტისთვის სიტყვებით მოთამაშე ინტელექტუალის წინაშე სხვა პერსონაჟები ზოგჯერ მოსულელო ელემენტებს ემსგავსებიან (მაგალითად, იგივე პოლონიუსი, რომელიც ჰამლეტისთვის შესაძლოა ჩერჩეტი, გამოტვინებული ბებერია, მაგრამ მეფისთვის მაინც – ყველაზე სანდო მრჩეველი). ამიტომ, როზენკრანცი და გილდენსტერნი სრულიად საღი გონების ადამიანებად უნდა ჩაითვალონ. ასე რომ არ იყოს, კლავდიუსი ნამდვილად არ მოუხმობდა მათ ჰამლეტის საიდუმლოს გამოსაძიებლად; არც უფლისწულის ინგლისისაკენ გაცილებას მიანდობდა მათ და არც ინგლისის მეფისათვის საიდუმლო წერილების გადაცემას. გარდა ამისა, ხელმწიფესთან თუ უფლისწულთან საუბრებში არსად ვლინდება, რომ სად აზროვნებაში მათ რაიმე პრობლემა გააჩნიათ. ისინი საკმაოდ მიხვედრილები არიან და თუ რამეს ვერ ხვდებიან, ესეც სინამდვილის შემეცნების ობიექტური სირთულის გამო და არა გონებაშეზღუდულობის მიზეზით. შესაბამისად, როზენკრანცსა და გილდენსტერნს უდავოდ პქონდათ ზღვაზე მეკობრეთა თავდასხმის შედეგად შექმნილი ვითარების სწორი გაანალიზებისა და შეფასების უნარი, მაგრამ მათ ეს რატომდაც არ გამოიყენეს. როგორც ზემოთ წარმოვაჩინეთ, ნორმალურად მოაზროვნე ადამიანებისთვის ნამდვილად არ უნდა ყოფილიყო რთული იმის მიხვედრა, რომ ჰამლეტის დაკარგვის შემდეგ ინგლისისაკენ სვლის გაგრძელება უაზრო იქნებოდა. ისიც ვაჩვენეთ, რომ დანიისაკენ გამობრუნების იდეას, სულ ცოტა, შემოვლითი გზით მაინც არაფერი უშლიდა ხელს. მაგრამ, მიუხედავად ამისა, დანიელი კარისკაცები მათოვის საბედისწერო არჩევანს აკეთებენ (ან რაღაც იდუმალი ძალა აკეთებინებს მათ) და ასე და ამგვარად, ეგებებიან თავიანთ სიკვდილს ინგლისის სამეფოში.

ახლა კი, თვალსაჩინოებისათვის, თეზისების ჩამონათვალის სახით, შევაჯამებთ ჩატარებული კვლევის ყველა იმ შედეგს, რომელიც ასაბუთებს როზენკრანცისა და გილდენსტერნის დანიისაკენ გამობრუნების ლოგიკურობას ჰამლეტის გატაცების შემდგომ:

¹ შდრ. კლავდიუსის რეპლიკა ჰამლეტის ქარაგმულ საუბარზე „ხაფანგის სცენის“ წინ: “I have nothing with this answer Hamlet, these words are not mine” (შექსპირი 2003: 32.85-6) [„შენ აახური ვერ გავიგე, ჰამლეტ. ეს სიტყვები მე არ მეუთვნის“ (შექსპირი 1987: 353)].

- 1) როზენკრანცსა და გილდენსტერნს უდავოდ უნდა სცოდნოდათ, მათი მოგზაურობის მთავარი მიზანი ჰამლეტის ინგლისისათვის გადაცემა რომ იყო;
- 2) არსად ჩანს, რომ კლავდიუსმა მათ ინგლისისგან დარჩენილი ხარჯის აპრეფაც დაავალა და ისიც იკვეთება, რომ ინგლისის მიერ ჰამლეტის მოკვდინების უზრუნველყოფამდე მისთვის ხარჯის მოთხოვნა ვერ იქნებოდა გონივრული გადაწყვეტილება;
- 3) როზენკრანცმა და გილდენსტერნმა იმდენი მაინც იციან, რომ კლავდიუსის ავბედითი წერილის მთავარი თემა და პერსონაჟი დანიის უფლისწულია და შესაბამისად, ისიც უნდა იცოდნენ, რომ მის გარეშე წერილს აზრი ეკარგება;
- 4) ჰამლეტის დაკარგვის შემდეგ კლავდიუსის კარისკაცების მიერ ინგლისისაკენ ცურვის გაგრძელება არსობრივად უკვე ვედარ გამოდის დანიის მეფის ბრძანების აღსრულება;
- 5) როზენკრანცსა და გილდენსტერნს ნამდვილად ჰქონდათ სამეფო კარზე იმ დონის სტატუსი, რომ ზღვაზე ასეთი კატასტროფის შემდეგ უკან დაბრუნების ინდივიდუალური გადაწყვეტილება მიედოთ;
- 6) მათი გემის კაპიტანი უდავოდ მეფესთან დაახლოებული კარისკაცების დაქვემდებარებაში იქნებოდა, რაზეც კლავდიუსი წინდაწინვე იზრუნებდა;
- 7) მათ გემს მეკობრეების თავდასხმის დროს გასავლელი მანძილის უმეტესი ნაწილი დარჩენილი ჰქონდა და შესაბამისად, დანიაში დაბრუნება ინგლისში ჩასვლაზე უფრო ადვილი და მოსახერხებელი იყო;
- 8) კარისკაცებს უნდა გაეცნობიერებინათ დიდი ალბათობა იმისა, რომ მეკობრეები ჰამლეტს სწორედ დანიის ნაპირებთან ჩამოსვამდნენ, რათა მისთვის ეამებინათ და მისგან ჯილდოც მიედოთ;
- 9) ისინი უნდა მიმხვდარიყვნენ, რომ შეურაცხადი და კაცისმკვლელი ჰამლეტის ელსინორში დაბრუნებით მეფე კვლავ საფრთხეში ჩავარდებოდა და ამიტომ მათგან სასწრაფო დახმარებაც შეიძლებოდა დასჭირვებოდა;
- 10) თუ როზენკრანცმა და გილდენსტერნმა ელსინორის ნავსადგურისაკენ გამობრუნებაში კვლავ მეკობრეებთან შეყრის საშიშროება დაინახეს, მათ მარტივად შეეძლოთ შემოვლითი გზა აერჩიათ უკან დასაბრუნებლად;

11) ინგლისისაკენ სვლის გაგრძელების სულელურ გადაწყვეტილებამდე, როზენკრანცი და გილდენსტერნი არსად ჩანან პიესაში ისეთი სულელები, რომ პამლეტის გატაცების შემდგომ ვერ მიმხვდარიყვნენ დანიისაკენ გამობრუნების აუცილებლობას.

განხილული საკითხის გარშემო ზემოთ წარმოდგენილი მსჯელობის საფუძველზე, შეგვიძლია ვიკითხოთ: რატომ აგრძელებენ როზენკრანცი და გილდენსტერნი უსარგებლო მოგზაურობას ინგლისისაკენ და ნაცვლად ამისა, რატომ არ გრძნობენ დანიაში სასწრაფო დაბრუნების აუცილებლობას? რა მოხდებოდა, რომ მათ შეუცვალათ თავიანთი გეზი და დაბრუნებულიყვნენ ელსინორში? ცხადია, სწრაფი დაბრუნება ყველაზე ბრძნელი გადაწყვეტილება იქნებოდა მათგან. კლავდიუსი ამას სრულიად ბუნებრივად მიიღებდა და შესაძლოა ისინი პამლეტის განადგურების ახალ გეგმაშიც კი გამოეყენებინა. მაგრამ ჩვენ ვხედავთ, რომ შექსპირმა აირჩია ის, რაც აირჩია. მას უკვე აღარ სჭირდება როზენკრანცი და გილდენსტერნი თავისი პიესის მსვლელობისათვის და ამის გამო პამლეტის მეშვეობით აწყობს მათ თავზე კლავდიუსის შეთქმულებას. სწორედ ამიტომ, სულაც არ არის გასაკვირი, რომ პამლეტი და ჰორაციო მოელიან არა როზენკრანცისა და გილდენსტერნის უკან დაბრუნებას, არამედ მხოლოდ მათი მოკვდინების შესახებ შეტყობინებას:

HORATIO

It must be shortly known to him [Claudius] from England

What is the issue of the business there.

HAMLET

It will be short. The interim's mine . . . (შექსპირი 2003: 5.2.71-3)

ჰორაციო

უმჭველია, აცნობებენ მალე ინგლისით,
თუ ვით გათავდა მინდობილი მაგისგან [კლავდიუსისგან] საქმე.

ჰამლეტ

ინგლისით მალე აცნობებენ, მაგრამ იმ დრომდე

კიდევ მაქვს ვადა . . . (შექსპირი 1987: 383)

ამ სიტყვებით, პერსონაჟები, უბრალოდ, მათი ავტორის გადაწყვეტილებას ამოწმებენ და სხვა არაფერი. და მართლაც, პიესის ბოლოს, ინგლისის ელჩისგან ვგებულობთ, რომ „როზენკრანცი და გილდენსტერნ მკვდარნი არიან“ (შექსპირი 1987: 389).

ცხადია, არაფერია უცნაური იმაში, რომ შექსპირმა ამგვარი გადაწყვეტილება მიიღო, მით უფრო, თუ გავითვალისწინებთ, რომ უანრობრივად „პამლეტი“, ასე თუ ისე, მაინც შერისძიების თემაზე აგებულ სისხლიან ტრაგედიას წარმოადგენს, მიუხედავად იმისა, რომ ამ ტიპის ტრაგედიისთვის დამახასიათებელ გარკვეულ პირობითობებს არღვევს. მაგრამ ის ნამდვილად უცნაურია, თუ როგორ მიჰყავს დრამატურგს როზენკრანცი და გილდენსტერნი სიკვდილამდე და შესაბამისად, როგორ გაჲყავს ისინი პიესის მოქმედებიდან. ისეთი შთაბეჭდილება რჩება, თითქოს შექსპირი ამ შემთხვევაში აფუნქციებს და ზედმეტად თავს არ იწუხებს თავისი მეორეხარისხოვანი პერსონაჟების სასიკვდილო ბედის უფრო ლოგიკურად განსაზღვრისთვის. თუმცა ისიც ნათელია, რომ პიესის საერთო მხატვრულ-მსოფლმხედველობრივ დირექტორების ეს გარემოება საფრთხეს ნამდვილად არ უქმნის.

ამრიგად, შეგვიძლია დავასკვნათ, რომ მექობრეების თავდასხმის შემდგომ როზენკრანცისა და გილდენსტერნის მიერ ინგლისისაკენ სვლის გაგრძელება მოკლებულია საფუძვლიან მოტივაციას. რეალურად, კლავდიუსის კარისკაცებმა ვერ აღასრულეს დანიის მეფისგან დაკისრებული მისია, მაგრამ როგორც პერსონაჟებმა, ამომწურავად შეასრულეს ავტორისგან მონიჭებული ფუნქცია. ამიტომ, შექსპირს საბოლოოდ გაჲყავს ისინი პიესის მოქმედებიდან, თუმცა, მასში წარმოდგენილ მოვლენათა ლოგიკური მიმართებების თვალსაზრისით, როგორც წარმოვაჩინეთ, არც ისე ბუნებრივად.

1.8. პამლეტის საქციელის ზნეობრივი ასპექტი

შექსპიროლოგიაში პამლეტი ხშირად ერთ-ერთ ყველაზე მაღალზნეობრივ პერსონაჟად მოიაზრება. მისი სულიერი შეჭირვებაც ხომ დიდწილად ადამიანის ზნეობრივი დეგრადაციის ხილვით გამოწვეული ტრაგიკული განცდაა. რახან

უფლისწულისთვის ადამიანის ზნეობრიობა ასეთ სასიცოცხლო ღირებულებას წარმოადგენს და რაკი ის დიდ სიფრთხილეს იჩენს ბიძამისის დამნაშავეობა-უდანაშაულობის საკითხის გამოძიებისას, ბევრი მკვლევარი გაკვირვებულია, რატომ გაიმეტა მან სასიკვდილოდ ასე ადვილად თავისი სკოლის ძველი ამხანაგები.

აქ ორი სახის მიზეზი შეიძლება გამოიყოს: მორალური და პრაგმატული. თუ როზენკრანცმა და გილდენსტერნმა იცოდნენ ან ეჭვი მაინც ჰქონდათ უფლისწულის წინააღმდეგ კლავდიუსის მზაკვრული ჩანაფიქრის შესახებ, მაშინ პამლეტის განაჩენი მათ მიმართ სერიოზულ მორალურ გამართლებას იძენს; ხოლო თუ მათ არ იცოდნენ ამ შეთქმულების შესახებ, მაშინ პამლეტის ასეთი საქციელი მხოლოდ თავდაცვის მიზნით შეიძლება აიხსნას და გარკვეულწილად გამართლდეს კიდეც, რაც უფრო პრაგმატული გადაწყვეტილება გამოდის მისგან, კიდრე – მორალური. ცხადია, პირველი შემთხვევა მეორესაც მოიცავს, რადგან თუ როზენკრანცი და გილდენსტერნი შეთქმულების შეგნებული თანამონაწილენი არიან, მაშინ მათი ცოცხლად დატოვება თავისთავად წარმოადგენს პამლეტისთვის საფრთხეს. უფლისწულის საქციელი ყოვლად გაუმართლებელი და ამორალური მხოლოდ მაშინ იქნება, თუ დავუშვებთ, რომ როზენკრანცმა და გილდენსტერნმა მართლა არაფერი იცოდნენ კლავდიუსის შეთქმულების შესახებ და არც პამლეტისთვის შეეძლოთ რაიმე საფრთხის შექმნა. ისმის კითხვა: რომელ შემთხვევასთან გვაქვს რეალურად საქმე?

როგორც ზემოთ დავასკვენით, მეფის კარისკაცებმა სავარაუდოდ არ იცოდნენ პამლეტის მიმართ გამოტანილი სასიკვდილო განაჩენის შესახებ, მაგრამ ნამდვილად ხვდებოდნენ, რომ უფლისწულს ინგლისში სულ მცირე დატუსაღება მაინც ელოდა. შესაბამისად, კლავდიუსის წერილებში პამლეტზე კარგი არაფერი რომ ეწერებოდა, ამდენს ისინი უსათუოდ აცნობიერებდნენ. მიუხედავად ამისა, მაინც ძნელია როზენკრანცისა და გილდენსტერნის დადანაშაულება. მათ არ იციან, რომ კლავდიუსი სინამდვილეში მმის მკვლელია. ისინი ხედავენ, რომ უფლისწული შეურაცხადია და თავისი დადგმული პიესის მიხედვით მეფესაც კი ემუქრება მოკვლით. პამლეტის მიერ პოლონიუსის მკვლელობა კი, საბოლოო დასტურია კარისკაცებისთვის იმისა, რომ უფლისწულის თავისუფლება ყოვლად გაუმართლებელია. ამიტომ, მათთვის სრულიად გასაგებია მეფის შიში და მისგან პამლეტის ინგლისისაკენ გასტუმრების გადაწყვეტილება, თუნდაც იქ უფლისწულის დატუსაღების მიზნით.

ისინი ბუნებრივად ემორჩილებიან მეფის ბრძანებას, რომელიც მათი გადმოსახედიდან უდავოდ გონივრული ჩანს პრაქტიკული თვალსაზრისით და ჯეროვანი მორალური კუთხითაც. აქედან გამომდინარე, პამლეტისგან მათი სიკვდილით დასჯა ძალიან მკაცრი განაჩენი გამოდის. უფრო აღეკვატური სასჯელი, ზნეობრივი თვალსაზრისით, ალბათ მათი ციხეში გამომწყვდევა იქნებოდა.

ამრიგად, პამლეტის გადაწყვეტილების გასამართლებლად ნამდვილად საჭიროა დავასაბუთოთ, რომ იგი თავდაცვის მიზნით მოქმედებდა და იძულებული იყო წერილში როზენკრანცისა და გილდენსტერნის მკვლელობა დაეკვეთა ინგლისისათვის და არა უბრალოდ მათი თავისუფლების აღკვეთა. ენდრიუ ბრედლი (ბრედლი 1937: 103), მაგალითად, თვლის, რომ მათი სიკვდილი სულაც არ სჭირდებოდა პამლეტს თავისი მიზნის განხორციელებისათვის. მსგავს აზრს იმეორებენ მაკალინდონი (მაკალინდონი 1991: 110) და სადოვსკი (სადოვსკი 2003: 158). მაგრამ არის კი სინამდვილეში ასე? ვეცდებით გავარკვიოთ.

კარლ ვერდერის (ვერდერი 1907: 164) აზრით, პამლეტი იძულებული იყო ასე ემოქმედა, რადგან თუ როზენკრანცი და გილდენსტერნი ინგლისში ჩასვლისთანავე სიკვდილით არ დაისჯებოდნენ, შეიძლება მათ მოეხერხებინათ ინგლისის მეფის დაეჭვება პამლეტის ჩანაცვლებული წერილის შინაარსში. მეფეს შეიძლება დაეკავებინა სამივე იქამდე, სანამ დანიაში არ გაგზავნიდა ელჩებს და არ გადაამოწმებდა კლავდიუსის ბრძანების უტყუარობას, რაც, ცხადია, პამლეტისთვის უკვე საბედისწერო აღმოჩნდებოდა.

მეცხრამეტე საუკუნის გერმანელი მეცნიერის ეს მსჯელობა ბევრად უფრო მართებული ჩანს ამ საკითხზე, ვიდრე ზოგიერთი თანამედროვე მეცნიერის აზრი. მართლაც აშკარაა, რომ პამლეტს სხვა გამოსავალი არ ჰქონდა. მას თავი უნდა დაეცვა. მართალია, პამლეტს საბოლოოდ არ მოუწია ინგლისში ჩასვლამ, მაგრამ საიდან უნდა სცოდნოდა მას, როდესაც წერილებს ანაცვლებდა, რომ მეორე დღეს მეკობრეები დაესხმებოდნენ თავს და მათ გემზე გადახტომის საშუალება მიეცემოდა?

ზოგიერთი მკვლევარი ფიქრობს, რომ მეკობრეების თავდასხმა თავად პამლეტის ორგანიზებული იყო. ამის საფუძველს ხედავენ მისსავე სიტყვებში დედამისის მიმართ, ინგლისში გამგზავრების წინ:

There's letters sealed, and my two schoolfellows,
 Whom I will trust as I will adders fanged,
 They bear the mandate. They must sweep my way
 And marshal me to knavery. Let it work,
 For 'tis the sport to have the engineer
 Hoist with his own petar, an't shall go hard
 But I will delve one yard below their mines
 And blow them at the moon. (შექსპირი 2003: 3.4.203-10)

დაბეჭდილია წერილები და თან ბრძანებაც
 მიცემული აქვს ორს თანაშეზრდილს ამხანაგს ჩემსას,
 რომელთაც ისე ვენდობი, ვით შხამიან გველსა.
 გზა იმათ უნდა გამიკვალონ ჩემის მახისაკენ.
 დევ, იშრომონ; საამოა, როს მემანქანეს
 მისგან ნამზადი იარაღი მაღლა აფეთქებს.
 ცუდად მომივა საქმე, თუ რომ მეც არ გავთხარე,
 არ მოვუქციე იმათ ნაღმებს ქვეშით სხვა ნაღმი
 და მთვარემდე არ ავაფრინე. (შექსპირი 1987: 364)

აქ რამდენიმე მომენტი იკვეთება:

- 1) ჰამლეტი მიხვედრილია, რომ კლავდიუსი მას შეთქმულებას უწყობს;
- 2) როზენკრანცისა და გილდენსტერნის შხამიან გველებთან შედარება მიანიშნებს, რომ უფლისწულს ისინი შეთქმულების შეგნებული თანამონაწილეები ჰავნია, რაც შემდგომ ერთგვარად ამართლებს მის მკაცრ განაჩენს მათდამი;
- 3) ჰამლეტს აშკარად მოფიქრებული აქვს ამ შეთქმულების ჩაშლის გეგმა;
- 4) ეს გეგმა როზენკრანცსა და გილდენსტერნს ცუდ ბედს უქადის;
- 5) რახან ლაპარაკია მემანქანის აფეთქებაზე მისივე დამზადებული იარაღით, ჰამლეტი უნდა გულისხმობდეს სწორედ წერილების ჩანაცვლების იდეას და არა მეკობრეების თავდასხმას.

როგორც ვხედავთ, აქ მოყვანილი ჰამლეტის სიტყვებით მისგან მეკობრეების თავდასხმის მოწყობა ვერ დასტურდება. ეს რომ ასე ყოფილიყო, განა ჰორაციოს, რომელსაც აჩრდილის საიდუმლოც კი გაუმხილა, დაუმალავდა ამის შესახებ?

ხოლო, რაც სინამდვილეში გადახდა ჰამლეტს ამ მოგზაურობის დროს, არაფერი დაუფარავს ჰორაციოსთვის. მეფის წერილის შინაარსიც გააცნო და თავისი შენაცვლებული წერილისიც. ისიც კი უთხრა, თუ როგორ დაბეჭდა ახალი წერილი. ასე რომ, ჰამლეტისა და მეკობრეების მოკავშირეობის იდეას არ გააჩნია მყარი მეცნიერული საფუძველი, რაც იმას ნიშნავს, რომ ჰამლეტი მართლაც იძულებული იყო როზენკრანცი და გილდენსტერნი სასიკვდილოდ გაეწიოდა.

ჰამლეტის სიტყვებში, როგორც შევნიშნეთ, მისი დამოკიდებულებაც იკვეთება თავისი სკოლის ამხანაგების მიმართ, რაც ასევე მნიშვნელოვანი მომენტია უფლისწულის მიერ მათდამი გამოტანილი განაჩენის მორალური შეფასებისათვის. ეს დამოკიდებულება გარკვეულწილად დედამისთან საუბრამდეც ვლინდება, როდესაც გილდენსტერნს საყვედურობს – “[D]o you think I am easier to be played on than a pipe?” (შექსპირი 2003: 3.2.334) [„ოქმება გვონიათ, მე ამ პატარა სალამურზედ უფრო ადგილი დასაკრავი ვიყო!“ (შექსპირი 1987: 359)] – და დედამისთან საუბრის შემდეგაც, როდესაც როზენკრანცს სარეცხ დრუბელს ადარებს, რომელიც, მისი აზრით, ჯერ შეისრუტავს მეფის წყალობას და შემდეგ უკანვე გამოიწურება მეფის მიერ (შექსპირი 1987: 366). მაგრამ შესამიან გველებთან შედარება მაინც ყველაზე მძაფრად გამოხატავს ჰამლეტის ზიზღს როზენკრანცისა და გილდენსტერნისადმი, რაც ფაქტიურად მიანიშნებს იმაზე, რომ უფლისწული მათ კლავდიუსის შეთქმულების შეგნებულ თანამზრახველებად მიიჩნევს.

რა თქმა უნდა, ჰამლეტი აქ აჭარბებს. როგორც ტექსტის ანალიზმა ცხადყო, ნაკლებად საგარაუდოა, რომ მეფის კარისკაცებმა იცოდნენ ან თუნდაც ხვდებოდნენ, რომ მთლად სიკვდილი გამოუწერა მეფემ ჰამლეტს და არა უბრალოდ დატუსაღება. თუმცა, ისიც უნდა აღინიშნოს, რომ უფლისწულს ნამდვილად არ ჰქონდა დრო და შესაძლებლობა შეთქმულებაში როზენკრანცისა და გილდენსტერნის ჩარგულობის ზუსტი ხარისხის დასადგენად: „გონზაგოს მკვლელობის“ დადგმიდან ერთი სრული დღე-დამე არ იქნებოდა გასული, რომ ჰამლეტი და მისი მხლებლები უკვე რამდენიმე საათის გასულები იყვნენ ზღვაში. აქედან გამომდინარე, ძნელია უფლისწულის ხელაღებით დადანაშაულება თავისი ძველი ამხანაგებისადმი ულმობელ საქციელში. ჰამლეტი როგორც ხედავდა სინამდვილეს, ისე მოქმედებდა და ამაზე უფრო უკეთ ვითარების გაანალიზება ამდენი განსაცდელით მოცულს ნამდვილად არ შეეძლო. ამიტომ

მას შემდეგ, რაც გახსნა მეფის წერილი და იქ ამოიკითხა მისი მზაკვრული მოთხოვნა, ნამდვილად არ აუკანკალდებოდა ხელი, როდესაც თვითონაც იმავეს წერდა როზენკრანცთან და გილდენსტერნთან მიმართებით. ჰორაციოს შემდეგი სიტყვები ალბათ ყველაზე ზუსტად ასახავს მეფის კარისკაცებისათვის გამოტანილი განაჩენის არსეს: “So Guildenstern and Rosencrantz go to’t” (შექსპირი 2003: 5.2.56) [„მაშ როზენკრანცება და გილდენსტერნები ეგ მიხცა ძედმა?“ (შექსპირი 1987: 383)]. დიახ, სწორედ ბედი ჩანს მთავარი დამნაშავე მათ სიკვდილში. თუმცა ჰამლეტი ჰორაციოს სიტყვებს ასე ეპასუხება: “Why man, they did make love to this employment. / They are not near my conscience. Their defeat / Does by their own insinuation grow” (5.2.57-9) [„მაინც იხინი მაგბვარ საქმეს სუნით ეძებდნენ და სინიდისიც არა მგანჯავს იმათ გულისუფის, – მეტიჩრობასა დააბრალონ მათი დაღუპვა“ (383)]. ამ შემთხვევაში, ჰამლეტი თითქოს პირდაპირ არ ადანაშაულებს როზენკრანცსა და გილდენსტერნს კლავდიუსის მზაკვრული ჩანაფიქრის სრულ ცოდნაში, მაგრამ მეფის შეთქმულებაში მონაწილეობის მოხალისეებად მაინც მიიჩნევს მათ. ისინი კლავდიუსმა დაიბარა ჰამლეტზე სათვალთვალოდ, რასაც უფლისწული მათთან პირველივე საუბრისას მალევე ხვდება. მათი ინიციატივა არ არის თუნდაც ჰამლეტის გაცილება ინგლისში. ეს კლავდიუსის სურვილია. თუმცა ადსანიშნავია, რომ როზენკრანცი და გილდენსტერნი მეფის ამ გადაწყვეტილებას არა მხოლოდ მორჩილად, არამედ დიდი მოწონებითაც კი ღებულობენ (შექსპირი 2003: 3.3.8-23; შექსპირი 1987: 359-360). ამიტომაც მართებულია მათზე ჰამლეტის შემდგომი სიტყვები: “Tis dangerous when the baser nature comes / Between the pass and fell incensed points / Of mighty opposites” (5.2.60-2) [„საშიშო არის, როდესაც სუსტბუნებიანი ჩაუგარდება შეაში თრს მოპირდაპირებს, მოპირდაპირებს ძლიერს, მეღვარს, ხმალამოწვდენილს“ (383)].

ამრიგად, ირკვევა, რომ ჰამლეტი იმულებული იყო გაეწირა როზენკრანცი და გილდენსტერნი საკუთარი თავის დასაცავად. ვლინდება ისიც, რომ ჰამლეტს თავისი სკოლის ამხანაგები, სრულიად გულწრფელად, უფრო მეტად დამნაშავეები ჰგონია, ვიდრე ისინი სინამდვილეში არიან, და ჩანს ასევე ის, რომ უფლისწულს არ ჰქონდა დრო და საშუალება ზუსტად განეხსაზღვრა მათი გათვითცნობიერებულობის ხარისხი ბიძამისის ბინძურ საქმეში. ამ ყველაფრის გათვალისწინებით, ზოგიერთი კრიტიკოსის მიერ მორალური გადმოსახედიდან უფლისწულის დადანაშაულება როზენკრანცისა და გილდენსტერნისადმი გამოტანილი განაჩენის გამო ნამდვილად არ არის მართებული. მეორე მხრივ,

უნდა ითქვას, რომ როზენკრანციცა და გილდენსტერნიც აშკარად დაიჩაგრძენ. მართალია, ისინი სრულიად უდანაშაულოები არ არიან, მაგრამ სიკვდილი მაინც მეტად მკაცრი განაჩენია მათთვის. საგულისხმოა ისიც, რომ მექობრეების თავდასხმის უცნაურმა ბედისწერამ ჰამლეტი უკან, დანიისაკენ გამოიხმო; ხოლო ამავე ბედისწერამ როზენკრანცისა და გილდენსტერნს ვერ დაანახვა ინგლისისაკენ სვლის გაგრძელების აბსურდულობა. ამიტომ ჰამლეტმა კი არა, სინამდვილეში თავად შექსპირმა გამოუტანა მათ ასეთი განაჩენი; ჰამლეტი კი მხოლოდ ამ განაჩენის შესაბამისი დოკუმენტის შემდგენელად გამოიყენა. უდავოა, რომ დრამატურგს სჭირდებოდა როზენკრანცისა და გილდენსტერნის პიესიდან გაყვანა, მაგრამ ასევე ცხადია, რომ ამის განსახორციელებლად მთლად დამაჯერებლად ვერ გამართა სიუჟეტი. რჩება ისეთი შთაბეჭდილება, რომ თავად შექსპირსაც სურდა მათი სიკვდილით დასჯა იმ სახით, როგორც ჰამლეტმა დედამისთან საუბრის დასასრულს მათ, ცოტა არ იყოს, მეტაფორულად უწინასწარმეტყველა (შექსპირი 2003: 3.4.206-10; შექსპირი 1987: 364). ამის საფუძველზე, შეგვიძლია ვივარაუდოთ, რომ დრამატურგი იზიარებს თავისი პროტაგონისტის პოზიციას როზენკრანცისა და გილდენსტერნის მიმართ. პოეტური სამართლიანობის აღსასრულებლად იგი რამდენადმე არდვევს კიდევ სიუჟეტურ ლოგიკას და რაოდენ უცნაურიც არ უნდა იყოს, მექობრეების თავდასხმის შემდეგ მეფის კარისკაცებს მაინც აგრძელებინებს ინგლისისაკენ მოგზაურობას, რათა მათზე მოიწიოს სასჯელი ბუმერანგის პრინციპით. გარდა ამისა, შექსპირს, როგორც ჩანს, ძალიან სურდა „ჰამლეტის“ ბოლო სცენაში ერთგვარი დრამატული ორონიის მისაღწევად ინგლისის ელჩისათვის უთქმევინებინა: “The ears are senseless that should give us hearing, / To tell him his commandment is fulfilled, / That Rosencrantz and Guildenstern are dead” (შექსპირი 2003: 5.2.347-50) [„უქნი არიან იგი კურნი, რომელთაც უნდა მოესმინათ, რომ ნაბრძანები აღსრულდა მათი, რომ როზენკრანცი და გილდენსტერნ მკვდარნი არიან“ (შექსპირი 1987: 389)].

უოველივე ზემოთქმულიდან გამომდინარე, შეგვიძლია დაგასკვნათ, რომ მიუხედავად ნაკლოვანებებისა და შეცდომებისა, ჰამლეტი მაინც მაღალი ადამიანური დირსების მატარებელი პერსონაჟია. შეიძლება იგი ვერ აღწევს ზნეობრიობის სასურველ სიმაღლეს ელსინორის ფარისევლურ და მტრულ გარემოში, მაგრამ შინაგანად უდავოდ მიისწრაფვის აქეთკენ, რასაც ადამიანურ უკეთურებაზე მისი ტრაგიკული განცდაც ადასტურებს. ჰამლეტის ხედვით, თუ

ადამიანი თავის ნიჭება და უნარებს ბოროტებას მოახმარს, მისი ამქვეყნიური არსებობა ფუჭი და ამაოა, რადგან ასეთი ადამიანი იმაზე მეტი არ ლირს, ვიდრე ის მიწა, რომლისგანაც იგი შეიქმნა. ამიტომ, უფლისწულისთვის ამგვარი ადამიანი მტკრის გროვაა და სხვა არაფერი, რაზეც როზენკრანცთან და გილდენსტერნთან საუბრისას მიანიშნებს კიდეც (შექსპირი 2003: 2.2.286-90; შექსპირი 1987: 344). მესაფლავების სცენაში კი ამქვეყნიური დიდებისაკენ მოსწრავე ადამიანის სულიერ გახრწნას ჰამლეტი მიწაში მისი სხეულის ხორციელ ხრწნასთან აკავშირებს.

მიუხედავად გარკვეული მერყეობისა, დანიის უფლისწული აუმხედრდა მოზღვავებულ ბოროტებას. მან გულწრფელად იბრძოლა „ნაღრძობი“ დროების გასასწორებლად, მაგრამ ვერ გაასწორა ის. მისი დროული ქმედებაც არსებითად, ალბათ, ვერაფერს შეცვლიდა ამ კუთხით. მას რომ დროზე მოეკლა კლავდიუსი, ის მაინც ძმის მკვლელი და მისი ცოლის მიმტაცებელი იქნებოდა. პოლონიუსი რომ არ შემოკვდომოდა, ის მაინც ტუტუც მედროვედ დარჩებოდა. როზენკრანცსა და გილდენსტერნსაც ცოცხლად გადარჩენა ვერაფრით გამოასწორებდა. გერტრუდის მიერ გარდაცვლილი ქმრისადმი დალატი და მის მკვლელ ძმასთან სისხლის შერევის ფაქტიც ვერსად გაქრებოდა. ალბათ, ვერც ოფელიას მიერ ჰამლეტის უარყოფა გაუქმდებოდა. ფაქტიურად, სულიერი თვალსაზრისით ყველა ბოროტება ძალაში დარჩებოდა, უბრალოდ, ნაკლები ფიზიკური სიკვდილიანობა იქნებოდა. და ბოლოს და ბოლოს, ყველაზე დიდი და საძაგელი ბოროტება ხომ პიესის დაწყებამდე ხდება, როდესაც ძმა ძმას სასიკვდილოდ იმეტებს, რათა შემდეგ დატკბეს მისი სამეფოთი და მისი ცოლთან ავხორცული კავშირის შეკვრით. „ჰამლეტში“ წარმოდგენილი ბოროტმოქმედებანი, სინამდვილეში, ამ მთავარი ბოროტმოქმედების ლოგიკური გაგრძელებაა, რომელსაც, ავად თუ კარგად, მაინც ჰამლეტი უსვამს ბოლოში წერტილს. იგი კვდება, მაგრამ ერთგვარ იმედად ფორტინბრასს გვიტოვებს. „ნაღრძობი“ დროება კი ძალაში რჩება და მისი გასწორება მეტად საჭიროა. უფლისწული გვემშვიდობება სიტყვებით “....the rest is silence” (შექსპირი 2003: 5.2.337) [„სხვა რაღა დარჩა? საუკუნო სიჩუმე მხოლოდ“ (შექსპირი 1987: 389)] და ამით თითქოს წინასწარმეტყველებს კიდეც თავისი მაღალი ჰუმანისტური სულისკვეთების მოდერნისტულ მიყუჩებასა და დაქვეითებას სამი საუკუნის შემდეგ.

2. ჰამლეტური ასოციაციები ჯოისის „ულისეში“

2.1. „ჰამლეტი“ და „ულისე“

დიდია ჯეიმზ ჯოისის შემოქმედებისა და უპირველეს ყოვლისა მისი „ულისეს“ გავლენა XX საუკუნის ლიტერატურულ სამყაროზე. „ულისეს“ შემდეგ დასავლურ ლიტერატურაში არაერთი მაღალმხატვრული ლირებულების მქონე ნაწარმოებია შექმნილი, რომელიც ამ რომანის პირდაპირ თუ ირიბ გავლენას ატარებს. „ულისე“ დიდი სამყაროა, პირველ რიგში კი, ის სამყარო, რომელსაც ადამიანის ცნობიერება განასახიერებს და რომელიც გარე სამყაროს უკავშირდება. და სქელტანიან ნაწარმოებში, სადაც ალუზიათა მთელი სიუხვა მოცემული, თითქმის შეუძლებელია ისეთმა ზოგადსაკაცობრიო თემამ, როგორიცაა ჰამლეტური პრობლემა, საერთოდ არ გაიელვოს და მნიშვნელოვანი ადგილიც არ დაიკავოს, როგორც ეს „ულისეში“ ხდება. სტიუარტ გილბერტი (გილბერტი 1958: 11) შენიშვნავს კიდევ, რომ „ულისეში“ წარმოდგენილი შინაგანი მონოლოგები აშკარად ატარებს შექსპირის პიესებში წარმოდგენილი მონოლოგების გავლენას, განსაკუთრებით კი ჰამლეტის მონოლოგებისა.

უდიდესია უილიამ შექსპირისა და მისი „ჰამლეტის“ გავლენა მსოფლიო ლიტერატურაზე, მით უმეტეს, იმ ეპოქაში, სადაც წინა პლანზეა წამოწევლი ადამიანის ცნობიერება, მისი საიდუმლოებანი, სადაც დრო არა უბრალოდ „ნაღრძობია“, არამედ სრულ ქაოსად ქცეულა და დაუკარგავს თავისი არსებითი თვისება – ქრონოლოგიურობა. ამიტომაც, დრო მოდერნისტულ ლიტერატურაში, როგორც მანანა გელაშვილი შენიშვნავს, „ურიცხვ რეფლექსიათა წყაროდ იქცა, ხშირად კი ესთეტიკური თამაშის საგნადაც“ (გელაშვილი 2005: 4). ასე ხდება „ულისეშიც“. დროის ამგვარი აღქმა საშუალებას აძლევს ჯოის ნებისმიერი დროება (მათ შორის, შექსპირის რენესანსული ეპოქა) „შეახვედროს“ მოდერნისტულ დროებასთან, პირველყოვლისა, თავისი პერსონაჟების ცნობიერებაში, და გზა გაუხსნას პაროდიის ახლებურ შესაძლებლობებს.

მოდერნიზმის ეპოქაში ადამიანმა აშკარად შეიგრძნო საკუთარი უსუსურობა, ნაფოტობა აზვირთებულ მდინარეში. მან ისიც გააცნობიერა, რომ მეორე აზვირთებული მდინარეც არსებობს, რომლის მიმართულება აბსოლუტურად ამოუცნობია. ეს არის ადამიანის ცნობიერების ნაკადი, მისი სულიერი ყოფიერების მდინარება. XVI-XVII საუკუნეთა მიჯნაზე შექმნილი „ჰამლეტი“ და

მასში არეკლილი პუმანისტური იდეალების კრიზისი ერთგვარი პრელუდია იმ უზარმაზარი სულიერი შეჭირვებისა, შინაგანი გაორებისა, რომელიც მოდერნიზმის სახით თავს დაატყვდა XX საუკუნის ადამიანს. თუმცა, ეს ყოველივე „პამლეტში“ ჯერ კიდევ ჩანასახოვან სახეს ატარებს. მართალია, პამლეტური განწყობილება თავისი არსით მთლად წინარემოდერნისტული არ არის, მაგრამ შექსპირი მაინც ალბათ ერთ-ერთი პირველთაგანია, ვინც ასე დრმად ჩააღწია ადამიანის ცნობიერების სიღრმეებში და გამოააშკარავა მისი რთული ფსიქიკური სამყარო. „პამლეტმა“ მკაფიოდ აჩვენა ადამიანის პიროვნული გაორება და სულიერი წინააღმდეგობრიობა. როგორც ნიკო ყიასაშვილი შენიშნავს, „პამლეტიდან“ ჯემზ ჯოისის „ულისემდე“ ინგლისური პუმანიზმის განვითარება სწორხაზოვანი არ ყოფილა. თუ მეოცე საუკუნის მწერლობისათვის ადამიანი ხშირად შინაგანად გამოფიტული და ბრძოლისუნარგამოცლილია, რადგან მწერალს არ სწამს ადამიანური დირსება, სიკეთე და სათნოების გამარჯვების შესაძლებლობა, შექსპირის შემოქმედებაში, პამლეტის მსოფლადქმაში ძირითადი მაინც სწორედ ადამიანის რწმენა და ადამიანური დირსების აპოთეოზია. პამლეტური სკეფსისიც ბზარის გამოელების პათოსს უფრო შეიცავს, ვიდრე ნაპრალის გადრმავების რეალურ წინათგრძნობას“ (ყიასაშვილი 1992: 118-119).

მოდერნიზმის ეპოქაში ადამიანის შინაგანი სამყარო, მისი ცნობიერება, მეცნიერულ-შემოქმედებითი კვლევის უმთავრესი ობიექტი ხდება. ლიტერატურაშიც ცნობიერების ნაკადის სხვადასხვა მხატვრული ტექნიკის გამოყენებით პიროვნების ცნობიერებაში ჩაღრმავების ხარისხი განუზომლად იზრდება. სწორედ ამ მეთოდის გამოყენებით შევავართ ჯოისს გმირთა შინაგან სამყაროში. ჩვენ ვწვდებით სტივენ დედალოსის, ლეოპოლდ ბლუმისა და მოლი ბლუმის ცნობიერებათა სხვადასხვა შრეს. ჯოისის „ულისე“ ნათლად ასახავს, რომ გარე სამყაროზე არანაკლებ დიდი და შეუცნობელი სამყაროა დამალული ადამიანში. გარე სამყარო უზარმაზარია, შეუცნობელი, მაგრამ – ერთადერთი. ყოველი ადამიანის შინაგანი სამყარო კი, მიუხედავად გარკვეული მსგავსებისა, მეტად თუ ნაკლებად განსხვავდება ერთმანეთისაგან – სხვადასხვა სულს, სხვადასხვა მეს ასახავს. თითოეული მათგანი ინდივიდუალური შინაარსის მატარებელია. აქედან გამომდინარე, ყოველი პიროვნება თავისი ცნობიერების ერთადერთობისა და განუმეორებლობის გამო გარე სამყაროს არაერთგვარად აღიქვამს. რამდენი ადამიანი, რამდენი შინაგანი სამყაროც არსებობს, თითქოს

ზუსტად იმდენივე გარე სამყაროც არსებობს, თუმც კი ობიექტურად ვიცით, რომ გარე სამყარო მაინც ერთია.

ადამიანის ყოფიერების წარმართვაში მნიშვნელოვან როლს ასრულებს როგორც სუბიექტური, ისე ობიექტური სამყარო, ვინაიდან, მიუხედავად იმისა, რომ ნებისმიერი ადამიანის შინაგანი სამყარო უნიკალურია და თავისებურად აღიქვამს გარე სამყაროს, ყოველი წვრილმანიც კი, რაც გარეთ ხდება, გარკვეულ გავლენას ახდენს მასზე და იღებება ცნობიერების სიღრმეებში. სხვა სიტყვებით რომ ვთქვათ, გარე სამყარო იმ სახით, რა სახითაც ჩვენ აღვიქვამთ მას, ნამდვილად ახდენს გავლენას ჩვენს შინაგან სამყაროზე. „ულისეს“ ამას ადასტურებს. მიუხედავად იმისა, რომ მასში ადამიანის ცნობიერების ჩვენებაა წინა პლანზე წამოწეული, ამ ცნობიერების მოქმედება მაინც გარე სამყაროსთან კავშირშია მოცემული. ყველა ინფორმაცია, რაც გარედან შედის პერსონაჟების ცნობიერებაში, გარკვეულ მიმართულებას, გარკვეულ შინაარსს აძლევს მათ ფიქრთა დინებას.

ჯოისის „ულისეს“, პომეროსის „ოდისეას“ შემდეგ, ყველაზე მეტად ალბათ შექსპირის „პამლეტის“ სულს ატარებს, ხოლო მისი მოდერნისტული სულისკვეთება, რომლისთვისაც დრო-სივრცული დაშორება ბარიერს არ წარმოადგენს, ძირითადად პაროდისტის ფუნქციას ასრულებს რომანში გაელვებულ სხვადასხვა ლიტერატურულ ტექსტთან მიმართებით, მათ შორის, „პამლეტთან“ მიმართებითაც.

უფლისწულ პამლეტს „ულისეში“ სტივენ დედალოსი შეესაბამება. სტივენთან როგორც პაროდირებულ უფლისწულ პამლეტთან მიმართებით „ულისეს“ მთავარი პროტაგონისტი ლეოპოლდ ბლუმი პაროდირებულ მეცე პამლეტის აჩრდილად მოიაზრება. ამავე პრინციპით, რომანის სხვა პერსონაჟები „პამლეტის“ სხვადასხვა პერსონაჟის პაროდიას წარმოადგენენ. თუმცა, პერსონაჟებს შორის გავლებული პარალელები მუდამ ერთი-ერთზე არ შეესაბამება ერთმანეთს. სხვა სიტყვებით რომ ვთქვათ, პარალელები ყოველთვის მდგრადი არ არის და ზოგჯერ გარკვეულ ვარიაციას ექვემდებარება. ასე, მაგალითად, სტივენ დედალოსი ძირითადად უფლისწულ პამლეტს შეესაბამება, მაგრამ იშვიათად პამლეტის მამის აჩრდილსაც განასახიერებს (ცხადია, აქ მამისა და ძის ერთარსოვნების ლოგიკა მოქმედებს); ბაკ მალიგანი ძირითადად უზურპატორ კლავდიუსთან ასოცირდება, მაგრამ ხანდახან როზენკრანც-გილდენსტერნად ან პორაციოდაც კი შეიძლება გავიაზროთ.

სტივენსა და ჰამლეტს შორის, ისევე, როგორც ბლუმსა და აჩრდილს შორის არსებული პარალელები არა მხოლოდ რომანში აღწერილ სამყაროში ვლინდება, არამედ სტივენისა და ბლუმის ცნობიერებათა ნაკადებშიც. საკუთრივ სტივენ დედალოსთან გავლებული ჰამლეტური პარალელების გაანალიზება-გააზრებამდე, უნდა აღინიშნოს, რომ სტივენი თავადვე გრძნობს სულიერ სიახლოვეს უფლისწულ ჰამლეტთან და ერთგვარი თეორიაც კი აქვს შემუშავებული შექსპირის ცხოვრებისა და შემოქმედების შესახებ. ეს „თეორია“ ერთ-ერთ ამოსავალ წერტილადაც კი შეიძლება ჩაითვალოს „ულისეს“ მხატვრული მეთოდოლოგიისა და იდეური შინაარსის გააზრებისათვის. სტივენის უკან აქ თვით ჯოისი დგას, ისევე, როგორც მსახიობების დამრიგებელი ჰამლეტის უკან იქ თავად შექსპირი დგას.

სტივენი თავის „თეორიას“ რომანის მე-9 ანუ „ბიბლიოთეკის“ ეპიზოდში აყალიბებს, რომელიც პომეროსთან სკილა და ქარიბდას ეპიზოდს შეესაბამება.¹ ამ ეპიზოდის მნიშვნელობაზე თავად ჯოისის მიერ შედგენილი „ულისეს“ სქემაზური მონახაზი მიანიშნებს, სადაც მე-9 ეპიზოდის სიმბოლოებად ტვინი და ლიტერატურაა წარმოდგენილი.² ამათგან ტვინი შეგვიძლია დავუკავშიროთ შექსპირსა და ჰამლეტს როგორც შემოქმედებითად მოაზროვნებს, ხოლო ლიტერატურა – შექსპირის შემოქმედებას.

სტივენის აზრით, გენიოსი ადამიანისთვის საკუთარი თავია ყოველივე მატერიალურისა თუ ზნეობრივის საზომი. აქედან გამომდინარე, ის ფიქრობს, რომ შექსპირი, უფლისწულ ჰამლეტზე უფრო, მევე ჰამლეტის აჩრდილის პროტოტიპად უნდა მოვიაზროთ, რომლის როლსაც დრამატურგი, გადმოცემის თანახმად, თავადვე ასრულებდა გლობუსის თვატრში; ხოლო უფლისწული ჰამლეტი, იდეაში, მისი გარდაცვლილი ძის ჰამნეტის მხატვრულ რეინკარნაციად უნდა განიხილებოდეს, რითაც მინიშნებული იქნება მემკვიდრედაკარგული მამისგან სულიერი უკმარისობის ერთგვარი კომპენსაციის მცდელობა. ამის მკაფიო გამოძახილს საკუთრივ „ულისეს“ სიუჟეტი წარმოადგენს, რომლის მთავარი მამოძრავებელი დერძი სწორედ მამა-შვილის ურთიერთძიებაა, სტივენ დედალოსისა და ლეოპოლდ ბლუმის, „ოდისევსისა“ და „ტელემაქეს“, „მამა ჰამლეტისა“ და „მე ჰამლეტის“ ურთიერთშეცვრის იდეისაკენ მიმართული.

¹ ოდისევსის გავლა სკილასა და ქარიბდას შორის მოთხოვნილია პომეროსის პოემის მე-12 წიგნში (იხ. პომეროსი 2011: 136-145).

² იხ. გილბერტი 1958: 211; იხ. აგრეთვე ლეიონელი 2014: 218.

გარდა მამა-შვილური ურთიერთმიმართებებისა, სტივენის „თეორია“ ეხება უზურპაციისა და დალატის თემებს. რახან სტივენი შექსპირს აჩრდილთან აიგივებს, იგი ავითარებს იმ იდეასაც, რომ სტრეტფორდში დარჩენილი შექსპირის ცოლი, ენ ჰეთუეი, თითქოს დალატობდა ლონდონში მოღვაწე ქმარს მის ძმებთან, რიჩარდთან და ედმუნდთან.¹ სწორედ ამიტომ, სტივენის მოსაზრებით, შექსპირმა „რიჩარდ მესამეში“ და „მეფე ლირში“ მისი ბოროტი მმები, რიჩარდი და ედმუნდი გამოიყვანა, ხოლო „პამლეტში“ მათ დაუმატა მმის მკვლელი, მისი სამეფოსა და მეუღლის მიმტაცებელი კლავდიუსი და ქმრის მოდალატე გერტრუდი.

მე-9 ანუ ყველაზე შექსპირული ეპიზოდი „ულისეში“, ფაქტობრივად, მთელს რომანში წარმოდგენილი პამლეტური პარალელების თავისებურ თეორიულ და მხატვრულ საფუძველს ქმნის. ამიტომაც აუცილებლად მივიჩნიეთ ამ ეპიზოდის მნიშვნელობაზე გარკვეული ყურადღება წინდაწინვე გაგვემახვილებინა. მოგვიანებით კი უფრო ვრცლად განვიხილავთ „ულისეს“ მე-9 ეპიზოდს.

შექსპირულ-პამლეტური პარალელი რომანში თავიდანვე ვლინდება. იგი ეხმიანება სტივენის „თეორიას“ და ასევე მისი და სხვა გმირების ცხოვრებისეულ გამოცდილებას. როგორც ირაკლი ცხვედიანი შენიშნავს, „შექსპირული პარალელი, პომეროსის „ოდისეასაგან“ განსხვავებით, არათანმიმდევრულია და თავიდან ბოლომდე არ გასდევს რომანს, მაგრამ ისიც უდავოა, რომ იგი ჯოისის შთაგონების ერთ-ერთ მთავარ წყაროს წარმოადგენს და მნიშვნელოვან მხატვრულ ფუნქციებს ასრულებს“ (ცხვედიანი 2006: 83). აღსანიშნავია აგრეთვე, რომ პარალელები ხშირად ძალიან კომპლექსურ ასოციაციურ-ალუზიურ ხასიათს ატარებენ და ანალოგიასთან ერთად კონტრასტსაც ქმნიან, რაც უმეტესად პაროდიის გამძაფრებას ემსახურება და რომანის მსოფლმხედველობრივ ასპექტსაც მნიშვნელოვანწილად განსაზღვრავს.

2.2. სტივენი როგორც პაროდიული პამლეტი

ვიცით, რომ ჯერ კიდევ „ულისესა“ და „პამლეტის“ სიუჟეტების დაწყებამდე ორივე, სტივენიცა და პამლეტიც სწავლის საბაბით გაურბის თავის სამშობლოს, ოჯახურ წრეს. ერთი გარბის დუბლინიდან პარიზში, მეორე – ელსინორიდან

¹ ეს იდეა მთლიანად სტივენ დედალოსის ფანტაზიის ნაყოფია.

ვიტენბერგში. მოგვიანებით ორივეს მსგავსი მიზეზი აბრუნებს უკან: პამლეტს – მამის სიკვდილი; სტივენს – დედის ავადმყოფობა, რომელსაც მალე სიკვდილიც მოჰყვება. მიუხედავად იმისა, რომ გავიდა გარკვეული დრო, სტივენი და პამლეტი მაინც გლოვობენ მშობლების გარდაცვალებას.¹

რომანის 1-ელ ეპიზოდში ბაკ მალიგანი² მოუწოდებს სტივენს გამოიცვალოს სამგლოვიარო ტანსაცმელი, ისევე, როგორც პიესის 1-ელ მოქმედებაში კლავდიუსი მოუწოდებს პამლეტს შეწყვიტოს გლოვა. მალიგანი სტივენს წამოაყვედრის, მომაკვდავი დედის თხოვნა რომ არ შეასრულა და ფაქტიურად გლოვის სიმულაციაში ადანაშაულებს მას: “Etiquette is etiquette. He kills his mother but he can't wear grey trousers” (ჯოისი 2000: 5) [„ეტიკეტი ეტიკეტია. დედის კლავა. ნაცრისფერ შარვალს კი ვერ ატარებს“³ (ჯოისი 2012: 8)]. პამლეტიც გლოვის გარეგნულად გათამაშების შესაძლებლობასა და შინაგანი გლოვის ნამდვილობაზე ესაუბრება კლავდიუსსა და გერტრუდს: “...I have that within which passes show – / These but the trappings and the suits of woe” (შექსპირი 2003: 1.2.85-6) [„....მე გულში მაქას რაღაცა; გარწმუნებო, იგი არ საჭიროობს მწუხარების მოკაზმულობას“ (შექსპირი 1987: 327)]. მალიგანი ზემოთ მოყვანილი მაყველებელი სიტყვების შემდეგ სიგიურესაც ახსენებს სტივენთან მიმართებით, რაც შეგვიძლია პამლეტის სიგიურესა თუ თავის მოგიუიანებას დაუკავშიროთ: “– That fellow I was with in the Ship last night, said Buck Mulligan, says you have g. p. i. He's up in Dottyville with Conolly Norman. General paralysis of the insane” (ჯოისი 2000: 5) [„ის ტიპი, წუხელ „ხომალდში“⁴ რომ ვნახე, თქვა ბაკ მალიგანმა, შენზე ამბობს ჭ. პ. დ. ჭირხო. გიუგებში მუშაობს კონოლი ნორმანთან. ჭკუასუხეტების პროცესები დამბლა“ (ჯოისი 2012: 8)]. მალიგანი მოახლის გაბზარულ სარკეს მიუშვერს სტივენს, ხოლო სარკე მოგვაგონებს პამლეტის მიერ მსახიობებისადმი მიცემულ რჩევა-დარიგებას, რომლის თანახმადაც თეატრი ბუნების სარკე უნდა იყოს. ჯოისის შემთხვევაში, სარკეს, როგორ ჩანს, მოდერნისტული ბზარი აქვს შეპარული. მალიგანი, ხვდება რა, რომ აწყენინა სტივენს, მკლავს გაუყრის მას და კოშკის გარშემო შემოატარებს; სტივენი კი დამტკბარ მალიგანზე

¹ თუმცა, როგორც პიტერ მაონი (მაონი 2009: 182) შენიშნავს, პამლეტი გადაჭარბებულად არა მამის, არამედ დედის გამო გლოვობს და ამიტომაც ემსგავსება მას დედის მგლოვიარე სტივენი.

² ბაკ მალიგანი – სტივენის არასანდო მეგობარი, რომლის პროტოტიპია ირლანდიელი პოეტი ოლივერ სენტ ჯონ გოგარტი (1878-1957).

³ აქ და შემდგომ „ულისედან“ მოყვანილი ქართული ტექსტის ინგლისურიდან თარგმანი გაუთვის ნიკო ყიასაშვილს.

⁴ „ხომალდი“ – ტავერნა დუბლინში, რომელიც რომანში რამდენჯერმე იხსენიება.

გაიფიქრებს: “He fears the lancet of my art as I fear that of his. The cold steelpen” (ჯოისი 2000: 6) [„მაგას ჩემი ხელოვნების ლანცეტის ეშინია, იხვევ როგორც მე მაგისი. ფოლადის ცივი კალმის“ (ჯოისი 2012: 9)]. ეს შეგვიძლია დავუპავშიროთ პამლეტის ხელოვნების „ლანცეტს“, რომელსაც კლავდიუსისთვის დადგმული წარმოდგენა, „გონზაგოს მკვლელობა“ წარმოადგენს, რომლისაც კლავდიუსს ასევე ეშინია. სტივენი ეუბნება მალიგანს, შეურაცხყოფა დედაჩემს კი არა მე მომაყენეო. კლავდიუსმაც შეურაცხყო პამლეტი დედამისის ცოლად შერთვითა და მასთან სისხლის შერევით.

ჯენიფერ ლევინი (ეტრიჯი 2004ბ: 126) საინტერესო პარალელს ავლებს პიესაში პამლეტისა და კლავდიუსის პირველად გამოჩენის სცენასა და რომანის პირველივე გვარდზე ავტორისგან სტივენისა და მალიგანის შემოყვანის სცენას შორის. მისი დაკვირვებით, „პამლეტისა“ და „ულისეს“ შესაბამის სცენებში კლავდიუსი და მალიგანი არიან ყურადღების ცენტრში და ბევრად მეტსაც ლაპარაკობენ, ვიდრე პამლეტი და სტივენი, რომლებიც ამ დროს უკანა პლანზე იმყოფებიან.

საგულისხმო პარალელს ქმნის გერტრუდის მიერ შესმულ სასიკვდილო თასთან სტივენის დედის სასიკვდილო სარეცელთან მდებარე თასი. ეს კავშირი იპვეტება შემდეგი ბიბლიური ალუზით: “It lay behind him, a bowl of bitter waters” (ჯოისი 2000: 9) [„სტივენის უკან გაწოლილიყო თასი, რომელშიც ესხა წყალი იგი მხილებისა“¹ (ჯოისი 2012: 11)]. აქ მინიშნებაა ებრაელების რელიგიურ ტრადიციაზე, რომელიც უკავშირდება ცოლის პატიოსნების შემოწმებას. ეს კი ქმრის მოღალატე გერტრუდთან გვაკავშირებს, ხოლო გერტრუდის სულიერი გახრწნილება, თავის მხრივ, ალბათ კავშირშია სტივენის გარდაცვლილი დედის ფიზიკური გახრწნის მოტივთან, რომელიც ფიგურირებს სტივენის ცნობიერებაში.

როდესაც სტივენი, მალიგანი და ჰეინზი მარტელოს კოშკში საუზმობენ, შემოდის მოხუცი მერძევე ქალი, რომელსაც თან რძე მოაქვს. სტივენის ცნობიერებაში ბიბლიური ეგას სახე ამოტივტივდება და გუნებაში მოხუც მერძევეს გველის მსხვერპლ არსებად განიხილავს; ხოლო, თუ გავიხსენებთ, აჩრდილი პამლეტს ამცნობს, რომ გველის კბენამ კი არ მოკლა, არამედ იმ გველმა, რომელსაც ახლა მისი გვირგვინი ადგას თავზე² და რომელმაც მისი

¹ წყალი იგი მხილებისა (რიცხ. 5, 27) – ძველი ადოქმის რჯულის კანონით ქმრის დალატში ეჭვმიტანილ ცოლს მიწიან წყალს ასმევდნენ და თუ მართლაც ნაღალატევი პქონდა ქმრისთვის, მუცელი გაუსივებოდა, თუ არა და, უგნებელი დარჩებოდა.

² იხ. შექსპირი 2003: 15.35-40; შექსპირი 1987: 334.

ცოლის ნამუსიც იმსხვერპლა, ჩაითრია რა იგი გარეუნილების მორევში. მას მერე, რაც მერძევე ქალი გავა, სტივენის ცნობიერებაში სინდისის თემა ამოტივტივდება, რაც „ჰამლეტში“ ასე აქტუალურია. სწორედ ამ დროს გაიხსენებს ჰეინზი სტივენის გამონათქვამს მოახლის გაბზარულ სარკეზე,¹ რაც ჰამლეტისეული „სარკის“ ერთგვარი პაროდიაა, და ზუსტად აი აქ ხდება ჰამლეტის პირველი ხსენება რომანში. ბაკ მალიგანი ჰეინზს მიუთითებს „შექსპირულ თეორიაზე“, რომელიც სტივენს ჰამლეტთან მიმართებით აქვს შემუშავებული: “– Wait till you hear him on Hamlet, Haines” (ჯოისი 2000: 18) [„– ერთი მოგასძენინა, ჰეინზ, ჰამლეტზე რას ამბობს“ (ჯოისი 2012: 17)]. ცოტა მოგვიანებით, მალიგანი მისთვის დამახასიათებელი ავყია მასხრობით „განუმარტავს“ ჰეინზს სტივენის „თეორიის“ არსეს და მიანიშნებს ერთგვარ კავშირზე სტივენსა და მამა-შვილ ჰამლეტს შორის: “....He proves by algebra that Hamlet's grandson is Shakespeare's grandfather and that he himself is the ghost of his own father” (ჯოისი 2000: 21) [„....ალგებრის მეშვეობით ამტკიცებს, რომ ჰამლეტის შვილიშვილი შექსპირის პაპა და რომ თვითონ საკუთარი მამის აჩრდილია“ (ჯოისი 2012: 19)]. პატრიკ პარინდერი (პარინდერი 1984: 12) მიიჩნევს, რომ სტივენის „შექსპირული თეორია“ საკმაოდ აბსურდულია, რადგან მასში შექსპირის მთელი შემოქმედების ძირითადი მამოძრავებელი ძალა დაყვანილია მხოლოდ და მხოლოდ იმ განცდებზე, რაც შექსპირს უნდა ჰქონდა თავისი, სტივენის მიერ მოღალატედ გამოყვანილი, ცოლის გამო, და შესაბამისად, მალიგანის მასხრობა ამ „თეორიაზე“, პარინდერის აზრით, მთლად უსაფუძვლო აღარ გამოდის. იქვე მალიგანი გაეხუმრება სტივენს: “– O, shade of Kinch the elder! Japhet in search of a father!” (ჯოისი 2000: 21) [„– ო, აჩრდილო მამა-კინჩისა! ² იაფეტი დაეძებს მამას!“ (ჯოისი 2012: 19)]. და ამით, ფაქტიურად, პირველად შემოდის რომანში შვილისგან მამის ძიების მოტივი. ჰეინზი აღნიშნავს, რომ ის კოშკი და კლდოვანი ნაპირი, სადაც იმყოფებიან, რაღაცით ელსინორს აგონებს და „ჰამლეტიდან“ მოჰყავს კიდევ ციტატა, რომელიც აღწერს ელსინორის კლდოვან ნაპირს.³ ამ მომენტში სტივენი აცნობიერებს, საკუთარ სამგლოვიარო ჩაცმულობას მალიგანისა და ჰეინზის ჭრელაჭრულა ტანსაცმლის ფოზე,

¹ “– It is a symbol of Irish art. The cracked looking-glass of a servant” (ჯოისი 2000: 6) [„– ორლანდიური ხელოვნების ხიმული: მოახლის გაბზარული სარკე“ (ჯოისი 2012: 9)].

² „კინჩი“ – მეტსახელი, რომელიც სტივენს შეარქვა ბაკ მალიგანმა.

³ “.... That beetles o'er his base into the sea....” (შექსპირი 2003: 14.71) [„....რაიც მაღლიდამ მდეღვარი ხლვას ძორს დახვეულია....“ (შექსპირი 1987: 333)].

როგორც ალბათ გამოიყერებოდა ჰამლეტის სამგლოვიარო ტანსაცმელი კლავდიუსისა და სხვათა საზეიმო ჩაცმულობის ფონზე.

ჯერ კიდევ 1-ელი ეპიზოდის დასრულებამდე იკვეთება, რომ სტივენი არა მხოლოდ მოდერნიზებულ-პაროდირებულ ტელემაქეს, არამედ ასეთსავე ჰამლეტსაც წარმოადგენს. თავიდანვე ჩანს მისი უნდობლობა როგორც მალიგანის, ისე ჰეინზის მიმართ. მალიგანი აშკარად კლავდიუსის აღგილს იკავებს, ხოლო ინგლისელი ჰეინზი ალბათ ინგლისის მეფეს უნდა განასახიერებდეს, რომელსაც კლავდიუსის დავალებით, ჰამლეტის თავი მყისვე მისი ტანისგან უნდა განეშორებინა.¹ როგორც დანიის მეფეს სურდა მოკავშირედ გაეხადა ინგლისის მეფე დანიის პრინცის მკვლელობაში, ისე ირლანდიელი მალიგანი ცდილობს მოკავშირედ გაიხადოს ინგლისელი ჰეინზი ირლანდიელი სტივენისადმი არაკეთილსინდისიერ დამოკიდებულებაში. თუმცა, კლაუს რაიხერტი (ბლუმი 2009ა: 84) შენიშნავს, რომ „ულისესა“ და „ჰამლეტის“ პერსონაჟებს შორის პარალელები არ არის მუდმივი და ფიქსირებული. მკვლევარი ფიქრობს, რომ მალიგანი მხოლოდ უზურპატორ კლავდიუსს არ განასახიერებს. მისი აზრით, მარტელოს კოშკის დაკავშირება ელსინორის ციხესიმაგრეს გვახსენებს დამის საგუშაგოს „ჰამლეტში“, რასაც მივყავართ მალიგანის პორაციოდ გააზრებამდე (ჰეინზი, ამ შემთხვევაში, ალბათ მარცელუსის ადგილს დაიკავებს); ხოლო როცა სტივენი მალიგანთან და ჰეინზთან ერთად ტოვებს კოშკს, რაიხერტის თქმით, მას განცდა აქვს, რომ ორ მოღალატეს შორის იმყოფება, რომლებიც ცდილობენ მის სულში ხელი აფათურონ, რითაც ისინი უკვე როზენკრანცსა და გილდენსტერნს ემსგავსებიან.

1-ელი ეპიზოდის დასასრულს, მალიგანი სტივენის კოშკის გასაღებს გამოართმევს, რასაც სტივენი საკუთარი სამყოფლის უზურპაციად მიიღებს და გადაწყვეტს საერთოდ მიატოვოს მარტელოს კოშკი. მის ცნობიერებაში გაელვებული სიტყვა „უზურპატორი“, რომელიც ასრულებს „ულისეს“ 1-ელ ეპიზოდს, ახასიათებს მალიგანს, როგორც ერთგვარ კლავდიუსს, რომელმაც გასაღების გამორთმევით სტივენის ტექნიკურად წასვლა გადააწყვეტინა და ფაქტობრივად გააგდო იგი ელსინორის მსგავსი მარტელოს კოშკიდან. მალიგანი ხომ თავადვე აკავშირებს სტივენის აჩრდილთან თავის ოხუნჯობებში, ისევე როგორც მამის მაძიებელ ძესთან. კლავდიუსმაც როგორც მმა ჰამლეტის, ისე მმისწული ჰამლეტის ტახტის უზურპაცია მოახდინა.

¹ იხ. შექსპირი 2003: 5.2.24-5; შექსპირი 1987: 382.

ნიშანდობლივია, რომ „ულისეს“ მთავარი პროტაგონისტი, ლეოპოლდ ბლუმიც იმავე დილით უგასაღებოდ გადის სახლიდან. მან იცის, რომ მოგვიანებით, მის არყოფნაში, მისი სახლისა და ცოლის უზურპაციას ბრიალა ბოილანი¹ მოახდენს. როგორც ჰამლეტის მამის აჩრდილს, მასაც მოდალატე ცოლი ჰყავს, მაგრამ აჩრდილისგან განსხვავებით იოლად ეგუება ამ რეალობას და ამით არა მხოლოდ მოდერნიზებულ და პაროდირებულ ოდისევსად წარმოგვიდგება, არამედ აგრეთვე – პაროდირებულ აჩრდილად. მიუხედავად იმისა, რომ განსხვავებით აჩრდილისაგან, ბლუმი ცოცხალია და შეუძლია შური იძიოს, ის ამაზე საერთოდ არც ფიქრობს. აქედან გამომდინარე, ჰაროლდ ბლუმი თავის მოგვარე ლეოპოლდ ბლუმს შემდეგნაირად ახასიათებს: „ის ტანჯულია, რომელიც უარს ამბობს ტანჯვაზე, ადამიანური თვითგადარჩენის ინსტინქტის გამომხატველი, თანაც არა სხვების ხარჯზე“ (გლიდი ... 2011: viii).

როგორც სტივენი და ჰამლეტი, ბლუმიც გლოვობს, ოდონდ შვილის გარდაცვალებას და ამით უფრო ახლოს დგას შექსპირთან. სწორედ ამ გლოვის ნიშნად უკვე მუ-11 წელი მიდის, რაც თავის ცოლთან, მოლისთან სრულყოფილი სექსუალური ურთიერთობა არ ჰქონია, რაც ისედაც დალატისკენ მიდრეკილ ცოლს ხელ-ფეხს უხსნის. გარდა ამისა, კათოლიკე ირლანდიულების ანტისემიტური განწყობილების ნიადაგზე ბლუმი, როგორც ებრაელი, გარიყულია დუბლინის საზოგადოებიდან, რითაც ენათესავება აჩრდილს, რომელიც მუხანათურად გაისტუმრეს ამქვეყნიური ცხოვრებიდან. და ისევ მივედით აჩრდილის როლის მოთამაშე შექსპირამდე, რომელიც აჩრდილივით ყველაზე მეტ ინფორმაციას ფლობს სიმართლის შესახებ და მართავს ყველა პერსონაჟის მოქმედებას. აშკარად სტივენის „თეორიის“ სუნი უდის ამ ყველაფერს, სტივენის, პროტოტიპად სხვებზე ბევრად მეტის მცოდნე, თვით ჯოისი რომ უდგას უკან, რომელმაც ცხადია, „ულისეს“ ყველა გმირის ავანჩავანი იცის და ბოლო-ბოლო, როგორც ირლანდიიდან ნებაყოფლობით გადახვეწილ ხელოვანს, დუბლინის „აჩრდილს“, სულიერი ნათესაობის განცდა აქვს შექსპირთან და მეტე ჰამლეტის აჩრდილთან. ამას უნდა დაგუმატოთ ისიც, რომ ტრევორ უილიამსი დანიის სამეფოში რაღაცის ლპობის შექსპირულ მოტივს აკაგშირებს ირლანდიაში არსებული ჰარალიზის ჯოისურ მოტივთან და ტომას ელიოტის ტერმინოლოგიით განმარტავს, რომ „სტივენისთვის „ჰამლეტი“ არის შექსპირის

¹ ბრიალა ბოილანი – ბლუმის ცოლის საყვარელი.

ერთადერთი პიესა, რომელიც იძლევა ირლანდიის მდგომარეობის ობიექტურ კორელაცის“ (ორი 2008: 82).

რომანის მე-2 ეპიზოდში კვლავ ამოტივტივდება დედის თემა სტივენის ცნობიერებაში, როდესაც ის გაკვეთილს ატარებს ვაჟების სკოლაში. ერთ-ერთი მოსწავლის, ვინმე სირილ სარჯენტის შემხედვარე დაფიქრდება: “Ugly and futile: lean neck and tangled hair and a stain of ink, a snail’s bed. Yet someone had loved him, borne him in her arms and in her heart. But for her the race of the world would have trampled him under foot.... She was no more: the trembling skeleton of a twig burnt in the fire, an odour of rosewood and wetted ashes. She had saved him from being trampled under foot and had gone, scarcely having been” (ჯოისი 2000: 33) [„გონჯი და უაზრო: გაწვრილებული კისერი და აჩეჩილი თმა და მელნის ლაქა, ლოკოკინას ნაკალი. და მაინც ვიღაცას უყვარდა, ხელით და გულით ატარა. ის რომ არა, სამყაროს სრბოლა ვეხქვეშ გათელავდა.... დედა წავიდა, აღარ არის: ცეცხლში დამწვარი ტოტის მთრთოლვარე ჩონჩხი, წითელი ხისა და ხრწევლის ხუნი. დედამ ვეხქვეშ გათელვას გადაარჩია და წავიდა, თითქოს არც უოფილა“ (ჯოისი 2012: 28)]. სტივენი დედის სიყვარულის უანგარობასა და უზომობაზე ფიქრობს და საკუთარ თავს ეკითხება: “Was that then real? The only true thing in life?” (33) [„მაშ ეს დედის სიყვარული შვილისადმი – ი.პ.] იყო ნამდვილი, ერთადერთი ჭეშმარიტი რამ ცხოვრებაში?“ (28)]. სტივენის სინდისი აშკარად წუხს, რომ მომაკვდავ დედას თხოვნა არ შეუსრულა და არ დაიჩოქა სალოცავად მისი სასიკვდილო სარეცლის წინ, რაც კონტრასტს ქმნის ჰამლეტთან, რომელიც იქით ცდილობს დედის სინდისი გამოაღვიძოს, როდესაც გაცხარებული კამათი აქვს მასთან.¹ დედაზე ფიქრებში მყოფი სტივენი სარჯენტის მათემატიკური ამოცანის გამოყვანაზე გადადის. მათემატიკური ამოცანის კეთება კი მისი „შექსპირულ-ჰამლეტური თეორიის“ შესახებ მალიგანის ზემოთ მოყვანილ ოხუნჯობას ახსენებს, ბუნებრივია, მასში გამოყენებული სიტყვა აღღებრის გამო.

რომანის მე-3 ეპიზოდში არაერთი ჰამლეტური ალუზია გვხვდება, რომელიც ძირითადად სტივენის ცნობიერებაში ირეპლება. სტივენი ზღვის პირას მოსეირნობს. მის ცნობიერებაში აზრთა ასოციაციური ნაკადი იღვრება. ამ ნაკადში ზოგჯერ ჰამლეტური ალუზიები თუ მოტივები იჩენს ხოლმე თავს. ჩვენ დროდადრო ვხედავთ, რომ სტივენი საკუთარ თავს ჰამლეტთან აიგივებს. ეს ჩანს მე-3 ეპიზოდის დასაწყისშივე, როდესაც სტივენის ცნობიერებაში ჰეინზის მიერ 1-

¹ იხ. შექსპირი 2003: 3.4; შექსპირი 1987: 361-364.

ელ ეპიზოდში „ჰამლეტიდან“ მოყვანილი ციტატის წინამავალი სიტყვები გაიელვებს: “If I fell over a cliff that beetles o'er his base....” (ჯოსი 2000: 45) [„თვალუწყდომელი ხალი კლდის წვერიდან რომ გადავჩეხილიყავ....“ (ჯოსი 2012: 37)].¹ სტივენი აქვე ფიქრობს: “I am getting on nicely in the dark. My ash sword hangs at my side” (45) [„მუშავივრად მივაძიჯებ სიბრელეში. ჩემი იჯნის ხმალი მკიდია წელზე“ (37)]. ესეც სიბრელეში აჩრდილისკენ მიმავალ ჰამლეტს ეხმიანება, რომელსაც ასევე ხმალი ჰკიდია წელზე. სტივენს ამ მომენტში ახსენდება, მალიგანის გამონაცვალი შარვალი და ფეხსაცმელი რომ აცვია.² ეს გასაკვირი ალბათ არც არის, რადგან სწორედ თავისი სამგლოვიარო ტანსაცმლისკენ მიიმართება სტივენის ყურადღება 1-ელ ეპიზოდშიც, როდესაც ჰეინზს მოჰყავს ზემოთ ნახსენები ციტატა „ჰამლეტიდან“.

სტივენის ამ ფიქრებს ალუზიების ახალი ხლართები მოსდევს, სადაც კვლავ ჰამლეტური პარალელები ფიგურირებს. შემოდის ბიბლიური უგას როგორც ცოდვის საშოს სახე, რომელიც შეიძლება ცოდვილ გერტრუდს დაუკავშირდეს, მით უფრო, თუ დავუკირდებით სტივენის ცნობიერებაში გამავალ შემდეგ ნაკადს: “Wombed in sin darkness I was too, made not begotten. By them, the man with my voice and my eyes and a ghostwoman with ashes on her breath” (ჯოსი 2000: 46) [„მე, ძნელცოდვილ წიაღში, კი არ გამაჩინებ, შემძმებ. მათ, კაცმა ჩემხმანმა და ჩემთვალებამ და ხრწელსუნთქვიანმა ქალის მოჩვენებამ“ (ჯოსი 2012: 38)]. აქ სტივენი კვლავ ხრწნაში მყოფ მოჩვენებად იაზრებს თავის გარდაცვლილ დედას, რომლის ფიზიკური ხრწნა შეგვიძლია ისევ გერტრუდის სულიერ გახრწნილებას მივუყენოთ; ხოლო სტივენის დედა რომ მოჩვენებაა, – ეს შეესაბამება ჰამლეტის გარდაცვლილი მამის აჩრდილობას. გარდა ამისა, ხმისა და თვალების მსგავსება მამასთან, და უშუალოდ შემდგომ სტივენის ცნობიერებაში განზოგადებული მამისა და ძის დვთაებრივი ერთარსოვნების იდეა შეგვიძლია დავუკავშიროთ მამა-შვილი ჰამლეტის ერთსახელიანობასა და თანამოაზრეობას. მოცემული მსჯელობისას სტივენის გონებაში მწვალებელი არიოზის სახე ამოტივტივდება. მას სტივენი იმ საარაკო მაიმუნს ამსგავსებს, რომელსაც ჰამლეტმა შეადარა დედამისი იმ შემთხვევაში, თუ გერტრუდი გასცემდა მის საიდუმლოს.³

¹ “....Or to the dreadful summit of the cliff....” (შექსპირი 2003: 70) [„....ან ავიყანოთ თვალთუწყდომელ ხალის კლდის წვერზე....“ (შექსპირი 1987: 333)].

² “My two feet in his boots are at the end of his legs....” (ჯოსი 2000: 45) [„ჩემი ფეხები მის ფეხსაცმლელში და ძის შარვლის ტოტებში ბოლოვდება....“ (ჯოსი 2012: 37)].

³ იხ. შექსპირი 2003: 3.4.193-7; შექსპირი 1987: 364.

რომანს შემდეგი პამლეტური ალუზია აგრძელებს: “Airs romped around him, nipping and eager airs” (ჯოისი 2000: 47) [„ქარმა დაუბერა, ხუსხავს, თითქოს იქინებათ“ (ჯოისი 2012: 38)].¹ ეს ალუზია პამლეტისა და პორაციოს მიერ ამინდის შეფასებას ეფუძნება, როდესაც ისინი შუაღამისას აჩრდილთან შესახვედრად იკრიბებიან. პაროდია გრძელდება სტივენის შეკითხვით საკუთარ თავთან: “Am I going to Aunt Sara’s or not? My consubstantial father’s voice” (47) [„მივდივარ ბიცოლა სარასთან თუ არა? ჩემი ერთარსება მამის ხმა“ (38)], რამაც შეიძლება მოგვაგონოს, რომ პამლეტისთვის გერტრუდი ერთდროულად დედაცაა და ბიცოლაც, ხოლო კლავდიუსი – ერთდროულად ბიძაცა და მამაც, როგორც ამას თავადვე პამლეტი შენიშნავს როზენკრანცთან და გილდენსტერნთან საუბრისას: “You are welcome – but my uncle-father and aunt-mother are deceived” (შექსპირი 2003: 2.2.344-5) [„მიამა თქვენი ნახვა, თუმცა მამა ბიძახემი და ძალუა დედახემი ძალიან შემცდარნი არიან“ (შექსპირი 1987: 345)].

სტივენის ფიქრთა დინება გრძელდება. პამლეტური ალუზიები და რემინისცენციები ისევ გაპროება ხოლმე აქა-იქ. ზოგჯერ რთულია კონკრეტული პამლეტური (და ზოგადად, არა მხოლოდ პამლეტური) ალუზისა თუ რემინისცენციის დაკავშირება რომანის რაიმე სიღრმისეულ იდეასთან, რადგან გარკვეულ შემთხვევებში, მათ თითქოს ცნობიერებაში მიმდინარე ფიქრების თუ აზრების ასოციაციური ჯაჭვის ცალკეული რგოლების როლი აკისრიათ მხოლოდ და სხვა არაფერი. ამის მაგალითია სტივენის გონებაში გაელვებული: “Ay, very like a whale” (ჯოისი 2000: 50) [„ზედგამოჟრილი ვეშაპია“ (ჯოისი: 2012: 41)]² – პოლონიუსის სიტყვები, როდესაც პამლეტი მას ღრუბლის მოყვანილობის შესახებ მიუთითებს. მიუხედავად ამისა, ამ ტიპის შემთხვევები მაინც მნიშვნელოვანია, ვინაიდან ისინი კვლავდაკვლავ გვახსენებენ, რომ „ულისეში“ სხვა „სულებთან“ ერთად „პამლეტის“ „სულიც“ ტრიალებს და რომ სტივენი, ტელემაქეს გარდა, პამლეტის პიროვნების მოდერნისტული გამოვლინებაც არის.

მოგვიანებით, მე-3 ეპიზოდში სტივენს ახსენდება, რომ კოშკის გასაღები უზურპატორ მალიგანს აქვს და გუნებაში თავის ადრინდელ გადაწყვეტილებას გაიმეორებს: “I will not sleep there when this night comes” (ჯოისი 2000: 55) [„ამაღამ იქ არ დავიძინებ“ (ჯოისი 2012: 46)]. აქვე გვხვდება პამლეტური რემინისცენცია, რომელიც უკავშირდება პამლეტის შეკითხვაზე პორაციოს პასუხს: “So in the

¹ იხ. შექსპირი 2003: 1.4.1-2; შექსპირი 1987: 332.

² იხ. შექსპირი 2003: 3.2.339-44; შექსპირი 1987: 359.

moon's midwatches I pace the path above the rock, in sable silvered, hearing Elsinore's tempting flood" (55) [„მთვარიან საგუშავოზე კლდოვანი ბილიკით მივაბიჯებ, შავ წვერში ჭაღარაგამორეული და ელსინორის მაცდური ზღვის მოქცევა მესმის“ (46)].¹ ამ შემთხვევაში, სტივენი განდევნილ აჩრდილთან აიგივებს თავს, თუმცა არც უფლისწულ ჰამლეტთან კარგავს საერთოს, რადგან „ელსინორი ზღვის“ ხმა სწორედ ჰამლეტს უქმნის კლდიდან გადაჩეხვის საფრთხეს და არა აჩრდილს. ბაკ მალიგანიც ხომ თავის ოხუნჯობებში სტივენს ერთდღოულად აჩრდილთან და მის მოსახელე შვილთან აკავშირებს, როგორც ეს ადრე ვნახეთ.

როდესაც ზღვის ნაპირას მყოფ სტივენს ქალი და კაცი ჩაუგლის, მისი ცნობიერება აფიქსირებს: "A side-eye at my Hamlet hat" (ჯოისი 2000: 59) [„ალმაცერად გამოხედვებ ჩემს ჰამლეტურ ქუდე“² (ჯოისი 2012: 49)], რასაც ჰამლეტური ალუზიებისა და რემინისცენციების ახალი ნაკადი მოსდევს, რომელიც, ჩვეულებრივ, შერეულია სტივენის ცნობიერების ნაკადის სხვა, არაკამლებურ ელემენტებთან და გარკვეულ მიმართებებს ამყარებს მათთან. ამის შემდგომი წინადადებაც უკავშირდება „ჰამლეტს“, კერძოდ კი, იმ სიტყვებს, რომლებსაც ჰამლეტი კლავდიუსს სწერს: "If I were suddenly naked here as I sit?" (ჯოისი 2000: 59) [„აქ მჯდომარე უცბად შიშველი რომ აღმოგჩენილიყავ?“ (ჯოისი 2012: 49)].³

მომდევნო აბზაცში სტივენის გონებაში შემდეგი ფრაზა გაიელვებს: "My tablets" (ჯოისი 2000: 60) [„ჩემი სახსოვარი წიგნი“ (ჯოისი 2012: 49)], რაც გვახსენებს ჰამლეტის სიტყვებს: "My tables – meet it is I set it down / That one may smile, and smile, and be a villain" (შექსპირი 2003: 1.5.107-8) [„კარგი იქნება, აქ ჩავწერო სახსოვარ წიგნში, რომ ბოროტ კაცსა ლიმილი არ გაუჭირდება“ (შექსპირი 1987: 335)]. „ჰამლეტისა“ და „ულისეს“ მოყვანილ ეპიზოდებში სწორედ მეხსიერების პრობლემა მოდის წინა პლანზე. სტივენს უეცრად ქაღალდი დასჭირდება რაღაც პოეტური იდეის ჩასაწერად, რომელიც ეს-ეს არის თავში მოუვიდა, ისევე როგორც ჰამლეტი იწერს იდეას ბოროტი კაცის შესახებ თავის სახსოვარ წიგნში, რათა არ დაავიწყდეს. მაგრამ აღმოჩნდება, რომ სტივენს თურმე

¹ ჰამლეტი ჰორაციოს ეკითხება აჩრდილის შესახებ: "His beard was grizzled, no?" (შექსპირი 2003: 1.2.239) [„თეთრი წვერი ხომ არა პქონდა?“ (შექსპირი: 1987: 330)]. ჰორაციო პასუხებს: "It was as I have seen it in his life, / A sable silvered" (1.2.240-1) [„არა, შავ წვერში ჭაღარა პქონდა გარეული, კით ხიცოცხლის დროს.“ (330)].

² იხ. ნიკო ყიასაშვილის კომენტარი (ჯოისი 2012: 726).

³ "...I am set naked on your kingdom" (შექსპირი 2003: 4.7.43-4) [„...თქვენს ხახლმწიფოში შიშველი გადმომხვევე“ (შექსპირი 1987: 374)].

დავიწყნია გამოსაწერი ბარათების წამოდება ბიბლიოთეკიდან, რომლებზეც შეძლებდა ჩანაწერების გაკეთებას. ამიტომ, ჯიბიდან ბატონი დიზის წერილს¹ ამოიდებს, მოახევს სუფთა ნაწილს და ზედ დაწერს. ცხადია, ამ მომენტში სტივენი უფლისწულ ჰამლეტს შეესაბამება, თუმცა აქვე მისი კავშირი მეფე ჰამლეტის აჩრდილთანაც თითქოს იკვეთება, ჯერ ავტორის სიტყვებში, შემდეგ კი სტივენის შინაგან მონოლოგში: “His shadow lay over the rocks as he bent, ending.... Me sits there with his augur’s rod of ash, in borrowed sandals, by day beside a livid sea, unbelieved, in violet night walking beneath a reign of uncouth stars. I throw this ended shadow from me, manshape ineluctable, call it back” (ჯოსი 2000: 60) [„მისი ჩრდილი დოდებს დაეფინა, როდესაც ბოლო სიტყვის დახაწერად წაიხარა.... ეს მე ვზივარ იქ ავგურის იფნის კვერთხით², ნათხოვარი ქალამნებით, დღისით მკვდრისფერ ხღვახთან, შეუმჩნეველი, იისფერ დამეში იდუმალი ვარსკვლავეთის ქვეშ მოხეტიალე. ჩემგან ეცემა ეს სახული ჩრდილი ადამიანისფაგვარი, გარდაუგალი, უკანვე გამოიძახე” (ჯოსი 2012: 50)]. ადამიანის ჩრდილისა და დამით ხეტიალის იდეა აშკარად აჩრდილს უკავშირდება, ხოლო გამოძახების იდეა შესაძლოა სულის გამოძახებას გულისხმობდეს, რაც ასევე აჩრდილს დაუკავშირდება, როგორც გარდაცვლილი მეფის სულს.

„ულისეს“ მე-3 ეპიზოდს და იმავდროულად მთელ „ტელემაქიადას“ საინტერესო პასაჟი ასრულებს, რომელიც გარკვეულ კავშირს ავლენს „ჰამლეტთან“. ამ კავშირის გაანალიზებამდე, სრულად მოვიყვანთ ხსენებულ პასაჟს:

“My handkerchief. He threw it. I remember. Did I not take it up?

His hand groped vainly in his pockets. No, I didn’t. Better buy one.

He laid the dry snot picked from his nostril on a ledge of rock, carefully. For the rest let look who will.

Behind. Perhaps there is someone.

He turned his face over a shoulder, rere regardant. Moving through the air high spars of a threemaster, her sails brailed up on the crosstrees, homing, upstream, silently moving, a silent ship” (ჯოსი 2000: 64).

„ჩემი ცხვირხახოვი. გადააგდო [მალიგანმა]. მახსოვს. განა არ ავიდე?

ხელმა ამაოდ მოიხერიკა ჯიბულები. არა, არ ამიღია. ახალი უნდა ვიყიდო.

¹ მე-2 ეპიზოდის ბოლოს, ბატონი დიზი, იმ სკოლის დირექტორი, სადაც სტივენი ასწავლის, ქონების დაავადებასთან დაკავშირებულ წერილს ატანს სტივენს გაზეთში გამოსაქვეყნებლად.

² იხ. ნიკო ყიასაშვილის კომენტარი (ჯოსი 2012: 726).

გამხმარი წვინტლი ამოიღო [სტივენმა] ნებროდან და ლოდის ქიმზე დადო, ფრთხილად. კისაც უნდა მიყუროს.

უკან. იქნებ კინგა.

სახე მიაპრუნა და უკან გაიხედა, ზურგი დაიცავი! სამანძიანი ხომალდი, მაღალი კადონებით, სალინგებზე აკუცილი აფრებით, პაერს მიაპობდა, შინისკენ, დინების საწინააღმდეგო მიმართულებით, უხმოდ მოძრავი, უხმო ხომალდი“ (ჯოისი 2012: 52-53).

აქ ცოტა არ იყოს შენიდბულ და კომპლექსურ პაროდიასთან გვაქვს საქმე-კლსინორისმაგვარ კლდოვან ნაპირზე მოსეირნე სტივენს ცხვირის მოსახოცად ცხვირსახოცი დასჭირდა და გაახსენდა, რომ კლავდიუსივით უზურპატორმა მალიგანმა მისი ცხვირსახოცის უზურპაციაც მოახდინა. მეხსიერების ჰამლეტური პრობლემის გაელვება შეგვიძლია დავინახოთ იმაში, რომ სტივენს ზუსტად არ ახსოვს მალიგანისგან გადაგდებული ცხვირსახოცი აიდო თუ არა, სანამ ჯიბეებს ამაოდ არ მოიჩხებს და არ ადმოაჩენს, რომ არ აუღია. ამიტომ იძულებული გახდება, ცხვირიდან გამოღებული წვინტლი ლოდის ქიმზე დადოს. მას თითქოს არ ადარდებს, როზენკრანცივით და გილდენსტერნივით ვინმე უთვალთვალებს თუ არა ამ დროს. ეს თითქოს ეხმიანება ჰამლეტის უდარდელობას როზენკრანცისა და გილდენსტერნის საბოლოო ბედის მიმართ¹ და აგრეთვე შემოწოლილი დარდის იგნორირებას უფლისწულის მიერ ლაერტოან დაშნის ხმარებაში შეჯიბრზე დათანხმების შემდგომ.² მიუხედევად ამისა, სტივენი მაინც გადაწყვეტს, უკან მოიხედოს და მის შინაგან მონოლოგში გაიელვებს ფარიკაობის ტერმინი – “rere regardant” [„ზურგი დაიცავი“], – რაც შეგვიძლია სწორედ ჰამლეტსა და ლაერტს შორის დაშნის ხმარებაში გამართულ საბედისწერო შერკინებას დავუკავშიროთ. გარკვეული გაგებით, ჰამლეტსაც ზურგიდან ჩასცეს, რადგან ის სულაც არ მოელოდა, რომ ლაერტის დაშნა მოწამლული იქნებოდა და ბუნებრივია, მხოლოდ ორთაბრძოლის მოგებაზედა ფიქრობდა.

შემდეგ სტივენი დაინახავს დინების საწინააღმდეგოდ შინისკენ უხმოდ მომავალ სამანძიან ხომალდს. ხომალდი, პირველყოვლისა, ჰომეროსული

¹ იხ. შექსპირი 2003: 5.2.57-8; შექსპირი 1987: 383.

² “But thou wouldst not think how ill all's here about my heart – but it is no matter” (შექსპირი 2003: 5.2.185-6) [„მაგრამ კერ წარმოიდგენ, პორაციო, გულს რარიგი დარდი შემომაწვა, თუმცა ამითი არა უჭირს-რა“ (შექსპირი 1987: 386)].

³ იხ. ნიკო ყიასაშვილის კომენტარი (ჯოისი 2012: 728).

პარალელია და ასოციაციურად ოდისეგსის ხომალდს შეესაბამება (იხ. პარინდერი 1984: 141; შერი 2004: 30), რომელიც ასევე შინ ცდილობს დაბრუნებას. ხომალდი სიმბოლურად აგრეთვე ბლუმს, სტივენსა და მოლის უკავშირდება (იხ. ტინდალი 1959: 147; 216). როგორც დონ გიფორდი (გიფორდი 1988: 66) შენიშნავს, სამი ანძა და სალინგები (ინგლ. crosstree სალინგი) გვაგონებენ გოლგოთას მთაზე აღმართულ სამ ჯვარს და შესაბამისად, ორ ავაზაკს შორის ჯვარცმულ მაცხოვარს. ამის საფუძველზე, „ჰამლეტთან“ მიმართებით შეგვიძლია დავამატოთ, რომ ხომალდი უნდა უკავშირდებოდეს ინგლისისკენ მიმავალ იმ ხომალდსაც, რომელზედაც ორი ბოროტმოქმედით, როზენკრანცითა და გილდენსტერნით გარემოცული ჰამლეტი იმყოფებოდა. დინების საწინააღმდეგოდ სვლა შეგვიძლია ქრისტეს მოდვაწეობასა და ზოგადად ქრისტიანულ ცხოვრებას დავუკავშიროთ, რაც მიმართულია ადამიანის თავდაპირველი დაცემიდან წარმოქმნილი ბოროტების დინების წინააღმდეგ. ჰამლეტიც ირგვლივ გამეფებული ბოროტებისა და გარყვნილების საყოველთაო დინებას აუმსხედრდა. როგორც ქრისტე ვერ იგუა ამ სოფელმა, ისევე ჰამლეტიც ვერ მიიღო დანიის სამეფო კარმა და ლალატის მეშვეობით ორივეს სასიკვდილო განაჩენი გამოუტანეს. ხომალდის შინისკენ სვლა შესაძლებელია გავიაზროთ, როგორც ქველმერთის მამა ლმერთთან დაბრუნება, ჯვარზე სიკვდილის, აღდგომისა და ამაღლების შემდგომ. ხომალდი რომ უხმოა და უხმოდ მოძრაობს, – ეს შეგვიძლია, ერთი მხრივ, მაცხოვრის მიერ ტანჯვის, დაცინვისა და შეურაცხყოფის უხმოდ დათმენას დავუკავშიროთ, ხოლო, მეორე მხრივ, – ჰამლეტის უკანასკნელ სიტყვებს: “....the rest is silence” (შექსპირი 2003: 5.2.337) [„სხვა რაღა დარჩა? საუკუნო სიჩუმე მხოლოდ“ (შექსპირი 1987: 389)]. „ულისეს“ „უხმო“ და „ჰამლეტის“ „სიჩუმე“ ინგლისურ, ორიგინალ ტექსტებში მხოლოდ და მხოლოდ განსხვავებული მეტყველების ნაწილების გამომხატველ, მაგრამ ერთი და იმავე ძირის მქონე სიტყვებს წარმოადგენენ, რითაც უფრო ახლოს დგანან ერთმანეთთან: “silent” (ჯოისი 2000: 64) და “silence” (შექსპირი 2003: 5.2.337). გარდა ამისა, როგორც „ულისეს“ განხილულ პასაუმი ვნახეთ, სტივენი თავის შინაგან მონოლოგში ამბობს: “For the rest let look who will” (ჯოისი 2000: 64) [„ვისაც უნდა მიყუროს“ (ჯოისი 2012: 53)]. ხოლო “the rest” და “silent” ერთმანეთთან ასოციაციაში მით უფრო მოგვაგონებენ ჰამლეტის ბოლო სიტყვებს: “....the rest is silence” (5.2.337). პიესის დასასრულთან ახლოს ნათქვამი ჰამლეტის ეს უკანასკნელი სიტყვები ეხმიანება სტივენის „ტელემაქიადის“

დამასრულებელ სიტყვებს. საერთოდ კი ნიშანდობლივია, განხილულ პასაჟში ძირითადად სწორედ პიესის უკანასკნელი (ანუ მე-5) მოქმედების ბოლო (ანუ მე-2) სურათის მოტივები რომ ფიგურირებს. ამით აღბათ მინიჭნებულია ავტორისგან, რომ „ულისეს“ პირველი სამი ეპიზოდი არა მარტო სტივენის „ტელემაქიადას“, არამედ ერთგვარ „ჰამლეტიადასაც“ წარმოადგენს.

განხილულ პასაჟში აღწერილი ხომალდი ჩვენ ელსინორიდან ინგლისისკენ მიმავალ ხომალდს დაგუკავშირეთ, სადაც ჰამლეტი იმყოფებოდა, როზენკრანცისა და გილდენსტერნის მეთვალყურეობის ქვეშ. აქვე საინტერესოა გავიხსენოთ 1-ელი ეპიზოდის ბოლოს მალიგანისა და სტივენის შეთანხმება ტავერნა „ხომალდში“ შეხვედრაზე როგორც მე-9 ეპიზოდში ვგებულობთ, სტივენმა დაარღვია ეს შეთანხმება, არ გამოცხადდა ხსენებულ ტავერნაში და სანაცვლოდ დეპეშა გაუგზავნა „ხომალდში“ მსხდომ მალიგანსა და ჰეინზე. მათ დუდის ფული არ ჰქონდათ და დარჩენენ ხახამშრალები. თითქოს აქაც გარკვეული სახის პაროდიული პარალელი გვაქვს „ჰამლეტთან“. მართალია, ჰამლეტი როზენკრანცთან და გილდენსტერნთან ერთად ადის ინგლისისკენ მიმავალ ხომალდზე, მაგრამ შემდგომ იქიდან თავის დაძვრენასაც ახერხებს; როზენკრანცსა და გილდენსტერნს კი სიკვდილის გზას გაუყენებს. სტივენის დეპეშა, ერთი მხრივ, შეგვიძლია დაგუკავშიროთ კლავდიუსის წერილს ინგლისის მეფესთან, რომელიც ჩანაცვლების შემდგომ, რეალურად, ჰამლეტის წერილად იქცა; ხოლო, მეორე მხრივ, ის დაუკავშირდება ჰამლეტის წერილს კლავდიუსის მიმართ, საიდანაც მეფე გებულობს, რომ ჰამლეტი გადაურჩა მის მზაკვრულ გეგმას და უკვე დანიის მიწაზე იმყოფება. ამით კლავდიუსიც მალიგანივით და ჰეინზივით პირჩალაგამოვლებული რჩება.

„ულისეს“ პირველ სამ ეპიზოდში, რომლის მთავარი გმირია სტივენ დედალოსი, აშკარად იკვეთება არაერთი პარალელი „ჰამლეტთან“. სტივენი გარკვეულწილად როგორც უფლისწულ, ისე მეფე ჰამლეტსაც შეესაბამება. პარალელები ძირითადად პაროდიულ ხასიათს ატარებს. მაგალითად, ქალის გარყვნილებისადმი, ზოგადად, ჰამლეტიცა და სტივენიც უარყოფით დამოკიდებულებას ამჟღავნებენ, მაგრამ განსხვავება მათ შორის იმაშია, რომ ჰამლეტისთვის ეს მოვლენა უზომოდ ტრაგიკულია, რადგან ის ქალის ამგვარ მდგომარეობას ანომალიად მიიჩნევს, ხოლო სტივენისთვის იგი ნორმაში ჯდება, ვინაიდან, მისი აზრით, გარყვნილება მეტ-ნაკლებად ყოველი ქალის ბუნებრივი

მახასიათებელია.¹ ქალის გარუკნილება ჰამლეტში ზიზღის გრძნობას იწვევს; სტივენში კი – აგხორცულ ვნებას, რადგან მას მხოლოდ მაშინ ეზიზღება ქალი თუ ის უშნოა ან მოხუცი, ანუ როცა ქალს არ შეუძლია მასში ვნება აღმრას. პარალელი აშკარად კონტრასტული ხასიათისაა. ჰამლეტისთვის ყველაზე ახლო ადამიანი, მისი დედა, გერტრუდი, გარუკნილების სახეა, რომელსაც შვილი ამხელს; ხოლო სტივენისთვის ყველაზე ახლო ადამიანი, მისი დედა, მერი დედალოსი, პირიქით, თვითონ არის შვილის გარუკნილების მამხილებელი. ის, რომ ჰამლეტი და სტივენი განსხვავებულად აღიქვამებ ქალებს, დამოკიდებულია და განსაზღვრულია მათივე შინაგანი სამყაროთი: ჰამლეტი ქალში სისუფთავეს ეძებს, მიუხედავად იმისა, რომ გარუკნილი დედა ჰყავს; სტივენი კი, პირიქით, ქალში გარუკნილებას ეძებს, მიუხედავად იმისა, რომ დედა პატიოსანი ჰყავს. თუმცა გასათვალისწინებელია ისიც, რომ ჰამლეტი და სტივენი სრულიად სხვადასხვა სიტუაციაში იმყოფებიან. სტივენს გერტრუდი რომ ყოლოდა დედად, ხოლო ჰამლეტს – მერი დედალოსი, მათი დამოკიდებულება ქალებისადმი უდავოდ შეიცვლებოდა. ასეთ შემთხვევაში, ჰამლეტში ტრაგიკული განცდა უთუოდ უკან დაიხევდა, სტივენში კი წინ წამოიწევდა.

„ტელემაქიადის“ არაერთ სხვა ადგილას შესაძლებელია ასევე ვივარაუდოთ გარკვეული სახის კავშირები „ჰამლეტთან“, მაგრამ ამისი უტყუარი დასაბუთება ყოველთვის არ არის შესაძლებელი, ვინაიდან ზოგჯერ რთულია, პარალელების უკიდურესი ფარულობა გაიმიჯნოს მკვლევარის ფანტაზიისგან.

2.3. სტივენის „შექსპირული თეორია“

„ულისეს“ მე-4 ეპიზოდიდან მე-8 ეპიზოდის ჩათვლით, სიუჟეტი რომანის მთავარ პროტაგონისტს ლეოპოლდ ბლუმს მიჰყვება, მაგრამ მე-9 ეპიზოდში ბლუმის „ოდისეა“ დროებით უკანა პლანზე გადადის და კვლავ სტივენ დედალოსს ეთმობა ჯოისის უურადღება. მიუხედავად იმისა, რომ ამ ეპიზოდს „სკილა და ქარიბდას“ უწოდებენ, მისი მთავარი გმირი სტივენია და არა ბლუმი. ამით დარღვეულია ჰომეროსთან კავშირის ლოგიკური

¹ დეივიდ უიერი (უიერი 2015: 78), რომელიც სტივენსა და ჰამლეტშიც ქალთმომულეობას ხედავს, მიიჩნევს, რომ მათ უარყოფით დამოკიდებულებას ქალთა სქესისადმი საერთო საფუძველი გააჩნია და რომ ქალის მოდალატეობის თემა ორივე შემთხვევაში უკავშირდება უზურპაციის თემას.

თანმიმდევრულობა, რადგან „ოდისეაში“ სკილასა და ქარიბდას შორის გავლა ოდისევსს უწევს და არა ტელემაქეს. თუმცა „ულისეს“ იმ ეპიზოდში, სადაც სტივენის „შექსპირული თეორიის“ განხილვა ხდება, ბუნებრივია, წინა პლანზე წამოიწევს შექსპირული ალუზიები და პარალელები, ხოლო ჰომეროსული – უკან გაიწევს და დაიჩრდილება. მიუხედავად ამისა, მოცემულ ეპიზოდში სკილა და ქარიბდას მოტივი მაინც მნიშვნელოვანი რჩება, როგორც სტივენის „თეორიის“ გაგების, ისე შექსპირულ-ჰამლეტური პარალელების გაანალიზების თვალსაზრისით.

რიჩარდ პეტერსონი (პეტერსონი 1990: 366) შენიშნავს, რომ „ულისეს“ მე-9 ეპიზოდში სტივენი, ჰამლეტის მსგავსად, ეპაექრება თავის ნამდვილ თუ წარმოსახვით მტრებს. მისი აზრით, ეს ეპიზოდი დაახლოებით იმავე მიზანს უმსახურება, რასაც ჯოისის ადრეული რომანის „ხელოვანის პორტრეტი ახალგაზრდობისას“ უკანასკნელი თავი, რომელშიც სტივენ დედალოსი საბოლოო არჩევანს ხელოვნების სასარგებლოდ აკეთებს. სტივენი იქ თავის ერთ-ერთ მეგობარს ეუბნება: “When the soul of a man is born in this country there are nets flung at it to hold it back from flight. You talk to me of nationality, language, religion. I shall try to fly by those nets” (ჯოისი 1992: 220) [„როცა ამ ქვეყანაში ადამიანის ხული იძალება, მას უამრავი ბადით იჭერენ, რომ გაფრენის საშუალება არ მისცენ. შენ მელაპარაკები უროვნებაზე, ენაზე, რელიგიაზე. მე ვეცდები დავუსხლებ ამ ბადებს“ (ჯოისი 2005: 180)]. ეს „ბადები“ წარმოადგენს სტივენისთვის მისი შემოქმედებითი განვითარების უმთავრეს დაბრკოლებას. ის ხელოვნებას უგელაფერზე მაღლა აყენებს და სამშობლოს, ენასა და რელიგიას თავის შემოქმედებას უქმედებარებს. ამის ნათელი ილუსტრაცია საკუთრივ ჯოისის „ულისეს“, სადაც ეს ფასეულობები ავტორის მხატვრული ექსპერიმენტის ნაწილად ქცეულა.

„ულისეს“ მე-9 ეპიზოდის მოქმედების ადგილია ირლანდიის ეროვნული ბიბლიოთეკა. ეპიზოდი პირდაპირ „ჰამლეტზე“ მსჯელობით იწყება. ბუნებრივია, ამ ეპიზოდში ყველაზე მეტი ჰამლეტური ალუზია, რემინისცენცია თუ ციტატა გახვდება, ვიდრე „ულისეს“ რომელიმე სხვა ეპიზოდში. ისინი ზოგჯერ ცხადია, ზოგჯერ – მეტ-ნაკლებად შენიდბული. სტივენის „შექსპირულ-ჰამლეტური თეორია“ დასაწყისშივე გამოიჩევა გარკვეული თავისებურებით. იგი შექსპირის შემოქმედების მთავარ საფუძვლად მის ბიოგრაფიულ მომენტებს განიხილავს.

რასელი¹, როგორც პლატონისტი, ეწინაადმდეგება ამ მოსაზრებას, რადგან ის შექსპირის შემოქმედებაში და ზოგადად ხელოვნებაში მხოლოდ უფორმო იდეებს ეძებს. სტივენის ხედვა კი უფრო არისტოტელუსეულია და შესაბამისად, კონკრეტული მაგალითებიდან, ინდუქციური მეთოდით, ზოგადისაკენ მიემართება.

როდესაც სტივენი იწყებს თავისი „თეორიის“ ჩამოყალიბებას, ის ცდილობს უურადღების ცენტრში მოექცეს, ძირითადად თავად ილაპარაკოს, ხოლო სხვები თანამონაწილეებად გაიხადოს. „ჰამლეტზე“ საუბარი აჩრდილისა და მისი როლის პირველი შემსრულებლის, შექსპირის გაიგივებით იწყება. შესაბამისად, ჰამლეტი და ჰამნეტიც სტივენის „თეორიაში“ ერთმანეთთან არის გაიგივებული, ხოლო გერტრუდი ენ ჰეთუეის შეესაბამება. შექსპირის სასიკვდილო სარეცლის წარმოსახვა სტივენს საკუთარი დედის სასიკვდილო სარეცლს ახსენებს, რითაც მყარდება გარკვეული ასოციაციური კავშირი დედამისსა და შექსპირს შორის. მოგვიანებით ამ კავშირს რომანში აძლიერებს ჰამლეტის მამის აჩრდილსა და მერი დედალოსის მოჩვენებას შორის არსებული ერთგვარი შესაბამისობაც, რაც „პირკებ“ გაიზოდში იკვეთება.

სტივენის ცნობიერებაში კიდევ ერთხელ ვლინდება მისი დამოკიდებულება ქალებისადმი, როდესაც იგი მსჯელობს ენ ჰეთუეისა და შექსპირის პირველი ინტიმურ ურთიერთობაზე: “...is a boldfaced Stratford wench who tumbles in a cornfield a lover younger than herself” (ჯოისი 2000: 244) [„...ეს თავხელი სტრატფორდელი დედაკაცია, პურის ყანაში მასზე ახალგაზრდა საყვარელი რომ წაუწენია“ (ჯოისი 2012: 185)]. დაასრულებს თუ არა ამ სიტყვებს, გაიფიქრებს: “And my turn? When?” (244) [„ჩემი ჯერი? როდისლა?“ (185)]. აქედან ჩანს, რომ სტივენი ნატრობს, ისიც ვინე ლამაზმანმა აცდუნოს. მისთვის მისაღებია მაცდუნებელი ქალი, განსხვავებით ჰამლეტისაგან. მით უფრო ასეა ეს, თუ გავითვალისწინებთ, რომ სტივენი შექსპირის შემოქმედების ძირითად მამოძრავებელ ძალას აკავშირებს ენ ჰეთუეის მიერ მის შეცდენასთან და აგრეთვე თავისსავე შეთხულ ფანტაზიასთან ენ ჰეთუეის მოღალატეობის შესახებ. ვინაიდან სტივენიც შემოქმედებით გზაზე იწყებს სვლას, ის ფიქრობს, რომ მასაც სჭირდება ამდაგვარი ბიძგი. ეს შესაბამისობაში მოდის მის აზრთან, რომ შექსპირი არ შემცდარა, როცა ენს აცდუნებინა თავი: “A man of genius makes no mistakes. His errors are volitional and are the portals of discovery” [„გენიოსი შეცდომებს

¹ ჯორჯ უილიამ რასელი (1867-1935) – ირლანდიელი პოეტი, თეოსოფი და ეპონომისტი, რომელიც „ულისეს“ მე-9 გაიზოდის ერთ-ერთი პერსონაჟია.

არ უშებს. მისი ყოველი ცდომილება წინასწარაა განზრახული და აღმოჩენის კარიბჭეს წარმოადგენს“ (ჯოისი 2012: 184)]. საყურადღებოა, რომ სტივენის პროტოტიპმა – ჯოისმა – „ულისეს“ მოქმედების დროდ თავის მომავალ მეუღლესთან, ნორა ბარნაკლთან პირველი პაემნის დღე (16.06.1904) აირჩია. ფაქტიურად, ამ დღიდან ჯოისი საბოლოოდ ადგება ხელოვნების გზას.

მოგვიანებით სტივენის ცნობიერებაში კიდევ უფრო მკაფიოდ ჩანს, რომ იგი ქალისგან ცდუნებას ნატრობს: “Wait to be wooed and won. Ay, meacock. Who will woo you?” (ჯოისი 2000: 269) [„ელოდები როდის გაგეარშიყებიან და შეგაცდენენ. გვ, უბადრუკო ადამიანო, ვინ გაგეარშიყება?“ (ჯოისი 2012: 205)]. ამრიგად, სტივენისთვის ქალი არა მხოლოდ სქესობრივად მიმზიდველი არსებაა, არამედ შემოქმედებითი მუზაც. სწორედ ეს განაპირობებს იმას, რომ იგი შექსპირის შემოქმედების უკანაც ამგვარ მუზას ეძებს, რომელსაც, თავისი აზრით, ენ ჰეთუეიში პოულობს. ეს კი ერთობ სუბიექტური და თვითნებური გააზრებაა ამ შემოქმედების საიდუმლოსა. სტივენის „თეორია“, თუ შეიძლება ასე ითქვას, უფრო ხელოვანის შემოქმედებითი ინსინუაციებია, ვიდრე მკვლევრის მეცნიერული მსჯელობა. ეს ვლინდება თუნდაც იმაში, რომ რახან შექსპირი გადმოცემით აჩრდილის როლს თამაშობდა, ამიტომ, სტივენის ფანტაზიით, მას თურმე აუცილებლად გერტრუდივით მოღალატე ცოლი უნდა ჰყოლოდა. სტივენი გამოგონილ არგუმენტებსაც იშველიებს, ოდონდ საკუთარი „თეორიის“ მართებულობა დაამტკიცოს. მაგალითად, ის ეუბნება თავის მსმენელებს, რომ თვრამეტი წლის შექსპირი დამით კუდიან ვარსკვლავს გასცემოდა, როდესაც სახლში ბრუნდებოდა ენ ჰეთუეისთან ინტიმური ურთიერთობის შემდეგ. თუმცა იქნა გაიფიქრებს: “Don’t tell them he was nine years old when it was quenched” (269) [„არ კი უთხრა მათ, რომ ის ცხრა წლის იყო, როცა კუდიანი ვარსკვლავი გაქრა“ (205)]. ამით ჩვენ კხვდებით, რომ სტივენი გაცნობიერებულად იტყუება. ეს მის „სპორტულ“ ინტერესზე მიანიშნებს: ის ამ კამათით ჭეშმარიტების პოვნას კი არ ცდილობს, არამედ საკუთრივ კამათის მოგებას. ამასთანავე მისი მიზანია საკუთარი მაღალერუდირებულობისა და ზეინტელექტუალობის გამოვლენა. ამიტომ, სტივენისთვის უფრო მნიშვნელოვანია რამდენად შთამბეჭდავი და ეფექტურია მისი არგუმენტები, ვიდრე რამდენად სწორი და მართებულია ისინი. ამაზე ისიც მიანიშნებს, რომ მას თვითონვე არ სჯერა საკუთარი „თეორიის“, რასაც თავადვე აღიარებს მსმენელთა წინაშე. სტიუარტ გილბერტი მართებულად შენიშნავს, რომ სტივენისთვის „ერთი დასკვნა ისეთივე მისაღებია, როგორც

მეორე“ (გილბერტი 1958: 217), მთავარია ესთუტიკურად დირებული და თანმიმდევრული იყოს.

ამრიგად, სტივენისთვის შინაარსზე მნიშვნელოვანი, მისი გადმოცემის ხერხებია. ალბათ ამიტომაცაა, რომ ჯოისის „ულისეც“, უპირველეს ყოვლისა, მხატვრული ფორმით გვხიბლავს და არა შინაარსით. სტივენისგან განსხვავებით, პამლეტი, პირველ რიგში, ჰეშმარიტებას ეძებს, როდესაც წარმოდგენას დგამს. რა თქმა უნდა, მისთვის მნიშვნელოვანია წარმოდგენის საშემსრულებლო მხარეც, მაგრამ ისევ და ისევ მასში ჩადებული შინაარსობრივი მხარის წარმატებული გადმოცემისათვის და არა უბრალოდ „სპორტული“ ან თუნდაც მხოლოდ შემოქმედებითი ინტერესისათვის. მისი მიზანია გაირკვეს სიმართლე და ამ მიზანს ემსახურება პიესა „გონზაგოს მკვლელობის“ ესთუტიკური მხარეც. შექსპირთან იდეური შინაარსია წამყვანი, ჯოისთან კი – მხატვრული ფორმა, თუმცა, როგორც შექსპირისთვის მნიშვნელოვანია ფორმა, ისე არც ჯოისისთვისაა იდეა უმნიშვნელო.

სტივენის „შექსპირულ თეორიაში“ მამა-შვილური ურთიერთმიმართების საკითხი საკმაოდ ლოგიკურია, მაგრამ თითქოს გარკვეულწილად – წინააღმდეგობრივიც. სტივენი მამისა და შვილის ერთარსოვნების იდეას ემხრობა, როდესაც საუბრობს მამა-შვილ პამლეტებზე და მამა-შვილ უილიამ და პამნეტ შექსპირებზე; მაგრამ როცა საქმე მიღება უილიამის მამის, ჯონ შექსპირის აჩრდილობის საკითხზე, იგი მკვეთრად უარყოფს ამ იდეას და არგუმენტაციისათვის აცხადებს, რომ მამობა მხოლოდ იურიდიული ფიქციაა, რომ არცერთ შვილს არ უყვარს მამა და არცერთ მამას – შვილი, რომ ბუნებაში მათ ძალიან ცოტა აკავშირებთ ერთმანეთთან. სტივენის ასეთი გაორება, რომელიც საკუთარი „თეორიის“ დაჯერებაშიც უშლის ხელს, ისევ მისი ცხოვრებიდან მომდინარეობს. ის გაუცხოებულია საკუთარი მამისგან, ვერ ამყარებს ვერავითარ სულიერ კავშირს საიმონ დედალოსთან და სწორედ ამიტომაც უყენებს საკუთარ გამოცდილებას ჯონ და უილიამ შექსპირების ერთარსოვნების არადამაჯერებელ იდეას. ის ამ მომენტს რამდენადმე თვითონაც აცნობიერებს. რადგან სტივენი სულიერი მამის უკმარისობას განიცდის, ის სიახლოვეს გრძნობს მამას მონატრებულ პამლეტთან და იზიდავს აჩრდილისა და უფლისწულის ურთიერთობა როგორც საოცნებო მამა-შვილური სიყვარულის გამოხატულება. აქედან გამომდინარე, ლოგიკურია სტივენის „თეორიის“ წინააღმდეგობრიობაც, რადგან ამ წინააღმდეგობრიობას ისევ ახალგაზრდა

ხელოვანის პირადი ცხოვრებისეული ფაქტი – მამისაგან გაუცხოება – უდევს საფუძვლად და შესაბამისად, მისი შემოქმედება სხვა საზომებთან ერთად ამ საზომითაც უნდა გაიზომოს. როგორც ლი სპინქსი შენიშნავს, „სტივენისგან „ჰამლეტის“ იდიოსინკრეტული წაკითხვა აღასტურებს მის ინტელექტუალურ ვირტუოზობას, მაგრამ ასევე ხაზს უსვამს მის შეპყრობილობას მამობისა და ავტონომიის პრობლემებით“ (სპინქსი 2009: 112). სტიუარტ გილბერტი კი ასკვის, რომ საბოლოო ჯამში სტივენი თვით ბლუმთან საუბრის შემდეგაც იმედგაცრუებული რჩება: „მას არ დაუკარგავს მამა, როგორც ტელემაქებ დაკარგა, მაგრამ ვერც ვერასდროს შეძლებს მის პოვნას“ (გილბერტი 1958: 64).

მე-9 ეპიზოდში სტივენის ცნობიერებაში გაელვებული სიტყვები “Swill till eleven” (ჯოისი 2000: 276) [„ხვი და ჭამე თურთმეტამდე“ (ჯოისი 2012: 210)] მიგვანიშნებს, რომ დუბლინში ლუდხანები 11 საათზე იკეტებოდა.¹ „ჰადესის“ ეპიზოდში ბლუმი თავის შინაგან მონოლოგში ამბობს: “11 p.m. (closing time)” (ჯოისი 2000: 137) [„ხალამოს 11 საათია (სასაფლაოების დაკეტვის დრო)“ (ჯოისი 2012: 106)]. ამ ეპიზოდში, რომელსაც მოგვიანებით განვიხილავთ, ლუდი და ლუდხანა „ჰამლეტის“ მესაფლავების სცენასთან არის დაკავშირებული. მას მერე, რაც სტივენი გაიფიქრებს ზემოთ მოყვანილ სიტყვებს ლუდხანების დაკეტვის დროის შესახებ, იქვე მის ცნობიერებაში სწორედ მესაფლავების სცენის ფრაზელოგიაც გაიღლვებს: “I gall his kibe” (276) [„ძუსლებზე ფეხს გაბიჯებდი“² (210)]. ამგვარი ასოციაციური კავშირებით ჯოისი თითქოს ანათესავებს ერთმანეთთან ბლუმისა და სტივენის ცნობიერებებს, და მათ შორის მამა-შვილური მიმართების სულიერ პოტენციალზე მიანიშნებს. რაკი ამ ასოციაციურ კავშირებში ფიგურირებს სცენა „ჰამლეტიდან“, ამით, როგორც ჩანს, კვლავ მინიშნებულია, რომ ბლუმი აჩრდილია, ხოლო სტივენი – უფლისწული ჰამლეტი.

„სკილა და ქარიბდად“ წოდებული „ულისეს“ მე-9 ეპიზოდი ალბათ ყველაზე შექსპირული და ჰამლეტური ეპიზოდია მთელს რომანში, რადგან სწორედ აქ ხდება შექსპირის ცხოვრებისა და შემოქმედების განხილვა, ხოლო ამ განხილვაში საკვანძო პიქსა მისი „ჰამლეტია“. სკილასა და ქარიბდას შორის მოწყვდევა რაღაცნაირად ჰამლეტური „ყოფნა-არყოფნის“ დილემას

¹ იხ. ნიკო ყიასაშვილის კომენტარი (ჯოისი 2012: 792).

² „ჰამლეტის“ მაჩაბლისეულ თარგმანში დაკარგულია ამ ფრაზელოგიის ნაკვალევი (იხ. შექსპირი 1987: 379). იხ. აგრეთვე გიფორდი 1988: 252.

მოგვაგონებს. პამლეტისთვის და შექსპირისთვის ყოფნაცა და არყოფნაც ტრაგიკულია. სკილასთან ან ქარიბდასთან შეყრაც, ჩვეულებრივ, ტრაგიკული შედეგით სრულდება. პამლეტური დილემა სწორედ სკილასა და ქარიბდას შორის მომწყვდევის, ორ ცეცხლს შუა ყოფნის ტოლფასია. სტივენიც თავისებური დილემის წინაშე დგას „სკილა და ქარიბდას“ ეპიზოდში. მან უნდა საბოლოოდ გადაწყვიტოს, რა შემოქმედებით გზას დაადგება ხელოვნებაში. მისთვის მიუდებელია როგორც უკიდურესად იდეალისტ-მისტიკოსი რასელი, ისე უკიდურესად მატერიალისტ-ცინიკოსი მალიგანი. ბრაიან არკინსის თქმით, სტივენისთვის სკილა და ქარიბდა წარმოადგენს „მხოლოდ სულს ჯორჯ რასელის სახით და მხოლოდ სხეულს ბაკ მალიგანის სახით“ (მაკკორტი 2009: 241). ამიტომაც, საჭიროა ერთგვარი ოქროს შუალედის დაჭერა: არარომანტიკულობა, მაგრამ სულიერების შენარჩუნებაც, არც მხოლოდ ტრაგიკული და არც მხოლოდ კომიკური, არამედ ტრაგიკომიკური გზა, რომელიც თავისებურ სკილასა და ქარიბდას შორის გავა და დილემას გაანეიტრალებს. სტივენისთვის ხელოვნება არცერთ ასპექტში არ შეიძლება იყოს ცალმხრივი. მან უნდა მოიცვას ყველაფერი და აჩვენოს ყველა შესაძლებელი რაკურსით, რაც სტივენისა და შესაბამისად, ჯოისის აზრით, მხოლოდ ტრაგიკომიკურ პლანშია შესაძლებელი. ამის მისაღწევად სტივენი თავისი პოლემიკის დასკვნითი ნაწილის წინ, დანიელი უფლისწულივით, საკუთარ თავს მოქმედებისაკენ მოუწოდებს: “Speech, speech. But act. Act speech. They mock to try you. Act. Be acted on” (ჯოისი 2000: 271) [„ლაპარაკი, ლაპარაკი. მაგრამ იმოქმედე. ლაპარაკით იმოქმედე. ესენი დაგცინიან, რომ გამოგცადონ. ამოქმედდი. მოქმედებას მოქმედებით უასეუბე“ (ჯოისი 2012: 207)].

უნდა აღინიშნოს, რომ გარკვეული პარალელი შეიძლება გაივლოს სტივენ-ჯოისის ხელოვნებასთან დამოკიდებულებასა და პამლეტ-შექსპირის შემოქმედებით კონცეფციას შორის. როგორც სტივენი ხელოვნებაში ჰეშმარიტი რეალიზმის მისაღწევად ერთგვარ სკილასა და ქარიბდას შორის გავლას ამჯობინებს, ისე პამლეტი ზომიერებისკენ მოუწოდებს მსახიობებს, რათა თეატრი ბუნების სარკედ იქცეს. „ჰამლეტში“ „გონზაგოს მკაფელობის“ დადგმა სწორედ ამის ილუსტრირებას ემსახურება. ხელოვნების ძალით ჰეშმარიტება ზეიმობს: აჩრდილის სიმართლე დასტურდება, ხოლო კლავდიუსის სიყალბე აშკარაგდება. ეს ხდება „პამლეტის“ შუაში, რაც პიესაში და მისი პროტაგონისტის შემდგომი ქმედებების განსაზღვრაში უდაგოდ გადამწყვეტი

მომენტია, საიდანაც უკვე ახალ იდუურ და სიუჟეტურ რელსებზე ვინაცვლებთ. ახლა პამლებს ყველანაირად მოქმედება ევალება; აჩრდილი ბოროტი სული არ აღმოჩნდა, ის მამამისის ტანჯული სულია. და პიესის მეორე ნახევარში პამლები მართლაც გადადის აქტიურ მოქმედებაზე.

„ულისეს“ მე-9 ანუ „სკილა და ქარიბდას“ ეპიზოდი 18-ეპიზოდიანი რომანის პირველ ნახევარს ასრულებს და სტივენიც, სკილასა და ქარიბდას შორის გავლით, ცხოვრების ახალ ეტაპზე გადადის, რომელმაც გარკვეული დროის შემდეგ უნდა მოიტანოს ჭეშმარიტების ჩვენებასა და მაღალესთეტიკურობაზე პრეტენზიის მქონე, დიდი და ამბიციური ხელოვნების ნაწარმოები, დაახლოებით ისეთი, რომლის გმირიც თავადაა.

2.4. ბლუმის ასოციაციური კავშირი „პამლეტთან“

რომანის მე-4 ეპიზოდში ჯოისს პირველად შემოჰყავს „ულისეს“ მთავარი პროტაგონისტი ლეოპოლდ ბლუმი, რომელიც პომეროსის გმირის ოდისევსის (იგივე ულისეს¹) მოდერნიზებულ-პაროდირებულ სახეს წარმოადგენს. შესაბამისად, ამ ეპიზოდიდან იწყება ბლუმის ოდისეა. მას ჰყავს ცოლი და თხუთმეტი წლის ქალიშვილი. ის სარეკლამო აგენტია. რაკი სტივენ დედალოსი, ტელემაქესთან ერთად, უფლისწულ პამლეტის პაროდიულ გარდასახვასაც წარმოადგენს, ეს ქმნის ლეოპოლდ ბლუმის, ოდისევსთან ერთად, მეფე პამლეტის აჩრდილთან პაროდიული გაიგივების ერთგვარ წინაპირობას. ბლუმი 38 წლისაა. საგულისხმოა, რომ შექსპირიც 38 წლის იყო, როცა პირველად დაიდგა მისი „პამლეტი“ სცენაზე,² სადაც პამლეტის მამის აჩრდილის როლს, გადმოცემით, თავადვე ასრულებდა. ამ დროს შექსპირს უკვე რამდენიმე წლის გარდაცვლილი ჰყავდა თავისი ერთადერთი ვაჟი, 11 წლის პამნეტი. ბლუმსაც გარდაეცვალა თავისი ერთადერთი ვაჟი, 11 დღის რუდი. როდესაც ბლუმი რომანში პირველად იხსენებს შვილის გარდაცვალებას, გულში ამბობს შემდეგ სიტყვებს: “He would be eleven now if he had lived” (ჯოისი 2000: 80) [„ახლა თერთმეტი წლის იქნებოდა

¹ ულისეს – ოდისევსის ლათინური სახელი.

² „პამლეტი“ პირველად 1602 წელს დაიდგა. ამავე წლის აპრილში შექსპირს 38 წელი შეუსრულდა.

რომ ეცოცხლა“ (ჯოისი 2012: 65)]¹, ანუ – იმ ასაკის, სადამდეც ჰამნეტმა მიაღწია. როგორც ადრეც შევნიშნეთ, ბლუმს მოდალატე ცოლი ჰყავს და მან ეს კარგად იცის. შესაბამისად, იგი ამითაც ენათესავება აჩრდილს, თუმცა მისი წუხილი ამ განსაცდელის გამო აჩრდილის ტრაგიკული განცდის საწყალობელ პაროდიას წარმოადგენს მხოლოდ.

რომანის მე-4 ეპიზოდშივე იკვეთება ბლუმის დამოკიდებულება ზოგადად ქალისადმი. თირკმლის ყიდვისას იგი ახალგაზრდა მოახლე ქალის მიმართ ავხორცულ ლტოლვას ამჟღავნებს, ხოლო ცოტა მოგვიანებით, ვიდაც ბებერი ქალის მიმართ ერთგვარ ზიზღნარევ დამოკიდებულებას გამოხატავს გულში, რაც მთლიანობაში, ქალთა სქესისადმი სტივენ დედალოსის დამოკიდებულებას წააგავს. ისიც არ ეძებს ქალში სიწმინდესა და სულიერებას. ბლუმისთვისაც ქალის ღირებულება ძირითადად მისი სექსუალური მიმზიდველობით შემოიფარგლება და რაკი ამ პარამეტრს ბებრუხანა ვედარ აკმაყოფილებს, ის, როგორც ქალი, ბლუმისთვის მკვდარია. როგორც რიჩარდ ელმანი (ელმანი 1972: 47-48) შენიშნავს, სტივენის ხედვა ქალისადმი უფრო განზოგადებული ხასიათისაა, ვიდრე ბლუმის ხედვა, რომელიც კონკრეტულ ქალებს აფასებს. ამგვარი განსხვავება, თუ დავაკვირდებით, უფლისწულ ჰამლეტსა და მისი მამის აჩრდილის ხედვებს შორისაც შეიმჩნევა, როდესაც ისინი გერტრუდის საქციელს განიხილავენ. თავისი დედის საქციელის საფუძველზე ჰამლეტი ქალს ზოგადად სუსტ და არასანდო არსებად სახავს, ხოლო აჩრდილი კონკრეტულად გერტრუდს ადანაშაულებს.

ბლუმის ხედვა ქალისადმი რომანის მე-5 ეპიზოდშიც კარგად ჩანს. მას სატრიულო მიმოწერა აქვს ვინმე მართა კლიფორდთან. მისი წერილის წაკითხვის შემდეგ ბლუმს მართაზე ასეთი დასკვნა გამოაქვს: “Doing the indignant: a girl of good family like me, respectable character” (ჯოისი 2000: 96) [„გულმოსულს თამაშობს: ჩემისთანა ოჯახიშვილს, პატიოსან ქალიშვილს“ (ჯოისი 2012: 76)]. ცხადია, ბლუმს არ სჯერა მართას შინაგანი პატიოსნების და ალბათ არც თუ უსაფუძვლოდ. თავისი ცოლიც ხომ ასეთია. ამიტომ, განსხვავებით სტივენისგან, რომელსაც პატიოსანი დედა ჰყავს, ბლუმს სრული საფუძველი ეძლევა, რომ გარევნილება და მოდალატური ბუნება ყველა ქალისათვის აუცილებლად

¹ თუმცა ბლუმს ცოტათი ეშლება. რედი დაიბადა 1893 წლის 29 დეკემბერს. შესაბამისად, მას, „ულისეს“ მოქმედების დღეს (1904 წლის 16 ივნისი), თერთმეტი წელი ჯერ არ უქნებოდა შესრულებული. ის დაახლოებით ათასეგვრის იქნებოდა ამ დროისათვის და მხოლოდ გადასული იქნებოდა მეოურთმეტე წელში. თუმცა, ამ შემთხვევაში, მთავარია რას ფიქრობს ბლუმი.

დამახასიათებელ თვისებად მიიჩნიოს, ისეგვ, როგორც ეს პამლეტსა და მამამისის აჩრდილს ეძლევა გერტრუდის მოღალატური გარყვნილების მაგალითზე. თუმცა უნდა აღინიშნოს, რომ უფლისწულისა და გარდაცვლილი მეფის სულისთვის დედოფლის უზნეო საქციელი ტრაგიკული აღმოჩენაა ქალის შესახებ, ხოლო ბლუმისთვის თითქოს ეს საერთოდ არ წარმოადგენს აღმოჩენას. მას დიდად არ აკვირვებს და ბევრსაც არ ნერვიულობს, რომ ცოლი დალატობს. მისთვის ეს განსაცდელი ურთგვარი ტრაგიკომიკური რეალობაა, თუმც კი ობიექტურად ამ მოვლენაში კომიკური ალბათ არც არაფერია.

მე-5 ეპიზოდში ბლუმს ახსენდება პამლეტის როლის შემსრულებელი მსახიობი ქალი ბენდმან პალმერი და ამის ფონზე აგონდება ედუარდ ვაინინგის მიერ გამოთქმული იდეა, რომლის თანახმადაც, პამლეტი კაცად გადაცმული ქალია, და ოფელიაც თითქოს ამიტომ იკლავს თავს.¹ ეს კი ბლუმს ახსენებს, რომ მამამისმაც თავი მოიკლა, რომელიც თურმე სიცოცხლეში ოფელიას ამ როლის შემსრულებელზე ჰყვებოდა ხოლმე. აქ მართებულია გავიხსენოთ, რომ ოფელიას მამა მოუკლეს, რაც მისი სავარაუდო თვითმკვლელობის მთავარ მიზეზად იქცა. საყურადღებოა ისიც, რომ სიგიჯეში ოფელია სხვადასხვა მცენარისა თუ ყვავილის მიერ განსახიერებულ სიმბოლიკაზე საუბრობს; ყვავილების ენაზე კი ბლუმი ამახვილებს ყურადღებას მას მერე, რაც მართას წერილს წაიკითხავს და მისგან გამოგზავნილ ყვავილს დაყნოსავს.

„ულისეს“ მე-6 ანუ „პადესის“ ეპიზოდი „ოდისეას“ მე-11 წიგნს (იხ. პომეროსი 2011: 121-135) შეესაბამება იმით, რომ სწორედ იქ არის მოთხოვობილი ოდისევსის ჩასვლა პადესის სამფლობელოში.² რომანის ამ ეპიზოდში შემოდის „პამლეტთან“ პარალელების ახალი წყება, რომელთა შორის ხიდად იდუმალი რიცხვი 11-ია გადებული.

შექსპირს დაედუპა თავისი ერთადერთი ვაჟი და მემკვიდრე, 11 წლის პამნეტი, რომელიც 11 აგვისტოს დაკრძალეს. ბლუმს დაედუპა თავისი ერთადერთი ვაჟი და მემკვიდრე, 11 დღის რუდი. „პადესის“ ეპიზოდში დიგნამის დაკრძალვა, რომელსაც თავად ბლუმიც ესწრება, 11 საათზეა. დამკრძალავ პროცესიაში მონაწილე იმ ეტლში, რომელშიც ბლუმი ზის, სტივენ დედალოსის მამა, საიმონ დედალოსიც იმყოფება. ბლუმი ეტლის ფანჯრიდან სამგლოვიარო ძაძებში ჩაცმულ სტივენს მოჰკრავს თვალს და მამამისს შეატყობინებს ამის შესახებ.

¹ იხ. ნიკო ყიასაშვილის კომენტარები (ჯოისი 2012: 734).

² იხ. ნიკო ყიასაშვილის კომენტარი „პადესის“ ეპიზოდის შესახებ (ჯოისი 2012: 738).

საიმონი სალანძლავ სიტყვებს წარმოთქვამს მალიგანზე და განაცხადებს, რომ არ დაუშვებს მისგან თავისი შვილის დაღუპვას. ბლუმი საიმონზე გაიფიქრებს, რომ შვილს თან ჰყვება, და მის ცნობიერებაში 11 დღის ასაკში გარდაცვლილი რუდის სურათი ამოტივტივდება. ის ცდილობს წარმოიდგინოს, როგორი იქნებოდა მისი ვაჟი რომ ეცოცხლა, როგორ იზრუნებდა მასზე და დააყენებდა ფეხზე, რითაც ვლინდება ბლუმის აშკარა სულიერი უკმარისობა მემკვიდრის არყოლის გამო. ფაქტიურად რომანში ამ მომენტიდან იწყება ბლუმის სულიერი სწრაფვის გამოვლენა სტივენ დედალოსისადმი. ნაწარმოების მანძილზე ჩვენ ვხედავთ, როგორ მიიმართება ბლუმის მამობრივი გრძნობები სტივენისაკენ. იგი სტივენში ეძებს სულიერ ძეს და ამით ცდილობს სულიერი დანაკლისი შეიგსოს, ისევე როგორც, სტივენისვე „თეორიით“, შექსპირიც ცდილობდა ჰამნეტის დაკარგვით გამოწვეული სულიერი დანაკლისი „ჰამლეტის“ დაწერითა და თეატრში ჰამლეტის მამის აჩრდილის როლის შესრულებით შეევსო. დიგნამის დაკრძალვის ყურებისგან თავად ბლუმს „ჰამლეტის“ მესაფლავების სცენა ახსენდება. როგორც მამა-შვილ ჰამლეტებს, ისე გარდაცვლილ დიგნამსა და მის ცოცხლად დარჩენილ ვაჟს ერთი სახელი აქვთ – პატრიკი. საყურადღებოა, რომ ბლუმის გარდაცვლილ მამასა და შვილს, ორთავეს რუდ(ოლფ)ი ჰქვია. საინტერესოა ასევე ისიც, რომ უმცროს პატრიკ დიგნამს მეორე სახელად აღოიზიუსი ჰქვია, ისევე როგორც – ჯოისს.

გარდა გამოვლენილი მამაშვილური ურთიერთმიმართებებისა, საინტერესოა საკუთრივ ზემოთ მოხსენიებული 11-ების ურთიერთმიმართებაც. გვაქვს ორი წყვილი 11: ერთის მხრივ 11 წლის ჰამნეტი და 11 აგვისტოს მისი დაკრძალვა, მეორეს მხრივ 11 დღის რუდი და 11 საათზე დიგნამის დაკრძალვა. ორივე წყვილის პირველი წევრი ერთმანეთს შეესაბამება (11 წლის ჰამნეტი და 11 დღის რუდი); ასევე, ორივე მათგანის მეორე წევრიც ერთმანეთს შეესაბამება (11 აგვისტოს ჰამნეტის დაკრძალვა და 11 საათზე დიგნამის დაკრძალვა). ორივე შეესაბამისობა კი ერთგვარ მიმართებას ქმნის თავიანთ კომპონენტებს შორის. ეს არის მიმართება დიდსა და მცირე ერთეულებს შორის: ერთი მხრივ, 11 წლის ჰამნეტი, ანუ წელიწადი როგორც დიდი ერთეული; მეორე მხრივ, ჰამნეტთან შედარებით უდღეური 11 დღის რუდი, ანუ დღე როგორც მცირე ერთეული; ერთი მხრივ, დაკრძალვა 11 აგვისტოს, ანუ დღე როგორც დიდი ერთეული; მეორე მხრივ, დაკრძალვა 11 საათზე, ანუ საათი როგორც დღესთან შედარებით მცირე ერთეული. ეს შეპირისპირება დიდსა და მცირეს შორის სიმბოლურ სახეს იძენს

„ულისესთან“ მიმართებით და აშკარად ექვემდებარება ნაწარმოების ზოგად პაროდიულ სქემას, სადაც ჩვეულებრივია წარსულის დიდსა და თანამედროვეობის მცირეს შორის ანალოგიების მოძებნა და კონტრასტის გამოვლენა.

რიცხვი 11 განსაკუთრებული ყურადღების ქვეშ ექვევა ჯონ რიკარდის წიგნში, რომელიც ეძღვნება მესეიერების საკითხს ჯოისის „ულისეში“. შექსპირთან და „ჰამლეტთან“ პარალელების მიებაში, რიკარდს 11-თან ერთად ჯოისის დაბადების დღე – 2 თებერვალიც – შემოჰყავს. „შექსპირის ვაჟი, ჰამნეტი, 11 წლის ასაკში გარდაიცვალა, მაშინ როცა ბლუმის ვაჟმა, რუდიმ, გარდაცვალებამდე 11 დღე იცოცხლა. სტივენი (სავარაუდო) 2 თებერვალს დაიბადა – ზუსტად იმ დღეს, როცა ჰამნეტ შექსპირი და ჯოისი დაიბადნენ – ზოდიაქოს მე-11 ნიშნის, მერწყულის ქვეშ – და სტივენი 11 წლის იყო, რუდი ბლუმი რომ დაიბადა“ (რიკარდი 1999: 150).

„ჰადესის“ ეპიზოდში ბლუმთან და სხვებთან ერთად დიგნამის დამკრძალავ პროცესიაში მონაწილე, ეტლში მყოფი მარტინ კანინგამი გაიხსენებს, როგორ ამოტრიალდა ერთხელ კატაფალკი დანფის¹ ლუდსანასთან, კუთხეში, სადაც გზა უხვევს, და როგორ გადმოვარდა კუბო გზაზე. ამ ინციდენტის გახსენებაზე, ბლუმი წარმოიდგენს, რომ დიგნამის ცხედარიც ანალოგიურად გადმოვარდა და გაგორდა გზაზე. ის იწყებს ფიქრს მიცვალებულის გახრწნის შედეგებზე, ისევე, როგორც ჰამლეტი მესაფლავების სცენაში. ამ მომენტში ჰაუერი გამოაცხადებს, რომ სწორედ დანფის ლუდსანასთან არიან ახლა; ხოლო ბლუმი გაიფიქრებს: “Dunphy’s corner. Mourning coaches drawn up drowning their grief. A pause by the wayside. Tiptop position for a pub” (ჯოისი 2000: 123) [„დანფის კუთხე. სამგლოვიარო ეტლები ჩამწერივებულან, მწუხარების ლუდში ჩასახშობად. შეხვეწება გზის პირას. ჩინებული ადგილი ლუდსანისთვის“ (ჯოისი 2012: 96)]. ლუდი და ლუდსანა კი ჰამლეტის სიტყვებს გვახსენებს იმავე მესაფლავების სცენიდან: “Why may not imagination trace the noble dust of Alexander, till a find it stopping a bunghole?” (შექსპირი 2003: 5.1.171-3) [„რატომ არ შეიძლება ვითომ, რომ გონებით მივყვეთ და დიდი ალექსანდრეს ნაშთი ლუდის ჭურჭლის საცობში ვიპოვოთ?!” (შექსპირი 1987: 380)].

ცოტა მოგვიანებით, ეტლი, რომელშიც ბლუმი და მისი თანამგზავრები სხედან, პირქუშ ბაღებსა და სახლებს ჩაუვლის, რომელთაგან ერთ-ერთში ვინმე

¹ იხ. გიფორდი 1988: 114.

ჩაილდზი¹ მოუკლავს, სავარაუდოდ, თავის ძმას, როგორც პლავდიუსმა გამოასალმა სიცოცხლეს ბაღში მძინარე ძმა. და აქვე, ბლუმის ცნობიერებაში გვხვდება ჰამლეტური ალუზია² – “unweeded garden” (ჯოისი 2000: 125) [„გაუმარგლავი ბაღი“ (ჯოისი 2012: 97)], – რომელიც მომდინარეობს ჰამლეტის პირველი ვრცელი მონოლოგიდან: “O God, God, / How weary, stale, flat and unprofitable / Seem to me all the uses of this world! / Fie on’t, ah fie, ’tis an unweeded garden / That grows to seed, things rank and gross in nature / Possess it merely” (შექსპირი 2003: 1.2.132-7) [„ო, ღმერთო, ღმერთო! ყველა საქმე ამ წუთის სოფლის როგორ ფუჭია, უნაყოფო, დაობებული. თითქო ქვეყანა იყოს ბაღი გაუმარგლავი, რაშიაც ხარობს მხოლოდ ღვარძლი, ცუდი ბაღახი“ (შექსპირი 1987: 328). დიგნამის დაქვრივებულ ცოლზე დაფიქრებისას, ბლუმის გონებაში ქვრივი ქალის სხვაზე მითხოვებისა და დედოფალ ვიქტორიასგან გარდაცვლილი ქმრის ხანგრძლივი გლოვის მოტივები³ გაიელვებს, რაც შეგვიძლია დაქვრივებული დედოფალი გერტრუდის ხანმოკლე გლოვასა და კლავდიუსზე მითხოვებას დავუკავშიროთ.

სასაფლაოზე, დიგნამის დაკრძალვის დროს ბლუმის ცნობიერებაში უფრო სრულად და მკაფიოდ შემოდის „ჰამლეტის“ მესაფლავების სცენა და მასთან დაკავშირებული სხვადასხვა მოტივი, უპირველეს ყოვლისა კი, ისევ და ისევ გვამის მიწაში გახრწნის მოტივი. გვხვდება აგრეთვე სხვა ჰამლეტური ალუზიები თუ რემინისცენციები, როგორიცაა, მაგალითად: “Always someone turns up you never dreamt of” (ჯოისი 2000: 138) [„ყოველთვის ვიდაც გამოჩნდება მოულოდნელად, სიზმარშიც რომ არ მოგლანდებია“ (ჯოისი 2012: 106)]. ცხადია, ეს უკავშირდება ასრდილთან საუბრის შემდგომ ჰამლეტის სიტყვებს ჰორაციოს მიმართ: “There are more things in heaven and earth, Horatio, / Than are dreamt of in your philosophy” (შექსპირი 2003: 1.5.166-7) [„ბევრი რამ პხდება, ჰორაციო, ზეცად და ქვეყნად, რაც ფილოსოფოსთ სიზმარად არც კი მოღანდებიათ“ (შექსპირი 1987: 336)]. ბლუმი ამ ვიდაცაში გულისხმობს უცნობ, მაკინტოშიან პიროვნებას, რომელიც ესწრება დიგნამის დასაფლავებას: “Now who is that lankylooking galoot over there in the macintosh? Now who is he I’d like to know? Now, I’d give a trifle to know who he is” (ჯოისი 2000: 138) [„ნეტავ ის ვინაა, მაკინტოშიანი აკლაკუდა? არა, მაინც ვინ არის? რას არ მივცემდი, რომ ვიცოდე ვინაა“ (ჯოისი 2012: 106)]. სწორედ ამას მოჰყვება

¹ იხ. ნიკო ყიასაშვილის კომენტარი (ჯოისი 2012: 742).

² იხ. გიფორდი 1988: 115.

³ იხ. ჯოისი 2000: 128; ჯოისი 2012: 99.

ბლუმის შინაგან მონოლოგში „ჰამლეტთან“ დაკავშირებული ზემოთ მოყვანილი სიტყვები. ჰამლეტის მოყვანილ სიტყვებს კი წინ უძღვის ჰორაციოს ცნობისმოყვარეობითა და გაკვირვებით აღსავსე რეპლიკა – “O day and night, but this is wondrous strange” (შექსპირი 2003: 1.5.164) [„დღისა და ღამის გაყრას კფიცავ, რომ ეს ამბავი გახაოცებლად უცხო არის“ (შექსპირი 1987: 336) – და ჰამლეტის პასუხი – “And therefore as a stranger give it welcome” (1.5.165) [„თუ გეუცხოვა, იხე მიიღე, ვით უცხოსა შეუვერება“ (336)]. ბლუმის გაცხოველებული ინტერესი იდუმალი მაკინტოშიანი უცნობის მიმართ აშკარა პარალელს ქმნის ჰორაციოს უზომო წყურვილთან, გაიგოს ჰამლეტისგან აჩრდილის ნამდვილი რაობა თუ ვინაობა და ასევე მისი საიდუმლოც. ცხადია, ამ შემთხვევაში, აჩრდილი და მაკინტოშიანი უცნობი ერთმანეთს შეესაბამებიან.

რომანის მე-7 ეპიზოდში ბლუმი გაზეთის რედაქციაში იმყოფება. ერთ მომენტში ცხვირსახოცს ამოიღებს ჯიბიდან და ცხვირზე აიფარებს. ცხვირსახოცს თავისი ცოლისათვის ნაყიდი საპნის არომატი აქვს აკრული. ბლუმი სხვა ჯიბეში გადაიტანს საპონს, ცხვირსახოცის ამოღებისას რომ არ ამოუვარდეს. საპნის სუნი გაახსენებს მართა კლიფორდის შეკითხვას იმის შესახებ, თუ რომელ სუნამოს ხმარობს მისი ცოლი. ამ დროს ბლუმი სახლში შევლის იდეაზე დაფიქრდება. აქვე, სავარაუდოდ, გასაღები რომ დარჩა სახლში, ისიც ახსენდება. „იგნინგ ტელეგრაფის“ რედაქციიდან უმცარი ხარხარი რომ მოესმება, გადაწყვეტს შიგნით შევიდეს. ძნელი სათქმელია, რამდენად ახსოვს ბლუმს ამ მომენტში, მოღალატე ცოლი რომ ჰყავს, მაგრამ ალბათ შემთხვევითი არ არის, ჯოისისგან მკითხველისთვის ბლუმის გერტრუდისებრი ცოლის შეხსენებას, აშკარა ჰამლეტური ალუზია რომ მოჰყვება ტექსტში:

“He entered softly....

.... – The ghost walks, professor MacHugh murmured softly, biscuitfully to the dusty windowpane” (ჯოისი 2000: 156).

„ჩუმად შევიდა¹....

.... – აჩრდილი დადის, ჩუმად წასჩურჩულა პირნამცხვრიანება პროფესორმა მაკიუმ ფანჯრის დამტვერილ რაფას“ (ჯოისი 2012: 119-120).

პროფესორი მაკიუ რომ ამბობს აჩრდილი დადის, იგი თეატრალურ და ჟურნალისტურ ჟარგონს – „ხელფასს არიგებენ“ – გულისხმობს,² მაგრამ

¹ იგულისხმება, რომ ბლუმი შევიდა „იგნინგ ტელეგრაფის“ რედაქციის ოფისში.

² იხ. ნიკო ყიასაშვილის შენიშვნა (ჯოისი 2012: 749).

მკითხველისთვის აქ „ჰამლეტთან“ კავშირიც აშკარად იქვეთება. ბლუმი რომ რედაქციაში ჩუმად შევიდა, ხოლო მაკიუმ ამ მომენტში, ჩუმადვე რომ წაიჩურჩულა აჩრდილი დადისო – ეს თითქოს ბლუმის აჩრდილობაზე მიანიშნებს, რომელსაც ნამდვილად ჰყავს გერტრუდივით მოდალატე ცოლი, რომლისათვის ნაყიდი საპონიც ეს-ეს არის უკანა ჯიბეში გადაიტანა. როგორც ფარგნოლი და გილესპი შენიშნავენ, მაკიუს სიტყვები „შეიძლება განვიხილოთ, როგორც ჰამლეტის მამის აჩრდილის ირონიული შეხსენება უძირო ბლუმთან კავშირში და როგორც მამა-შვილის თემის შემხსენებელი, რომლითაც გამსჭვალულია მთელი რომანი“ (ფარგნოლი ... 2006: 181). შემთხვევითი ალბათ არც ის არის, ბლუმს რედაქციის ოთახში სტივენ დედალოსის მამა, საიმონ დედალოსი, რომ დახვდა, რადგან ბლუმს ხომ სტივენის მიმართ მამობრივი განცდები აქვს, ხოლო საიმონ დედალოსი და მისი შვილი ერთმანეთისგან გაუცხოებული არიან. თუ სტივენს პაროდირებულ ჰამლეტად გავიაზრებთ, ხოლო საიმონს, პაროდირებულ აჩრდილად, მაშინ მათი ურთიერთგაუცხოების ფონზე, ბლუმის როგორც საიმონის ალტერნატიული აჩრდილისა და სტივენის ურთიერთგაგება რომანის ბოლო ნაწილში, მამა-შვილი ჰამლეტების თანამოაზრების აშკარა პაროდიას წარმოადგენს.

აქვე ნიშანდობლივია, რომ რედაქციის ოფისში, ამ დროს, საიმონ დედალოსის მეგობარი, ნედ ლემბერტი სიცილ-ხარხარით კითხულობს ვინმე მოვაჭრე-პოლიტიკოსის, დენ დოსონის¹ მაღალფარდოვან და პოეტურ გამოსვლას. გამოსვლის ტექსტში² ნეპტუნია ნახსენები, ისევე როგორც „ჰამლეტში“ გათამაშებულ „გონზაგოს მკვლელობის“ ანალოგიურად მაღალფარდოვან და პოეტურ ტექსტში³. ცოტა მოგვიანებით, პროფესორი მაკიუ ჰამლეტს ახსენებს დოსონის ტექსტთან მიმართებით, კონკრეტულად კი გულისხმობს პორაციოს მაღალფარდოვან სიტყვებს რიურაჟის შესახებ: “But look, the morn in russet mantle clad / Walks o'er the dew of yon high eastward hill” (შექსპირი 2003: 166-7) [, შეხედეთ, როგორ ვარდისფერსა საბურველსავით დიდის რიურაჟი უფინება მთის წვერზედ ცის ნამს“ (შექსპირი 1987: 326)].⁴

¹ იხ. გიფორდი 1988: 107.

² “....to the tumbling waters of Neptune's blue domain....” (ჯოისი 2000: 157) [„....ნეპტუნის ცისფერი სამფლობელოს დაუდგრომებელი ზეირთებისკენ....“ (ჯოისი 2012: 120)].

³ “Full thirty times hath Phoebus' cart gone round / Neptune's salt wash and Tellus' orbéd ground....” (შექსპირი 2003: 3.2.136-7) [, ფებოსის უტლა უცდაათგ ზის შემოუარა გარს ნეპტუნისა ზღვათ-სამფლოს და რგვალსა მიწას....“ (შექსპირი 1987: 355)].

⁴ იხ. ნიკო ყიასაშვილის კომენტარი (ჯოისი 2012: 750).

როდესაც რედაქტიაში სტივენ დედალოსიც იმუოფება, კვლავ ახსენებენ მე-6 ეპიზოდში უკვე ნახსენებ ჩაილდზის მკვლელობას, რომელიც, სავარაუდოდ, მისმა ძმამ ჩაიდინა. ამ დროს სტივენის ცნობიერებაში სრულიად ლოგიკურად აჩრდილის შემდეგი სიტყვები გაიელვებს: “....And in the porches of my ears did pour....” (შექსპირი 2003: 1.5.63) [...] „...და ის წყეული ხაწამლავი უკრს ჩამაწვეთა....“ (პამლეტი 1987: 334)].¹

მე-8 ეპიზოდში ბლუმი წახემსებამდე დუბლინის ქუჩებში დაიარება. მის ცნობიერებაში რამდენჯერმე გაკრთება პამლეტური რემინისცენცია, თუმც კი ზოგჯერ დამახინჯებული სახით (იხ., მაგ., ჯოისი 2012: 146). ძირითადად აჩრდილთან დაკავშირებული ალუზიები და რემინისცენციებია. ეს ალბათ არც არის შემთხვევითი, რადგან ბლუმი „პამლეტის“ პერსონაჟებიდან სწორედ მას შეესაბამება. ეპიზოდის ბოლოს იგი თავისი ცოლის საყვარელს, ბრიალა ბოლანს შენიშნავს, მაგრამ, როგორც აქამდე მასზე ფიქრებს ცდილობდა გაქცეოდა, ისე ახლა თვითონ მასაც მოარიდებს თვალს და მუზეუმში შეაფარებს თავს. ასეთი მდგომარეობა ბლუმს ისევ და ისევ ერთგვარი აჩრდილის სტატუსს ანიჭებს, რადგან, როგორც პამლეტის მამის აჩრდილს არ შეეძლო პირადად გასწორებოდა კლავდიუსს ფიზიკურად, რახან თავად სული იყო, ისე ბლუმსაც დაკარგული აქვს ანგარიშსწორების უნარი. აჩრდილი უხორცობის გამო ვერ ახორციელებდა თავის მიზანს და ამიტომაც სთხოვდა უფლისწულ პამლეტს ამ ამოცანის შესრულებას, ხოლო ხორცშესხმული ბლუმი სულიერ-ფსიქიკური პრობლემის გამო ვერ ახერხებს ამას და ამიტომაც დამნაშავესავით იძურწება ბოილანისგან.

რომანის მე-9 ანუ „სკილა და ქარიბდას“ ეპიზოდი, სადაც წარმოდგენილია სტივენ დედალოსის „შექსპირულ-პამლეტური თეორია“, ჩვენ უკვე ზემოთ განვიხილეთ. ბლუმის არსებობა ამ ეპიზოდში ძირითადად „სცენისმიღმურია“. ის მცირე ხნით ბიბლიოთეკაში შეივლის და უკან გამოსვლისას სტივენსა და ბაკ მალიგანს შორის გაივლის, რაც მას სიმბოლურად სკილასა და ქარიბდას შორის გამავალ ოდისეგსთან აკაგშირებს.²

„ულისეს“ მე-10 ეპიზოდი ერთგვარ ქვეთავებად არის დაყოფილი და თითოეული მათგანი აღწერს რომანის სხვადასხვა პერსონაჟის მოქმედებას დუბლინის ქუჩებში. ერთ-ერთ ქვეთავში (ჯოისი 2012: 243-244) მალიგანი და

¹ იხ. ნიკო ყიასაშვილის კომენტარები (ჯოისი 2012: 755).

² იხ. გიფორდი 1988: 255.

პეინზი სტივენზე საუბრობენ და მის „შექსპირულ-ჰამლეტურ“ თეორიასაც ახსენებენ. საყურადღებოა, რომ ამ ქვეთავს ასრულებს პასაჟი, სადაც ფიგურირებს სამანძიანი ხომალდი „როუზვინი“, რომელიც ასევე ფიქსირდება რომანის მე-3 ეპიზოდის ბოლო პასაჟში. ეს არის მე-10 ეპიზოდის ერთადერთი ქვეთავი, სადაც ნახსენებია შექსპირის „ჰამლეტი“ და ეს სამანძიანი ხომალდი, რაც ერთგვარად მიანიშნებს ზემოთ გამოვლენილი ფარული ჰამლეტური ალუზიების რეალურ არსებობაზე რომანის მე-3 ეპიზოდის ბოლოში.

მე-10 ეპიზოდის ერთ-ერთ ქვეთავს ასრულებს რომანის მეორესარისხოვანი პერსონაჟი ლენგპანი შემდეგი სიტყვებით: “....you know... There's a touch of the artist about old Bloom” (ჯოისი 2000: 302) [„....იცი... რაღაც არტისტული აქვს ჩვენს ბლუზე“ (ჯოისი 2012: 230)]. სავარაუდოდ, ბლუზის სახით აქ განდევნილი ხელოვანის მოტივი ფიგურირებს, რაც მას კვლავ აჩრდილთან და მისი როლის შემსრულებელ შექსპირთან აკავშირებს. დედნისეული “old Bloom” კიდევ უფრო მეტად აახლოვებს მას აჩრდილთან, როგორც old Hamlet-თან. გარდა ამისა, ლენგპანმა ეს-ეს არის დაასრულა თავის თანამოსაუბრე მაკერისთან იმის მოყოლა, თუ როგორ გაუჩნდა სექსუალური ლტოლვა ბლუზის ცოლის მიმართ, როდესაც მის გვერდით აღმოჩნდა ეტლში. ეს კი გერტრუდისადმი კლავდიუსის ხორციელ ლტოლვას გვახსენებს და ბლუზის აჩრდილობას კიდევ ერთხელ უსვამს ხაზს. შემთხვევითი ალბათ არც ისაა, რომ ლენგპანის მიერ უშუალოდ ამ თავისი გარყვნილი „თავგადასავლის“ მოყოლის წინ რომანში გაიღლვებს პატრიკ ალოიზიუს დიგნამი (იხ. ჯოისი 2012: 229) – პატრიკ დიგნამის თანამოსახელე შვილი, – რომელსაც მამის თანამოსახელე ჰამლეტის მსგავსად, მამა ახალგარდაცვლილი ჰყავს.

მე-10 ეპიზოდის იმ ქვეთავში, სადაც ყურადღება ეთმობა ყმაწვილ პატრიკ დიგნამს, შეგვიძლია პარალელი გავავლოთ მასსა და მასსავით სამგლოვიარო ტანსაცმელში გამოწყობილ ჰამლეტს შორის, რომლებიც თავიანთი თანამოსახელე მამების გარდაცვალებას გლოვობენ. ამ ქვეთავის ბოლოში პატრიკი თავის შინაგან მონოლოგში იმედს გამოთქვამს მამამისის იმქვეყნიური ხვედრის შესახებ: “I hope he is in purgatory now because he went to confession to father Conroy on Saturday night” (ჯოისი 2000: 324) [„იმედი მაქვს ახლა საღანხებელშია, რადგან შაბათ საღამოს აღსარებაზე იყო მამა კონროისთან“ (ჯოისი 2012: 246)]. ეს კი აშკარად ჰამლეტის მამის აჩრდილთან აკავშირებს გარდაცვლილ დიგნამს, რადგან შექსპირის პიესის მიხედვით, აჩრდილი, როგორც ჩანს, განსაწმენდელში

ანუ სალხინგბელში იმყოფებოდა: “....And for the day confined to fast in fires, / Till the foul crimes done in my days of nature / Are burnt and purged away” (შექსპირი 2003: 1.5.11-13) [...] „დღე გეცხლში ვიწვი, იქ ვარხულობ და ცეცხლითვე ვწმენდ, რაც ხიცოცხლებში მე ცოდვები მომიქმედნია“ (შექსპირი 1987: 334)], – აცხადებს იგი. თუმცა, გარდაცვლილი დიგნამისგან განსხვავებით, აჩრდილს აღსარების ჩაბარების საშუალება გარდაცვალებამდე მცირე ხნით ადრე არ მისცემია.¹

რომანის მე-11 ეპიზოდში რაიმე საგულისხმო ჰამლეტური პარალელი თუ ალუზია არ გვხვდება, გარდა რამდენიმე მეორეხარისხოვანი ალუზისა, როგორიცაა, მაგალითად, „სიმშვენიერის ხარკი“ (ჯოისი 2012: 267), ან „კიდვვ თავის ქალიშვილს გადასწვდა“ (268). ორივე ალუზია თვეელიას უკავშირდება.² ამ ეპიზოდში ჩვენ მხოლოდ მსგავსება შეგვიძლია ვიპოვოთ ბლუმსა და აჩრდილს შორის, მათს სიტუაციებს შორის. ბლუმი, ცოტა არ იყოს აფორიაქებულია, რადგან იცის, რომ სულ მალე მისი ცოლის სხეულს ბრიალა ბოილანი დაეუფლება. ნათლად ჩანს, რომ ბლუმი აჩრდილივით გარიყულია, ნაღალატევი და დაღუპული. „ყველაფერი დაიღუპა“ – ასეთია ერთ-ერთი მელოდიის სახელწოდება, რომელსაც ბლუმი უსმენს ორმონდ-ოტელის მუსიკალურ დარბაზში, და პრინციპში, რომანის ამ ეპიზოდის ერთ-ერთი მთავარი მოტივიც.

რომანის მე-12 ეპიზოდში პირდაპირი ალუზია გვხვდება ჰამლეტის სიტყვებზე: “....as to the manner born” (ჯოისი 2000: 387) [...] „კით კადრება მაგ წესთან უეზრდილს....“³ (ჯოისი 2012: 295)]. სწორედ ჰამლეტის იმ მსჯელობას, რომელშიც მონაწილეობს მოყვანილი სიტყვები⁴, მოჰყვება მოხეტიალე აჩრდილის შემოსვლაც სცენაზე. რომანში კი ამ ალუზიას ძალიან მალე მოქალაქის⁵ შემდეგი სიტყვები მოსდევს: “– What’s that bloody freemason doing ... prowling up and down outside?” (387) [„– რას აკეთებს ეს ოხერი ფრანგმახონი ... აღმა-დაღმა რომ დაწანწალებს გარეთ?“ (295)]. იგი გულისხმობს ლეოპოლდ ბლუმს, რომელსაც ბარნი კირნანის პაბიდან თვალი მოჰკრა ქუჩაში. ბლუმის გარეთ წანწალი აშკარად აჩრდილის დამით ხეტიალს უკავშირდება: “I am thy father’s spirit, / Doomed for a certain term to walk the night....” (შექსპირი 2003: 1.5.9-10) [„მე ვარ სული

1 იხ. შექსპირი 2003: 1.5.74-9; შექსპირი 1987: 335.

2 იხ. ნიკო ყიასაშვილის კომენტარები (ჯოისი 2012: 809).

3 იხ. ნიკო ყიასაშვილის კომენტარი (ჯოისი 2012: 815).

4 იხ. შექსპირი 2003: 1.4.14-15; შექსპირი 1987: 332.

5 მოქალაქე – „ულისეს“ მე-12 ეპიზოდის ერთ-ერთი პერსონაჟი, რომელსაც ბლუმთან ცხარე კამათი მოუვა მისდამი ანტისემიტური სიძულვილის ნიადაგზე, და ეპიზოდის ბოლოს თუნუქის ქლას ესვრის პაბიდან გაქცეულ ბლუმს.

გამაშენისა და სახურავის მძღვანელობა, ხანსა რასმე დამეტე ვიარო....“ (შექსპირი 1987: 334)], – ამცნობს აჩრდილი ჰამლეტს. სასჯელის მოტივიც ფიგურირებს რომანში ამ დროს, რადგან ელფ ბერგანი პროფესიონალი ჯალათის სამოტივაციო წერილებს გადასცემს ჯოუ ჰაინზს წასაკითხად. აქვე ელფი შენიშნავს, რომ პედი დიგნამი ნახა ცოტა ხნის წინ. ჯოუ კი უმტკიცებს, რომ მოელანდა, ვინაიდან დიგნამი გარდაიცვალა და „უკვე დაკრძალეს კიდევ: “– You saw his ghost then....” (388) [„– იმის მოჩვენება ვინახავს და ეს არი....“ (296)]. ცხადია, დიგნამის მოჩვენება ჰამლეტის მამის აჩრდილთან ქმნის პარალელს. მამა-შვილ ჰამლეტსა და მამა-შვილ პატრიკ (პედი) დიგნამს შორის არსებულ ერთგვარ პარალელიზმს აღრე უკვე გავუსვით ხაზი. “....God between us and harm” (388) [„....ღმერთო, შენ გვიხსენი ავი სულებისგან“ (296)], – ამბობს ჯოუ. ჰამლეტიც ცდილობს გაარკვიოს ავ სულოთან ხომ არა აქვს საქმე, მამის აჩრდილის ნაცვლად. ელფს უჭირს დაჯერება იმისა, რომ დიგნამი გარდაცვლილია და რამდენიმე საათის დაკრძალულიც კი, რადგან გულწრფელად ჰგონია, რომ ხუთიოდე წინ იხილა იგი ქუჩაში. ხოლო მის მსმენელებს, ბუნებრივია, არ სჯერათ ის, რომ მან დიგნამი ნახა. ეს რადაცნაირად ეხმიანება თავდაპირველად ჰორაციოს მიერ აჩრდილის გამოცხადების არ დაჯერებას: “Tush, tush, 'twill not appear” (შექსპირი 2003: 1.1.30) [„ნუგა რას ამბობთ, აბა ეს რა დასაჯერია?“ (შექსპირი 1987: 324)]. მოქალაქე კვლავ მოჰკრავს თვალს გარეთ მოხეტიალე ბლუმს და თანამოსაუბრებებს მიუთითებს: “There he is again” (390) [„– აგერ ისევ ის“ (297)]. „ჰამლეტშიც“, როცა აჩრდილი მეორეჯერ შემოდის, ჰორაციო ამბობს: “Peace, break thee off. Look where it comes again” (1.1.40) [„ჩუმად! შეჟერეთ! კიდევ მოდის!“ (325)]. მოქალაქე ბლუმზე შენიშნავს: “....He's on point duty up and down there for the last ten minutes” (390) [„....უკანასკნელი ათი წუთია გუშაგივით აქეთ-იქით დადის“ (298)]. სიტყვა „გუშაგი“ კი იმ გუშაგებს გვახსენებს „ჰამლეტიდან“, რომელთაც შუალამისას აჩრდილი ეცხადებოდათ საგუშაგოზე. მოქალაქის ავი ძაღლის შიშით დამფრთხალი ბლუმი ბოლო-ბოლო მაინც გაბედავს და შემოიძურწება პაბში. მოგვიანებით, ამ ეპიზოდში კიდევ უფრო გამოიკვეთება ბლუმის ერთგვარი აჩრდილობა, მისი თავისებური უთვისტომობისა და გარიყულობის მკაფიო გამოვლენის სახით.

„ულისეს“ მე-13 ეპიზოდის მთავარი პერსონაჟი ბლუმთან ერთად არის ახალგაზრდა, მიმზიდველი ქალიშვილი გერტი მაკდაუელი. როგორც ეპიზოდის ჰომეროსული სათაური მიგვანიშნებს, გერტის პარალელი „ოდისეაში“ არის

მშვენიერი ქალწული ნაგზიკაქ. თუმცა, გარდა ჰომეროსული პარალელისა, მას ჰყავს შექსპირული პარალელიც „პამლეტში“: მისი მოსახელე გერტ(რუდი). „პამლეტთან“ კავშირზე მიანიშნებს, მაგალითად, გერტი მაკდაუელის ცნობიერებაში გაელვებული პამლეტური ალუზია, როდესაც ის ბლუმს აკირდება და მასზე ფიქრობს: “....cruel only to be kind” (ჯოისი 2000: 474) [„...ოუ სახტია, ეს სიკეთის ნაყოფი არის“ (ჯოისი 2012: 360)]. ამ სიტყვებს პამლეტი სწორედ გერტრუდის მიმართ გამოთქამს მას მერე, რაც ამხელს დედოფალს უზნეობაში: “I must be cruel only to be kind” (შექსპირი 2003: 3.4.179) [„ოუ სახტია გარ, ეს სიკეთის ნაყოფი არის“ (შექსპირი 1987: 364)]. ბლუმი, ამ შემთხვევაში, ვნებამორეული „აჩრდილია“, რომელიც „თავის“ „გერტრუდს“ დახარბებული შესცემის.

„ულისეს“ მე-14 ეპიზოდში ბლუმი იმყოფება ეროვნულ სამშობიარო სახლში, ახალგაზრდა მედიკოსთა შორის, რომლებიც ლუდის სმითა და ოხუნჯური საუბრით არიან გართულნი. მათ შორის იმყოფება სტივენ დედალოსიც. და აი, სწორედ აქ აშკარად ვლინდება ბლუმის მამობრივი სწრაფვა სტივენისაკენ: “....Leopold that had of his body no manchild for an heir looked upon him his friend's son and was shut up in sorrow for his forepassed happiness and as sad as he was that him failed a son of such gentle courage....” (ჯოისი 2000: 510) [„...ლეოპოლდი, რომელსაც ვაუ ძეგლიდორე არ ჰყავდა, შეჟყურებდა მას, თავისი ძეგობრის ვაუს, ფრიად დამწუხებული თავისი დაკარგული ძედნიურების გამო და რომ არ ეღირსა ასეთი კოველმხრივ შეძეული შვილი....“ (ჯოისი 2012: 386)]¹. ბლუმი წუხს, რომ სტივენისთანა ნიჭიერი ახალგაზრდა თავქარიან ცხოვრებას ეწევა და მეძავებში ფლანგავს, რაც აბადია. ეპიზოდის ბოლოში, სტივენისადმი მამობრივი მზრუნველობით გამსჭვალული ბლუმი გაჰყვება მას და მის მეგობარს საროსკიპოსკენ.

მე-14 ეპიზოდში სტივენი თავის მეგობრებთან ერთად ლუდს სვამს და თან მერეხელურ და ლვთისმგმობელ საუბარს ეწევა. ერთ მომენტში იგი ამბობს: “....Hamlet his father showeth the prince no blister of combustion” (ჯოისი 2000: 514) [„...უფლისწულ პამლეტს მამამისი არ გამოუხენს სალხინებლის იარებს“ (ჯოისი 2012: 389)]. სტივენი, რა თქმა უნდა, გულისხმობს, რომ აჩრდილი პირდაპირ არ უყვება პამლეტს განსაწმენდელის საშინელებათა შესახებ, თუმცა ვიცით, რომ

¹ მოყვანილი ციტატის ენობრივი სტილი რომანის მე-14 ეპიზოდის ლინგვისტურ ექსპერიმენტს უქავშირდება. იხ. აგრეთვე ნიკო ყიასაშვილის ქომენტარი „ულისეს“ მე-14 ეპიზოდისათვის (ჯოისი 2012: 830).

მინიშნებით მიანიშნებს.¹ ოოდესაც სტივენი თავის მკრეხელურ მსჯელობას საზეიმოდ დაასრულებს, გარეთ ძლიერი ჭექა-ჭუხილის საზარელი ხმა გაისმება და ცოტა ხნის წინ სიამაყით თავგასულ სტივენს შიში აიტანს. მზრუნველი ბლუმი ამშვიდებს მას და უხსნის, რომ ეს მხოლოდ ბუნების მოვლენაა და სხვა არაფერი. მიუხედავად ამისა, სტივენს მაინც ეჭვი ღრღნის, თავისი ამხანაგის, ლინჩის გაფრთხილება მართალი არ იყოს და ეს გრგვინვა მართლაც ღვთის რისხვას არ გამოხატავდეს თავისი ბილწიტყვაობისა და ღვთისმგმობი ქილიკის გამო.

მე-14 ეპიზოდის იმ პასაუმი, რომელშიც მოლაზდანდარე ახალგაზრდებს მოულოდნელად შექსპირის თანამემამულე, ინგლისელი პეინზი დაადგება თავს, რომანის სხვა ეპიზოდებში გაელვებული ჰამლეტური ალუზიები იელვებს კვლავ. ძირითადად, მმის მკვლელისა და მოკლული მმის აჩრდილის მოტივები ფიგურირებს აქ.

2.5. პიესა „კირკე“, ანუ „აჩრდილთა დამე“

„ულისეს“ მე-15 ანუ „კირკეს“ ეპიზოდი მთლიანად პიესის სახითაა დაწერილი და ერთგვარ ფანტასმაგორიას წარმოადგენს. როგორც ნიკო ყიასაშვილი შენიშნავს მე-15 ეპიზოდისადმი მიძღვნილ კომენტარში, „მკითხველს მოეთხოვება ბლუმისა და, ნაწილობრივ, სტივენის დღის მანძილზე მიღებული შთაბეჭდილებების, მოქმედებების, შეხვედრებისა და ემოციების გახსენება, რათა გაშიფროს ამ ეპიზოდის ალუზიები“ (ჯოისი 2012: 837). ეს ასეა კონკრეტულად შექსპირულ-ჰამლეტურ ალუზიებთან მიმართებითაც.

სტივენისა და ბლუმის გზების უცნაური გაერთიანება ხდება „კირკეს“ ეპიზოდში, სადაც ისინი ერთად ატარებენ დროს ბელას საროსკიპოში. უცნაური იმიტომ, რომ ჰომეროსის „ოდისეაში“ კირკეს კუნძულზე ოდისევსი ხვდება და მასთან ერთად ტელემაქეს იქ ყოფნა შეუსაბამოა პოემაში აღწერილ მოვლენებთან. შესაბამისად, „კირკეს“ ეპიზოდში სტივენსა და ტელემაქეს შორის არსებული პარალელიზმი დარღვეულია. ეს, თავის მხრივ, რამდენადმე ასუსტებს რომანის ამ ეპიზოდში ბლუმსა და ოდისევსს შორის არსებულ პარალელიზმსაც. თუმცა პიესის სახით დაწერილ „კირკეს“ ეპიზოდში სტივენსა და უფლისწულ

¹ იხ. შექსპირი 2003: 1.5.15-20; შექსპირი 1987: 334.

ჰამლეტს შორის პარალელური ნამდვილად დაიძებნება, ისევე როგორც ბლუმსა და მეფე ჰამლეტის აჩრდილს შორის.

„კირკეს“ ეპიზოდის მოქმედება ჯერ საროსკიპოსკენ მიმავალ ბლუმს მიჰყვება, შემდეგ კი საკუთრივ საროსკიპოში ვითარდება. თითქმის მთელი ეპიზოდის განმავლობაში ბლუმის ცნობიერებაში ჰალუცინაცია ჰალუცინაციას ენაცვლება. გზაზე, სხვა „გამოცხადებებისა“ თუ „შეხვედრების“ გარდა, ბლუმს ქალბატონ ბრინთან შეხვედრაც მოელანდება, რომელთანაც ადრე, ვიდრე ის დენის ბრინზე გათხოვდებოდა და ვიდრე იგი ჯოუზი პაუელი იყო, ფლირტისმაგვარი რომანტიკული ურთიერთობა ჰქონდა. ამ ჰალუცინაციაშიც ბლუმი და უკვე ქალბატონი ბრინი კვლავ ფლირტს აბამენ. ბლუმის ცნობიერებაში ჰამლეტის სიტყვების ცოტაოდენ შეცვლილი ვარიანტი გაიყლვებს: “The witching hour of night” (ჯოისი 2000: 575) [„ღამის ბნელი უამი გრძნეულო საფარი“ (ჯოისი 2012: 436)]. უფლისწული ამ სიტყვებს წარმოთქვამს მას მერე, რაც თავისი დადგმული პიესისგან მიღებული შედეგების საფუძველზე გადაწყვეტს, რომ ადასრულოს კლავდიუსზე შურისძიება: “Tis now the very witching time of night” (შექსპირი 2003: 3.2.349) [„აწ ღადგა ღამის ბნელი უამი გრძნეულო საფერი....“ (შექსპირი 1987: 359)]. ნიშანდობლივია აგრეთვე ბლუმის შემდეგი სიტყვები ქალბატონი ბრინის მიმართ: “When you made your present choice they said it was beauty and the beast. I can never forgive you for that.... All you meant to me then.... Woman, it's breaking me!” (575) [„როცა ახლანდელი არჩევანი გააკეთეთ¹, უკლა ამბობდა ეს მუჟუნახავისა და ურჩეულის კავშირიაო. ამას კერასოდეს გაპატიჟოთ.... არა და, რა იყავით ჩემთვის მაშინ.... ესაა, რომ მკლავე, ქალო!“ (436)]. ბლუმის ამ სიტყვების მეშვეობით საინტერესო ჰამლეტური ჰარალელი იკვეთება. ბლუმი, რომელიც სტივენისადმი მამობრივი ზრუნვით გამსჭვალულობის გამო ხვდება დუბლინის ამ საროსკიპოთა უბანში, კვლავ აჩრდილის როლშია; ხოლო ქალბატონი ბრინი – გერტრუდის. გერტრუდივით, მანაც, ბლუმის სიტყვების მიხედვით, უგვანო კაცზე გაცვალა დირსებებით შემკული პირველი სატრუტო ანუ თავად ლეოპოლდი. გავიხსენოთ, როგორ ცდილობს ჰამლეტიც, დაანახოს დედამისს განსხვავება მის ადრინდელ მეუღლესა და ახლანდელს შორის², და რა თქმა უნდა, გავიხსენოთ გერტრუდსა

¹ ბლუმი გულისხმობს ჯოუზის გათხოვებას დენის ბრინზე.

² იხ. შექსპირი 2003: 3.4.53-71; შექსპირი 1987: 362.

და კლავდიუსს შორის დამყარებული კავშირის შეფასება საკუთრივ აჩრდილის მიერ.¹

ვიდრე ბლუმი ბელა კოენის საროსკიპომდე მივა, ერთ-ერთ ჰალუცინაციაში მას ფანტასმაგორიულ სასამართლოზე სასიკვდილო განაჩენს გამოუტანენ. მის დასაცავად გარდაცვლილი პედი დიგნამის სული გამოცხადდება და ეტყვის მას: “Bloom, I am Paddy Dignam’s spirit. List, list, O list!” (ჯოისი 2000: 597) [„ბლუმ, მე სული ვარ პედი დიგნამისა. ახლა კი მისმინჯ, პოი, მისმინჯ!” (ჯოისი 2012: 454)]. სწორედ ასეთი სიტყვებით მიმართავს აჩრდილი ჰამლეტს: “I am thy father’s spirit.... List, list, oh list!” (შექსპირი 2003: 1.5.9; 1.5.22) [„მე სული ვარ მამიშვილისა.... უხლა კი მომისმინჯ, პოი, მისმინჯ!” (შექსპირი 1987: 334)]. ეს კიდევ ერთხელ გვახსენებს, რომ ბლუმის გარდა, ჰამლეტის მამის აჩრდილს გარდაცვლილი პედი დიგნამიც შეესაბამება. ფაქტიურად, აქ ერთ „აჩრდილს“ მეორე ეცხადება. ბლუმის სამგლოვიარო ჩატულობა დიგნამის გარდაცვალებით არის განპირობებული. სწორედ მის დაკრძალვაზე რომ იყო ბლუმი – ამით გადაურჩება ის წარმოსახვით სიკვდილით დასჯას.

„კირკეს“ ეპიზოდში, სხვა მრავალი ადამიანისა თუ არსების გარდა, ბლუმს თავის ფანტასმაგორიულ სამყაროში შექსპირიც ეცხადება. შექსპირის გამოცხადებას ბლუმის ფანტაზიაში სტივენის მეგობრის, ლინჩის მიერ ჰამლეტის სიტყვების ციტირება აძლევს ბიძგს: “The mirror up to nature” (ჯოისი 2000: 671) [„ბუნებას სარკედ გაუხდეს“² (ჯოისი 2012: 513)]. ლინჩის ამ რეპლიკაზე ბლუმი სარკეში ჩაიხვდავს და შიგ საკუთარი თავის ნაცვლად შექსპირს დაინახავს, რაც კვლავ მათ შორის არსებულ კავშირზე მიანიშნებს. ნიშანდობლივია, რომ ამ დროს სტივენიც იყურება იმავე სარკეში, მაგრამ, განსხვავებით ბლუმისგან, არც შექსპირი ელანდება და არც სხვა ვინმე. ამით ჯოისი ალბათ მიგვანიშნებს, რომ უფლისწული ჰამლეტის მიმბაძველმა სტივენმა არ იცის ან არ უფიქრია მევე ჰამლეტის აჩრდილის როლის შემსრულებელ შექსპირსა და მისდამი მამობრივად განწყობილ ბლუმს შორის არსებული კავშირის შესახებ. შექსპირის მოჩვენების მიერ წარმოთქმული პირველი სიტყვები – “Tis the loud laugh bespeaks the vacant mind” (671) [„ხმამაღალი სიცილია ფუჭ გონს რომ ამხელს“ (513)], – შეგვიძლია დავუკავშიროთ ჰამლეტის მიერ მსახიობისადმი მიცემულ დარიგებას, რომლის ძირითადი აზრია, რომ მსახიობები უნდა ერიდონ ზედმეტ ყვირილსა და

¹ იხ. შექსპირი 2003: 1.5.42-57; შექსპირი 1987: 334.

² იხ. შექსპირი 2003: 3.2.18-19; შექსპირი 1987: 352.

სიცილს სცენაზე, რადგან ამით მხოლოდ თავიანთ უნიჭობას დაამტკიცებენ.¹ ზუსტად ამ დარიგებაში ვხვდებით ლინჩისგან ციტირებულ ჰამლეტის სიტყვებს – “The mirror up to nature” [„ბუნებას სარკედ გაუხდეს“], – რომლებმაც ბიძგი მისცეს ბლუმის განხილულ ჰალუცინაციას. შემდეგ, შექსპირის მოჩვენების სიტყვებში მისი „ოტელოს“ პერსონაჟთა სახელები გაკრთება დამახინჯებული ფორმით. ამ პიესის ძირითადი მოვლენა – ქმრისგან მოღალატედ შერაცხული უდანაშაულო ცოლის სიკვდილით დასჯა – უდავოდ უპირისპირდება ბლუმის თითქმის გულგრილ დამოკიდებულებას თავისი ცოლის მოღალატეობის ნამდვილი ფაქტის მიმართ, რის შესახებაც ბლუმს ზუსტი ინფორმაცია აქვს და საბუთებიც არ სჭირდება. როცა შექსპირის მოჩვენება ჯერ კიდევ იმყოფება მისი ფანტასმაგორიული ხილვის სცენაზე, ბლუმს მოელანდება პატრიკ დიგნამის დაქვრივებული მეუღლე თავის შვილებთან ერთად. პატრიკ დიგნამსა და ჰამლეტის მამის აჩრდილს შორის არსებულ პარალელიზმზე უკვე არაერთხელ გვქონდა ზემოთ საუბარი. ბლუმის ჰალუცინაციაში ქალბატონი დიგნამი სამგლოვიარო ძაძებშია ჩაცმული და თან გამოსაპრანჭად სახეს იღებავს და იაუდრება. ამ სურათის ფონზე ბლუმისეული შექსპირის მოჩვენება დამახინჯებული ფორმით ამბობს „გონზაგოს მკვლელობაში“ დედოფლის პერსონაჟის მიერ წარმოთქმულ სიტყვებს: “None wed the second but who killed the first” (შექსპირი 2003: 3.2.161) [„არავის შეურთავს მეორე, ვისაც არ მოუბლავს პირველი“]. ცხადია, ბლუმის წარმოსახვაში ქალბატონი დიგნამი, რომელიც თან სამგლოვიაროდ არის შემოსილი და თან იპრანჭება, გერტრუდს უკავშირდება, რომელსაც გარდაცვლილი ქმრის გლოვა ჯერ არ ჰქონდა დასრულებული, რომ მეორედ იქორწინა.

ბლუმის ჰალუცინაციურ ფანტაზიაში ამოტივტივებული შექსპირის სახე კიდევ ერთხელ გვახსენებს, რომ ბლუმი ჰამლეტის მამის აჩრდილის მოდერნისტული პაროდიაა. აჩრდილს საფლავში არ ასვენებს საკუთარი ცოლის დალატი და გამწარებული გაანდობს ჰამლეტს თავის გულისტკივილს. ბლუმი კი, უშუალოდ შექსპირის მოღანდების წინ, საკუთარ ცოლსა და მის საყვარელს შორის რეალურად შემდგარი სქესობრივი აქტის საკმაოდ ნატურალისტურ რეპრენსტრუქციას ახდენს თავის ცნობიერებაში, და შეძრწუნების ნაცვლად, ამ

¹ იხ. შექსპირი 2003: 3.2.1-12; 3.2.14-29; 3.2.31-36; შექსპირი 1987: 352. იხ. აგრეთვე ნიკო ყიასაშვილის კომენტარი (ჯოისი 2012: 850).

² იხ. ნიკო ყიასაშვილის კომენტარი (ჯოისი 2012: 850).

წარმოსახვისგან აღმრული ვჩებით ტკბება. ხოლო, შექსპირის მოჩვენების გამოცხადების მეშვეობით ბლუმსა და აჩრდილს შორის არსებული პარალელის შეხსენებით, ჯოისის პაროდია საოცრად გროტესკულ სახეს იძენს და ამხელს ბლუმის ანომალიურ ფსიქიკასა და სულიერ დეგრადაციას.

მე-15 ეპიზოდი ძირითადად ბლუმის ჰალუცინაციური თავგადასავლებისაგან შედგება, თუმცა ვერც სტივენი გადაურჩება ერთ ასეთ „თავგადასავალს“ ეპიზოდის ბოლოსკენ და გარკვეულ უსიამოვნებასაც გადაეყრება ამის გამო. კახკებთან ცეკვა-ტრიალით თავბრუდახვეულ და ამავე დროს მთვრალ სტივენს დედის ჩონჩხად ქცეული მოჩვენება მოელანდება, რომლის პირველი სიტყვებია: „I was once the beautiful May Goulding. I am dead“ (ჯოისი 2000: 681) [„ერთ დროს ლამაზი მე გულდინგი ვიდავი. ახლა მკვდარი ვარ“ (ჯოისი 2012: 521)]. ეს გვაგონებს გარდაცვლილ ოფელიაზე თქმულ მესაფლავის სიტყვებს, როდესაც ჰამლეტი დაინტერესდება, ვის უთხრის საფლავს: „One that was a woman sir, but rest her soul she's dead“ (შექსპირი 2003: 5.1.114) [„ერთი ვისმეხთვის, რომელიც, – დმერთმა ულხინოს იმის სულსა, – დედაკაცი იყო და ეხლა კი მძოვრია“ (შექსპირი 1987: 379)]. სტივენი ცდილობს მოჩვენებულ დედას გააგებინოს, რომ თავად არავითარი როლი არ ჰქონია მის სიკვდილში. დედის მოჩვენება კი მოუწოდებს მას ცოდვების მონანიებისაკენ; აფრთხილებს, რომ სხვაგვარად ჯოჯოხეთი მოელის, და ეგედრება დმერთს, რომ იხსნას თავისი შვილი დაღუპვისაგან. ეს შეგონება სტივენში აგრესიას იწვევს: ის ილანძღება, იმუქრება და ბოლოს საროსკიპოს ჭადსაც ლეწავს თავისი იფნის ხელჯოხით.

როგორც ჰამლეტს ეცხადება გარდაცვლილი მამის აჩრდილი (ჯერ გარეთ საგუშაგოზე, შემდეგ სასახლეში დედამისთან კამათის დროს), ისე სტივენს ეცხადება „კირკეს“ ეპიზოდში გარდაცვლილი დედის მოჩვენება. ჰამლეტის მამის აჩრდილი, როგორც ჰამლეტი აგხორც დედამისს ზნეობრივი შეგონებისას მიანიშნებს, ნაცრისფრად ელავს. სტივენის ჰალუცინაციაში დედამისის მოჩვენება, რომელიც აქეთ ცდილობს აგხორცობაში გამოჭერილი შვილი შეაგონოს, გახრწილი გვამია. ჰამლეტი და აჩრდილი თანამოაზრები არიან: მამა შვილს ანდობს თავისი სიკვდილის საიდუმლოს და მოუწოდებს შურისძიებისკენ. სტივენის დედის მოჩვენებას კი სწორედ ის ფაქტი არ აძლევს მოსვენებას, რომ საკუთარი შვილი მისი თანამოაზრე არ არის: როგორც ადრეც შევნიშნეთ, სტივენმა უარყო მომაკვდავი დედის მოწოდება, რომ დაეხოქა და ელოცა დედის სასიკვდილო სარეცლის წინ, და მისი სიკვდილის შემდეგ,

როგორც „კირკეს“ ეპიზოდიდანაც ჩანს, სტივენი აგრძელებს საროსკიპოებში სიარულსა და უღვთო ცხოვრებას. ჰამლეტს აჩრდილი ეცოდება მისი ბედის გამო, სტივენი კი, პირიქით, აქეთ ეცოდება დედის მოჩვენებას და უფალს სთხოვს საბოლოოდ არ დაღუპოს თავისი შვილი. ჰამლეტს ძალიან უჭირს შურისძიება, მაგრამ ბოლოში მაინც აღასრულებს აჩრდილის მოწოდებას და მოკლავს კლავდიუსს. სტივენს დანაშაულის განცდა აქვს დედის მოჩვენების წინაშე, თუმცა ბოლოს მაინც უკუაგდებს მის მოწოდებას, სიგიუჟ მოუვლის, დაამსხვრევს საროსკიპოს ჭადს და გარეთ გავარდება. ცხადია, აქ აშკარა პარალელიზმია „ულისესა“ და „ჰამლეტს“ შორის, მაგრამ მძაფრი კონტრასტული მიმართებით.

ადსანიშნავია, რომ ერთგვარი განსხვავება შეიმჩნევა ჰამლეტის მამის აჩრდილისა და მერი დედალოსის მოჩვენების წარმომავლობებს შორის. მერი დედალოსის მოჩვენება უფრო სტივენის ცნობიერების ნაყოფია ვიდრე ჰამლეტის მამის აჩრდილივით ობიექტურ რეალობაში მოვლენილი არსება. სტივენი დედის მოჩვენებისგან ახალს არაფერს გებულობს. მის ცნობიერებაში მხოლოდ წარსულის სურათები იღვიძებს ამ დროს. სწორედ წარსულში რომ უარყო დედის თხოვნა, იმიტომ ეცხადება ახლა მისი მოჩვენება და ადანაშაულებს ჩადენილი საქციელის გამო. სტივენის ცნობიერებაში დალექილი ფაქტების დოგიკური შედეგია ეს მოჩვენებაც. და არც ისაა შემთხვევითი, რომ საროსკიპოში ყოფნისას ელანდება დედამისი, რადგან სწორედ აქ ახორციელებს სტივენი გარყვნილების იმ აქტებს, რომლის გამოც დედა ამხელდა მას გარდაცვალებამდეც. ჰამლეტი კი მამის აჩრდილისაგან აბსოლუტურად ახალსა და კონკრეტულ ინფორმაციას გებულობს, კერძოდ იმას, რომ მისი მამა კი არ მომკვდარა, არამედ მოკლეს; იმას თუ ვინ არის ამის ჩამდენი, და როგორ და რა ვითარებაში ჩაიდინა ეს. აქედან გამომდინარე, გამორიცხულია ჰამლეტის ცნობიერების ნაყოფი ყოფილიყო ეს ყველაფერი, ვინაიდან მის მეხსიერებაში ეს ფაქტები ვერ იარსებებდა და შესაბამისად ვერც დაილექტოდა ცნობიერებაში, როგორც წარსულის ლანდები, რომლებიც კაცმა არ იცის რა დროს ამოტივტივდება.

„კირკეს“ ეპიზოდში დედაშვილური სიყვარულის დისპარმონიის ფონზე, მძაფრად იკვეთება მამაშვილური სიყვარულის ჰარმონიულობა. ამ ერთმოქმედებიანი პიესა-ეპიზოდის ბოლოში ბლუმი თითქმის გონდაკარგულ სტივენს მიეშველება. მიწაზე გაშხლართული და გალეშილი სტივენის შემყურეს,

თავისი 11 დღის ასაგში გარდაცვლილი ვაჟი, უდღეური რუდი მოელანდება 11 წლის ბიჭუნას სახით. დაახლოებით ამ ასაკის იქნებოდა ახლა რუდი, რომ ეცოცხლა, რაც კიდევ ერთხელ გვაგონებს, რომ შექსპირის ვაჟი ჰამნეტიც 11 წლის იყო, როცა გარდაიცვალა. რუდის მოჩვენებას ხელში წიგნი უჭირავს და კითხულობს, რაც გვახსენებს, რომ აჩრდილის როლის შემსრულებელი შექსპირის „შვილობილ“ ჰამლეტს ერთ-ერთ სცენაში, რუდივით, წიგნი უჭირავს და კითხულობს.¹ ცხადია, ბლუმის ცნობიერებაში სუსტი და უდღეურობით დაჩაგრული რუდის წარმოსახვა დაჩაგრული სტივენისადმი მამობრივი გრძნობის განცდამ გამოიწვია. ეს გასაკვირი არც არის, რადგან ბლუმი სწორედ სტივენში ემებს გარდაცვლილი ძის შემცვლელს. თუმცა რენდალ პოგორზელსკის (პოგორზელსკი 2016: 104) აზრით, მოცემულ მომენტში ბლუმის ჰალუცინაციურ წარმოსახვაში რუდის მოჩვენების გამოჩენა ეჭქვეშ აყენებს ბლუმსა და სტივენს შორის შესაძლებელ მამა-შვილურ დაახლოებას, რადგან ამით მინიშნებულია, რომ მაინც რუდია ბლუმის რეალური შვილი და არა სტივენი.

საერთოდ ისმის კითხვა: რატომ მიისწრაფვის მამობრივი გრძნობებით გამსჭვალული ბლუმი მაინცდამაინც სტივენ დედალოსისკენ და არა რომელიმე სხვა ახალგაზრდისკენ? ამაში ყველაზე დიდ როლს ალბათ სტივენში ბლუმის მიერ მოაზროვნე და ღრმადერუდირებული ადამიანის დანახვა ასრულებს. ბლუმი ის ტიპაჟია, რომელიც გონიერებასა და ერუდირებულობას განსაკუთრებულად აფასებს ადამიანში. მიუხედავად იმისა, რომ თვავად იგი ამ თვალსაზრისით არ გამოირჩევა, მას მუდამ სწრაფვა აქვს, რომ ასეთი იყოს. ბლუმის მიერ „სულიერ მემკვიდრედ“ სტივენის გამორჩევას სწორედ დასახელებული მიზეზი რომ „უდევს ძირითად საფუძვლად, მბოდავ სტივენზე ბლუმის რეპლიკაც მიანიშნებს: “Poetry. Well educated. Pity” (ჯოისი 2000: 702) [„ლექსები. დიდად განათლებული. აფსუს“ (ჯოისი 2012: 537)]. გარდა ამისა, ბლუმის სწრაფვას მაინცდამაინც სტივენისაგან ხელს უწყობს ის გარემოებაც, რომ იგი კარგად იცნობს სტივენის მამას და ხედავს, რომ საიმონ დედალოსი სათანადო ყურადღებას ვერ აქცევს თავის ვაჟს. ხოლო შექსპირულ-ჰამლეტური პარალელები კიდევ ერთხელ მიგვანიშნებს, რომ ბლუმისთვის სტივენ დედალოსია რუდის მონაცვლე, ისევე, როგორც შექსპირისთვის უფლისწული ჰამლეტია ჰამნეტის მონაცვლე. ეს აგრეთვე გვახსენებს სტივენის „შექსპირულ თეორიას“, რომლის თანახმადაც შექსპირი „მეფე ჰამლეტის აჩრდილია“, ჰამნეტი კი – „უფლისწული ჰამლეტი“.

¹ იხ. შექსპირი 1987: 341.

ამრიგად, რუდი ასოციაციურად გაიგივებულია ჰამნეტთან, ხოლო ბლუმი, შესაბამისად, შექსპირთან; სტივენი – უფლისწულ ჰამლეტთან, რომელთან მიმართებითაც ბლუმი უკვე აჩრდილს შეესაბამება. სტივენის „ჰამლეტობა“ არაერთხელ არის ხაზგასმული მის „ტელემაქიადაში“, ისევე, როგორც ბლუმის „აჩრდილობა“ – მის „ოდისეაში“. „კირკეს“ ეპიზოდის ბოლოს გამოვლენილი მამა-შვილურ მიმართებათა ასოციაციური გამა კი ასრულებს ბლუმის „ოდისეას“ და რომანის მეორე ნაწილს. ნიშანდობლივია, რომ „სტივენის“ „ტელემაქიადას“ ბოლოშიც, სხვა ასოციაციებთან ერთად, ჰამლეტური ასოციაციებიც ფიგურირებს, რითაც ხაზგასმულია, რომ სტივენი არა მხოლოდ „ტელემაქეა“, არამედ „უფლისწული ჰამლეტიც“. ბლუმის „ოდისეას“ დასასრულითაც ჯოისი ანალოგიურად მიგვანიშნებს, რომ ბლუმი არა მხოლოდ მოხეტიალე „ოდისევსია“, არამედ მოხეტიალე „აჩრდილიც“. ბლუმის „აჩრდილობას“ ხაზს უსვამს ისიც, რომ პიესის სახით დაწერილი „კირკეს“ ეპიზოდის მოქმედების დრო შეაღამეა, ანუ „ჰამლეტში“ აჩრდილის გამოცხადების დრო, და ასევე ეს არის რომანში ერთადერთი ეპიზოდი, სადაც ადგილი აქვს მოჩვენებების „გამოცხადებებს“.

2.6. „მამა-შვილი“ ჰამლეტი

„ულისეს“ მე-16 ეპიზოდში ბლუმსა და სტივენს შორის უკვე უშუალო ურთიერთობა შედგება. საკომუნიკაციო ველი ძირითადად ბლუმს უპყრია. სტივენი პასიურობს, რადგან გადაღლილი და გამოფიტულია. მისი ლაპარაკი ძირითადად მოკლე რეპლიკებით შემოიფარგლება. თუმცა, მთელს რომანში მაინც ეს არის პირველი შემთხვევა, როდესაც ბლუმი და სტივენი მართლაც ერთად არიან და სხვაც არავინ ახლავთ თან. მამობრივი მზრუნველობით ანთებული ბლუმი სტივენს მეტყველეთა უახლოეს თავშესაფარში მიიყვანს, რათა იქ ცოტა დაასვენოს და ყავითა და ფუნთუშით მოამაგროს.

ბლუმთან საუბარში სტივენი პირდაპირ ავლენს თავის გულცივ დამოკიდებულებას საკუთარ მამასთან. როდესაც ბლუმი ეკითხება, თუ სად ცხოვრობს საიმონ დედალოსი, სტივენის პასუხია: „I believe he is in Dublin somewhere“ (ჯოისი 2000: 713) [„გონი აქ ხადღაც დუბლინში უნდა იყოს“ (ჯოისი

2012: 545)]. ბლუმს, რა თქმა უნდა, არ მოსწონს სტივენის ამგვარი დისტანცირება მამისაგან.

ბლუმი რამდენადმე ფრთხილად ესაუბრება სტივენს, მაგრამ აშკარად დამრიგებლურად. ის უდავოდ ხედავს და აფასებს სტივენის ნიჭს, გონებასა და ურულიციას, მაგრამ, ამავე დროს, ხედავს მის ფანტაზიორობასა და არაპრაგმატულობას. სტივენის მსოფლმხედველობის იდეალისტური ტენდენციები აშკარა წინააღმდეგობაში მოდის ბლუმის მატერიალისტურ, ბუნებისმეტყველურ და პრაქტიცისტულ ხედვასთან. შეიძლება აქ ერთგვარი პარალელი გავავლოთ, ერთი მხრივ, სტივენისა და პამლეტის იდეალისტურ ხედვებსა და, მეორე მხრივ, ბლუმისა და აჩრდილის უფრო პრაგმატულ ხედვებს შორის. აჩრდილს ნაკლებად აინტერესებს პამლეტის ტრაგიკული რეფლექსია ამქვეყნიური ამაოებისა და საყოველთაო ბოროტების შესახებ, და უფლისტულს მოქმედებისკენ, შურისძიების ადსრულებისკენ მოუწოდებს. ბლუმიც სტივენს მუშაობისა და საკუთარი შესაძლებლობების რეალიზებისკენ მოუწოდებს. აჩრდილი რომ მოქმედების კაცი იყო, ამაზე სიცოცხლეში მისგან უფროსი ფორტინბრასის დამარცხება მიანიშნებს. ბლუმიც თითქოს მოქმედების კაცია, თუმცა ის, ამავე დროს, მეოცნებეც არის, და რეალურად, მისი მიღწევები აჩრდილის მიღწევების აჩრდილია მხოლოდ.

ბლუმისა და სტივენის საუბარში მკაფიოდ ვლინდება, რომ ბლუმს დმერთის არსებობის არ სწამს, მიუხედავად იმისა, რომ მონათლულია კათოლიკები. სტივენი კი ღმერთის არსებობისადმი გარკვეულ რწმენას ავლენს: “[T]hat [...] has been proved conclusively by several of the best known passages in Holy Writ, apart from circumstantial evidence” (ჯოისი 2000: 733) [„ეს უცილობლადაა დადასტურებული საღვთო წერილის რამდენიმე კარგად ცნობილ ტექსტში, გარე დამოწმებებზე რომ არაფერი ითქვას“ (ჯოისი 2012: 559)], – ამბობს ის. მაგრამ ჯოისი შენიშნავს: “On this knotty point, however, the views of the pair, poles are apart as they were, both in schooling and everything else, with the marked difference in their respective ages, clashed” (733) [„მოკამათები, სრულიად პოლარულად განსხვავებულები, როგორც განათლებულობის ისე უცელა სხვა თვალსაზრისით, თანაც ესოდენ განსხვავებული ასაკისა, ამ ჩახლართულ საკითხში ერთმანეთს შეეჯახება“ (559)]. როდესაც ბლუმი წმინდა წერილის სიტყვების მიმართ ურწმუნოებას გამოხატავს, ის „პამლეტსაც“ ახსენებს: “My belief is, to tell you the candid truth, that those bits were genuine forgeries all of them put in by monks most probably or it's the big

question of our national poet over again, who precisely wrote them, like *Hamlet* and Bacon, as you who know your Shakespeare infinitely better than I, of course I needn't tell you" (733)

[„გულწრფელად რომ გითხოვათ, კველა ეს ტქის ნამდვილ ნაყალბევად მიმაჩნია, კველაზე სავარაუდოა, რომ ბერების ჩამატებულია, ანდა თუნდაც ჩვენი დიდი ეროვნული პოეტის პრობლემისა არ იყოს, მაინც ვის დაწერა მაგალითად „პამლეტი“ და ბეიკონი, რაზეც, ჩემვან არ გეხწავლებათ, რადგან თქვენ თქვენს შექსპირს, რა თქმა უნდა, ჩემვე გაცილებით უკეთ იცნობთ“ (560)]. რწმენის საკითხში სტივენისა და ბლუმის დაპირისპირებაც ბუნებრივად შეესატყვისება მათ მსოფლმხედველობებს შორის არსებულ იდეალისტურ-მატერიალისტურ კონტრასტს.

ბოლოს ბლუმი თავის სახლში წაყვანას შესთავაზებს სტივენს და ფაქტიურად ყოველგვარი წინააღმდეგობის გარეშე სტივენი დათანხმდება მის შემოთავაზებას. ისინი ხელიხელგაყრილები მიდიან გზაზე და თან საუბრობენ. ბლუმს არ უნდა გაუშვას სტივენთან უფრო მეტი საუბრის შანსი. ამავე დროს, მას, ცხადია, მამობრივი მზრუნველობაც ამოძრავებს მისდამი.

„ულისეს“ მე-17 ეპიზოდი კატეხიზმოს ფორმით არის დაწერილი. ამ ეპიზოდის პირველი ნახევარი ბლუმისა და სტივენის სულიერი კავშირის ერთგვარი ანალიზია. წარმოჩენილია მათ შორის არსებული საერთო და განმასხვავებელი პიროვნული ნიშნები. ბლუმი დამის გათევას შესთავაზებს სტივენს საკუთარ სახლში, მაგრამ სტივენი თავაზიანად უარს ეტყვის. ბლუმი სტივენთან მომავალი ურთიერთობის შესაძლებლობებს ეძებს და წამოაყენებს იდეას, რომ თავისმა ცოლმა სიმღერაში ამეცადინოს სტივენი, ხოლო სტივენი მოლის იტალიურის შესწავლაში დაეხმაროს. ბლუმის ამ იდეაში, გარდა სტივენისკენ მამობრივი სწრაფვისა, ალექსანდერ უელში (უელში 2001: 167) საინტერესო ჰამლეტურ პარალელს ხედავს. მისი აზრით, როგორც აჩრდილი ცდილობდა ჰამლეტის დახმარებით ჩამოეშორებინა თავისი საქორწინო სარეცლისათვის უზურპატორი კლავდიუსი, ისევე სურს ბლუმსაც საკუთარი ცოლის უურადღება სტივენით დააკავოს და ამგვარად ჩამოაშოროს თავის საქორწინო სარეცელს უზურპატორი ბოილანი. თუმცა სტივენი ბლუმის ზემოხსენებული იდეისადმი დიდ ენთუზიაზმს არ ავლენს და ბლუმიც გრძნობს, რომ ამ იდეას განხორციელება ნაკლებად უწერია. აქედან გამომდინარე, შეიძლება ითქვას, რომ ბლუმისა და სტივენის „ერთსულოვნება“ მამა-შვილი ჰამლეტის ერთსულოვნების პაროდიას წარმოადგენს მხოლოდ.

გარდა უელშის მიერ მინიშნებული პამლეტური პარალელისა, მე-17 ეპიზოდში, თუ არ ჩავთვლით რამდენიმე უმნიშვნელო ალუზიას, თითქოს არ იკვეთება კიდევ რაიმე მკაფიო და საგულისხმო პამლეტური პარალელიზმი. შეგვიძლია ჩავთვალოთ, რომ ბლუმსა და სტივენს შორის საბოლოოდ მაინც ვერ შედგა მამა-შვილური ერთსულოვნება. თუმცა, როგორც ზაკ ბოუენი (ბოუენი 1975: 58) შენიშნავს, ერთგვარი ერთობა მაინც შედგა მათ შორის თუნდაც იმით, რომ ისინი გარკვეულწილად შეეხები ერთმანეთის შინაგან სამყაროს. აშკარაა ისიც, რომ მხოლოდ ბლუმი ელტგოდა ამ ერთსულოვნების მიღწევას, სტივენი კი ნამდვილად არ ჰგავდა მამის მაძიებელ ტელემაქეს. მიუხედავად ყველაფრისა, ბლუმი მაინც კმაყოფილია ამ შედეგით. საბოლოო ჯამში, იგი ეგუება და ემორჩილება თავის ჩვეულ ყოფას, რომელიც მისი ოცნებებისა და განუხორციელებელი მიზნების პაროდიადაც კი ვერ გამოდგება ალბათ.

2.7. პაროდიული გერტრუდი და „ულისეს“ დასასრული

„ულისეს“ დამასრულებელი, მე-18 ეპიზოდი მთლიანად მოლი ბლუმის შინაგან მონოლოგს წარმოადგენს, რომელიც ცნობიერების ნაკადის ტექნიკით არის გადმოცემული. ეს მონოლოგი დაყოფილია რვა უზარმაზარ, რამდენიმე გვერდიან „წინადადებად“, ოდონდ აბზაცების მეშვეობით და არა წერტილების საფუძველზე, რადგან ამ ეპიზოდში არავითარი სასვენი ნიშანი არ არის, ალბათ ისევ და ისევ ცნობიერების დინების უფრო დამაჯერებელი სიმულაციისათვის. თვითონ ეს დაყოფაც თითქოს რამდენადმე ხელოვნურია, რადგან ყოველთვის არ აღნიშნავს მოლის ცნობიერების მიმართულების საგულისხმო შეცვლას, მაშინ როცა თვით ამ „წინადადებების“ შიგნით ზოგჯერ ადგილი აქვს ერთობ მკვეთრ ცვლილებასაც.

მოლის ცნობიერებაში პამლეტურ ალუზიებს ნამდვილად ვერ ვიპოვით, მაგრამ მისი ცნობიერების შინაარსიდან გამომდინარე, შეგვიძლია გარკვეული დასკვნები გამოვიტანოთ მის პიროვნებაზე და გავავლოთ პარალელი მასსა და დედოფალ გერტრუდს შორის. მართლაც საინტერესოა მოლი ბლუმის შედარება-შეპირისპირება გერტრუდთან და მათ შორის მსგავსება-განსხვავების გამოვლენა. მოლიცა და გერტრუდიც, ორივენი დალატობენ საკუთარ ქმრებს. თუმცა, პამლეტი მოლის შვილი რომ ყოფილიყო, მნელი საფიქრებელია მის ზნეობრივ

შეგონებას სინდისის ქენჯნა აღემრა მოლიში, რაც მან გარკვეულწილად გამოიწვია გერტრუდში. მოლისათვის შვილის ასეთი ბრალდება ალბათ უფრო სასაცილო იქნებოდა ვიდრე შემაძრწუნებელი, მაშინ როცა გერტრუდმა ჰამლეტის მამხილებელი სიტყვების შემდეგ თითქოს რამდენადმე შეიგრძნო თავისი ცოდვის სიმძიმე. იგი, მოლისაგან განსხვავებით, ტრაგიკული პიროვნებაა. მისი სუსტი ბუნება ვერ ეწინააღმდეგება ირგვლივ გამეფებულ ბოროტებას, რომელზეც ჰამლეტი მიუთითებს. რაც შეეხება მოლის, მისთვის ბლუმი, ბოილანი და სხვა მრავალი, რომელთა სახელები თვითონაც არ ახსოვს, პირველ რიგში, მისი რომანტიკულ-სექსუალური თავგადასავლების პერსონაჟებია. ქმარს რომ დალატობს, მოლისთვის არაფერს ნიშნავს. იგი ცუდს ვერაფერს ხედავს იმაში, რომ ახალ-ახალი სექსუალური თავგადასავლები და ფანტაზიები ეძიოს სხვადასხვა მამაკაცებთან. ეს მისი არჩევანია. მისი ცნობიერების ნაკადიდან ჩვენ ვგებულობთ, რომ მოლისთვის მისი ცხოვრების ყველაზე საინტერესო და სასიამოვნო მომენტები სწორედ ასეთ თავგადასავლებს უკავშირდება, რომელთა მოგონება ასე ხშირად აძახებინებს „ჰოს“. თუ ბლუმი დეგრადირებული აჩრდილია, ხოლო სტივენი – დეგრადირებული ჰავთვალოთ. რა თქმა უნდა, გერტრუდს, თავის მხრივ, არ აკლია დეგრადაციის გარკვეული ხარისხი, მაგრამ მოდერნისტული დაცემა რენესანსულზე ბევრად უფრო დრმა და სრულია.

შექსპირის ჰამლეტის ტრაგიკული სახე თავისებურ ტრანსფორმაციას განიცდის ჯოისთან და აშკარად ტრაგიკომიკურ ელფერს იქნება. ჰამლეტის მაღალბუნებოვნება მწვავედ აღიქვამს შექსპირთან მოცემულ სინამდვილეს და სწორედ მისი ასეთი ბუნება ვერ გულს კომპრომისული გზის ძიებას, სტივენისეული ოქროს შუალედის მოძებნას – გავლას „სკილასა“ და „ქარიბდას“ შორის და ამით ერთგვარად დილემის ნეიტრალიზაციას. გმირი ჰამლეტის ჭიდილი სამყაროსთან ამაოა, რადგან სამყარო ტიტანურია თავისი ძალით. ამ ამაოების გაცნობიერება ტრაგიკულ შეგრძნებას ბადებს. მაგრამ სტივენ დედალოსის ან ბლუმისთანა არაჰეროიკული, უბრალო მოკვდავების „შერკინება“ ტიტანურ სამყაროსთან არ შეიძლება მხოლოდ ტრაგიკულ გრძნობებს აღმრავდეს. მასში კომიკურიც ბევრი იქნება; მით უფრო, როდესაც ერთმანეთს შევადარებთ, ერთი მხრივ, იმ არაორდინალურად მძიმე სიტუაციას, რომელშიც ჰამლეტია ჩავარდნილი და, მეორე მხრივ, იმ მდგომარეობას, რომელშიც სტივენი და ბლუმი იმყოფებიან თავიანთი ცხოვრების ერთ ბანალურ დღეს. ჰამლეტს

„ნაღრძობი“ დროების გასწორება დაევალა განგებისაგან; თითქოს მასზე მთელი კაცობრიობის ბედია დამოკიდებული. ამ მძიმე ტვირთის ფონზე კი, სტივენისა და ბლუმის პრობლემები ძალიან პატარა ჩანს, პრობლემები, რომელიც არ სცილდება საკუთრივ სტივენ დედალოსისა და ლეოპოლდ ბლუმის ფარგლებს, მათი გადარჩენა-არგადარჩენის საკითხს. თუმცა, ვინ იცის, ამ ტრაგიკომიკური პაროდიის უკან იქნებ უფრო დიდი ტრაგედიაც იმალება, რაკი ის გამოხატავს ადამიანის სულიერ დაცლილობასა და დეპადანსს, მის დაჭეროიზაციასა და დეტიტანიზაციას.

საინტერესო მიმართებაა ამ თვალსაზრისით „პამლეტისა“ და „ულისეს“ დასასრულთა შორის, რითაც აშკარად ვლინდება, შექსპირის ტრაგიზმს ჯოისთან ტრაგიკომიკურობა რომ ენაცვლება. ჯოისი დებულობს იმ ცხოვრებისეულ მოცემულობას, რაც ასე არ უნდა მიიღოს შექსპირს. სწორედ ამიტომ, „ულისეში“ კრიზისი კომპრომისულად არის დაძლეული, თითქოს მისი არსებობა ერთგვარად იგნორირებულიცაა; „პამლეტში“ კი კრიზისი ბოლომდე დაუძლეველი რჩება.

პამლეტის უკანასკნელი სიტყვები – “...the rest is silence” (შექსპირი 2003: 5.2.337) [„სხვა რაღა დარჩა? საუკუნო ხიჩუმე მხოლოდ“ (შექსპირი 1987: 389)] – სიცარიელისა და დიდი სულიერი დაქანცულობის შეგრძნებას გამოხატავს. მართალია, პიესაში დახატულ სამყაროში კვანძის გახსნა თითქოს ხდება, მაგრამ პამლეტის შინაგან სამყაროში კვანძი მაინც გაუხსნელი რჩება: პამლეტური პრობლემა გადაუწყვეტელია; მას ეს პრობლემა საფლავში ჩააქვს, ხოლო ჩვენ მარადიულ საფიქრალს გვიტოვებს.

მოლი ბლუმის ცნობიერებაში ასახული, „ულისეს“ დამაბოლოებელი სიტყვები – “....yes I will Yes” (ჯოისი 2000: 933) [„....ჰო მე თანახმა ჰო“ (ჯოისი 2012: 707)], – თითქოს ხაზს უსგამს ადამიანის თავისუფალი ნებისა და არჩევნის არსებობას, მაგრამ იმავდროულად ერთგვარ დათმობას გამოხატავს იმ დაცემულობის მიმართ, რასაც პამლეტი აუმხედრდა ადამიანში. ცხადია, მოლი აქ იგონებს, თუ როგორ დათანხმდა ბლუმს ცოლობაზე, მაგრამ ამ ვნებიანი თანხმობის უკან უფრო მეტი იმალება, ვიდრე რეალურად ჩანს. როგორც მოლი იხსენებს, ამ თანხმობის განცხადებამდე მას ბლუმზე გაუფიქრებია: “....well as well him as another....” (933) [„....გინდ ეს ყოფილა და გინდ სხვა....“ (707)]. ფაქტიურად, ამით ყველაფერი ნათქვამია. აქ ჭეშმარიტ სიყვარულსა თუ სხვა ამაღლებულ გრძნობებზე საუბარი ზედმეტია.

ამრიგად, ის, რაც პუმანისტური სულისკვეთებით გამსჭვალულ „პამლეტში“ ტრაგიკული განცდის მიზეზია, „ულისეს“ მოდერნისტულ სამყაროში მხოლოდ ტრაგიკომიკური პაროდიის საფუძველია. ადამიანის დაცემული ბუნების წინააღმდეგ მიმართულ პამლეტურ ამბოს, ჯოისთან ამ სინამდვილისადმი სტივენ დედალოსისეული ირონიული დამოკიდებულება ენაცვლება. ცოლის დალატის გამო აჩრდილის მძიმე დარდს კი ბლუმის ნელთბილი წუხილი ანაცვლებს ამავე მოვლენაზე. უფრო მეტიც, შეიძლება ითქვას, ბლუმი ამ პრობლემის არა მხოლოდ გაუბრალოებას ახდენს, არამედ თითქოს მისი სრული იგნორირებისაკენ მიისწრაფვის, რითაც უთუოდ პოსტმოდერნული ეპოქის უსახური კაცუნას წინამორბედად წარმოგვიდგება.

ყოველივე ზემოთქმულიდან გამომდინარე, შეიძლება ითქვას, რომ „ულისეს“ მოდერნისტულ სამყაროში პამლეტის რენესანსულ-პუმანისტური სულისკვეთების მხოლოდ ნაკვალევიდა არის შემორჩენილი და ხშირად ისიც დამახინჯებული ფორმით. პამლეტური ასოციაციები უმაღლ ამ სულისკვეთებისაგან გამიჯვნას ემსახურება რომანში, ვიდრე მასთან დაახლოებას. ამ ასოციაციების ანალიზი კი ცხადყოფს, რომ მოდერნიზმი სწორედ იმ დიდ გაუგებრობასა და ქაოსს ამზადებს, რაც პოსტმოდერნისტული ეპოქის სახით იწვნია კაცობრიობამ.

3. „ჰამლეტის“ პოსტმოდერნისტული ინტერპრეტაცია: სტოპარდის „როზენკრანცი და გილდენსტერნი მკვდრები არიან“

3.1. ორი ტექსტი სტოპარდის პიესაში

ტომ სტოპარდის „როზენკრანცი და გილდენსტერნი მკვდრები არიან“ არის პიესა, რომელიც წარმოგვიდგენს როზენკრანცისა და გილდენსტერნის თვალით დანახულ შექსპირის „ჰამლეტის“ ამბავს და ამავე დროს, გვიხატავს შექსპირის ამ მეორეხარისხოვანი პერსონაჟების ცხოვრებისა და ხასიათების ახალ დეტალებს. აქედან გამომდინარე, სტოპარდის პიესისთვის უკვე ესენი არიან მთავარი გმირები, ხოლო ჰამლეტი და ყველა დანარჩენი მხოლოდ მეორადი პერსონაჟების ფუნქციას ითავსებენ. ეს გარემოება, როგორც ნიკო ყიასაშვილი შენიშნავს, „მიუთითებს ავტორის განზრახვაზე – შექსპირის ტრაგედიის დეპეროზაცია მოახდინოს“ (ყიასაშვილი 1972: 43). „როზენკრანცი და გილდენსტერნი მკვდრები არიან“, უილიამ დიმასტესის თქმით, „სარგებლობს შემთხვევით და სვამს კითხვას, თუ რაზე შეიძლება ფიქრობდეს ორი მეორეხარისხოვანი პერსონაჟი დიდი შინაარსის მატარებელ პიესაში, როდესაც მოვლენათა ნიაღვარი წალეპვას უქადის მათ არსებობას და მიაქანებს მათ სასიკვდილო ბედისწერისკენ“ (დიმასტესი 2012: 48-49).

განხილული პიესა, ფაქტობრივად, ორი ტექსტისგან შედგება. პირველი და უმეტესი ნაწილი საკუთრივ სტოპარდისეულია და ძირითადად წარმოადგენს თანამედროვე ინგლისურ ენაზე როზენკრანცსა და გილდენსტერნს შორის გამართულ დიალოგებს, და აგრეთვე მათ საუბარს მოხეტიალე მსახიობთა დასის ხელმძღვანელ მსახიობთან; ხოლო მეორე ტექსტი, „ჰამლეტიდან“ უცვლელად ნასესხები ფრაგმენტებია, შექსპირის ენის სრული შენარჩუნებით, თუმცა სტოპარდი თავისი ინტერპრეტაციით შიგადაშიგ მაინც ავსებს ამ ტექსტს ახალი რემარკებით. „ჰამლეტის“ ტექსტის უმეტესი ნაწილი სტოპარდის პიესის მიღმა რჩება, მაგრამ პიესაში მოხვედრილ ნაწილთან მისი ფარული და განუყოფელი თანაარსებობა ყველა შემთხვევაში იგულისხმება. ის, რაც შექსპირთან სცენისეულია, სტოპარდთან ძირითადად სცენისმიღმურია.

ნიშანდობლივია, რომ თავისი პიესის მეორე მოქმედების პირველი რემარკის ბოლოში სტოპარდი შექსპირის პიესის კონკრეტულ მოქმედებასა და კონკრეტულ სურათზე მიგვითითებს: *“The first intelligible line is HAMLET’s, coming at the end of a*

short speech—See Shakespeare Act II, scene ii”¹ (სტოპარდი 1967: 39) [„პირველი ტაქტი, რომელიც გახაგებად მოისმება, ჰამლეტის მოკლე რეპლიკის ბოლოშია — იხ. შექსპირი, მოქმედება II, ხურათი ii”²]. ამით სტოპარდი ხაზს უსვამს, რომ ის არ ცვლის შექსპირის ტექსტს. ის მხოლოდ ცალკეული ფრაგმენტების ჩამონტაჟებას ახდენს ამ ტექსტიდან თავისი პიესის ორიგინალური ტექსტის სხვადასხვა ადგილას. ფრაგმენტების არჩევანი კი მათში როზენკრანცისა და გილდენსტერნის აუცილებელ მონაწილეობას ეფუძნება, ვინაიდან სტოპარდი პიესის ბოლომდე არ ტოვებს თავის პროტაგონისტებს სცენის მიღმა; ხოლო „პამლეტის“ ტექსტის დარჩენილი, უდიდესი ნაწილის არსებობა, როგორც უკვე შევნიშნეთ, უცილობლად იგულისხმება სტოპარდის ტექსტის მიღმა და მისი პიესისთვის სცენისმიღმურ სინამდვილეს წარმოადგენს. მიუხედავად ამისა, ზოგჯერ ეს პრინციპი რამდენადმე ირღვევა და თითქოს მაინც აქვს ადგილი სტოპარდისგან გარკვეულ ჩარევას შექსპირის ტექსტში. მაგალითად, როდესაც სტოპარდის პიესაში პოლონიუსი შემოდის სცენაზე, რათა პამლეტს აცნობოს მსახიობების მოსვლა, ჰამლეტი გასასვლელისკენ გაემართება და ის და პოლონიუსი ლაპარაკ-ლაპარაკით გადიან სცენიდან, ხოლო როზენკრანცი და გილდენსტერნი სცენაზე რჩებიან და ჰამლეტთან საუბრის შედეგებს განიხილავენ, ვიდრე ჰამლეტი და პოლონიუსი კვლავ არ შემოვლენ სცენაზე, უკვე მსახიობების თანხლებით (იხ. სტოპარდი 1967: 39-44). შექსპირულ ორიგინალში კი ასე არ ხდება: ჰამლეტი და პოლონიუსი ბოლომდე როზენკრანცისა და გილდენსტერნის თანდასწრებით საუბრობენ ამ ეპიზოდში; მათივე თანდასწრებით შედგება ჰამლეტისა და მთავარი მსახიობის (პირველი აქტორის) პირველი საუბარი, და როცა პოლონიუსი და მსახიობები დატოვებენ სცენას, მხოლოდ ამის შემდეგ დაითხოვს ჰამლეტი როზენკრანცსა და გილდენსტერნს (იხ. შექსპირი 2003: 146-152; შექსპირი 1987: 345-348). ერთადერთი, რაც თითქოს ხელს აძლევს ამ შემთხვევაში სტოპარდს არის ის, რომ ჰამლეტის, პოლონიუსისა და მსახიობის ამ საუბარში როზენკრანცი და გილდენსტერნი საერთოდ არ ერევიან, თუმცა ეს არგუმენტი ვერ უარყოფს სტოპარდის მიერ „პამლეტის“ ტექსტში ცვლილების შეტანის ფაქტს, რადგან იქ როზენკრანცი და გილდენსტერნი, მართალია, უსიტყვოდ და პასიურად, მაგრამ მაინც რეალურად

¹ ეს არ არის სტოპარდის მიერ შექსპირის ტექსტზე მსგავსი მითითების ერთადერთი შემთხვევა პიესაში. იხ., მაგ., სტოპარდი 1967: 52.

² აქ და შემდგომ პიესიდან „როზენკრანცი და გილდენსტერნი მკვდრები არიან“ მოყვანილი ქართული ტექსტის ინგლისურიდან თარგმანი ეპუთვნის დისერტაციის ავტორს.

ესწრებიან ნახსენებ საუბარს და სულაც არ ლაპარაკობენ ერთმანეთში ამ დროს, როგორც ეს სტოპარდის ტექსტში ხდება.

როგორც ზემოთაც აღვნიშნეთ, სტოპარდი მუდმივად ავსებს თავისი პიესისთვის გამოყენებულ „ჰამლეტის“ ტექსტს ახალი რემარკებით და შესაბამისად, პერსონაჟთა მოქმედებაში მეტი შინაარსი და კონკრეტიკა შეაქვს. ეს დონისძიება ისევ და ისევ მისი პროტაგონისტების ხასიათის გახსნასა და მათი სიტუაციის უფრო ზუსტ ჩვენებასა და ახლებურ გააზრებას ემსახურება. რომ არა ამგვარი ავტორისეული ჩანართები, სტოპარდი ვერ შემოიტანდა თავის პიესაში ისეთ ახალ მნიშვნელოვან გარემოებას, როგორიცაა, თუნდაც, ჰამლეტისა და მეფე-დედოფლის მიერ როზენკრანცისა და გილდენსტერნის ერთმანეთში აღრევა.

საგულისხმოა, რომ სტოპარდის მიერ „ჰამლეტის“ ახლებური ინტერპრეტაცია მაინც მოითხოვს გარკვეულ ძალადობას შექსპირის ტექსტზე, თუმცა აქვე ისიც უნდა აღინიშნოს, რომ სტოპარდი საკუთრივ პერსონაჟთა იმ რეპლიკებში, რომლებსაც ისინი „ჰამლეტში“ გამოთქვამენ არაფერს ცვლის და ფაქტიურად სრულად იცავს შექსპირის ტექსტთან ავთენტურობას ამ თვალსაზრისით: ეს პერსონაჟები ახალს ან განხხვავებულს არაფერს ამბობენ სტოპარდის „შექსპირულ ტექსტში“, რაც არ უთქვამთ საკუთრივ „ჰამლეტში“. ენაც კი, როგორც ადრეც შევნიშნეთ, შექსპირისდროინდელია შენარჩუნებული, მიუხედავად იმისა, რომ პიესის სტოპარდისეულ ტექსტში ის თანამედროვეა. ასეთი ლინგვისტური დიფერენციაციით სტოპარდი ერთმანეთისაგან მიჯნავს ელიზაბეტისდროინდელ რენესანსულ სამყაროს და მეოცე საუკუნის პოსტმოდერნულ ეპოქას.

ჯონ ფლემინგი (ფლემინგი 2001: 48) მართებულად შენიშნავს, რომ სტოპარდის განხილული პიესა მის შემოქმედებაში გამოირჩევა თავისი წარმოშობითა და მხატვრული მეთოდით. ფლემინგი ყურადღებას ამახვილებს იმ ფაქტზე, რომ სტოპარდი შექსპირის მიერ უკვე დიდი ხნის წინ შექმნილი პერსონაჟებისა და „ჰამლეტში“ წარმოდგენილი სიტუაციის საფუძველზე ქმნის თავისი პიესისთვის თემებს, მაშინ როცა მის სხვა ცნობილ პიესებში, პირიქით, უკვე მოაზრებული თემატური იდეის საფუძველზე ქმნის ამ პიესების პერსონაჟებსა და სიტუაციებს.

ქეთლინ მაკლასკისა და მაიკლ ბრისტოლის აზრით, „როზენკრანცი და გილდენსტერნი მკვდრები არიან“ შეგვიძლია უფრო ადგევატურად

განვსაზღვროთ, როგორც „თეატრალური კომენტარი „ჰამლეტზე“, რომელიც უხმობს ხალხს, რომელთაც სინამდვილეში არ წაუკითხავთ ეს პიესა“ (ბრისტოლი ... 2001: 11).

ქანრობრივად, „როზენკრანცი და გილდენსტერნი მკვდრები არიან“ ტრაგიკომედიად შეიძლება ჩაითვალოს. ზოგჯერ მას შავ კომედიადაც განიხილავენ, რომლის გარკვეულ ნიშან-თვისებებს უდავოდ ატარებს. როგორც პოლ კანტორი (კანტორი 2004: 88) აღნიშნავს, სტოპარდის მიერ როზენკრანცისა და გილდენსტერნისთვის შექმნილი დიალოგის გვერდით „ჰამლეტის“ ტექსტის გამოყენება, შექსპირის სერიოზულ სტრიქონებს სასაცილო ელფერს აძლევს. შედეგად, სტოპარდის პროტაგონისტები ჰამლეტივით ტრაგიკულ პერსონაჟებს აღარ წარმოადგენენ, მიუხედავად იმისა, რომ მათი ბოლოც ცუდია. თუმცა კლიფორდ ლიჩის აზრით, „მათი ბედიც ტრაგიკულია, რადგან ისინი საბოლოოდ მიხვდნენ, რა ხდებოდა მათ თავს“ (ლიჩი 2002: 77).

3.2. ფაბულის ხარვეზით განსაზღვრული სიკვდილი

უნდა აღინიშნოს, რომ სტოპარდის პიესის სათაური მომდინარეობს „ჰამლეტის“ უკანასკნელი სცენიდან, რომელშიც ელსინორის კარზე ახლადმოსული ინგლისის ელჩი მადლობის მიღებას ეძიებს დანიის მეფისგან იმისათვის, რომ „როზენკრანცი და გილდენსტერნ მკვდარნი არიან“ (შექსპირი 1987: 389). ასეთი სათაური არ გულისხმობს, რომ როზენკრანცი და გილდენსტერნი სტოპარდის პიესის დასაწყისშივე მკვდრები არიან, მაგრამ ამით წინდაწინვე განსაზღვრულია მათი გარდაუვალი სიკვდილი პიესის დასრულებამდე, როგორც ამას შექსპირის „ჰამლეტის“ სიუჟეტი ადგენს და სტოპარდის გადაწყვეტილება, არ გადაუხვიოს მას.

„ჰამლეტში“ როზენკრანცისა და გილდენსტერნის საბოლოო მისიას უფლისწულის ინგლისში გაცილება წარმოადგენს. მათ ასევე კლავდიუსის წერილის გადაცემა მართებთ ინგლისის მეფისადმი. კარისკაცებმა შესაძლოა არ იციან, რომ წერილში ჰამლეტის მოკვლაა დაკვეთილი, მაგრამ მათ უდავოდ იციან, რომ წერილის მთავარი თემა სწორედ უფლისწულის ბედის გადაწყვეტას უკავშირდება და ამდენად, ჰამლეტის გარეშე ის უფუნქციოა. მიუხედავად ამისა, როზენკრანცი და გილდენსტერნი მაინც აგრძელებენ უაზროდ ქცეულ

მოგზაურობას ინგლისისაკენ, იმის ნაცვლად, რომ დაბრუნდნენ დანიაში. პიესის ფაბულაში ამგვარი ხარვეზის ძირეული მიზეზი, როგორც ზემოთ დავასკვენით, არის შექსპირის გადაწყვეტილება, მოიცილოს როზენკრანცი და გილდენსტერნი, რომელთაც უკვე შეასრულეს ის როლი, რაც მათ ავტორმა დააკისრა, როგორც „პამლეტის“ მეორად პერსონაჟებს. პოეტური სამართლიანობისა და ერთგვარი დრამატული ირონიის წარმოსაჩენად, შექსპირს ასევე სურს თავისი პიესის ბოლოში გვამცნოს, რომ „როზენკრანცი და გილდენსტერნი მკვდრები არიან“.

შექსპირის „პამლეტის“ ფაბულაში არსებული ხარვეზი უშუალო მიზეზი ხდება იმისა, რომ სტოპარდმა შექმნა თავისი „როზენკრანცი და გილდენსტერნი მკვდრები არიან“. ცხადია, თუ როზენკრანცი და გილდენსტერნი, მეკობრეების მიერ პამლეტის გატაცების შემდეგ, ელსინორში დაბრუნდებოდნენ, სტოპარდს არ ექნებოდა შესაფერისი სათაური და ფაბულა თავისი პიესისათვის. ამგვარ ფაბულას შესაძლოა ვერასდროს დაეინტერესებინა იგი და ამდენად, არასდროს დაწერილიყო „როზენკრანცი და გილდენსტერნი მკვდრები არიან“. ფაბულის ნახსენები ხარვეზი, ასევე მიანიშნებს სტოპარდის როზენკრანცისა და გილდენსტერნის ხასიათის გარკვეულ შტრიხზე. მათი გადაწყვეტილება, რომ პამლეტის დაკარგვის მიუხედავად, გააგრძელონ ინგლისისაკენ სვლა, ცოტა არ იყოს, სულელებად წარმოაჩენს მათ. შეიძლება ითქვას, რომ პამლეტსა და პორაციოს სჯერათ მათი სულელობის, რადგან ისინი სულაც არ მოელიან მათ დაბრუნებას, არამედ მხოლოდ ცნობას მათი სიკვდილის შესახებ (იხ. შექსპირი 2003: 5.2.71-3; შექსპირი 1987: 383). ამის შედეგად, სტოპარდის პიესაში როზენკრანცი და გილდენსტერნი ზოგჯერ სულელებად ჩანან, თუმცა კი „პამლეტში“ როზენკრანცი და გილდენსტერნი ნამდვილად არ გვანან გონიერად ამორჩენილებს.

„პამლეტის“ ფაბულის ხარვეზი განსაზღვრავს სტოპარდის პიესის დეტერმინისტულ ბუნებას. დეტერმინიზმი ამ პიესის თემატური გულია. სტოპარდი ისე შორს მიდის, რომ შანსს აძლევს როზენკრანცსა და გილდენსტერნს, გაექცენ სიკვდილს: ისინი ხსნიან და კითხულობენ პამლეტის მიერ ჩანაცვლებულ წერილს, სადაც მათი სიკვდილია ნაბრძანები. ამ წერილის მიხედვით, ელსინორისკენ გამობრუნებაც საშიში ხდება მათთვის. თუმცა, ვინაიდან წერილი ჯერ კიდევ მათ ხელშია, შეუძლიათ გაანადგურონ და თავს უშველონ. მაგრამ სტოპარდს სურს გვიჩვენოს რაოდენ მყარად უსაზღვრავს მათ ბედს „პამლეტის“ ფაბულის ხარვეზი: მათ არ შეუძლიათ არ აირჩიონ

სიკვდილთან შეხვედრა ინგლისში, რაღაც, როგორც პერსონაჟებს, შანსი არა აქვთ გადალახონ თავიანთი ავტორის გადაწყვეტილება. როგორც უაგდი ზეიდი ამბობს, „მათი ბედისწერა შექსპირის სცენარია, რომელსაც სიკვდილამდე მიჰყავს ისინი“ (ზეიდი 2012: 45).

დიმასტესის (დიმასტესი 2012: 52) დაკვირვებით, სტოპარდის განხილული პიესის მიხედვით, არსებობს ბედისწერა, არაპროგნოზირებადი დეტერმინიზმი, რომლის ფარგლებშიც ადამიანს მაინც რჩება უამრავი სახის თავისუფალი მოქმედების განხორციელების საშუალება. სხვა სიტყვებით, ადამიანის ცხოვრება წარმოადგენს არასრული დეტერმინირებულობისა და არასრული თავისუფლების ერთობლიობას, გამოიყოფა რა მასში გარდაუგალი და გადაწყვეტადი, აუცილებლობად განსაზღვრული და შესაძლებლობად დაშვებული. შექსპირული ამბავი როზენკრანცისა და გილდენსტერნის შესახებ გვევლინება, როგორც დეტერმინისტული ძალა სტოპარდის პროტაგონისტებისათვის, ხოლო სტოპარდის მიერ მათთვის გამოგონილი ამბავი, ძირითადად, იმ შეზღუდულ თავისუფლებას წარმოგვიდგენს, რომელიც თითქოსდა გააჩნიათ მათ მის პიესაში. თუმცა, თვით ამ შეზღუდული თავისუფლების არსებობაც შეგვიძლია ეჭვეჭვეშ დავაყენოთ პიესაში, ვინაიდან ამ „თავისუფლებას“ არა აქვს არავითარი გავლენა როზენკრანცისა და გილდენსტერნის საბოლოო ბედზე. ყველაზე მნიშვნელოვანი მაინც შეუცვლელი რჩება. მათი სიკვდილი განსაზღვრულია შექსპირის სურვილით, რომელიც უგულებელყოფს ფაბულის განვითარების იმ ხარვეზს, რაც აიძულებს როზენკრანცისა და გილდენსტერნს გააგრძელონ ინგლისისკენ მოგზაურობა ჰამლეტის დაკარგვის შემდგომ.

3.3. მონეტების სიმბოლიკა

პიესის დასაწყისში როზენკრანცი და გილდენსტერნი მონეტების აგდების თამაშით არიან გართულნი.¹ „თავის“ მხარის უსაშველო მოსვლა უდავოდ

¹ მონეტის მხარეებს ინგლისურში heads და tails უწოდებენ. მონეტის heads მხარეზე, ჩვეულებრივ, მონარქის თავია გამოსახული და ამ მხარის სახელწოდებაც სწორედ აქვდან მომდინარეობს. ქართველები მონეტების აგდებისას ხშირად რუსულიდან ნასესხებ სიტყვებს – օრელ და რეშკა – ვიყენებთ. საკუთრივ ქართული ვარიანტია ალჩუ და თოხანი. ჩვენ კი ვარჩევთ ინგლისური სიტყვების ძირეული მნიშვნელობების გადათარგმნილ ვარიანტს – „თავი“ და „პუდი“, – რაღაც ეს მნიშვნელობები პიესის გარკვეული საკითხების ანალიზისათვის არსებითი და ნიშანდობლივია.

როზენკრანცისა და გილდენსტერნის გარდაუგალ სიკვდილს უნდა მოასწავებდეს: პიესის დასრულებამდე მათ ან თავების მოკვეთა ან მათი ულფში გაყოფინება და ჩამოხრჩობა ელოდებათ. თუმცა, პირველი მოქმედების სადღაც შუაში მონეტა ბოლოს და ბოლოს „პუდის“ მხარეზე ჯდება. როდესაც როზენკრანცი აღმოაჩენს ამას და გადაუგდებს მონეტას გილდენსტერნს, განათება ერთბაშად იცვლება და ქმნის განსხვავებულ გარემოს, რითაც პიესის პროტაგონისტები ახალ განზომილებაში გადადიან: ისინი ახლა სასახლეში ამოჰოფენ თავს. მათ ჯერ წარმოგენა არა აქვთ, რომ მათი მისია ცოტა ხანში პამლეტზე დაკვირვება და თვალთვალი გახდება, ანუ ჯაშუშობა დაევალებათ. და საფიქრებელია, რომ მონეტის „პუდზე“ დაჯდომა სწორედ ამას მოასწავებს, ვინაიდან ინგლისურში სიტყვა tail, როგორც ზმა, ხათვალთვალოდ კვალში ჩადგომას, კუდში მიღებას ნიშნავს და როგორც არსებითი სახელი, გარდა სხვა მნიშვნელობებისა, ამ მისის შემსრულებელი ადამიანის ანუ ჯაშუშის მნიშვნელობასაც ატარებს.

აღსანიშნავია, რომ „თავისა“ და „პუდის“ მხარები განსაკუთრებულ მიმართებას ქმნიან პიესის პროტაგონისტების მდგომარეობასთან. გარდა იმისა, რომ ინგლისური სიტყვა head, როგორც არსებითი სახელი, ნიშნავს თავს (ადამიანის ან ცხოველის სხეულის ნაწილს), ის, ამავე დროს, აღნიშნავს გონებას, გონებრივ შესაძლებლობებსაც. ყველა საქმეს სჭირდება გონება, რომ წარმატებით აღსრულდეს, მათ შორის, ჯაშუშობის საქმესაც. რასან როზენკრანცმა და გილდენსტერნმა ჯეროვნად ვერ გამოიყენეს თავიანთი გონება და უხეირო ჯაშუშები გამოდგნენ, მათ პამლეტის კუდში დევნა, საბოლოოდ, თავების დაკარგვად დაუჯდათ.

საყურადღებოა ინგლისური იდიომა can't make head or tail of something – რადაცის თავი და ბოლო რომ ვერ გაგიგია. პიესის პროტაგონისტებსაც ვერ გაუგიათ თავი და ბოლო იმ მოვლენებისა, რომელიც მათ გარშემო ხდება. აქედან გამომდინარე, მონეტების აგდების თამაში, რომელსაც ინგლისურად heads or tails უწოდებენ, შესაძლოა სამყაროს შეუცნობლობის, მისი წესებისა და კანონების გაუგებრობის გამოსახატავადაც იყოს გამოყენებული პიესაში. სწორედ მონეტების თამაშის ეპიზოდში დგება ეჭვეჭვეშ, მაგალითად, ალბათობის კანონი, რაც გილდენსტერნს ასე აბნევს და აკვირვებს.

მელ გასოუსთან ინტერვიუში სტოპარდმა განაცხადა, რომ „როზენკრანცი და გილდენსტერნი ერთი ტემპერამენტის ორ მხარეს წარმოადგენდნენ“ (გასოუ 1996:

35). სწორედ ამიტომ, პიესის დასაწყისშივე აგზორი გვთავაზობს ორივე მთავარი გმირის ხასიათის შეტეხებს იმის მიხედვით თუ როგორი რეაქცია აქვთ მათ მონეტების თამაშში „თავის“ მხარის უსაშველოდ ზედიზედ მოსვლაზე. როზენკრანცს საერთოდ არ აკვირვებს და არ უცნაურება ეს მოვლენა; უბრალოდ, თავს ცოტა უხერხულად გრძნობს, ამდენი ფული რომ ააცალა მეგობარს. გილდენსტერნს ფულის წაგება ნამდვილად არ აღარდებს, მაგრამ მშვენივრად ამჩნევს ამ მოვლენის უცნაურობას და რამდენადმე აშვოთებს კიდეც რას უნდა ნიშნავდეს ეს, თუმცა ამის გამო პანიკაში ჩავარდნას სულაც არ გეგმავს. გილდენსტერნი ბუნებით ლოგიკოსია და, შესაბამისად, ცდილობს ახსნა მოუძებნოს მეცნიერული კანონის შესაძლო დარღვევას. მის ინტელექტს მოვლენათა შემეცნების მეტი მოთხოვნილება გააჩნია და გაუგებრობაში ყოფნა გარკვეულ დისკომფორტს უქმნის. როზენკრანცი კი ასეთი საკითხებისადმი საკმაოდ ინდიურენტულია და, ჩვეულებრივ, ვერც ამჩნევს მათ ლოგიკურობას თუ ალოგიკურობას, რითაც ხშირად აღიზიანებს კიდეც თავის მეგობარს.

სტოპარდმა აუცილებლად ჩათვალა თავისი პროტაგონისტების ხასიათთა განმასხვავებელი ნიშნების გამოყოფა და საგანგებოდ ხაზგასმა, რადგან ისინი ერთობ მცირეა. სხვა მხრივ, როზენკრანცი და გილდენსტერნი თითქმის ანაცვლებენ ერთმანეთს და შესაძლოა ერთმანეთში აგვერიოს კიდეც მათი იდენტობა ისე, როგორც ეს არა მხოლოდ პიესის სხვა პერსონაჟებს, არამედ თავად მათაც მოსდიოთ საკუთარი თავების მიმართ. ისინი ერთი მონეტის ორ მხარეს წარმოადგენენ და, ალბათ, აზრს მოკლებული არ იქნება თუ ვეცდებით განვსაზღვროთ კონკრეტულად რომელ მხარეს წარმოადგენს.

პიესის დასაწყისშივე ირკვევა, რომ მონეტების თამაშში როზენკრანცმა „თავის“ მხარე აირჩია, ხოლო გილდენსტერნმა, შესაბამისად, – „კუდის“. რახან უჩვეულოდ ზედიზედ „თავის“ მხარე მოდის, როზენკრანცი იგებს თითქმის ყველა მონეტას, რაც მის მეგობარს უწყვია ჩანთაში. მოგვიანებით გილდენსტერნი მეტი ენთუზიაზმით დებულობს ჯაშუშური დავალების აღსრულებას ჰამლეტზე. ჯაშუშობის ანუ კუდში მიდევნის იდეა საბოლოოდ მარცხდება. უკანასკნელ მოქმედებაში სულიერად შეჭირვებული როზენკრანცი სიკვდილის სურვილსაც კი გამოხატავს გემზე ყოფნისას, და პიესის ბოლოში ის არის პირველი, ვინც ბედისწერას დანებდება და გაქრება თვალსაწიერიდან. როცა გილდენსტერნიც ხანგრძლივი ყოფმანის გარეშე ასევე გაქრება, საბოლოოდ, სიკვდილის ანუ თავების დაკარგვის იდეა იმარჯვებს. ასე რომ,

ცხადია: თუ პიესის ამ ორ მთავარ პერსონაჟს სიმბოლურად ერთი მონეტის ორ მხარედ განვიხილავთ, მაშინ როზენკრანცი „თავის“ მხარედ უნდა მოვიაზოთ, ხოლო გილდენსტერნი – „ქუდისად“.

3.4. გაურკვევლობა და უმიზნობა როგორც პრობლემა

ნიშანდობლივია, რომ პიესის დასაწყისში როზენკრანცი და გილდენსტერნი ლანდშაფტს მოკლებულ, უდაბნოსმაგვარ ადგილას იმყოფებიან. ეს თითქოს თავიდანვე სიმბოლურად მიანიშნებს მათ ცხოვრებაში და ალბათ, ზოგადად, თანამედროვე ადამიანის ცხოვრებაში სამიზნე ორიენტირების არარსებობაზე. სტოპარდის რემარკა გვეუბნება: “GUIL gets up but has nowhere to go....his attention being directed at his environment or lack of it” (სტოპარდი 1967: 8) [„გილდენსტერნი ვეხზე წამოდგება, მაგრამ წახასვლები არსად აქვს....მისი უურადღება მიმართულია გარემოსკენ თუ მისი ნაკლებობისკენ“]. მათ მიზანი არ გააჩნიათ, არც მისი ძიებით იკლავენ თავს, და რომც ეძიონ, შესაძლოა, მაინც ვერ იპოვონ, რადგან მისი არსებობა, ამ პიესის თვალსაზრისით, სათუო ჩანს.

როდესაც მონეტების თამაშში „თავის“ მხარის ზედიზედ მოსვლა ოთხმოცს გადააცილებს, როზენკრანცი გილდენსტერნს ეუბნება: “Getting a bit of a bore, isn't it?” (სტოპარდი 1967: 8) [„ცოტა არ იყოს, მოსაძეზრებელია, არა?“]. მისი ეს სიტყვები ხაზს უსვამს, რომ იგი ვერ გრძნობს მონეტების გაუთავებლად ერთ მხარეზე დაჯდომის უცნაურობას. როზენკრანცის ინტერესს მხოლოდ ახლადდამყარებული რეკორდი წარმოადგენს. გილდენსტერნი აღშფოთებას ვერ მალავს როზენკრანცის უგულისხმოებისა და არაადეკვატურობის გამო. როზენკრანცს ჰგონია, თამაშში წაგებამ გააღიზიანა გილდენსტერნი. მას აზრადაც არ მოსდის, რომ მისი მეგობარი სულ სხვა რამემ შეაშფოთა. გილდენსტერნი ამაოდ ცდილობს მიახვედროს როზენკრანცი თავის შეშფოთების მიზეზს და ბოლოს ხელსაც ჩაიქნევს.

მონეტების თამაშისას ალბათობის კანონი ერთგვარად ირდვევა, რადგან მონეტის ერთსა და იმავე მხარეზე დაჯდომას თითქოს ბოლო არ უჩანს. გილდენსტერნი ცდილობს, კანონის ამ „დარღვევას“ სხვადასხვა სავარაუდო ახსნა მოუძებნოს. ის ჩამოთვლის, თავისი აზრით, ოთხ შესაძლო ახსნას, რომელთაგან ყველაზე საყურადღებო ალბათ მეოთხეა, რაც გულისხმობს, რომ

უოველ კონკრეტულ ჯერზე აგდებულ მონეტას ისეთივე შანსი აქვს დაგარდეს „თავზე“, როგორც „პუდზე“. ამ გადმოსახედიდან, მათი თამაშის პროცესში არც ერთ კონკრეტულ ჯერზე არ დარღვეულა ალბათობის კანონი, თუმცა, მთლიანობაში, მონეტის ერთი და იმავე მხარის გაუთავებელი მოსვლა კითხვის ნიშნის ქვეშ აყენებს ამ კანონს, რაღაც მისი ორივე მხარის თანაბრად მოსვლისაკენ სწრაფვა თუ ტენდენცია არა და არ ვლინდება. მიუხედავად ამისა, ალბათობის თეორია უშვებს იმ რეალობასაც, რომ აგდებული მონეტა თუნდაც ასჯერ ზედიზედ ერთსა და იმავე მხარეზე დავარდეს, მაგრამ ამისი ალბათობა ერთობ მცირეა, თუმც კი არამც და არამც შეუძლებელი.

სტოპარდის პროტაგონისტებთან იკვეთება მეხსიერების პრობლემა. ეს განსაკუთრებით როზენკრანცს ეხება. გილდენსტერნის შეკითხვაზე, თუ რა არის პირველი რამ, რაც ახსოვს ყველა დავიწყებული მოვლენის შემდეგ, როზენკრანცი პასუხობს, რომ დაავიწყდა შეკითხვა. გამოდის, რომ პირველი რამ, რაც როზენკრანცს ხსომებია არის ის ფაქტი, რომ გილდენსტერნის შეკითხვის შინაარსი დაავიწყდა, ხოლო ბოლო დავიწყებული რამ, საკუთრივ ამ შეკითხვის შინაარსია. როზენკრანცის ამგვარ პასუხს გილდენსტერნი ვერ უძლებს: ფეხზე წამოხტება და მოჰყვება ნერვიულ სიარულს. შემდეგ თავის მეგობარს ეკითხება:

GUIL: Are you happy?

ROS: What?

GUIL: Content? At ease?

ROS: I suppose so.

GUIL: What are you going to do now?

ROS: I don't know. What do you want to do?

GUIL: I have no desires. None. (სტოპარდი 1967: 11)

გ0ლ: ბედნიერი ხარ?

როზ: რა?

გ0ლ: კმაყოფილი ხარ? მშვიდად ხარ?

როზ: ასე მგონია.

გ0ლ: რის გაკეთებას აპირებ ახლა?

როზ: არ ვიცი. შენ რისი გაკეთება გინდა?

გ0ლ: მე არ გამაჩნია სურვილები, სრულებით არა.

აქ მკაფიოდ ჩანს გმირების უმიზნობა და დეზორიენტირებულობა. სწორედ ამ დროს გილდენსტერნი იხსენებს, რომ მეფის შიკრიკი მოვიდა და აუწყა მათ, რომ ორივენი სასახლის კარზე იყვნენ დაბარებულნი. ამით დაირღვა მათი უმიზნო ცხოვრების იდილია და გარეშე ძალის ჩარევამ აიძულა ისინი გზას დადგომოდნენ. გილდენსტერნის მონეტის ზედიზედ ერთსა და იმავე მხარეზე გაუთავებელი დავარდნაც იმიტომ აშფოთებს, რომ ეჭვობს ესეც გარეშე, ზებუნებრივი ძალის მოქმედების შედეგი არ იყოს და რაიმე ცუდს არ მოასწავებდეს მათთვის. ის გარკვეულ კაგშირს უშვებს ამ უცნაურ მოვლენასა და დანიის სამეფო კარზე მათ დაბარებას შორის, მაგრამ ახსნას ვერ უძებნის: “The sun came up about as often as it went down, in the long run, and a coin showed heads about as often as it showed tails. Then a messenger arrived. We had been sent for. Nothing else happened. Ninety-two coins spun consecutively have come down heads ninety-two consecutive times . . . and for the last three minutes on the wind of a windless day I have heard the sound of drums and flute. . . .” (სტოპარდი 1967: 12) [„მზე დაახლოებით იმავე სისშირით ამოდიოდა, როგორც ჩადიოდა, გრძელვადიან პერიოდში, და მონეტა ჯდებოდა თავზე დაახლოებით ისევე ხშირად, როგორც – კუდზე. შეძლებ შიკრიკი მოვიდა. ჩვენ გვიხმებ. სხვა არაფერი მომხდარა. ზედიზედ აგდებული ოთხმოცდათორმეტი მონეტა ზედიზედ ოთხმოცდათორმეტჯერ დავარდა თავზე . . . და ბოლო სამი წუთის მანძილზე უქარო დღის ქარზე მეხმის დაფდაფებისა და ფლეიტის ხმა. . . .”]. გილდენსტერნმა ჯერ არ იცის, რომ მათ მოხეტიალე მსახიობთა დასი უახლოვდება, დაფდაფებისა და ფლეიტაზე დაკვრით.

ამრიგად, როზენკრანცისგან განსხვავებით, გილდენსტერნი, ფაქტიურად თავიდანვე ხვდება, რომ რაღაც უცნაურობა ხდება მათ თავს. იგი ცდილობს ამ ყველაფერს მეცნიერული ახსნა მოუძებნოს, რადგან, როგორც თავადვე შენიშნავს, “The scientific approach to the examination of phenomena is a defence against the pure emotion of fear” (სტოპარდი 1967: 11-12) [„ფეხომენთა გამოკვლევისადმი ძეცნიერული მიღვომა წმინდა შიშის განცდისაგან თავდაცვას წარმოადგენს“]¹. მაგრამ პრობლემა სწორედ ის არის, რომ გილდენსტერნი ვერ პოულობს ამ შიშის დამამშვიდებელ, არგუმენტირებულ მეცნიერულ ახსნას, და მხოლოდ გარაუდებით შემოიფარგლება.

¹ სხვათა შორის, შესაძლებელია ეს მომენტი შევადაროთ ჯოისის „ულისეში“ სტივენ დედალოსის შემინებას ჭაქა-ჭუხილის ხმაზე, ხოლო შემდეგ დაოპოლდ ბლუმისგან მისი დამშვიდების მცდელობას სწორედ მეცნიერული ახსნის მეთოდით (იხ. ჯოისი 2012: 390-391).

როდესაც გილდენსტერნი ოდნავ გამარტივებული ფორმით გაუმჯორებს მეგობარს ძველ შეკითხვას, როზენკრანცს ბოლოს და ბოლოს გაახსენდება, რომ გილაცი უცხომ გაადგიძა ისინი გამთენისას და აცნობა მათ, რომ დაუყოვნებლივ სამეფო კარზე გამოცხადებულიყვნენ. გილდენსტერნს ცოტათი მოეშვება, რაკი მისმა მეგობარმა აღიდგინა გონებაში მათი მგზავრობის გამომწვევი მიზეზი.

ვიდრე ულანდშაფტო ადგილას შესასვენებლად შეჩერებული როზენკრანცი და გილდენსტერნი გზას განაგრძობენ, მათ მოხეტიალე მსახიობთა დასი შემოხვდება, რომელსაც მეთაურობს და ხელმძღვანელობს ერთ-ერთი მსახიობი. როგორც როზენკრანცი და გილდენსტერნი, ისინიც ელსინორისკენ მიემართებიან. მათი შეხვედრის ამბავს წვენ „ჰამლეტში“ ვგებულობთ, როდესაც როზენკრანცი მიმართავს ჰამლეტს: “....if you delight not in man, what lenten entertainment the players shall receive from you” (შექსპირი 2003: 2.2.295-96) [„....თუ კაცის ნახვა აღარ გიამჟათ, კერაფრად დაუხვდებით აქტორებს, რომელნიც გზაზე შეგვხდნენ....“ (შექსპირი 1987: 344)]. როზენკრანცთან და გილდენსტერნთან კომუნიკაციას ფაქტიურად მხოლოდ დასის ხელმძღვანელი მსახიობი ამყარებს. პიესაში მისი საკუთარი სახელი არ ფიგურირებს. იგი უბრალოდ მოიხსენიება, როგორც მსახიობი.

თავდაპირველად როზენკრანცი გილდენსტერნად უცნობა მსახიობს, გილდენსტერნს კი როზენკრანცად აცნობს, მაგრამ გილდენსტერნის მითითებით შეასწორებს ამ შეცდომას და ახლა მსახიობს უკვე სწორი სახელით გააცნობს საკუთარ თავსა და თავის მეგობარს. ავტორის რემარკა მიანიშნებს, რომ როზენკრანცს სულაც არ უგრძენია თავი უხერხულად, ასეთი შესწორება რომ დასჭირდა. მას, როგორც თავის მეგობარზე უფრო ზერელე აზროვნებისა და მოკლე მეხსიერების მქონეს, სწორი თვითიდენტიფიცირების პროცესში აქვს, თუმცა ვერც გილდენსტერნი უსწორებს მას სწრაფად და დარწმუნებით: “GUIL confers briefly with him” (სტოპარდი 1967: 16) [„გილდენსტერნს ხანძოკლუ მოლაპარაკება აქვს მასთან“]. ამით სტოპარდი თითქოს გვეუბნება: როზენკრანცი და გილდენსტერნი იმდენად უმნიშვნელონი არიან, რომ მათ შორის განსხვავებაც ასეთივე უმნიშვნელოა, და სწორედ ამიტომაც ჭირს მათი გამორჩევა ერთმანეთისგან.

მოგვიანებით პიესაში გილდენსტერნი როზენკრანცს გამოსაცდელად ჯერ როზენკრანცით მიმართავს, შემდეგ კი გილდენსტერნს დაუმახებს. როზენკრანცი

ორივე ჯერზე ერთნაირად რეაგირებს, რაზეც გილდენსტერნი აკრიტიკებს: “Don’t you discriminate at all?” (სტოპარდი 1967: 36) [„ნუთუ ხაერთოდ ვერ განარჩევ?”]. ცხადია, გილდენსტერნს კვლავ აშფოთებს თავისი მეგობრის ზერელე აზროვნება და სუსტი მეხსიერება. ამის მერე სულაც ადარ არის გასაკვირი, რომ კლავდიუსი და გერტრუდიც ურევენ ერთმანეთში სტოპარდის პროტაგონისტებს (იხ. სტოპარდი 1967: 25-26). სტოპარდის მიხედვით, თავიდან ჰამლეტსაც ეშლება როზენკრანცი და გილდენსტერნი ერთმანეთში, მაგრამ უცბად გაასწორებს ამ შეცდომას, რაზეც სამივენი გულიანად იცინებენ (იხ. სტოპარდი 1967: 37-38).¹

აღსანიშნავია, რომ პიესის პირველ მოქმედებაში როზენკრანცი და გილდენსტერნი მსახიობთან საუბარში ერთდროულად თითქმის არ ერთვებიან: ან გილდენსტერნი ელაპარაკება მხოლოდ და როზენკრანცი გამოთიშულია, ან – პირიქით. ამით ავტორს ალბათ ხაზი უნდა გაუსვას მათი ურთიერთჩანაცვლების შესაძლებლობას. ორივე პერსონაჟი დაკითხვისმაგვარ საუბარს გაუბამს მსახიობს, და ორივე წყობიდან გამოჰყავს მსახიობი ბიჭუნა ალფრედის მეშვეობით მსახიობის მიერ შემოთავაზებულ პომოეროტიკულ პორნოგრაფიას.

ვიდრე მსახიობები წავლენ, გილდენსტერნი მთავარ მსახიობს ხურდების აგდების თამაშს შესთავაზებს, უფრო ზუსტად, შემოიტყუებს ამ თამაშში. ის მოხერხებულად იყენებს იმ გარემოებას, რომ ამ დღეს მუდმივად „თავის“ მხარე მოდის. მსახიობი მესამე ცდაზე შეცდება და „კუდის“ მხარეს დაასახელებს, მონეტა კი, რა თქმა უნდა, ისევ „თავზე“ ჯდება. მსახიობს ადარ სურს თამაშის გაგრძელება, მაგრამ გილდენსტერნი არ ეშვება ხურდების აგდებას. მსახიობი შებრუნდება და წასვლას დაპირებს. გილდენსტერნი, ბოლოჯერ დავარდნილ მონეტას არ დახედავს ისე, სხვა თამაშს შესთავაზებს მსახიობს, რომელსაც კვლავ მოტყუებით მოუგებს. ბოლოს მსახიობები წასვლას იწყებენ, თუმცა მთავარი მსახიობი ადგილიდან არ იძვრის. როზენკრანცი ცალ ფეხს ააწევინებს და აღმოჩნდება, რომ მსახიობი გილდენსტერნის მიერ ბოლოს დაგდებულ ხურდას ფარავდა. როზენკრანცი თავად დაადგამს ამ ხურდას ფეხს, ხოლო მსახიობი გაბრუნდება და გაჰყვება თავის დასს. როცა როზენკრანცი დაიხრება და მონეტას დახედავს, აღმოჩნდება, რომ ბოლოს და ბოლოს „კუდის“ მხარე მოსულა. მსახიობთან თამაშისას ეს მონეტის მეცხრე აგდება იყო. იქამდე ზედიზედ რვაჯერ „თავი“ მოვიდა, ხოლო კიდევ უფრო ადრე, როზენკრანცისა

¹ სხვათა შორის, თუ შექსპირის ორიგინალს დავუკვირდებით, იგი უოველგვარი გადაკეთების გარეშე იძლევა ამ შეხვედრის სტოპარდისეული ინტერეტაციის შესაძლებლობას (იხ. შექსპირი 2003: 2.2.217-8).

და გილდენსტერნის თამაშის დროს, „თავი“ ზედიზედ ოთხმოცდათორმეტჯერ მოვიდა. საბოლოოდ გამოდის, რომ „თავის“ მხარე ზედიზედ ასჯერ მოსულა, ხოლო ასმეერთე ჯერზე უკვე „პუდი“ დააჯდა. მართალია, სტოპარდის პროტაგონისტებს მსახიობთან თამაშის დროს თვლა აღარ გაუგრძელებიათ და შესაბამისად, არც ასამდე დამრგვალება დაუფიქსირებიათ, მაგრამ საფიქრებელია, რომ ავტორმა განგებ აიყვანა „თავების“ ზედიზედ მოსვლის რაოდენობა ასამდე და მონეტის მხოლოდ ასმეერთე აგდებაზე დაარღვია ეს უცვლელი მიმდევრობა. თუ ეს დამთხვევა არ არის და მართლაც განგებ აქვს სტოპარდს ზედიზედ „თავის“ მოსვლა გაასებული, მაშინ ეს, ერთი მხრივ, ავტორის ფარულ იუმორს უნდა გამოხატავდეს და, მეორე მხრივ, ალბათ იმას, რომ როზენკრანცსა და გილდენსტერნს ასი პროცენტით თავების დაკარგვა მოელით და შესაბამისად, მათი გადარჩენის შანსი ნულის ტოლია. როდესაც როზენკრანცი გადაუგდებს გილდენსტერნს ამ საბედისწერო მონეტას, ისინი უცბად ელსინორის სასახლეში აღმოჩნდებიან და გადავდივართ „ჰამლეტის“ რეალობაში. თითქოს მსახიობი შეცდა, როდესაც თქვა „პუდიო“, მაგრამ ბოლოს და ბოლოს „პუდი“ მართლაც მოვიდა. ალბათ ფეხიც შემთხვევით არ ედგა „პუდი“ მოსულ მონეტაზე. მსახიობის იდუმალი როლი ნამდვილად შეიმჩნევა ამ უცაბედ ცვლილებაში. ხოლო, რას უნდა ნიშნავდეს „თავიდან“ „პუდი“ გადასვლა, ამაზე უკვე გვქონდა ზემოთ საუბარი.

3.5. მსახიობის ვინაობის საკითხი

როზენკრანცისა და გილდენსტერნის შემდეგ, სტოპარდის პიესის ყველაზე მნიშვნელოვანი პერსონაჟი არის სწორედ მთავარი მსახიობი, რომელიც „ჰამლეტში“ პირველ მსახიობს (მაჩაბლისეულ პირველ აქტორს) შეესაბამება. ჰამლეტი ავალებს მას და მის კოლეგებს „გონზაგოს მკვლელობის“ თამაშს კლავდიუს მეფისა და მისი გარემოცვის წინაშე, და აძლევს გარკვეულ ინსტრუქციებსაც, თუ როგორ უნდა ითამაშონ. იგი განუმარტავს მსახიობს თეატრის ნამდვილ არსეს და მოუწოდებს მათ ერთგვარი ზომიერებისაკენ, რათა სცენაზე შესრულებული სარკესავით ირკლავდეს რეალობას, როგორც მის ნათელ, ისე ბნელ მხარეს. უფრო კონკრეტულად კი, ჰამლეტის მიზანია, დადგმული პიესა ასახავდეს ელსინორის სასახლის მანკიერ სინამდვილეს და

აგრეთვე ავლენდეს გარკვეულ სიუჟეტურ მსგავსებას მისი მამის აჩრდილისგან მონაყოლ ამბავთან. ფაქტიურად, შეიძლება ითქვას, რომ რაღაც აზრით, პამლეტი დგამს „პამლეტს“. აქედან გამომდინარე, აქ ადვილად შეგვიძლია წარმოვიდგინოთ შექსპირი, რომელიც პამლეტივით არიგებს მსახიობებს თუ როგორ უნდა ითამაშონ მისი „პამლეტი“. ეს წარმოდგენა უფრო დამაჯერებელი გახდება თუ გამოვხატავთ არაერთი მკვლევარის აზრს და შევნიშნავთ, რომ თავის პერსონაჟებს შორის ყველაზე მეტად შექსპირის ბუნებას სარკედ სწორედ პამლეტი უხდება. მაგრამ საყურადღებოა, რომ სტოპარდის მსახიობს არანაირი რჩევა-დარიგება არ სჭირდება პამლეტისგან, ვინაიდან მან, როგორც თეატრის, ასევე ელსინორის სინამდვილის შესახებ, ბევრად მეტი იცის, ვიდრე პამლეტმა ან რომელიმე სხვა პერსონაჟმა. ასეთი პერსონაჟის პროტოპად კი მხოლოდ „პამლეტის“ პირველი მსახიობი ვერ გამოდგება. სტოპარდმა მასში ბევრად მეტი იგულისხმა: მან ფაქტიურად შექსპირის სული შთაბერა თავის მსახიობს და გარკვეულწილად აზიარა პოსტმოდერნისტულ სულთანაც. პიესის მანძილზე ნელ-ნელა ცხადი ხდება, რომ სტოპარდის მსახიობის უკან შექსპირის სახე იმალება. ამის წარმოსაჩენად რამდენიმე არგუმენტს მოვიყვანო.

პირველ რიგში, უნდა შევნიშნოთ, რომ შექსპირის პიესაში წარმოდგენილი პიესა „გონზაგოს მკვლელობა“ ერთი მნიშვნელოვანი ნიუანსით განსხვავდება სტოპარდის პიესაში წარმოდგენილი ამავე პიესისგან: შექსპირთან მკვლელი, ლუციანუსი, გონზაგო მეფის ძმისწულია, სტოპარდთან კი მკვლელი გონზაგო მეფის ძმაა, ხოლო ლუციანუსი – მოკლული მეფის შვილი და მკვლელ ბიძაზე შურისმაძიებელი.¹ როგორც ვხედავთ სტოპარდის პიესაში წარმოდგენილ პიესის პერსონაჟებს შორის ნათესაური მიმართება ზუსტად შეესაბამება არა „პამლეტში“ დადგმულ ამავე პიესის პერსონაჟთა ნათესაურ მიმართებას, არამედ საკუთრივ „პამლეტის“ პერსონაჟთა ნათესაურ მიმართებას. სხვა სიტყვებით, „გონზაგოს მკვლელობის“ ეს ვარიანტი უფრო მეტად „გაპამლეტებულია“, რომლის დადგმასაც ამ შემთხვევაში არა პამლეტი, არამედ მსახიობი ხელმძღვანელობს, რაც აახლოებს მას შექსპირთან, როგორც „პამლეტის“ ავტორთან. იმავდროულად იგი ბიძაზე შურისმაძიებელი ლუციანუსის როლსაც ასრულებს და ამით პამლეტს შეესაბამება, როგორც შექსპირის ბუნების

¹ აქ ვგულისხმობთ სტოპარდის პიესაში როზენკრანცისა და გილდენსტერნის წინაშე გათამაშებულ „გონზაგოს მკვლელობის“ სარეპეტიციო, მაგრამ სრულ ვერსიას. კლავდიუსის წინაშე დადგმული და მისგან შეჩერებული ვერსია სტოპარდის სცენაზე არ თამაშდება, თუმცა პიესაში მისი დადგმა და შეწყვეტა იგულისხმება.

უკელაზე მკაფიოდ გამომხატველ პერსონაჟს. ლუციანუსის თამაშისას მსახიობი პარალელურად უყვება როზენკრანცსა და გილდენსტერნს მათ წინაშე გათამაშებული მოვლენების შესახებ, რაც ფაქტობრივად „პამლეტის“ სიუჟეტია. მიუხედავად იმისა, რომ კლავდიუსის წინაშე ჯერ არ დადგმულა „გონზაგოს მკვლელობა“ და შესაბამისად, „ხაფანგის სცენაც“ ჯერ არ დამდგარა, მსახიობი „პამლეტის“ სიუჟეტს ბოლომდე წარმოადგენს, თავისი ფინალითურთ. მან იცის „პამლეტის“ თითოეული პერსონაჟის მომავალი, რომელთა გარემოცვაში თვითონაც იმყოფება. და ვინ იმალება მის უკან თუ არა თავად შექსპირი, „პამლეტის“ ავტორი, რომელმაც არა თუ მშვენივრად იცის თავისი პერსონაჟების საბოლოო ბედი, არამედ თვითონვეა მათი შემოქმედი.

გარდა ზემოთქმულისა, შეინიშნება გარკვეული ანალოგია პამლეტთან მისი მამის აჩრდილის, ხოლო როზენკრანცთან და გილდენსტერნთან მსახიობის გამოცხადებას შორის. აჩრდილიც და მსახიობიც სიმართლეს უმხელენ თავიანთ ადრესატებს. მსახიობი „გონზაგოს მკვლელობის“ სწორედ აჩრდილისეულ ვარიანტს სთავაზობს როზენკრანცსა და გილდენსტერნს. და რახან შექსპიროლოგიაში მუსირებს აზრი, რომ თავდაპირველად პამლეტის მამის აჩრდილის როლს ლონდონის სცენაზე თავად შექსპირი ასრულებდა, შესაბამისად, კვლავ მყარდება კავშირი მსახიობსა და შექსპირს შორის.

დაბოლოს, უნდა აღინიშნოს, რომ სტოპარდის პიესის პირველ მოქმედებაში მსახიობი თავის ტრაგიკოსებს დაუყვირებს რიცხვ „ოცდათვრამეტს“ (სტოპარდი 1967: 23). ზუსტად რას გულისხმობს იგი ამ რიცხვში – გაუგებარია, მაგრამ თუ მსახიობს ჩავთვლით შექსპირად, მაშინ ცხადი გახდება რას უნდა ნიშნავდეს ეს რიცხვი: ოცდათვრამეტი არის შექსპირის მიერ დაწერილი პიესების, ალბათ, უკელაზე ხშირად დასახელებული რაოდენობა.

ნაშრომის დარჩენილ ნაწილში, სხვა საკითხების განხილვისას, კიდევ არაერთგზის გამოჩნდება, რომ ტრაგიკოსების ხელმძღვანელი მსახიობის სახით რეალურად საქმე გვაქვს შექსპირთან. ამიტომ, ამ ეტაპზე საკმარისად მივიჩნევთ ზემოთ მოყვანილ არგუმენტებს მსახიობისა და შექსპირის იგივეობის შესახებ.

3.6. მეტადრამატული ქვეცნობიერი

„ჰამლეტის“ პირველსა და მეორე მოქმედებას შორის გარკვეული დროის გასვლა უნდა ვიგულისხმოთ. პირველი მოქმედების ბოლოს ჰამლეტმა გადაწყვიტა, რომ თავისი გეგმების წარმატებით განსახორციელებლად თავი შეშლილად წარმოაჩინოს. მეორე მოქმედების პირველ სურათში კი ოფელია უკვე უყვება პოლონიუსს, რომ ჰამლეტი ეს-ეს არის შემოვარდა მასთან და როგორც ჭკუიდან შეშლილი ისე მოიქცა. სწორედ ამ სცენის მომსწრენი ხდებიან სტოპარდის როზენკრანცი და გილდენსტერნი მას მერე, რაც უცაბედად ელსინორის სასახლეში ამოჟოფენ თავს. სტოპარდის მიერ ამ ინციდენტის აღწერა ოფელიას პოლონიუსთან მონაყოლს ეფუძნება უშუალოდ¹ და სრულდება იმით, რომ ოფელია გარბის, ჰამლეტი რომ გავიდა იმის საპირისპირო მიმართულებით, უდავოდ სწორედ იმისათვის, რომ მამამისს მოახსენოს, რაც შეემთხვა. როზენკრანცი და გილდენსტერნი გაშეშებული მდგომარეობიდან გამოდიან, მაგრამ უცბად კლავდიუსი და გერტრუდი თანმხლებ პირებთან ერთად შემოცვივდებიან და კლავდიუსი პირდაპირ გაუბამს დაბარებულ კარისკაცებს იმ საუბარს, რომლითაც იხსნება „ჰამლეტის“ მეორე მოქმედების მეორე სურათი (იხ. შექსპირი 1987: 339). პირველად სწორედ ამ სურათში გვევლინებიან როზენკრანცი და გილდენსტერნი შექსპირის პიესაში და კლავდიუსის ნალაპარაკევით ვხვდებით, რომ ისინი მეორე მოქმედების დაწყებამდე უკვე მოხმობილი იყვნენ ელსინორის სასახლეში.

როდესაც კლავდიუსი დაავალებს როზენკრანცსა და გილდენსტერნს ჰამლეტზე დაკვირვებას და დაასრულებს მათთან საუბარს, „ჰამლეტში“ როზენკრანცი და გილდენსტერნი გადიან სცენიდან, ხოლო სტოპარდის პიესაში, პირიქით, როზენკრანცისა და გილდენსტერნის გარდა ყველანი ტოვებენ სცენას. ცხადია, სტოპარდის მიზანს გამოხატავს ეს განსხვავება: გვაჩვენოს „ჰამლეტის“ მოვლენები მისი მეორადი პერსონაჟების, როზენკრანცისა და გილდენსტერნის თვალთახედვით და, ამავე დროს, მათ შესახებაც გვითხრას მეტი. სცენა, რომელზეც მისი პროტაგონისტები დგანან, თავდაპირველად უდაბნოსმაგვარი უკაცრიელი ადგილია, შემდეგ – ელსინორის სასახლე, ბოლოს კი – ხომალდი. შექსპირული სიუჟეტის სურათები შემოდიან და გადიან მათში მონაწილე მოქმედი პირებითურთ, გარდა როზენკრანცისა და გილდენსტერნისა, რომლებიც

¹ შდრ. შექსპირი 1987: 338-339 და სტოპარდი 1967: 24-25.

ისედაც სულ სცენაზე იმყოფებიან. ფაქტიურად, მთელი პიესის მანძილზე ისინი სტოპარდის სცენას არ ტოვებენ, მაშინ როცა „პამლეტში“ მისი ეპონიმური პროტაგონისტი არაერთგზის გადის შექსპირის სცენიდან. შედეგად, როზენკრანცი და გილდენსტერნი თვითონვე ემსგავსებიან სცენას, რომელშიც დროდადრო პერსონაჟივით შემოიჭრება ხოლმე „პამლეტის“ სიუჟეტი, შეიტანს ინერტულობის პარმონიაში გარკვეულ დისონანსს, და შემდეგ კვლავ უკანვე გარბის. ესეც სტოპარდის ექსპერიმენტული პიესის ერთ-ერთი თავისებურება.

როზენკრანცი დეპრესიაში ვარდება მეფე-დედოფალთან პირველივე საუბრის შემდეგ: “I want to go home....” “I’m out of my step here....” “It’s all over my *depth*....” “....out of my head....” “....it’s all heading to a dead stop...” (სტოპარდი 1967: 27) [„სახლში მინდა წახვლა....“ „ჩემს კანში არა ვარ აქ....“ „ეს უველავერი ჩემს გონიერას სცილდება....“ „....ჩემს თავს აღემატება....“ „....უველავერი ჩიხისკენ მიემართება...“]. გილდენსტერნი კი ცდილობს დაამშვიდოს იგი. მოგვიანებით, პამლეტთან წარუმატებელი გასაუბრების შემდეგაც, გილდენსტერნი ცდილობს რაც შეიძლება მეტი დადებითი დაინახოს ამ გასაუბრების შედეგებში; როზენკრანცი კი, შეიძლება ითქვას, უარყოფითად აფასებს ამ შედეგებს და თვლის, რომ სრული კრახი განიცადეს პამლეტთან (იხ. სტოპარდი 1967: 40). მათი განსხვავებული შეხედულება ამ საკითხისადმი ირეკლავს განსხვავებულ ზოგად ტენდენციებს მოვლენებისადმი მათ დამოკიდებულებაში: გილდენსტერნი უფრო დადებითს ეძებს, როზენკრანცი კი – უარყოფითს.

როზენკრანცისთვის განსაკუთრებით მძიმე აღმოჩნდა ჩვეული უმიზნო ცხოვრებიდან უცაბედი მოწყვეტა და თავადაც რომ არ ესმის ისეთი მიზნისკენ მიმართვა. გილდენსტერნივით დრმა ანალიზის უნარით როზენკრანცი არ გამოირჩევა, მაგრამ ისიც გრძნობს, გარეშე ძალები რომ მოქმედებენ მათზე. ის გარე ძალა, რომელსაც პიესის პროტაგონისტები უშუალოდ და ცნობიერად აწყდებიან, ამ შემთხვევაში, კლავდიუსის ნებაა. ისინი თითქოს სიხარულით ემორჩილებიან ამ ნებას, მაგრამ, როგორც სტოპარდი გვაჩვენებს და შექსპირმა „დაგვიმალა“, მთლად ასე არ ყოფილა საქმე. ორივე პერსონაჟისთვის ეს არც ისე სასიხარულო ტგირთია, უბრალოდ, გილდენსტერნი მეტი ოპტიმიზმითა და ენთუზიაზმით დებულობს ამ მოცემულობას და მხნეობას უფრო ინარჩუნებს.

შეჭირვებულ როზენკრანცს აღმოხდება: “Consistency is all I ask!” (სტოპარდი 1967: 28) [„მხოლოდ თანმიმდევრულობაა ის, რახაც მე ვითხოვ!“]. გილდენსტერნი კი პასუხობს: “Give us this day our daily mask” (28) [„ნიღაბი ჩვენი არსობისა მომეც

ჩვენ დღეს“]. გილდენსტერნის ამ სიტყვებს შეგვიძლია მეტადრამატული ინტერპრეტაციაც მივცეთ. „მამაო ჩვენოს“ პური გილდენსტერნისთვის ნიდბად იქცა. თითქოს მისთვის ნიდაბია სასიცოცხლო, არა მხოლოდ იმიტომ, რომ ჯაშუშობა მართებს პამლეტზე და საკუთარი მიზნების შენიდბვა, არამედ იმიტომაც, რომ ის როლი შეასრულოს და ის ნიდაბი მოირგოს, რაც შექსპირმა უბოძა, რათა იარსებოს როგორც პერსონაჟმა. რა თქმა უნდა, გილდენსტერნი ვერ აცნობიერებს პიესაში ყოფნას, მაგრამ მისი ლოცვის შინაარსი თითქოს ირეკლავს მის, თუ შეიძლება ასე ითქვას, მეტადრამატულ ქვეცნობიერს. ისე ჩანს მართლაც, რომ სტოპარდს გილდენსტერნის ქვეცნობიერში აქვს გაშვებული მეტადრამატული რეალობის არსებობის განცდა, როზენკრანცი კი უმეტესად მთლად არაცნობიერამდე პყავს დაყვანილი ის. ალბათ ამიტომაცაა, რომ მხოლოდ გილდენსტერნი და არა როზენკრანცი ამბობს შემდეგს: “We've been caught up. Your smallest action sets off another somewhere else, and is set off by it. Keep an eye open, an ear cocked. Tread warily, follow instructions. We'll be all right” (სტოპარდი 1967: 29) [„ჩვენ ჩათრულები ვართ. შენი უმცირესი მოქმედება მეორე მოქმედებას აძლევს ბიძგს სადმე სხვაგან, და თავადაც სხვა მოქმედებისგანაა გამოწვეული. თვალები დაჭირებული უკრები დაცემის უკავრებით იარე, მაჲყვი ინსტრუქციას. კარგად ვიქებით“]. როზენკრანცი დაინტერესებულია, რამდენ ხანს უნდა გაგრძელდეს ასე, რაზეც გილდენსტერნი პასუხობს: “Till events have played themselves out. There's a logic at work—it's all done for you, don't worry. Enjoy it. Relax” (29) [„ვიდრე მოვლენები არ გათამაშდება. აქ გარკვეული ლოგიკა მუშაობს – უკლავერი თავისთავად კეთდება შენთვის, შენ არაფერზე იფიქრო. მხოლოდ მოეშვი და ისიამოვნებ“].

დიდი მიხვედრა არ სჭირდება იმას, რომ გილდენსტერნი აქ დეტერმინისტულ კანონზომიერებაზე საუბრობს და მოვლენათა მიზეზშედეგობრივ ჯაჭვზე მიუთითებს; თუმცა მისი ცნობიერების მიღმა რჩება ის ფაქტი, რომ მათი მოქმედების დეტერმინირებას თავად შექსპირის ტექსტში ფიქსირებული სიუჟეტი ახდენს. ეს მეტადრამატული ფაქტი რომ გილდენსტერნის ქვეცნობიერში ძევს, ამაზე მისი სიტყვები – “...follow instructions” [„...მაჲყვი ინსტრუქციას“] – მიანიშნებს. ის გაუცნობიერებლად მსახიობთა სასცენო ინსტრუქციაზე დაპარაკობს, რაც ამ შემთხვევაში შექსპირისა და სტოპარდის მიერ მათთვის გაწერილ სათქმელ სიტყვებსა და რემარკებში ასახულ მოქმედებებს გულისხმობს. გილდენსტერნმა იცის, რომ მათ თვალები უნდა ჭყიტონ, ყურები

ცქიტონ და ფეხაკრებით იარონ, რათა პამლებს უთვალთვალონ და ამით კლავდიუსის დავალება შესრულდეს, მაგრამ მან, ბუნებრივია, არ იცის, რომ მეტადრამატული თვალსაზრისით ეს შექსპირის დავალებაა, რაზეც სტოპარდი გვიმახვილებს ყურადღებას. გილდენსტერნის თავისებური „მამაო ჩვენოც“ ალბათ მიმართულია არა მამა დმურთის მიმართ, არამედ გაუცნობიერებლად შექსპირის მიმართ. შესაბამისად, ლოგიკურია, რომ იგი შექსპირისგან ნიღაბს ითხოვს საარსებოდ და არა პურს.

გილდენსტერნის მეტადრამატული ქვეცნობიერი ირეკლება მის შემდგომ ნათქვამში: “Somebody might come in. It's what we're counting on, after all. Ultimately” (სტოპარდი 1967: 42) [„შეიძლება ვიღაცა შემოვიდეს. ბოლოს და ბოლოს ჩვენც ხომ ამის იმედად ვართ, პირველ რიგ ში“]. შემდეგ კი ამატებს თავის დეტერმინისტულ ხედვას: “Wheels have been set in motion, and they have their own pace, to which we are . . . condemned. Each move is dictated by the previous one—that is the meaning of order” (42) [„ბორბლები ამოძრავდნენ, და მათ თავიანთი ტემპი აქვთ, რაც ჩვენ . . . მისჯოლი გვაქვს. თითოეული მოძრაობა ნაკარნახევია წინასაგან – აი ამას ნიშნავს წესრიგი“]. გილდენსტერნის ამ სიტყვებში მეტადრამატული დეტერმინიზმი შეგვიძლია დავინახოთ, შექსპირის „პამლეტში“ მათვის განსაზღვრული როლისა და სცენარის სახით.

როგორც ადრე შევნიშნეთ, არაერთი რამ მიანიშნებს პიესაში, რომ მთავარმა მსახიობმა ფაქტიურად ყველაფერი იცის როზენკრანცისა და გილდენსტერნის შესახებ (და არა მხოლოდ მათ შესახებ), ხოლო მათ თითქმის არაფერი იციან მის შესახებ. მაგალითად, მსახიობი მიმართავს მათ: “Think, in your head, now, think of the most . . . private . . . secret . . . intimate thing you have ever done secure in the knowledge of its privacy. . . .” (სტოპარდი 1967: 45) [„იფიქრეთ, თქვენს თავში, ახლავე, იფიქრეთ ყველაზე... პირადულ... ფარულ... ინტიმურ რამგზე, რაც კი ოდესტე ჩაგიდენიათ, თქვენს საიდუმლო ცოდნაში დაცული...“]. მცირე პაუზის შემდეგ მსახიობი როზენკრანცს დააკვირდება და პკითხავს: “Are you thinking of it?” (45) [„იფიქრობ ამაზე?“]. და შემდეგ თვითონვე დაამოწმებს: “Well, I saw you did it!” (45) [„დავინახ, რომ ფიქრობ!“]. ამის გაგონებაზე როზენკრანცი შემლილივით წამოხტება და მიახლის: “You never! It's a lie!” (45) [„არაფერიც, ეს ტუშილია!“]. თუ ჩავთვლით, რომ სტოპარდმა მსახიობში შექსპირი იგულისხმა, მაშინ ცხადია, ის, რაც როზენკრანცისთვის არაცნობიერია, მსახიობისთვის ცნობიერია. მან იცის, რა ხდება თავის მიერ შექმნილი პერსონაჟის შინაგანი სამყაროს ყველაზე

ღრმა და საიდუმლო კუნჭულშიც. როზენკრანცს, რა თქმა უნდა, ვერ წარმოუდგენია, რომ მის ფიქრებს შიფრავენ – იმასაც კი, რაც მასში არაცნობიერის სახითაა მოცემული და შესაბამისად, მისი ცნობიერებისთვისაც მიუწვდომელი.

ნიშანდობლივია შემდეგი პასაჟი, რომელშიც მინიშნებულია, რომ მსახიობს დიდი გავლენა აქვს იმ ძალებზე, რომლებმაც როზენკრანცი და გილდენსტერნი ელსინორისკენ გამოიხმეს:

PLAYER: I should concentrate on not losing your heads.

GUIL: Do you speak from knowledge?

PLAYER: Precedent.

GUIL: You've been here before.

PLAYER: And I know which way the wind is blowing. (სტოპარდი 1967: 47)

მსახიობი: მე უნდა ვკონცენტრირდე თქვენი თავების არდაკარგვაზე.¹

გილ: ცოდნა გალაპარაკებს?

მსახიობი: პრეცედენტი.

გილ: აქ ნამყოფი ხარ ადრე.

მსახიობი: და ისიც ვიცი, საიდან უბერავს ქარი.

რა თქმა უნდა, მსახიობი აქ არ გულისხმობს ქარის მიმართულებას პირდაპირი მნიშვნელობით, არამედ – სწორედ იმ ქარაგმულ მნიშვნელობას, რომელსაც პამლეტი დებს მასში. მსახიობი ირიბად აფრთხილებს გილდენსტერნსა და მის მეგობარს, რომ თავების დაკარგვა ემუქრებათ. მან აშკარად იცის მათი მომავალი, თუმცა ამბობს, რომ ცოდნა კი არა, პრეცედენტი ალაპარაკებს: თითქოს ერთხელ უკვე მომხდარი ფაქტია, რომ როზენკრანცმა და გილდენსტერნმა თავები დაკარგეს. და ეს მართლაც ასე მოხდა შექსპირის „პამლეტში“, რომლის სიუჟეტითაც დეტერმინირებულია სტოპარდის პროტაგონისტების ბედიც. ცხადია, მსახიობი ამ სიტყვებს როგორც მეტადრამატული რეალობის მცოდნე ამბობს. ადრე რომ ნამყოფია ელსინორში – ესეც შეგვიძლია მეტადრამატულად გავიგოთ: პირველად შექსპირის „პამლეტში“

¹ აქ მართებულია, ინგლისური იდიომი lose your head (სულიერი წონასწორობის დაკარგვა, წყობიდან გამოხვდა) პირდაპირი მნიშვნელობით, სიტყვასიტყვით გავიგოთ როგორც თავის დაკარგვა, გამომდინარე პიესის შინაარსიდან.

ქვებია ელსინორს, ახლა კი – სტოპარდის პიესაში. ამგვარი მეტადრამატული თამაშით სტოპარდი შექსპირთან ერთად საკუთარ თავსაც დებს მსახიობის პერსონაჟში და თავისი პოსტმოდერნული სულით შექსპირის რენესანსული სულის მოდერნიზებას, უფრო ზუსტად კი, პოსტმოდერნიზებას ახდენს.

მეტადრამატიზმი ჩანს გილდენსტერნისა და მსახიობის შემდეგ დიალოგში:

GUIL: But for God's sake what are we supposed to *do*??!

PLAYER: Relax. Respond. That's what people do. You can't go through life questioning your situation at every turn.

GUIL: But we don't know what's going on, or what to do with ourselves. We don't know how to *act*.

PLAYER: Act natural. You know why you're here at least.

GUIL: We only know what we're told, and that's little enough. (სტოპარდი 1967: 47-48)

ბილ: მაგრამ, ღვთის გულისათვის, რა უნდა გავაკეთოთ ჩვენ?!

მსახიობი: მოდუნდით. ირეაგირეთ. ამას აკეთებს ხალხი. გაგიჭირდებათ ცხოვრება, თუ ყოველ ნაბიჯზე შეკითხვებს დასვამთ.

ბილ: კი, მაგრამ ჩვენ ვერ გაგვიგია, რა ხდება ირგვლივ. არც ის ვიცით, რა ვუყოთ ჩვენს თავებს. არ გვესმის როგორ ვიმოქმედოთ.¹

მსახიობი: ბუნებრივად იმოქმედეთ. სულ ცოტა, თქვენ იცით, რატომ იმყოფებით აქ.

ბილ: ჩვენ მხოლოდ ის ვიცით, რაც გვითხრეს და ეს სრულებით არ არის საკმარისი.

გილდენსტერნის გაურკვევლობა ლოგიკურია. მან მართლაც არ იცის როგორ იმოქმედოს. ცხადია, იგი ვერ აცნობიერებს, რომ უნდა იმოქმედოს, როგორც პიესის მოქმედმა პირმა. ეს მშვენივრად იცის მსახიობმა და ამიტომ, როგორც დამდგმელი რეჟისორი, ინსტრუქციებს აძლევს მათ. მისგან ბუნებრივი მოქმედებისაკენ მოწოდება ეხმიანება ჰამლეტის აზრს, რომ მართებულია, თეატრი „ბუნებას ხარჯვდ გაუხდებ“ (შექსპირი 1987: 352).² სწორედ ამ დარიგებას

¹ დედანში გამოყენებული ინგლისური სიტყვა act აშკარად თამაშობს მოქმედებისა და ხამსახიობო როლის შესრულების მნიშვნელობებზე.

² იხ. შექსპირი 2003: 3.2.18-19.

ისმენს მსახიობი პამლეტისგან შექსპირის ტექსტში და სტოპარდთანაც უნდა ვიგულისხმოთ ამ დარიგების სცენისმიღმური არსებობა.

მნიშვნელოვანია, რომ სტოპარდის პიესაში „გონზაგოს მკვლელობის“ რეპეტიციისას, მძინარე მეფის მკვლელი არა მისი მმისწულია, როგორც „პამლეტში“ გათამაშებულ პიესაში, არამედ მისი ძმა:

ROS: Who was that?

PLAYER: The King's brother and uncle to the Prince.

GUIL: Not exactly fraternal.

PLAYER: Not exactly avuncular, as time goes on. (სტოპარდი 1967: 56)

როზ: ვინ იყო ეგ?

მსახიობი: მეფის ძმა და უფლისწულის ბიძა.

ბილ: არც ისე ძმურად მოიქცა.

მსახიობი: და არც ბიძის შესაფერისად, როგორც მოგვიანებით გამოჩნდება.

როგორც ადრეც აღვნიშნეთ, მსახიობი სარეპეტიციოდ მეფის მკვლელობის აჩრდილისეულ ვერსიას გვთავაზობს, რაც მიანიშნებს იმაზე, რომ მან იცის პამლეტის მამის გარდაცვალების საიდუმლო. რეპეტიცია მხოლოდ პანტომიმის სახით მიმდინარეობს და ამ დროის განმავლობაში მთავარი მსახიობი განუმარტავს როზენკრანცსა და გილდენსტერნს მის შინაარსს. იგი კომენტატორის როლს ასრულებს ზუსტად ისე, როგორც პამლეტი ასრულებდა „სათაგურის სცენაში“ მის გარშემო მყოფთათვის. როდესაც პანტომიმის ის ნაწილი დასრულდება, რომელიც „პამლეტშია“ წარმოდგენილი, მსახიობი გამოაცხადებს მეორე მოქმედებას, მაშინ როცა გილდენსტერნს პანტომიმა უკვე დასრულებული ჰგონია:

GUIL: Wasn't that the end?

PLAYER: Do you call that an ending?—with practically everyone on his feet? My goodness no—over your dead body.

GUIL: How am I supposed to take that?

PLAYER: Lying down. (*He laughs briefly and in a second has never laughed in his life.*) There's a design at work in all art—surely you know that? Events must play themselves out to aesthetic, moral and logical conclusion.

GUIL: And what's that, in this case?

PLAYER: It never varies—we aim at the point where everyone who is marked for death dies. (სტოპარდი 1967: 57)

ბილ: არ დასრულებულა?

მსახიობი: ამას ეძახი დასრულებას, როცა პრაქტიკულად უველა ფეხზე დგას და ცოცხალია? ღმერთო ჩემო, არა, ვიდრე მკვდრები არ გახდებით.

ბილ: როგორ მივიდო ეგ სიტყვები?

მსახიობი: მწოლარებ. (წამიერად გაიცინებს და უცბად ისეთ სახეს მიიღებს თითქოს არასდროს გაეცინოს.) ხელოვნების ყოველ ნაწარმოებში რაღაცა ჩანაფიქრი დევს – თქმა არ უნდა, ეს ხომ იცით? მოვლენები უნდა გათამაშდეს ვიდრე არ მივაღწევთ ესთეტიკურ, მორალურ და ლოგიკურ ფინალამდე.

ბილ: და ამ შემთხვევაში, რას გულისხმობს ეს?

მსახიობი: ეს ყველა შემთხვევაში ერთს გულისხმობს: უნდა მივიდეთ იქამდე, სადამდეც ყველა, ვისი სიკვდილიც განსაზღვრულია, კვდება.

მსახიობის სიტყვებში, ფაქტობრივად, არეკლილია როზენკრანცისა და გილდენსტერნის ბედისწერის „მორალი“. გავიხსენოთ, რომ პიესის სათაურია „ჰამლეტიდან“ ნასესხები ინგლისის ელჩის სიტყვები: „*Rosencrantz and Guildenstern are Dead*“ (შექსპირი 2003: 5.2.350). ამის შემდეგ ნათელი გახდება მსახიობის სიტყვების მნიშვნელობა: „ჰამლეტის“ დასასრულიდან ნასესხები და სტოპარდის პიესის სათაურად ქცეული ინგლისის ელჩის ეს სიტყვები წინდაწინვე უსაზღვრავს როზენკრანცსა და გილდენსტერნს გარდაუვალ სიკვდილს. ეს ყველაფერი კარგად იცის მსახიობმა. მისი წამიერი სიცილი და შემდგომ უცაბედი დასერიოზულება სწორედ იმ საიდუმლოს მალავს, რომელმაც პიესის პროტაგონისტებს და არა მხოლოდ მათ სიკვდილი განუსაზღვრა. გილდენსტერნს აკვირვებს და აშფოთებს მსახიობის ესთეტიკური ხედვის ლოგიკა, რომელიც სიკვდილგანსაზღვრულ პერსონაჟთა სიკვდილის აუცილებელ

აღსრულებას ეფუძნება. იგი დაინტერესებულია, ვინ წყვეტს ამ ყველაფერს, რაზეც მსახიობი პასუხობს: “Decides? It is written” (სტოპარდი 1967: 58) [„წევებს ამ დაწერილია“]. ამ სიტყვებზე, უკვე მისგან შეტრიალებულ მსახიობს გილდენსტერნი ხელს დავლებს და აგრესიულად უკანვე მოატრიალებს. გილდენსტერნი, რა თქმა უნდა, ქვეცნობიერად გრძნობს, რომ მსახიობი მართალია, რადგან მსახიობის მიერ გაცნობიერებულ მეტადრამატულ შრეს გილდენსტერნი თავის ქვეცნობიერში ატარებს. გათვითცნობიერებული მსახიობი მის ქვეცნობიერ სიმებს ეხება და ამიტომაც დრტვინავს გილდენსტერნი. მსახიობი ცდილობს განუმარტოს: “We’re tragedians, you see. We follow directions—there is no choice involved. The bad end unhappily, the good unluckily. That is what tragedy means” (სტოპარდი 1967: 58) [„ჩვენ ტრაგიურსები ვართ, როგორც ხედავთ, და მივყვებით მითითებებს — არჩევანს არა აქვს ადგილი. ცუდების ბოლო უბედურია, კარგებისა კი — უიღბლო. აი, ამას ნიშნავს ტრაგედია“]. ძნელი შესამჩნევი არ არის თუ რაოდენ ჰგავს მსახიობის ამ ლოგიკას გილდენსტერნის ადრეული მსჯელობის დეტერმინისტული ლოგიკა, როდესაც ის ცდილობს დეპრესიაში ჩავარდნილი როზენკრანცი დაარიგოს. გამოდის, რომ გილდენსტერნი საკუთარ თავს ეწინააღმდეგება, როდესაც მსახიობს ეკამათება. უფრო ზუსტი კი იქნება, თუ ვიტყვით, რომ გილდენსტერნი ქვეცნობიერად მაინც გრძნობს საკუთარი ბედ-იღბლის დეტერმინირებულობას, მაგრამ ბოლომდე მაინც არ უნდა ამ რეალობის მიღება. სწორედ ამიტომ ეურჩება იგი მსახიობს და სინამდვილეში, მის შემოქმედსა და მისი ბედის განმსაზღვრელს — შექსპირს.

მსახიობმა რომ შექსპირივით წინდაწინვე იცის ყველა პერსონაჟის საბოლოო ბედი — ამაზე პანტომიმის მეორე ნაწილი მიანიშნებს, სადაც, როგორც ადრეც შევნიშნეთ, სრული სიზუსტით არის გათამაშებული ის, რაც უნდა მოხდეს „პამლეტში“ „გონზაგოს მკვლელობის“ დადგმის შემდგომ. მსახიობის მიერ პანტომიმაზე გაკეთებული კომენტარის მეშვეობით როზენკრანცსა და გილდენსტერნს ფაქტიურად თავიანთი მომავლის გაგების შესაძლებლობა ეძლევათ. მიუხედავად იმისა, რომ ისინი ამჩნევენ თავიანთ მსგავსებას მსახიობ ჯაშუშებთან, მაინც ვერ ხვდებიან რეალურად რაშია საქმე, და არა მარტო მოცემულ მომენტში, არამედ, როდესაც პანტომიმაში გათამაშებული მოვლენები მოგვიანებით მართლაც სრულდება, მაშინაც ვერ იაზრებენ, რომ ეს ყველაფერი წინდაწინვე ამცნო მათ მსახიობმა.

ნიშანდობლივია მსახიობის კომენტარი პანტომიმის ჯაშუში პერსონაჟების ბედზე: “Traitors hoist by their own petard?—or victims of the gods?—we shall never know!” (სტოპარდი 1967: 60) [„სხვისთვის დაგებულ მახვი გაბმული მოღალატები, თუ დმურთებისგან განწირულები? — ამას კერასდროს გავიგებო”]. მსახიობის ეს სიტყვები პირდაპირ ეხება სტოპარდის პროტაგონისტებს: მართლაც გაურკვეველია, ისინი პამლეტის მოღალატები არიან, თუ შექსპირისგან პიესის სიუჟეტის გასამართად გამოყენებული და შემდეგ მოშორებული პერსონაჟები. ალბათ ეს თავად სტოპარდის შეკითხვასაც უნდა გამოხატავდეს შექსპირის მიმართ. მან ხომ სულ სხვა სინამდვილე ამოიკითხა როზენკრანცისა და გილდენსტერნის ცხოვრებაში.

სტოპარდის პროტაგონისტები სულაც არ ჩანან ბედნიერნი, სამეფო კარზე რომ მოიხმეს; უფრო მეტიც, ბოლომდე ვერც კი სწვდებიან მათოვის დაკისრებული საქმის არსეს. როზენკრანცს დეპრესიული შემოტევებიც აქვს, სურს რა, გაექცეს მის თავზე მოხვეულ რეალობას. თუმცა ორივენი გრძნობენ, რომ რაღაც ძალა, რომელსაც ისინი ვერ აკონტროლებენ, მართავს მათ. მსახიობის სიტყვები პანტომიმის ჯაშუშ პერსონაჟებზე ასევე მიანიშნებს, იგი შექსპირის სულთან ერთად სტოპარდის სულსაც რომ გამოხატავს, რადგან მისი შეკითხვის იდეური ავტორი უდავოდ სტოპარდია. მსახიობის ცოდნა ფაქტიურად უტოლდება იმ ცოდნას, რაც სტოპარდს ჰქონდა ამ პიესის დაწერისას. მაგალითად, შექსპირის „პამლეტზე“ არსებული ფროიდისეული ინტერპრეტაციის ნაური ჩანს მსახიობის მიერ დადგმული პანტომიმის იმ ეპიზოდში, სადაც იდეაში გათამაშებულია პამლეტისა და დედამისის კამათის სცენა, კომენტირებული თავად მსახიობის მიერ: “...he at last confronts his mother and in a scene of provocative ambiguity—(a somewhat oedipal embrace) begs her to repent and recant” (სტოპარდი 1967: 59) [„...ბოლოს იგი წარსდგება დედამისის წინაშე და გამომწვევი ორაზროვნების ხცენაში — (ცოტა არ იყოს ოიდიპოსური ჩახუტება) სთხოვს მას, აღიაროს დანაშაული და შეინახოს”]. მსახიობისგან ჩახუტების ასეთი მანერის არჩევა მიანიშნებს იმაზე, რომ მის გონებაში ინტეგრირებულია ცოდნა ფსიქოანალიტიკური ლიტერატურული კრიტიკის შესახებ. ეს სწორედ ის ცოდნაა, რაც აერთიანებს მას პოსტმოდერნული ეპოქის სტოპარდთან და განასხვავებს რენესანსული ეპოქის შექსპირისაგან.

როზენკრანცსა და გილდენსტერნს ვერ გაუგიათ რას მოითხოვენ მათგან. გილდენსტერნი ამბობს: “They’re waiting to see what we’re going to do....” “As soon as we

make a move they'll come pouring in from every side, shouting obscure instructions, confusing us with ridiculous remarks, messing us about from here to breakfast and getting our names wrong" (სტოპარდი 1967: 62) [„ელოდებიან გაიგონ რის გაკეთებას გაპირებთ....“ „საკმარისია ოდნავ გავინძრეთ და უველა მხრიდან მოგვაწყდებიან, გაუგებარ მითითებებს დაგვაყრიან, სულელური შენიშვნებით დაგვაბნევენ, თავს მოგვაბეზრებენ და ჩვენს სახელებსაც ერთმანეთში აურევენ“]. როზენკრანცი დააპირებს შექმინადმდეგოს მეგობრის აზრს, მაგრამ ვიდრე პირს გააღებს სალაპარაკოდ, სცენის მიღმა კლავდიუსის განგაშნარევი ხმა გაისმება – “Ho, Guildenstern!” (62) [„იო, გილდენსტერნ!“] – და გერტრუდთან ერთად შემოვა კიდეც სცენაზე, რითაც დასტურდება გილდენსტერნის სიტყვების სისტორე მათი მდგომარეობის შესახებ. ეს მდგომარეობა არაპროგნოზირებადობით გამოირჩევა. როცა, მაგალითად, ისინი მოელიან ჰამლეტის შემოსვლას სცენის ერთი მხრიდან, ის რეალურად საპირისპირო მხრიდან შემოდის. მთელი სიტუაცია, რაც წარმოდგენილია პიესის პროტაგონისტების გარშემო, ათამაშებს მათ მარიონეტებივით. გილდენსტერნი გრძნობს ამას. მას ისიც აკვირვებს, რატომ გამოიძახეს ამ უაზრო საქმის აღსასრულებლად, მაშინ როცა ნებისმიერს მათ ადგილას შეეძლო მისი აღსრულება. ის ხვდება, რომ მათი პირადი წვლილი ნულის ტოლია სიტუაციის ცვლილებაში. მათ ერთი სული აქვთ როდის განთავისუფლდებიან თავიანთი „მოვალეობისგან“. დიდი ტვირთია მათთვის ეს გაუგებრობა. ამიტომ, უსამართლოა ჰამლეტის სიტყვები როზენკრანცის მიმართ, როდესაც ის მას სარეცხ დრუბელს ადარებს, რომელიც ჯერ სითხეს შეისრუბავს და შემდეგ უკანვე გამოწურავენ. როზენკრანცის რეაქცია სავსებით ბუნებრივი ჩანს ჰამლეტის „მამხილებელ“ სიტყვებზე: “I understand you not my lord” (შექსპირი 2003: 4.2.20) [„მე არ მესმის თქვენი ლაპარაკი, ხელმწიფის შვილო“ (შექსპირი 1987: 366)]. თუმცა „ჰამლეტის“ ტექსტი ასეთი ბუნებრიობის შთაბეჭდილებას არ გვიქმნის, რადგან იქ უცნობია როზენკრანცისა და გილდენსტერნის ცხოვრების ის საიდუმლო, რაც სტოპარდმა ასე თრიგინალურად დაგვიხატა. შექსპირის ტექსტი იმ ინტერპრეტაციის შესაძლებლობასაც ტოვებს, რომ როზენკრანცი მიხვდა ჰამლეტის მამხილებელი სიტყვების შინაარს, მაგრამ არ შეიმჩნია; სტოპარდის როზენკრანცთან მიმართებით კი ამ ინტერპრეტაციის უფლება ალბათ არ გვაქვს, რადგან ის, მეფისგან მატერიალურ გამორჩენას რომ არ ეძებს – ფაქტია. მისთვის, ისევე

როგორც მისი მეგობრისთვის, ერთადერთი გამორჩენა, ამ შემთხვევაში, კლავდიუსის დავალებებისაგან განთავისუფლება თუ იქნება.

პიესის მესამე მოქმედება იწყება როზენკრანცისა და გილდენსტერნის საკმაოდ ხანგრძლივი დიალოგით სიბრუნვეში, როდესაც ისინი ინგლისისკენ მიმავალ გემზე იმყოფებიან. ამ დიალოგში კიდევ უფრო დრმად იკვეთება მათი სულიერი შეჭირვება. მათ, უბრალოდ, არ იციან, რა ქნან, რაში მდგომარეობს მათი ფუნქცია. მუდამ ელიან ისეთ რამეს, რაც მისცემს აზრს მათ სიცოცხლეს, მათ მოქმედებას, და აშინებთ ის, რომ შესაძლოა, არ გამოჩნდეს ასეთი რამ. კარისკაცებმა ზოგჯერ არც ის იციან, რა თქვან. ამიტომ გილდენსტერნი ასე ლოცულობს: “Give us this day our daily cue” (სტოპარდი 1967: 74) [„რეპლიკა ჩვენი არსებისა მომეც ჩვენ დღეს“]. რა თქმა უნდა, ამ სიტყვებში კვლავაც მეტადრამატიზმი იკვეთება: პიესის პროტაგონისტებს უჭირთ სიტყვების თავად გამოძებნა, თუ ავტორმა არ ჩაუდო პირში მათ ეს სიტყვები. “We act on scraps of information . . . sifting half-remembered directions that we can hardly separate from instinct” (სტოპარდი 1967: 74) [„ჩვენ ინფორმაციის ნაგლუჯებზე დაყრდნობით ვმოქმედებთ . . . ვცდილობთ გავერკვეთ ნახევრად დამახსოვრებულ დავალებებში, რომლებიც ძლივს გაგვირჩევია ინსტინქტისაგან“]. გილდენსტერნის ეს სიტყვები ფაქტიურად პირდაპირ ეხმიანება იმ მოსაზრებას, რომ მეტადრამატულობის განცდა სტოპარდმა მის ქვეცნობიერში ჩადო, რომელიც, ამ შემთხვევაში, შეგვიძლია ინსტინქტს გავუთანაბროთ. ლოგიკურია გილდენსტერნის შემჩნევაც, რომ მათ თავზე მოხვეული ბრძანებები ძნელად განირჩევა მათი ინსტინქტისაგან. გილდენსტერნს აქ ცოტა უკლია მიხვდეს, რომ პიესის პერსონაჟია, მაგრამ ავტორს მის ცნობიერში მაინც არ ამოაქვს ეს საიდუმლო. ნელვინ ვოსის სიტყვებით, „თუ ცხოვრება პიესაა, როზენკრანცმა და გილდენსტერნმა არ იციან მისი ფაბულა. მათი როლები არ არის დრამაში განსაზღვრული; მათ არა აქვთ „პამლეტი“ წაკითხული“ (ვოსი 2009: 151).

გემზე ყოფნისას როზენკრანცს აწუხებს და გერ გაურკვევია, რა უნდა მოიმოქმედონ, რა უნდა იყოს მათი შემდგომი სკლა, როცა ინგლისის მეფეს წარუდგებიან პამლეტითა და წერილით:

ROS: We take Hamlet to the English king, we hand over the letter—what then?

GUIL: There may be something in the letter to keep us going a bit.

ROS: And if not?

GUIL: Then that's it—we're finished.

ROS: At a loose end?

GUIL: Yes. (სტოპარდი 1967: 76)

როზ: ჩვენ მივიყვანთ ჰამლეტს ინგლისის მეფესთან, გადავცემთ წერილსაც – რა მერე?

ბილ: შესაძლოა წერილში რამე ისეთი ეწეროს, რაც გარკვეული ხნით გაგვიგრძელებს მომავალს.

როზ: და თუ არა?

ბილ: მაშინ, დამთავრებულა ჩვენი საქმე და ეგ არის.

როზ: ანუ აღარ გვეცოდინება რა გქნათ?

ბილ: ჰო.

მოცემული დიალოგი საკმაოდ ცხადად მიანიშნებს სტოპარდის როზენკრანცისა და გილდენსტერნის პერსონაჟულ ბუნებაზე. ისინი გრძნობენ და გილდენსტერნი თითქოს რამდენადმე აცნობიერებს კიდეც, რა სახით მოქმედებს თავიანთი არსებობის მექანიზმი, მაგრამ მათი პერსონაჟობა რომ ქმნის ამ მექანიზმს, ამაზე არცერთ მათგანს წარმოდგენა არა აქვს, რაც იმას ნიშნავს, რომ ისინი არ იცნობენ ამ მექანიზმის ნამდვილ არსს და შესაბამისად, არც მის შემოქმედსა და მმართველს:

როზენკრანცისთვის უმიზნობა და გაურკვევლობა იმდენად გაუსაძლისი ხდება რომ:

ROS: I wish I was dead. (*Considers the drop.*) I could jump over the side. That would put a spoke in their wheel.

GUIL: Unless they're counting on it.

ROS: I shall remain on board. That'll put a spoke in their wheel. (*The futility of it, fury.*) All right! We don't question, we don't doubt. We perform. But a line must be drawn somewhere, and I would like to put it on record that I have no confidence in England. Thank you. (სტოპარდი 1967: 78)

როზ: ნებავი მკვდარი ვიყო. (თვალით ზომავს ხიდაღლებს) გადავხეტები გემიდან და კოვზიც ჩაუვარდებათ ნაცარში.

ბილ: კი, თუ სწორედ ამ მოქმედების შესრულებას არ მოელიან შენგან.

როზ: მაშინ გემზე დავრჩები და ჩაუგარდებათ კოვზი ნაცარში. (გააცნობიერებს ამ გადაწყვეტილების ამაოებასაც და ბრაზი მოერუფა.) ჰო, კარგი! ძალიან კარგი! შეკითხვებს აღარ ვსვამთ, აღარც ჰჭვებს გამოვთქვამთ. შეგასრულებთ და გათავდა. ოდონდ ზღვარი სადღაც უნდა გაივლოს, და მინდა ოფიციალურად განვაცხადო, რომ არ ვენდობი ინგლისს. გმადლობთ.

აქ რამდენიმე მომენტს უნდა გავუსვათ ხაზი და თან გავავლოთ პარალელები ჰამლეტის სიტუაციასთან:

- 1) თავისი აბსურდული არსებობითა და გაურკვეველი მოვალეობებით გულგაწყალებულ როზენკრანცს შერს, გაექცეს ამქვეყნიურ განსაცდელებს. ეს ეხმიანება ჰამლეტისეულ ყოფნა-არყოფნის თემას. თუმცა, რას განიცდის როზენკრანცი და რას ჰამლეტი – ეს უკვე სხვა საკითხია.
- 2) როზენკრანცს შერისძიების წყურვილი აქვს მათზე, ვინც ასე აპამპულავებს მას და მის მეგობარს უაზრო და გაუგებარი მოქმედებების დავალებით. ეს ეხმიანება მამა-შვილი ჰამლეტების შერისძიების წყურვილს კლავდიუსზე. როზენკრანცთანაც შერისძიების მთავარი ობიექტი კლავდიუსია, რადგან სწორედ მან მოიხმო ისინი ელსინორიდან და თავს მოახვია ინგლისში გამგზავრების გაუგებობაც.
- 3) როზენკრანცს თავისი არსებობის დეტერმინისტული არსის წინააღმდეგ უნდა იმოქმედოს, მაგრამ გილდენსტერნის დახმარებით საბოლოოდ ხვდება, რომ შეუძლებელია გაარკვიოს წყალში გადახტომა, თუ გემზე დარჩენა ჩაშლის მათ (ანუ კლავდიუსისა და სხვათა) გეგმებს. ის აცნობიერებს, რომ წინასწარ ვერასდოოს ჩასწვდება მათი მომავალი ბედის დეტერმინისტულ საიდუმლოს და ამიტომაც ერევა ბრაზი. მისგან შერისძიების იდეაზე ხელის აღება ეხმიანება ჰამლეტის ჭოჭმანს და მუდმივად მიზეზების ძიებას, რომ გადადოს შერისგების აღსრულება, რადგან ჰამლეტი არ არის დარწმუნებული რამდენად სწორია ეს გზა, და ისიც კარგად ესმის, რომ ადამიანის ბოროტება ამით ვერ დაიძლევა. გარდა ამისა, გემიდან გადახტომის გადაფიქრება ეხმიანება ჰამლეტის დასკვნას, რომ მაინც შეჩვეული ჭირი სჯობს ამ ქვეყნად ყოფნის სახით,

ვიდრე ის ჭირი, რაც შეიძლება იმ ქვეყნად მოელოდეს აქედან გაქცეულ ადამიანს.

- 4) როზენკრანცის ბრაზიან, თუმც ბედისადმი შემგუებლურ, სიტყვებში ქვეცნობიერი მეტადრამატიზმი ირეკლება. იგი იძულებულია აღიაროს, რომ შემსრულებელია, მაგრამ არ მოსწონს და ეჭვის თვალით უყურებს იმას, რისი შესრულებაც უწევს. მისგან ინგლისისადმი უნდობლობის ოფიციალურ სტილში გამოცხადება და შემდეგ მადლობის მოყოლება კვლავ მეტადრამატულ სულს ატარებს. ვის უუბნება როზენკრანცი თავის „გამოსვლაში“ მადლობას? ალბათ იმას ვინც მას და მის მეგობარს განუსაზღვრა ის, რაც განუსაზღვრა. და ჩვენ ვიცით, რომ სტოპარდთან ეს არც კლავდიუსია და არც ჰამლეტი, არამედ მათი ავტორი – შექსპირი, – რომლის სახე და იდუმალი ცოდნაც სტოპარდმა თავის ზეპერსონაჟში, მთავარ მსახიობში ჩადო, რომელმაც, ცხადია, ყველა სხვა პერსონაჟის ბედი იცის.
- 5) როზენკრანცის სიტყვებში პირდაპირ ჩანს, რომ მას ცუდი წინათგრძნობა აქვს ინგლისში გამგზავრების მიმართ. ეს კი შეგვიძლია დაშნის ხმარებაში ლაქრტოან შეჯიბრის მიმართ ჰამლეტის ცუდ წინათგრძნობას დაგუკავშიროთ. ორივე შემთხვევაში ეს წინათგრძნობები მართლდება და გმირებისათვის საბედისწერო დასასრული მოაქვს.

ყველა ჩამოთვლილი მომენტი უკავშირდება როზენკრანცისა და გილდენსტერნის „უცნაურ ბედს „ჰამლეტში“. აუხსნელი დავალებების დეტერმინისტული ძალა ამზადებს მათ ალოგიკურ სიკვდილს. შექსპირის პიესაში კარისკაცებს უნდა სცოდნოდათ და სტოპარდის პიესაში მათ ნამდვილად იციან, რომ აბსურდია ჰამლეტის გარეშე კლავდიუსის წერილის გადაცემა ინგლისის მეფისათვის, მაგრამ ამ დავალების შესრულებისაკენ მიმართული ძალა უფრო ძლიერი აღმოჩნდება, ვიდრე დანიაში სასწრაფოდ უკან დაბრუნების ლოგიკური გადაწყვეტილება. მიუხედვებად იმისა, რომ სტოპარდის როზენკრანცსა და გილდენსტერნს ჰამლეტის მიერ ჩანაცვლებული წერილის წაკითხვის საშუალებაც კი ეძლევათ, თვით მათი თვითგადარჩენის ინსტინქტი უძლური აღმოჩნდება იმ დავალებათა დეტერმინისტული ძალის წინაშე, რომლებიც მიეცათ მათ. სხვა სიტყვებით, როზენკრანცსა და გილდენსტერნს დაევალათ, რომ მოკვდნენ და ამიტომაც მოკვდნენ. გარდა ამისა, აქ სტოპარდი კიდევ ერთხელ გვახსენებს, რომ როზენკრანცი და გილდენსტერნი, რაღაც

გაგებით, თანამედროვე ჰამლეტები არიან, რითაც ირიბად მიგვითითებს იმ მსგავსებებსა და განსხვავებებზე, რაც არსებობს რენესანსულ და პოსტმოდერნულ სულს შორის.

ამრიგად, როგორც იკვეთება, სტოპარდმა გილდენსტერნის ქვეცნობიერში მოათავსა შექსპირის „ჰამლეტის“ მეტადრამატული სამყაროს გამოძახილი, ხოლო რახან როზენკრანცში ეს გამოძახილი ნაკლებად იგრძნობა, შეგვიძლია ვიგულისხმოთ, რომ სტოპარდმა იგი მის არაცნობიერში გამოკეტა. თუმცა, ისიც უნდა აღინიშნოს, რომ გილდენსტერნის დახმარებით ზოგჯერ თითქოს როზენკრანციც რამდენადმე ახერხებს არაცნობიერში ჩაკარგულის ქვეცნობიერამდე ამოწევას. ხოლო, პიესაში ერთადერთი პერსონაჟი, რომელსაც სტოპარდმა მისცა მეტადრამატული სამყაროს განჭვრების უნარი – ეს არის მთავარი მსახიობი. რაც იმალება როზენკრანცის არაცნობიერში, ხოლო იგრძნობა გილდენსტერნის ქვეცნობიერში, ის გაცხადებულია მსახიობის ცნობიერში. ამის შედეგად, მსახიობმა იცის როზენკრანცისა და გილდენსტერნის საბოლოო ბედის შესახებ, მიუხედავად იმისა, რომ გილდენსტერნი მის გაბითურებასაც ახერხებს, როდესაც ფულზე ეთამაშება.

3.7. „შეკითხვობანას“ თამაში

გილდენსტერნი ასე უხსნის როზენკრანცს, რა სახის მოქმედება მართებთ ჰამლეტთან მიმართებით: “....it's a matter of asking the right questions and giving away as little as we can. It's a game” (სტოპარდი 1967: 29) [„....ეს არის სწორი შეკითხვების დასმისა და მინიმალური ინფორმაციის გაცემის საკითხი. ეს თამაშია“]. ცოტა მოგვიანებით, მისი ლაპარაკით დაბნეული როზენკრანცი ეკითხება: “What are you playing at?” (29) [„რა გინდა მაგით თქვა, რას თამაშობ?“]. გილდენსტერნის პასუხია: “Words, words. They're all we have to go on” (30) [„ხიტები. ხიტები. ხიტებია ის უკელავერი, რაც გაგვაჩნია მოქმედების გასაგრძელებლად“]. რა თქმა უნდა, ეს პასუხი უნდა უკავშირდებოდეს პოლონიუსის შეკითხვაზე ჰამლეტის პასუხს, თუ რას კითხულობს ის: “Words, words, words” (შექსპირი 2003: 2.2.190) [„ხიტები, ხიტები, ხიტები“ (შექსპირი 1987: 342)]. გარდა ამისა, გილდენსტერნის პასუხი მისთვის გაუცნობიერებელ მეტადრამატულ კონტაციასაც ატარებს: მათ არ იციან როგორ იმოქმედონ იმ გაუგებრობაში,

რაშიც მოხვდნენ, და როგორც პიესის პერსონაჟები, ძირითადად სიტყვებით სულდგმულობენ. მელ გასოუ შენიშნავს: „იმ მომენტიდან, როდესაც როზენკრანცი და გილდენსტერნი პირველად გამოჩდნენ სასახლეში და დაიწყეს ფიქრი, რა ხდებოდა ელსინორში მათი ექსცენტრული კლასელის თავს, სტოპარდი ეჭვება აყენებს ადამიანის თვითმყოფადობის შესაძლებლობას, მის უნარს, თავი გაიტანოს რეპრესიულ გარემოში“ (გასოუ 1996: viii).

შემდეგ ისინი ერთობიან „შეკითხვობანას“ თამაშით, სადაც ქულების ანგარიში ჩოგბურთის წესებს ეფუძნება. ეს სიტყვიერი პინგ-პონგის ასოციაციას იწვევს, რაში ვარჯიშიც მათ ნამდვილად სჭირდებათ ჰამლეტთან შეხვედრის წინ. ნიშანდობლივია, რომ ამ თამაშში შეკითხვისათვის პასუხის გაცემა, ანუ მტკიცებითი წინადადების გამოყენება შეცდომას ნიშნავს. ეს ეხმიანება გილდენსტერნის ნათქვამს, რომ მათ ჰამლეტთან შეკითხვების დასმა მართებთ და ინფორმაციის გაცემისაგან თავშეკავება. ინფორმაცია ხომ ჩვეულებრივ თხრობითი წინადადებებისგან გადმოიცემა და არა – კითხვითისგან. ამიტომ მათ, რაც შეიძლება მეტი შეკითხვა უნდა დაუსვან ჰამლეტს და პასუხი გააცემინონ მათზე, ხოლო ჰამლეტის შეკითხვები აირიდონ, თუ სიტყვიერი პინგ-პონგის მოგებაზე ფიქრობენ.

გარდა ზემოთქმულისა, „შეკითხვობანას“ თამაშს პიესაში სხვა სიმბოლური დატვირთვაც გააჩნია. ის სამყაროს შეუცნობლობას გამოხატავს. მისი წესებით, მტკიცებითი წინადადების თქმა რომ შეცდომაა – ამით მინიშნებულია ადამიანისგან თქმული ყოველი ასეთი წინადადების მცდარობა. მტკიცებით წინადადებებს არ შესწევთ ძალა, ასახონ სინამდვილე. რაც შეეხება კითხვით წინადადებებს, მათ პრეტენზია არ გააჩნიათ სინამდვილის ასახვაზე, პირიქით, ისინი მხოლოდ კითხვებს სვამენ ამ სინამდვილის შესახებ, ხოლო მათზე ყოველგვარ პასუხს ეჭვება აყენებენ. რა თქმა უნდა, ისინიც ვერ ასახავენ რეალობას, მაგრამ ამქვეყნიურ ადამიანურ მდგომარეობას მტკიცებით წინადადებებზე უფრო ადეკვატურად გამოხატავენ. ამიტომ, განხილულ თამაშში გამარჯვება სწორედ შეკითხვების დასმას ეფუძნება. ასეთი თამაში კი მიანიშნებს, რომ ადამიანისთვის ეს სამყარო უფრო შეკითხვაა, ვიდრე მტკიცებულება. და რახან პიესის პროტაგონისტები ჰამლეტის მიმართ შეკითხვების დასმის მსგავს მეთოდს მიმართავენ, შეუცნობელ სამყაროს, ამ შემთხვევაში, უკვე ჰამლეტის შინაგანი სამყარო წარმოადგენს, რომლის შეცნობასაც ისინი ამაռდ ცდილობენ. „სათაგურის სცენის“ შემდეგ ჰამლეტი

უუბნება კიდევ მათ: “....you would pluck out the heart of my mystery, you would sound me from my lowest note to the top of my compass....though you can fret me, you cannot play upon me” (შექსპირი 2003: 3.2.330-32; 3.2.335-36) [„...გინდათ, ჩემს საიდუმლოს გული ამოაცალოთ და ჩემის ხულის ხიმებს ხათითაოდ ხმა ამოაღებინოთ....მაგრამ ქეთ იცოდეთ, რომ შეგიძლიანთ გამაწვალოთ, რამდენიცა გხურთ, და ჩემზე დაკვრას კი ვერ მოახერხდთ“ (შექსპირი 1987: 359)].

მას მერე, რაც ჰამლეტთან როზენკრანცისა და გილდენსტერნის პირველი და ყველაზე ვრცელი საუბარი შედგება, სტოპარდის პროტაგონისტები ამ საუბრის შედეგებს სწორედ „შეკითხვობანას“ თამაშის ტერმინებით განიხილავენ. ისინი ითვლიან, რამდენი შეცდომა დაუშვა ჰამლეტმა ამ თამაშის წესების მიხედვით. ისეთი შთაბეჭდილება რჩება, თითქოს, ამ ფორმალურ, თამაშისეულ კრიტერიუმებს გადამწყვეტი მნიშვნელობა აქვს ჰამლეტის საიდუმლოს მიგნებაში. სინამდვილეში კი, ეს ყველაფერი მიანიშნებს მხოლოდ იმაზე, რომ როზენკრანცსა და გილდენსტერნს წარმოდგენა არა აქვთ, რა ხდება მათ თავს. სტოპარდს ისინი, ცოტა არ იყოს, მოსულელო ელემენტებად ჰყავს გამოყვანილი. დანიელ ჯერნიგანის (ჯერნიგანი 2012: 19) აზრით, მათი მოსულელობა და აგრეთვე მათი მეხსიერების პრობლემა გამოწვეული უნდა იყოს იმითაც, რომ „ჰამლეტი“ არ აღწერს იმ მოვლენებს, რაც მათ გადახდათ კლავდიუსის წინაშე წარდგომამდე. შესაბამისად, შექსპირის ტექსტის მიღმა ისინი უფრო დაბნეულები და უსუსურები ჩანან. ჰაროლდ ბლუმი შენიშნავს: „ჩვენ, როგორც მაყურებლები, კცნობთ „ჰამლეტის“ ცნობილ სიუჟეტს, მაგრამ როზენკრანცსა და გილდენსტერნს, როგორც პერსონაჟებს სხვა პიესაში, არა აქვთ წარმოდგენა იმ განზომილებაზე, რომელშიც მოქცეულია მათი არსებობა“ (ბლუმი 2003: 17). ჯიმ ჰანტერი კი ამბობს: „ის ფაქტი, რომ როზენკრანცსა და გილდენსტერნს არაფერი ახსოვთ იქამდე, სანამ სიუჟეტს არ დასჭირდა ისინი, მიანიშნებს, რომ ისინი მხოლოდ მისი დანიშნულებისთვის არსებობენ“ (ჰანტერი 2000: 32).

3.8. სიგვდილის გააზრება

როგორც მოცემული სადისერტაციო ნაშრომის პირველ თავში შევნიშნეთ, არაერთი კრიტიკოსი სვამს კითხვას იმის თაობაზე, თუ რამდენად იმსახურებდნენ შექსპირის როზენკრანცი და გილდენსტერნი ისეთ ბედს,

როგორსაც შეუყარნენ. თუკი ჩავთვლით, რომ მათ იცოდნენ კლავდიუსის შეთქმულების შესახებ, მაშინ შეიძლება ითქვას, ალალია მათზე ამგვარი ბოლო. როგორც ჩატარებულმა კვლევამ აჩვენა, მათ პქონდათ საკმარისი ცოდნა იმის მისახვედრად, რომ წერილში კლავდიუსი ინგლისის მეფეს ჰამლეტის, სულ ცოტა, დატუსაღებას მაინც მოსთხოვდა. მიუხედავად იმისა, რომ ვერ დასტურდება შექსპირის როზენკრანცისა და გილდენსტერნის სრული ცოდნა კლავდიუსის შეთქმულების შინაარსის შესახებ, ანუ ჰამლეტზე დაკვეთილი მკვლელობის შესახებ, მათზე გამოტანილი საბოლოო განაჩენი მაინც ექვემდებარება გარკვეულ გამართლებას. მაგრამ, შეიძლება კი იგივე ითქვას სტოპარდის როზენკრანცისა და გილდენსტერნის შესახებ?

ჩვენ ვხედავთ, რომ სტოპარდის გმირებმა საერთოდ არაფერი იციან კლავდიუსის შეთქმულების შესახებ, ვიდრე მეფის წერილს არ გახსნიან და არ წაიკითხავენ. როდესაც პიესის პროტაგონისტები წერილში აღმოაჩენენ, რომ კლავდიუსი ინგლისის მეფისგან ჰამლეტის მოკვდინებას მოითხოვს, მათ განსახვავებული რეაქცია აქვთ ამ აღმოჩენის მიმართ: როზენკრანცი უარყოფითად დებულობს მას, ხოლო გილდენსტერნი, შეიძლება ითქვას, – ნეიტრალურად. გილდენსტერნს ოთხი მიზეზი მოჰყავს იმის დასასაბუთებლად, რომ ხელი არ უნდა შეუშალონ ამ წერილის ადრესატამდე მისვლას და შესაბამისად, ჰამლეტის მოკვდინებას: 1) სიკვდილი ადრე თუ გვიან მაინც არავის ასცდებაო; 2) საზოგადოებრივი გადმოსახედიდან, ერთი კაცის სიკვდილით დიდი არაფერი დაშავდებაო; 3) სიკვდილი შეიძლება სულაც არ იყოს ისეთი საშინელი რამ, როგორც ის წარმოუდგენიათო, და 4) ჩვენგან უმართებულო იქნება უცოდინრად ჩავერიოთ ბედისწერის ან თუნდაც მეფეთა განაძრახშიო. ფაქტიურად, გილდენსტერნი პოსტმოდერნულად ცივი გონებით მსჯელობს ადამიანის საბოლოო ბედზე და ხელს იბანს ჰამლეტის სიკვდილზე პასუხისმგებლობისაგან. როზენკრანცს რამდენადმე აწუხებს სინდისი, თუმცა მისი წუხილი საბოლოოდ არაქმედითი და უნაყოფოა. როზენკრანცისა და გილდენსტერნის პოზიციებს შორის განსხვავებას ფაქტიურად აჯამებს შემდეგი დიალოგი:

ROS: But what's the point?

GUIL: Don't apply logic.

ROS: He's done nothing to us.

GUIL: Or justice.

ROS: It's awful.

GUIL: But it could have been worse. (სტოპარდი 1967: 80)

როზ: კი მაგრამ, რატომ განიზრახეს ეს?

ბილ: ნუ ეძებ ლოგიკას.

როზ: ჩვენთვის არაფერი დაუშავებია.

ბილ: ნურც სამართალს.

როზ: საშინელებაა.

ბილ: უარესიც შეიძლებოდა ყოფილიყო.

გილდენსტერნის ცივი გონების გავლენით, ის მცირე სინდისის ნაპერწკალი, რომელმაც გაიელვა როზენკრანცის გულში, ნელდება და ქრება. ის აჯერებს კიდეც საკუთარ თავს, რომ მათ ჰამლეტი მისთვისვე საკეთილდღეოდ მიჰყავთ ინგლისში. ჰამლეტი კი სწორედ ის პიროვნებაა, რომლისთვისაც ადამიანის სინდისიერებას განუზომელი ფასი აქვს. ამიტომაც ყოველგვარი ყოფმანის გარეშე გაუყენებს იგი სინდისგაციებულ როზენკრანცსა და გილდენსტერნს სიკვდილის გზას, და ჰორაციოსაც განუცხადებს: “They are not near my conscience” (შექსპირი 2003: 5.2.58) [„...სინდისიც არა მტანჯავს იმათ გულისხმის...“ (შექსპირი 1987: 383)].

სტოპარდი ჰამლეტისგან ჩანაცვლებული წერილის წაკითხვის საშუალებასაც აძლევს თავის როზენკრანცსა და გილდენსტერნს, ვიდრე ისინი ინგლისში ჩავლენ. რაოდენ გასაკვირიც არ უნდა იყოს, მათ მხოლოდ შინაარსი აკვირვებთ წერილის ახალი ვერსიისა და საერთოდ ვერ ამჩნევენ იმ ფაქტს, რომ იგი ჩაენაცვლა ადრეულ ვერსიას, რომელიც ჰამლეტის მოკვდინებას მოითხოვდა. ეს მხოლოდ მათი მეხსიერების პრობლემით შეიძლება აიხსნას. მათ აშკარად აღარ ახსოვთ ძველი წერილი და ჰგონიათ, თავიდანვე ეს წერილი იყო მათ ხელში: წერილი, რომელიც მოითხოვს მათ მოკვდინებას.

ჩვენ შეგვიძლია დაგადანაშაულოთ სტოპარდის პროტაგონისტები იმაში, რომ არ შეატყობინეს ჰამლეტს კლავდიუსის წერილის შინაარსი, მაგრამ ისიც მართალია, რომ მათ არ იციან მეფის შეთქმულების მიზეზი. იქნებ მეფე სულაც სწორია, რომ ჰამლეტს სიკვდილი გადაუწყვიტა? იქნებ ჰამლეტი მართლა იმსახურებს სიკვდილს, რახან ასეთი საშიში გახდა ყველასათვის და დაამტკიცა

ეს პოლონიუსის მკვლელობითაც. უფრო მეტიც, როდესაც სტოპარდის როზენკრანცი და გილდენსტერნი წაიკითხავენ იმ წერილს, რომელიც უკვე მათ სიკვდილს მოითხოვს, ისინი თავიანთი თავების გადასარჩენადაც არაფერს აქეთებენ. ამ ყველაფრის გათვალისწინებით, ალბათ უსამართლოა სტოპარდის პროტაგონისტების დადანაშაულება იმაში, რომ ჰამლეტის დასაცავად არ იმოქმედეს, რადგან, როგორც ვხედავთ, მათ რეალური არჩევანი არ გააჩნიათ. ისინი მხოლოდ ისე მოქმედებენ, როგორც დაევალებათ ხოლმე. მათ შეუძლიათ გარკვეული იმპროვიზაცია მათვის შემუშავებული მომაკვდინებელი ფაბულის საზღვრებში, მაგრამ არ შეუძლიათ გადააბიჯონ ამ საზღვრებს. შექსპირის მიერ მათვის შედგენილი ფაბულის უცნაური გაგრძელება ართმევს კარისკაცებს თავიანთი გეზის შეცვლის შესაძლებლობას. ისინი ემორჩილებიან ბედისწერას არა თავისუფალი ნებით, არამედ ამ ნების უქონლობით.

პიესის მეორე მოქმედების სადღაც შუაში, როზენკრანცი ცოტა უცნაურ შეკითხვას უსვამს გილდენსტერნს: “Do you ever think of yourself as actually *dead*, lying in a box with a lid on it?” (სტოპარდი 1967: 50) [„ზოგჯერ არ წარმოიდგენ ხოლმე თავს მოხუცულ უკავშირში მიცვალებულად?“]. მას მერე რაც მეგობრისგან უარყოფით პასუხს მიიღებს, როზენკრანცი მოჰყვება მსჯელობას ასეთ მდგომარეობაში ყოფნის შესახებ და საბოლოოდ დაასკვნის: “Life in a box is better than no life at all. I expect. You’d have a chance at least. You could lie there thinking—well, at least I’m not dead! In a minute someone’s going to bang on the lid and tell me to come out” (51) [„უკავშირი სიცოცხლე, მე მგრი, სჯობს საერთოდ უხიცოცხლობას. რადაც შანსი მაინც გაქვს. იმ ფიქრით შეგიძლია იწვევ, მკვდარი მაინც არ ვარ! ახლა ვიღაცა ხუფზე დამიკაუნებს და მეტყვის, რომ გამოვიდე“]. ჯილ ლეგინსონის თქმით, „როზენკრანცი განჭვრებს ჰამლეტის ყველაზე ცნობილ მონოლოგს, „ყოფნა-არყოფნას“, თავისი ფანტაზიით სიკვდილზე როგორც უკავშირში მიღწე“ (კელი 2001: 161). და მართლაც ამის მერე, როგორც ლეგინსონი შენიშნავს, სტოპარდის პიესაში ჰამლეტი მალევე წარმოგვიდგენს ამ მონოლოგს პანტომის სახით.

როზენკრანცის მიერ შემოტანილი და განხილული საკითხი რაღაცნაირად ასახავს მისი და გილდენსტერნის სიტუაციას. ისინი გამოენისას მძინარე მდგომარეობიდან გამოიყვანა და აამოქმედა მეფის გამოგზავნილმა შიკრიკმა. მათ არ იციან, როგორ იმოქმედონ, მაგრამ იმ მოლოდინით ცხოვრობენ, რომ სცენაზე ვიდაც ან ვიდაცები შემოვლენ და მათ მოქმედებას გეზს მისცემენ. თუმცა პიესის პროტაგონისტები იმასაც ხვდებიან, რომ სხვების შემოსვლა და

გასვლა სრულიად არაპროგნოზირებადია მათთვის. სწორედ ამის მაგალითს ვხედავთ, როდესაც მოლოდინისაგან გულგაწყალებული როზენკრანცი გააპროტესტებს:

They're taking us for granted! Well, I won't stand for it! In future, notice will be taken. (*He wheels again to face into the wings.*) Keep out, then! I forbid anyone to enter! (*No one comes—Breathing heavily.*) That's better. . . .

(*Immediately, behind him a grand procession enters, principally CLAUDIUS, GERTRUDE, POLONIUS and OPHELIA. CLAUDIUS takes ROS's elbow as he passes and is immediately deep in conversation....*) (სტოპარდი 1967: 52).

მაგათ მოცლილები ვგონივართ! ამას ვედარ ავიტან! მომავალში გათვალისწინებული იქნება. (სწრაფად შემოტრიალდება და კულისებს გახედავს.) იყავით მაშინ გარეთ! ყველას ვუკრძალავ შემოსვლას! (არავინ შემოდის — მძიმედ სუნთქვას.) ასე უკეთესია. . . .

(უცბად, მის უკან დიდი პროცესია შემოდის, უპირველეს კოკლისა, პლავდიუსი, ბერტრუდი, პოლონიუსი და ოველია. პლავდიუსი იდაყვზე წაავლებს ხელს როზენკრანცს, თან გაიყოლებს და იმ წამხვევა გატაცებით ჩაეგდება მასთან საუბარში....).

ასე იგდებს და დასცინის როზენკრანცსა და გილდენსტერნს ის სიტუაცია, რომელშიც ისინი იმყოფებიან. „ჰამლეტის“ სიუჟეტი, როგორც ერთგვარი დეტერმინისტული ძალა, ფაქტობრივად, აპამპულავებს მათ, როგორც მარიონეტებს.

ჯიმ ჰანტერი (ჰანტერი 2000: 32) შენიშნავს, რომ ჰამლეტსაც და სტოპარდის პროტაგონისტებსაც ეშინიათ სიკვდილის, მაგრამ სხვადასხვა თვალსაზრისით. ჰამლეტს, როგორც მისი „ყოფნა-არყოფნის“ მონოლოგიდან ჩანს, აშინებს არა გაქრობა და უსიზმრო საუკუნო ძილი (რასაც ფაქტიურად ნატრობს კიდეც ამ მონოლოგში), არამედ ის უცხო სამყარო, რომელიც სიკვდილის შემდეგ მოედის და კარგ სიზმრებს არ უქადის. სტოპარდის როზენკრანცსა და გილდენსტერნს კი სწორედ გაქრობის ეშინიათ და არა სიკვდილის შემდგომი არსებობისა. ამგვარი შიში კი, ჰანტერის თქმით, თანამედროვეობას ახასიათებს. მიუხედავად იმისა, რომ სტოპარდის პიესაში ასახულ დროს საუკუნეები აშორებს

პოსტმოდერნიზმის ეპოქისგან, მისი პროტაგონისტების შიშები სწორედ რომ პოსტმოდერნულია.

სტოპარდის როზენკრანცი და გილდენსტერნი ვერ აცნობიერებენ, რა ხდება მათ გარშემო, თუმცა ჰამლეტის მიერ ჩანაცვლებული წერილის წაკითხვის შემდეგ, ისინი როგორდაც ხვდებიან, რომ მათ მუდმივად რაღაც ძალა მართავდა. გილდენსტერნი ამბობს: “Where we went wrong was getting on a boat. We can move, of course, change direction, rattle about, but our movement is contained within a larger one that carries us along as inexorably as the wind and current. . .” (სტოპარდი 1967: 89) [„რაშიც შევცდით – ეს არის ვერზე რომ ამოვედით. ჩვენ აქ, რა თქმა უნდა, შევგიძლია კიმდრაოთ, შევიცვალოთ მიმართულება, ვიტრიალოთ ადგილზე, მაგრამ ჩვენი მოძრაობა მოქცეულია უფრო დიდი მამოძრავებული ძალის შიგნით, რომელსაც ისე მტკიცედ მივყავართ წინ, როგორც ქარხა და დინებას...”].

ადსანიშნავია, რომ ჰამლეტის მიერ წერილების ჩანაცვლების საფუძველზე, როზენკრანცთან და გილდენსტერნთან მიმართებით დრამატული ირონია იქმნება. თუმცა, როდესაც სტოპარდის პიესაში ისინი ჩანაცვლებულ წერილს გახსნიან და გაეცნობიან, ეს დრამატული ირონია ნეიტრალდება. რატომ ვერ შველის სტოპარდის როზენკრანცსა და გილდენსტერნს ჩანაცვლებული წერილის შინაარსის გაგება? რატომ ვერ ცვლის მათ ბედს ნახსენები დრამატული ირონიის ნეიტრალიზება? ეს იმიტომ ხდება, რომ მათ არ იციან, „ჰამლეტის“ პერსონაჟებს რომ წარმოადგენენ, რაც ჩვენ ვიცით. ამით კი სტოპარდი უკვე მეტადრამატულ ირონიას ქმნის, რომელსაც მისი პიესის პერსონაჟთაგან მხოლოდ მსახიობი აცნობიერებს.

გამაოგნებელია როზენკრანცისა და გილდენსტერნისთვის ჰამლეტის მიერ შენაცვლებული წერილის შინაარსი. ისინი იჯერებენ, რომ წერილი კლავდიუსმა დაწერა, მაგრამ ვერ გაუგიათ, რაში სჭირდებოდა ელსინორის სამეფოს მათი სიკვდილი და მათ მოკვდინებას კიდევ – ამხელა ღონისძიება:

ROS: They had it in for us, didn't they? Right from the beginning. Who'd have thought that we were so important?

GUIL: But why? Was it all for this? Who are we that so much should converge on our little deaths? (*In anguish to the PLAYER.*) Who are *we*?

PLAYER: You are Rosencrantz and Guildenstern. That's enough.

GUIL: No—it is not enough. To be told so little—to such an end—and still, finally, to be denied an explanation. . . .

PLAYER: In our experience, most things end in death. (სტოპარდი 1967: 89)

როზ: თავიდანვე ჩვენზე გადაკიდებულები ყოფილან, არა? ვინ იფიქრებდა, ასეთი მნიშვნელოვანი ფიგურები რომ ვიყავით?

ბილ: კი მაგრამ, რატომ? ყველაფერი ამისთვის ხდებოდა? ვინ ვართ ჩვენ ასეთნი, ამხელა ალიაქოთი რომ ატეხეს ჩვენი მოკვდინების უბრალო საქმისთვის? (დაძუღხერებული მსახიობები.) ვინა ვართ ჩვენ?

მსახიობი: თქვენ როზენკრანცი და გილდენსტერნი სართ, და ეს საკმარისია.

ბილ: არა, არ არის ეს საკმარისი: ასე ცოტას თქმა ასეთი დასასრულისთვის და საბოლოოდ, ახსნა-განმარტებაზე მაინც უარის თქმა....

მსახიობი: ჩვენი გამოცდილებით, უმეტესად სიკვდილია ყველაფრის ბოლო.

მსახიობის მიერ შემოთავაზებული „ახსნა“ პირდაპირ ირეკლავს შექსპირის მყარ გადაწყვეტილებას, გააგზავნოს როზენკრანცი და გილდენსტერნი თავიანთი სიკვდილისაკენ. შექსპირი თავს არ იწუხებს იმისთვის, რომ თავისი პიესის მეორადი პერსონაჟების ბედი უფრო თანმიმდევრული გახადოს. როგორც მსახიობის სიტყვები მიანიშნებს, ახლა მთავარია როზენკრანცი და გილდენსტერნი მკვდრები გახდნენ. პიესას ორი ახალი გვამი სჭირდება. ნიშანდობლივია, რომ გილდენსტერნი მსახიობს თავიანთ ვინაობას ეკითხება. ესეც მის ქვეცნობიერში დამალული მეტადრამატული რეალობის გამოძახილია. საგულისხმოა აგრეთვე მსახიობის პასუხიც, სადაც იკვეთება ავტორისეული თვითნებობა საკუთარი პერსონაჟების ნაწარმოებში შემოყვანისა და მათი ბედის გადაწყვეტის საქმეში. გილდენსტერნი უმხედრდება თავის ავტორს, რომელმაც ახსნა-განმარტების გარეშე გამოუტანა მას და მის მეგობარს სიკვდილის განაჩენი. ის, რა თქმა უნდა, ვერ ხვდება ვისთან აქვს საქმე; და როდესაც სასცენო ხანჯლით, თავისი ჭკუით, ასევე ახსნა-განმარტების გარეშე „მოკლავს“ მას, მსახიობი მოკვდომის კომპეტენტური შესრულებით აჯერებს მას და მის მეგობარს, რომ მართლაც მოკვდა. მსახიობის ასეთი შემოქმედებითი გამარჯვებით სტოპარდი მიანიშნებს, რომ ავტორის ნების წინააღმდეგ მისი გმირები უსუსურნი არიან და სრულ დეტერმინირებას განიცდიან ამ ნებისაგან. იმაგდროულად, სტოპარდი, როგორც ჩანს, ეჭვება აყენებს შექსპირის

სამართლიანობას ამ გმირების მიმართ; თუმცა საკუთრივ ეს ეჭვი სამართლიანობას მხოლოდ მაშინ შეიძენს, თუ ვიღულისხმებთ, რომ შექსპირის როზენკრანცისა და გილდენსტერნის უკანაც ზუსტად ის რეალობა იმალება, რაც სტოპარდმა დახატა თავისი პროტაგონისტებისთვის. ამ ეპიზოდის შემდეგ სტოპარდის გმირები საბოლოოდ ნებდებიან თავიანთ სასიკვდილო ბედისწერას და მისი პიესის ბოლოშიც როზენკრანცი და გილდენსტერნი მკვდრები არიან.

ენტონი ჯენკინსი (ჯენკინსი 1989: 47-48) ყურადღებას ამახვილებს იმაზე, რომ პამლეტმა იცის რატომ კვდება, ვინაიდან კარგად ხედავს იმ მოვლენათა ლოგიკურ ჯაჭვს, რამაც მიიყვანა აქამდე; ხოლო სტოპარდის როზენკრანცისა და გილდენსტერნის ვერ გაუგიათ, რა ლოგიკით გადაწყდა მათი სიკვდილი. აქედან გამომდინარე, მართებულია ჯონ ფლემინგის (ფლემინგი 2001: 63) მოსაზრება, რომ სტოპარდის პროტაგონისტებს სასიკვდილო განაჩენზე მეტად გაურკვევლობა აშფოთებთ. მათ აინტერესებთ, ვინ არიან თავად და რისთვის მოხდა ეს ყველაფერი. ფლემინგი შენიშნავს, რომ გილდენსტერნი სწორედ ამ გაუგებრობის ახსნას მოითხოვს მსახიობისგან, ნაცვლად იმისა, რომ იმ წერილის განადგურებაზე იფიქროს, რომელიც ინგლისის მეფეს მათ მოკვლას უკვეთავს.

უილიამ დიმასტესი (დიმასტესი 2008: 43) შენიშნავს, რომ შექსპირის პიესაში, არაერთ შემთხვევაში, პამლეტს უჭირს ერთმანეთისგან გაარჩიოს მოჩვენებითობა და სინამდვილე. სტოპარდის პიესაში სიკვდილის გათამაშებით მსახიობისგან მოტყუებულ გილდენსტერნზე ჯიმ პანტერიც ანალოგიურს ამბობს: „მსგავსად პამლეტისა, რომელიც უყურებს ატირებულ და გაფიორებულ პირველ მსახიობს, გილდენსტერნსაც ვერ გაურჩევია სინამდვილე გარეგნობისაგან...“ (პანტერი 2000: 31). ამ შემთხვევაში, პამლეტმა, რა თქმა უნდა იცის, რომ მის წინაშე მდგარი მსახიობი თავის როლს ასრულებს, მაგრამ მშვენივრად ხვდება იმასაც, რომ უცოდინარი ადამიანი შეიძლება თავისუფლად მოტყუებულიყო და ჩაეთვალა იგი არა ფიქციურ-მითოლოგიურ ტრაგედიაზე „მგლოვიარე“ მსახიობად, არამედ საკუთარი ახლობლის დამტირებელ რეალურ ჭირისუფლად. გილდენსტერნი კი სწორედ ამგვარი უცოდინრობის მსხვერპლია, როდესაც სასცენო ხანჯლით „კლავს“ მსახიობს.

მსახიობსა და გილდენსტერნს ერთმანეთისგან განსხვავებული წარმოდგენა აქვთ სიკვდილზე. მსახიობი თვლის, რომ რეალურ სიკვდილზე უფრო დამაჯერებელი სცენაზე გათამაშებული, თეატრალური სიკვდილია. ვინაიდან

მისგან გათამაშებულ სიკვდილს გილდენსტერნი იჯერებს, ამით უნებურად ადასტურებს მსახიობის მოსაზრების სარწმუნობას. მაგრამ, მიუხედავად ამისა, გილდენსტერნს მაინც არ სჯერა მსახიობისგან შემოთავაზებული სიკვდილის გაგებისა, არც მისი რომანტიკული თუ ტრაგიკული გათამაშებისა: “No . . . no . . . not for us, not like that. Dying is not romantic, and death is not a game which will soon be over. . . . Death is not anything . . . death is not. . . . It’s the absence of presence, nothing more . . . the endless time of never coming back . . . a gap you can’t see, and when the wind blows through it, it makes no sound. . . .” (სტოპარდი 1967: 90-91) [„არა... არა... ჩვენთვის ასე არა. სიკვდილი არ არის რომანტიკული, და სიკვდილი არ არის თამაში, რომელიც მაღვე დასრულდება... სიკვდილი არ არის რაღაცა... სიკვდილი არ არის... ის ძყოფობის არმყოფობაა და მეტი არაფერი... დაუბრუნებლობის დაუხრულებელი დრო... სიცარიელე, რომელსაც ვერ ხედავ, და თუგინდ ქარმა მიუბეროს, ამით სიჩუმე არ დაირღვევა...”]. ეს სიტყვები, ფაქტიურად, მოკლედ და ზუსტად აჯამებს გილდენსტერნის ხედვას სიკვდილის შესახებ. მართალია, მას არ სჯერა პერსონაჟებისგან გათამაშებული, სცენური სიკვდილისა, მაგრამ უნდა ითქვას, რომ მისი წარმოდგენა სიკვდილის შესახებ აგრეთვე ატარებს პერსონაჟულ ბუნებას, ოღონდ განსხვავებული გადმოსახედიდან. გილდენსტერნი სიკვდილს განიხილავს ისეთ ხელშეუხებელ მოვლენად, რომელიც წარმოდგენას საერთოდ არ ექვემდებარება და შესაბამისად, მისი ვიზუალური ასახვაც შეუძლებელია. სიკვდილი რომ, მისი აზრით, „მყოფობის არმყოფობაა“ – ეს სულაც არ ეწინააღმდეგება მკვდრად შერაცხული პერსონაჟის არმყოფობას სცენაზე. სწორედ არმყოფობიდან შემოიყვანა ისინი სტოპარდმა სცენაზე მყოფობაში და ბოლოს უკანვე გააბრუნა არმყოფობაში, როგორც ეს თავის დროზე შექსპირმა გააკეთა. რეალურად, მსახიობი და გილდენსტერნი ერთი მოვლენის სხვადასხვა ასპექტზე საუბრობენ, უბრალოდ, მსახიობი აჩვენებს სიკვდილამდე მისვლის ფორმებს ანუ კვდომის პროცესს, რაც სცენაზე ასახვას ექვემდებარება, გილდენსტერნი კი, გულისხმობს საკუთრივ სიკვდილს, როგორც ფენომენს ანუ მკვდარ მდგომარეობაში ყოფნას, რისი სცენაზე გათამაშებაც რა უნდა იყოს მართლაც გაუგებარია. თუმცა პერსონაჟის სიკვდილი ამ სიკვდილის სცენაზე გათამაშებამდეც შეგვიძლია დავიყვანოთ, და სწორედ ამას აკეთებს მსახიობი, რომელმაც კარგად იცის, რომ თავის პერსონაჟებს ელაპარაკება. გილდენსტერნის ჭიდილი მსახიობთან კი, ასახავს მის ამაო მცდელობას, გაარღვიოს ავტორისეული დატერმინისტული ნება და აცდეს მისი სცენარიოთ

განსაზღვრულ სიკვდილს. რა თქმა უნდა, გილდენსტერნი ზუსტად ვერ აცნობიერებს რაშია საქმე, მაგრამ მის ქვეცნობიერში ეს მეტადრამატული შრე თავისებურად ჩამაღლულია და ზუსტად იგი ახელებს მას.

ჰამლეტის უკანასკნელი სიტყვები სიკვდილის წინ და შეიძლება ითქვას, სწორედ სიკვდილის შესახებ – “....the rest is silence” (შექსპირი 2003: 5.2.337) [„ხევ რაღა დარჩა? ხაუკუნო სიჩუმე მხოლოდ“ (შექსპირი 1987: 389)] – შეგვიძლია დავუკავშიროთ სიკვდილის დახასიათებას გილდენსტერნის მიერ, რაც გულისხმობს, რომ სიკვდილი უხმოა და არ არღვევს სიჩუმეს, ქარმაც რომ მიუბეროს. გილდენსტერნისეული „მყოფობის არმყოფობა“ აგრეთვე ქმნის გარკვეულ კავშირს ჰამლეტისეულ „ყოფნა-არყოფნის“ თემატიკასთან, ოდონდ სტოპარდთან ადამიანის ყოფნა-არყოფნის საკითხი გადახლართულია პერსონაჟის ყოფნა-არყოფნისა თუ მყოფობა-არმყოფობის საკითხთან, რაც ქმნის იმ მეტადრამატულ თამაშს, რომელიც სტოპარდმა წარმოგვიდგინა თავისი ექსპერიმენტული პიესის სახით.

3.9. „ჰამლეტის“ პოსტმოდერნისტული ხედვა სტოპარდის პიესაში

შექსპირის „ჰამლეტის“ რენესანსულ სულისკვეთებას სტოპარდის პიესაში პოსტმოდერნული ეპოქის სული ენაცვლება. როგორც მარტინ ჰოლდენი შენიშნავს, „სტოპარდის მიერ წყაროდ შექსპირული მასალის თავისუფალი გამოყენება და მისგან იუმორის მეშვეობით ღირებულებების, ჭეშმარიტებისა და სინამდვილის ეჭვებელი დაყენება, ყოველივე ეს მიუთითებს თეატრისადმი პოსტმოდერნულ მიღგომას“ (ჰოლდენი 2007: 28).

სტოპარდის როზენკრანცი და გილდენსტერნი გარკვეულწილად ექვემდებარებიან პოსტმოდერნისტულ ჰამლეტებად მოაზრებას. ამის საფუძველს იძლევა ის ფაქტი, რომ სტოპარდის პიესაში:

- 1) მათ „ჰამლეტის“ პროტაგონისტის ანუ შექსპირის ჰამლეტის ადგილი უკავიათ;
- 2) ისინი თავიანთ პირველსახეებთან ანუ შექსპირის როზენკრანცთან და გილდენსტერნთან ერთად მის ჰამლეტთანაც ბევრ საერთოს ავლენენ;

3) რაც განასხვავებთ მათ შექსპირის ჰამლეტისგან ძირითადად უკავშირდება იმ განსხვავებას, რაც რეალურად არსებობს პოსტმოდერნულ და რენესანსულ მსოფლმხედველობებს შორის.

ამიტომ, სავსებით ლოგიკურია სტოპარდის როზენკრანცსა და გილდენსტერნში გათანამედროვებული ჰამლეტის სახის ძიება. როგორც ჯიმ ჰანტერი შენიშვნავს, „თავად ჰამლეტი, შექსპირთან, ჩაფიქრებული ინტელექტუალია, რომელიც ყოველივეს ჟაჟვეშ აყენებს.... სტოპარდი ეფექტურად გადასცემს ასეთ ეჭვებს როზენკრანცსა და გილდენსტერნს: ამ თანამედროვე ხედვაში, კარისკაცებს უპვე გააჩნიათ გონება და გრძნობებიც კი“ (ჰანტერი 2000: 23). და თუ ისინი მართლაც გათანამედროვებული ჰამლეტები არიან, მაშინ სტოპარდის პიესა გათანამედროვებულ „ჰამლეტად“ შეგვიძლია ჩავთვალოთ.

სტოპარდი თავისი პიესის პროტაგონისტებს, როზენკრანცსა და გილდენსტერნს, გვაცნობს, როგორც ორ ელიზაბეტიანელს. ეს აშკარა ანაქრონიზმია, რადგან დანიური ლეგენდა ამლეთზე, რომელსაც დიდწილად უფრონება შექსპირის „ჰამლეტის“ სიუჟეტი, აღწერილია საქსონ გრამატიკოსის მიერ XII-XIII საუკუნეების მიჯნაზე და ეხება რამდენიმე საუკუნით უფრო ადრეულ ამბავს თუ გადმოცემას. შესაბამისად, ქრონოლოგიური ლოგიკა დარღვეულია როზენკრანცისა და გილდენსტერნის ელიზაბეტ I-ის ეპოქისადმი მიკუთვნებით. თუმცა ეს არ უნდა გაგვიკვირდეს, რადგან სტოპარდის და შექსპირის ტექსტი მხატვრული ნაწარმოებია და არა ისტორიული ქრონიკა. თავად შექსპირის პიესებსაც ახასიათებთ ხშირი ანაქრონიზმი. იმავე „ჰამლეტში“ წარმოდგენილი ელსინორის ციხესიმაგრის ისტორიული პირველსახე ააგეს მხოლოდ და მხოლოდ XV საუკუნის პირველ ნახევარში, ე.ო. საქსონ გრამატიკოსის გარდაცვალებიდან დაახლოებით ორი საუკუნის შემდეგ. შესაბამისად, ელსინორის ციხესიმაგრის არსებობა შეუსაბამოა დროის თვალსაზრისით „ჰამლეტში“ ნაგულისხმევ ისტორიულ პერიოდთან, მაგრამ ეს არ არის მთავარი. მთავარი ისაა, რომ „ჰამლეტში“ წარმოდგენილი პერსონაჟები შექსპირის თანამედროვე, სწორედ ელიზაბეტ I-ის ეპოქის რენესანსული სულის მატარებელი პერსონაჟები არიან და სავსებით ბუნებრივია, რომ სტოპარდი შექსპირის როზენკრანცსა და გილდენსტერნს ელიზაბეტიანელებად წარმოგვიდგენს და არა შუა საუკუნეების ვიკინგური ეპოქის გმირებად. თუმცა, როგორც შექსპირის ეს მეორეხარისხოვანი გმირები არ წარმოადგენენ დანიელ ვიკინგებს თავიანთი სულით, ასევე სტოპარდის გაპირველხარისხოვნებული

გმირები არ ატარებენ რენესანსულ სულს. ელიზაბეტიანელობა აქ მხოლოდ ფორმალობაა, რომელიც აუცილებელია შექსპირის რენესანსულ და სტოპარდის პოსტმოდერნისტულ ტექსტებს შორის კავშირის დასამყარებლად. როგორც თავის დროზე შექსპირმა, ისე სტოპარდმაც მისი თანამედროვეობის სული შთაბერა საკუთარ გმირებს მას მერე, რაც ისესხა მათი ვინაობა შექსპირის „ჰამლეტიდან“. „მიუხედავად იმისა, რომ ისინი ელიზაბეტის დროინდელ ტანსაცმელში არიან გამოწყობილნი, სტოპარდი მეოცე საუკუნისეულ ინტელექტს ანიჭებს მათ“ (ჰანტერი 2000: 20).

სტოპარდის მიერ შექსპირის უფერული, მეორეხარისხოვანი პერსონაჟების, კლავდიუსის კარისკაცების, როზენკრანცისა და გილდენსტერნის აყვანა პროტაგონისტის ხარისხში, ხოლო „ჰამლეტის“ პროტაგონისტის, დანიის უფლისწულის, ჰამლეტის დაყვანა მეორეხარისხოვან პერსონაჟამდე უდავოდ პოსტმოდერნისტულ ხედვას გამოხატავს, რომლისთვისაც მაღალ და დაბალ ფასეულობებს შორის არსებული მიჯნა, ფაქტობრივად, გაუჩინარებულია. პოსტმოდერნისტულ სამყაროში როზენკრანცსა და გილდენსტერნს ისეთივე უფლება აქვთ იყონ პიესის პროტაგონისტები, როგორც უფლისწულ ჰამლეტს, რადგან ეს ეპოქა არ ცნობს და ვერც ხედავს ჰამლეტური დირებულებების აღმატებულობას როზენკრანც-გილდენსტერნისაზე, რასაც ჯერ კიდევ ამჩნევს მოდერნიზმი. ადსანიშნავია აგრეთვე, რომ როზენკრანცისა და გილდენსტერნის მსგავსად, შექსპირის მეორეხარისხოვანი პერსონაჟი – პირველი მსახიობი (აქტორი) – პროტაგონისტების შემდეგ სტოპარდის პიესაში ყველაზე მნიშვნელოვანი პერსონაჟია და თვით შექსპირსაც კი ემსგავსება.

სტოპარდის „როზენკრანცი და გილდენსტერნი მკვდრები არიან“ შექსპირის „ჰამლეტის“ თავისებური ასლია, რაც პოსტმოდერნისტული შემოქმედებითი მეთოდის კიდევ ერთი გამოვლინება. სტოპარდი „ჰამლეტის“ სიუჟეტის, პერსონაჟებისა და თვით პიესის ტექსტის გარკვეული ნაწილის კოპირებას ახდენს და შემდეგ უმატებს მას თავის მიერ შეთხზულ ორიგინალურ ტექსტს, რითაც პოსტმოდერნისტული გაგებით ქმნის ახალ დედას. დედნის შექმნის ამგვარი მხატვრული სიმულაცია ეხმიანება პოსტმოდერნული ეპოქის სიმულაკრულ სულისკვეთებას, რომელიც მიისწრაფვის, წაშალოს ზღვარი დედასა და ასლს შორის, სინამდვილესა და წარმოსახვას შორის, ჭეშმარიტებასა და სიცრუეს შორის, ზნეობასა და უზნეობას შორის, რითაც,

ბუნებრივია, კეშვებით იქამდეც, რომ იშლება ზღვარი პამლეტსა და როზენკრანც-გილდენსტერნს შორის.

სიმულაციის საკითხს ეხება პამლეტი, ფაქტობრივად, თავის პირველივე ვრცელ რეპლიკაში (იხ. შექსპირი 2003: 1.2.84-6; შექსპირი 1987: 327), როდესაც იგი გრძნობების თამაშისა და გაყალბების შესაძლებლობაზე ამახვილებს ურადღებას გერტრუდისა და კლავდიუსის წინაშე. პამლეტური ამბოხიც ხომ სიყალბესთან და ფარისევლობასთან ბრძოლის ჰუმანისტური სულისკვეთებაა. სიყალბეს კი მოცემულ შემთხვევაში კლავდიუსი და მისი პირმოონე გარემოცვა განასახიერებს თავისი პოლონიუსებით, როზენკრანც-გილდენსტერნებითა თუ თსრიკებით. დავით მაზიაშვილი (მაზიაშვილი 2014: 15) პარალელს ავლებს კლავდიუსის ამ უსამართლო და სიცრუეზე აგებულ პოლიტიკურ ძალაუფლებასა და პოსტმოდერნულ ეპოქაში სიმულაკრული სინამდვილის გაბატონებას შორის. ცხადია, ნებისმიერი ყალბი რეჟიმი თავის თავში მოიცავს სიმულაკრების გარკვეულ ერთობლიობას, რითაც ცდილობს გააყალბოს სინამდვილე. ასეთ რეჟიმებს კი როზენკრანც-გილდენსტერნები ერგებიან და არა პამლეტი. იოლად სამართავი, პირად გამორჩენაზე ორიენტირებული უფერული მედროვეების ნაკლებობას არც ერთი ეპოქა არ განიცდის. ამდენად, როზენკრანცი და გილდენსტერნი არა მხოლოდ პოსტმოდერნული ტიპაჟები არიან, არამედ – ნებისმიერი ეპოქისთვის (მათ შორის, შექსპირის რენესანსული ეპოქისთვის) დამახასიათებელი უსახური კაცუნები, პიროვნული არარაობები. შესაბამისად, სტოპარდთან ისინი თან არიან პოსტმოდერნული პერსონაჟები და თან არც არიან. რაც ცალსახად პოსტმოდერნულია მის პიესაში – ეს არის მათი პროტაგონისტობა. ამგვარი როლის დირსს არავინ გახდიდა მათ წინა ეპოქებში.

გარდა სტოპარდის პიესის ზოგადი პოსტმოდერნისტული ორიენტაციისა, მის ცალკეულ ეპიზოდებში ვლინდება ამ ეპოქისათვის დამახასიათებელი ესა თუ ის ელემენტი, რაზეც მართებულია უურადღება გამახვილდეს.

პირველი შეხვედრისას, პამლეტი ეუბნება როზენკრანცსა და გილდენსტერნს: “I am but mad north-north west. When the wind is southerly, I know a hawk from a handsaw” (შექსპირი 2003: 2.2.347-8) [„მე ჯკუდამ შეშლილი მხოლოდ მაშინა ვარ, როცა ქარი ჩრდილო-დასავლეთით უბერავს; სამხრეთის ქარში კი ბაყაყიყლაპიას და ქორს ერთმანეთში კარგად ვარჩევ“ (შექსპირი 1987: 345)]. პამლეტის ფიგურალურ სიტყვებს სტოპარდის პროტაგონისტები პირდაპირი მნიშვნელობით გებულობენ და ჰგონიათ, რომ მისი სულიერი მდგომარეობა მართლა ქარის მიმართულებაზეა

დამოკიდებული. აქედან გამომდინარე, გილდენსტერნი მთელი გულმოდგინებით ცდილობს დაადგინოს საიდან უბერავს ქარი, თუმცა კი – უშედეგოდ.

ამ ეპიზოდში კიდევ ერთხელ ჩანს გილდენსტერნის განსაკუთრებული სიყვარული მეცნიერული მსჯელობის პროცესის მიმართ. იგი ისეთი აზარტით შეჰვება ქარის მიმართულებაზე აბსტრაქტულ მსჯელობას, რომ შეწუხებული როზენკრანცი ეტყვის: “Why don’t you go and have a look?” (სტოპარდი 1967: 41) [„რატომ გარეთ არ გახვალ და არ გადაამოწმებ?”]. გილდენსტერნი კი აპროტესტებს: “Pragmatism?—is that all you have to offer?” (41) [„პრაგმატიზმი? — მხოლოდ ამის შემთავაზება შეგიძლია?”]. და ესეც თანამედროვე, პოსტმოდერნისტული ეპოქის ერთ-ერთი მნიშვნელოვანი მახასიათებელი: პრაგმატისტული ხედვა, რომლის რეალიზაციონიზაციაც პიესაში უმეტესად როზენკრანცი გვევლინება.

სტოპარდის პროტაგონისტების მიერ ჰამლეტის სულიერი მდგომარეობის ბუნებისმეტყველური ახსნის მცდელობაც აშკარად პოსტმოდერნისტული სინამდვილის გამოხატულებაა, რომელშიც მეცნიერება, განსაკუთრებით კი, საბუნებისმეტყველო მეცნიერება, დიდი ავტორიტეტით სარგებლობს. ამიტომ არ არის გასაკვირი, სტოპარდის როზენკრანცსა და გილდენსტერნს ჰამლეტის სულიერი მდგომარეობა, ბუნების ძალებზე დამოკიდებული რომ ჰგონიათ. სწორედ თანამედროვე, პოსტმოდერნისტული ეპოქის გამოძახილია, გილდენსტერნი მეცნიერებისათვის დამახასიათებელი ცივი გონებით რომ ცდილობს დაადგინოს რა ხდება ჰამლეტის სულში, მისი პიროვნების არა მხოლოდ შემეცნებით, არამედ ემოციურ სამყაროშიც. ამიტომ, გასაკვირი არაა, უგულო, ცივი გონება, ჰამლეტის მხურგალე გულის საიდუმლოს რომ ვერ სწორება. აქ აშკარად თავს იჩენს ქრისტიანულ რელიგიასა და მეცნიერებას შორის დაპირისპირება. ქრისტიანობისთვის უპირველესია ადამიანის გულის მორალური მდგომარეობა; მეცნიერებისთვის კი მისი გონების ინტელექტუალური მდგომარეობა. XX საუკუნეში აშკარად იკლო ქრისტიანული რელიგიის ავტორიტეტმა დასავლური საზოგადოების თვალში და იმატა რწმენამ მეცნიერებისადმი. შესაბამისად, უკან გაიწია გულმა და წინ წამოიწია გონებამ. ჰამლეტი რომ ინტელექტით უველაზე გამორჩეული პერსონაჟია შექსპირის დრამატურგიაში, ამაზე უმრავლესობა თანხმდება, მაგრამ მისთვის რომ ადამიანის გულია პირველი და უმთავრესი, ესეც ცხადია: ჰამლეტს სულაც არ ადარდებს მის გარშემო მყოფთა შემეცნებითი შესაძლებლობების სარისხი (მას

შეუძლია შეიყვაროს ინტელექტით არაფრით გამორჩეული ოფელია, შეუძლია მმასავით იმეგობროს ერთგულ, თუმც გონიერიგად ისევ არაფრით გამორჩეულ ჰორაციოსთან), მაგრამ მისი ტრაგიკული განცდის უმთავრესი მიზეზი, ადამიანში უსიყვარულობის, უსინდისობისა და გარევნილების დანახვა ხდება, ანუ სწორედ ის, რაც ადამიანის გულის შინაარს გამოხატავს და არა მის ინტელექტუალურ პოტენციალს.

გარდა ზემოთქმულისა, სტოპარდის როზენკრანცისა და გილდენსტერნის წარუმატებელ საუბარს ჰამლეტთან შეგვიძლია შევხედოთ პოსტმოდერნისტული მასობრივი კულტურისა და რენესანსული მაღალი კულტურის ურთიერთგანსხვავებულობისა თუ ურთიერთდაპირისპირებულობის ჭრილში. პიესის პროტაგონისტებს როგორც პოპულარული, დაბალი კულტურის წარმომადგენლებს არ შეხვევთ უნარი ჩასწვდნენ ჰამლეტის როგორც კლასიკური, მაღალი კულტურის წარმომადგენლის საიდუმლოს. ამავე დროს, რახან ისინი მასას და მასობრიობას განასახიერებენ, იოლად მართვასა და ზემოქმედებასაც ექვემდებარებიან. შესაბამისად, მაღალკულტურული ჰამლეტისათვის დიდ პრობლემას არ წარმოადგენს მათი გაპამპულება. და საერთოდ, სტოპარდის მთელი პიესის დეტერმინისტული სცენარი თავის ნებაზე ატარებს როზენკრანცსა და გილდენსტერნს, ხოლო სცენარის დეტერმინირებას სწორედ რენესანსული მაღალი კულტურის წარმომადგენელი, შექსპირი ახდენს თავისი „ჰამლეტით“. ასეთ პირობებში როზენკრანცისა და გილდენსტერნის თავისუფლება ხალხთა მასებისათვის შეთავაზებულ თანამედროვე, პოსტმოდერნულ ფსევდოთავისუფლებამდე დაიყვანება. ამიტომაც, გასაკვირი არაა, სტოპარდის შემოქმედების ერთ-ერთი მკვლევარი, ნეილ სამელზი (კელი 2001: 109-112) ინდივიდუალიზმსა და კოლექტივიზმს შორის დაპირისპირებას რომ ხედავს განხილულ პიესაში. ამ შემთხვევაში, ინდივიდებად როზენკრანცი და გილდენსტერნი გვევლინებიან, რომლებსაც ელსინორის სასახლის კოლექტივი ინდივიდუალიზმის დაკარგვას უქადის და ახერხებს კიდეც. სამელზი თვლის, რომ სტოპარდი ამ ჭიდილში საკუთარი უფლებების დასაცავად მებრძოლი თანამედროვე ინდივიდის ამხედრებას გულისხმობს კოლექტივიზმის პოლიტიკური ზეწოლის მიმართ. მკვლევარი კითხვას სვამს: „ვინ ვართ ჩვენ უველა? მხოლოდ მსახიობები ვიდაცის სცენარში – განსაზღვრულნი არა ინდივიდუალური, ჰეშმარიტი არსით, არამედ კოლექტივიზმის ზეწოლით?“ (კელი 2001: 110). მისივე თქმით, „როზენკრანცი და გილდენსტერნი იბრძვიან მსახიობსა

და მოქმედს შორის განსხვავების შესანარჩუნებლად, რათა ჩაეჭიდონ მიზანმიმართულების ხანმოკლე განცდას და ამით მიეცეს მათ მოქმედებებს საზრისი“ (კელი 2001: 110).

გილდენსტერნს მოჰყავს დაოზმის ფილოსოფიის წარმომადგენლის, ანტიკური ეპოქის ჩინელი ფილოსოფოსის, ჩუანგ ტსუს ცნობილი სიზმარი (სტოპარდი 1967: 43), რომლის მიხედვითაც მას ესიზმრა, ვითომ პეპელა იყო, მაგრამ გაღვიძების შემდეგ უკვე აღარ იყო დარწმუნებული იმაში, რომ არ იყო პეპელა, რომელსაც ესიზმრებოდა, თითქოს ჩინელი ფილოსოფოსი იყო.¹ და აქ გილდენსტერნი საკუთარ პოზიციას აფიქსირებს ჩუანგ ტსუს მიმართ, მისი ორაზროვანი მდგომარეობის შესაფასებლად: “Envy him; in his two-fold security” (43) [„მშერს მიხი, თავიხი ორმაგი დაცულობის გამო“]. გილდენსტერნი ორმაგ დაცულობად მიიჩნევს იმ გაუგებარ მდგომარეობას, რომელშიც ჩუანგ ტსუ წარმომადგენს საკუთარ თავს, რადგან გილდენსტერნისთვის, როგორც პოსტმოდერნისტული პერსონაჟისთვის, რეალობა და სიზმარი ერთმანეთის ტოლფასია, ერთი დირებულებისაა. შესაბამისად, ის თავს კომფორტულად იგრძნობდა ასეთ გაუგებრობაში: სინამდვილისა და ილუზიის ზღვარზე პამლეტისეული „ყოფნა-არყოფნაც“ გილდენსტერნისთვის ალბათ ასევე ორმაგი დაცვაა, რადგან ყოფნა და არყოფნა მისთვის უსათუოდ ერთი მონეტის ორი მხარე უნდა იყოს და არა პამლეტისეული დილემა. პიესაში მონეტების თამაში ამ დილემის პაროდიადაც შეგვეძლო გაგვეაზრებინა, მით უფრო, თუ გავიხსენებთ, რომ „თავის“ მხარე სტოპარდის პროტაგონისტების მოსალოდნელ სიკვდილს განასახიერებს, ხოლო „კუდის“ მხარე ირიბად მათ სიცოცხლეს უკავშირდება, განასახიერებს რა ჯაშუმობას, ანუ იმ ძირითად ფუნქციას, რაც როზენკრანცსა და გილდენსტერნს აკისრიათ შესასრულებლად და რომლის გარეშეც მათი შემოყვანა ვერც შექსპირისა და ვერც სტოპარდის პიესაში ვერ მოხდებოდა.

ერთ მომენტში როზენკრანცი წამოხტება და აუდიტორიის წინაშე დაიღრიალებს: “Fire!” (სტოპარდი 1967: 43) [„ცეცხლი!“]. გილდენსტერნიც წამოხტება და იკითხავს: “Where?” (43) [„სად?“]. როზენკრანცი კი დაამჟღიდებს: “It's all right—I'm demonstrating the misuse of free speech. To prove that it exists” (43)

¹ ჩუანგ ტსუს სიზმარზე VIII საუკუნის ჩინელი პოეტი ლი ბო ქმნის ლექსს „ჩუანგ ტსუ და პეპელა“, რომელსაც, თავის მხრივ, ეფუძნება ეზრა პაუნდის ლექსი *Ancient Wisdom, Rather Cosmic* [„ანტიკური სიბრძნე, ცოტათო კოსმიური“], რაც წარმოადგენს ჩუანგ ტსუს სიზმრის თავისებურ გადაკეთებას: იხ. რუთვენი 1969: 36.

[„არაფერია – სიტყვის თავისუფლების ბოროტად გამოყენების დემონსტრირებას ვახდებ, რათა დაგამტკიცო მისი არსებობა“]. როზენკრანცს ამით სურს თქვას, რომ თუ ადამიანს სიცრუის თქმის საშუალება აქვს, მხოლოდ მაშინ დასტურდება, რომ მას სიტყვის თავისუფლებაც ჰქონია. სიტყვის თავისუფლება პოსტმოდერნისტული თანამედროვეობის ერთ-ერთი უმთავრესი პრობლემაა. ერთი მხრივ, ის ხშირად იზღუდება, მაგრამ მეორე მხრივ, მართალ და ცრუ სიტყვებს თანაბარ უფლებას ანიჭებს.

საინტერესოა მსახიობის შემდეგი სიტყვები გილდენსტერნის მიმართ, სადაც ბკაფიოდ ირეკლება პოსტმოდერნისტული ხედვა ჭეშმარიტების საკითხისადმი: “Everything has to be taken on trust; truth is only that which is taken to be true. It's the currency of living. There may be nothing behind it, but it doesn't make any difference so long as it is honoured. One acts on assumptions” (სტოპარდი 1967: 48) [„ყველაფერი ნდობას ეფუძნება; ჭეშმარიტება მხოლოდ ის არის, რასაც ჩათვლიან ჭეშმარიტებად. ასეთია ცხოვრების მოთხოვნა. შესაძლოა არაფერი იდგებ ამ ყველაფერის უკან, მაგრამ ამას არავითარი მნიშვნელობა არა აქვს; მთავარია პატივდებული იყოს ის, რაც მიღებულია ჭეშმარიტებად. ადამიანი დაშვებების საფუძველზე მოქმედებს“]. ამ სიტყვებით მსახიობი გილდენსტერნის ჭეშმარიტების პოსტმოდერნულ ვარიანტს სთავაზობს, რომელიც გულისხმობს არა ერთ, უცვლელ და რეალურ ჭეშმარიტებას, არამედ იმ „ჭეშმარიტებას“, რომლის ჭეშმარიტობაზეც თანხმდება თანამედროვე საზოგადოება მოცემულ დროსა და ადგილას, თუნდაც ეს არ იყოს ნამდვილი ჭეშმარიტება. ამგვარი ხედვა ეხმიანება როზენკრანცთან და გილდენსტერნთან გამოთქმულ პამლეტის ცნობილ მოსაზრებას: “....there is nothing either good or bad but thinking makes it so” (შექსპირი 2003: 2.2.239-40) [„კარგი და ცუდი თავისთავად როდი სადმეა, მას მხოლოდ კაცის გონიერი შექმნის ხოლმე“ (შექსპირი 1987: 343)]. თანამედროვე ეპოქაში კი „კარგს“ და „ცუდს“ უპავ კონკრეტული საზოგადოების გარკვეული ჯგუფები ადგენენ და ცდილობენ ამ დადგენილების აღიარება აიძულონ ცალკეულ ინდივიდებს.

როზენკრანცი იმედს ამყარებს მსახიობზე, რომ იგი გაართობს პამლეტს, მაგრამ იმავდროულად აფრთხილებს მას: “....by that I don't mean your usual filth; you can't treat royalty like people with normal perverted desires” (სტოპარდი 1967: 46) [„....ამით არ ვგულისხმო თქვენს ჩვეულ უხამხობას; არ შეიძლება სამეფო ოჯახის წევრებს ისე მიუღია როგორც ჩვეულებრივი გაუკულმართვებული

მიღრეკილებების მქონე ხალხს]. აქ რამდენიმე საკითხი იყრის თავს. პირველი უკავშირდება თანამედროვე, პოსტმოდერნულ რეალობას, სადაც სხვადასხვა გაუკულმართებული სექსუალური ურთიერთობების ნორმად გამოცხადება და დამკვიდრება ხდება. გავიხსენოთ, რომ 1960-იანი წლების შუაში, როცა სტოპარდმა განხილული პიესა დაწერა, სექსუალური რევოლუციის ეპოქა უკვე დაწყებული იყო. მეორე საკითხი უკავშირდება ელიზაბეტის დროინდელი თეატრის, თუ შეიძლება ასე ითქვას, მეტადრამატულ ერთსქესიანობას, ანუ იმ ფაქტს, რომ ქალების როლს ქალად გადაცმული ახალგაზრდა ვაჟები ასრულებდნენ. მსახიობი ბიჭის, ალფრედის მეშვეობით, მთავარი მსახიობის მიერ დემონსტრირებული პომოეროტიციზმი სწორედ შექსპირის დროინდელი თეატრის ნახსენებ თავისებურებას ასახავს და ამავე დროს აკავშირებს და აერთიანებს მას პომოსექსუალიზმის თანამედროვე პროპაგანდასთან. მესამე საკითხი ალბათ ისევ და ისევ მასკულტურისა და მაღალი კულტურის დაპირისპირებას უკავშირდება. ამ თვალსაზრისით, თუ პერიფრაზირებას გავუკეთებთ და შევაჯამებთ როზენკრანცის ნათქვამს, გამოდის, რომ მაღალი კულტურის პამლეტი და მისი გარემოცვა ვერ გაიგებს იმ სიბილწეს და უკუდმართობას, რაც ახასიათებს მდაბიო კულტურის მასას.

ამრიგად, სტოპარდის განხილულ პიესაში არეკლილი პოსტმოდერნისტული მსოფლეობა მიანიშნებს, რომ პოსტმოდერნიზმისთვის არ არსებობს ობიექტური ჭეშმარიტება. მისი ადგილი ვირტუალურმა სინამდვილემ დაიკავა. ასეთი სამყარო არათუ მოდერნიზმივით გაუცხოებულია პამლეტის მაღალი პუმანისტური ხედვისგან, არამედ სრულიად უარყოფს მას და მის სიმაღლეს, როგორც ასეთს. როზენკრანცისა და გილდენსტერნის პროტაგონისტობა ალბათ ყველაზე ნათელი დასტურია ამისა.

დასკვნები

ნაშრომში შესწავლილი პროტლემების საფუძველზე შეგვიძლია გამოვიტანოთ შემდეგი დასკვნები:

1. ჰამლეტის მიერ დადგმული პიესა „გონზაგოს მკვლელობა“ „ჰამლეტის“ მოვლენების ზუსტი გათამაშებით არა მხოლოდ ელსინორის მანკიერ სამყაროს ამხელს, არამედ პიესა „ჰამლეტსაც“ ჩვენს ნამდვილ სამყაროში გამეფებული უკეთურების ანალოგიურ მამხილებლად წარმოაჩენს. შესაბამისად, მართებულია, რომ ჩვენი სინამდვილე ერთგვარ მეტაპიესად განისაზღვროს და პირობითად „მეტაჰამლეტი“ ეწოდოს, რადგან, როგორც შექსპირული მეტადრამატიზმი მიანიშნებს, „გონზაგოს მკვლელობაც“, „ჰამლეტიც“ და „მეტაჰამლეტიც“ ერთი და იმავე არსის მატარებელია.
2. ჰამლეტის მიერ დანახული აჩრდილი ნამდვილად არ წარმოადგენს მის ჰალუცინაციას. ის ობიექტური მოვლენაა პიესაში, არა მხოლოდ იმიტომ, რომ ერთდროულად, ერთ ადგილას, ერთი სახითა და მოქმედებით ეცხადება უფლისწულსა და მის მეგობრებს, არამედ იმიტომაც, რომ მისთვის განკუთვნილი რემარკებითა და რეპლიკებით იგი დრამატულად ისეთივე სრულფასოვანი პერსონაჟია „ჰამლეტში“, როგორც ყველა სხვა პერსონაჟი.
3. ჰამლეტი არ არის ქალთმოძულე. მას ქალში სწორედ ის სძულს, რაც ქალურ სიწმინდეს ისევე ბლალავს, როგორც მამაკაცურს. ჰამლეტისთვის ორი ყველაზე ძვირფასი ადამიანი დედა და სატრფოა, ამიტომაც მათგან მოყენებული ტკივილი ყველაზე ძნელი დასათმენია მისთვის. უფლისწული ალბათ აჭარბებს, როდესაც ოფელიაში პოტენციურ გერტრუდს ხედავს, მაგრამ პოლონიუსის ქალიშვილმა თავისი გაუფრთხილებელი და, ცოტა არ იყოს, უგულო საქციელით უფლისწულს ამგვარი ეჭვის საფუძველი აშკარად მისცა.
4. მეგობრების თავდასხმის შემდეგ როზენკრანცისა და გილდენსტერნის მიერ ინგლისისკენ სვლის გაგრძელება მოკლებულია გონივრულ საფუძველს. კარისკაცებს მშვენივრად უნდა სცოდნოდათ, ჰამლეტის გარეშე ინგლისის მეფის წინაშე წარდგომასა და მისთვის კლავდიუსის წერილის გადაცემას აზრი რომ არ ექნებოდა. სიუჟეტური ირონია კი

იმაშია, რომ კარისკაცებს, სინამდვილეში, ჰამლეტის წერილი მიაქვთ ინგლისის მეფესთან და შესაბამისად, არ იციან რაოდენ აზრიანია უფლისწულისთვის მათი ინგლისში ჩასვლა, მათდა სავალალოდ. ასეთი, ცოტა არ იყოს, არაბუნებრივი გზით შექსპირი იშორებს თავისი პიესიდან ამ თრ მეორეხარისხოვან პერსონაჟს, რაკი მათ უკვე შეუსრულეს ავტორს მათზე დაკისრებული როლი.

5. მცდარი იქნებოდა ჰამლეტის დადანაშაულება ამორალურობაში იმის გამო, რომ მან სასიკვდილოდ გაიმეტა თავისი სკოლის ამხანაგები. იგი იძულებულია თავდაცვის მიზნით გაწიროს ისინი. ამასთანავე, უფლისწულს ეჭვი აქვს, რომ როზენკრანცი და გილდენსტერნი კლავდიუსის შეთქმულების შეგნებული თანამონაწილენი არიან. მას არ ეძლევა საკმარისი საშუალება, ზუსტად გაზომოს მათი გარკვეულობის ხარისხი ბიძამისის მზაკვრულ გეგმაში. მეფის კარისკაცები, ნებსით თუ უნებლიერ, მაინც მოღალატურ პოზიციაში დგებიან ჰამლეტის მიმართ და ამდენად, უფლისწულის მიერ მათთვის გამოტანილი განაჩენი საკმაოდ სამართლიანად გამოიყერება.
6. როგორც პომეროსული, ისე შექსპირული სამყაროს ასოციაციური გადააზრება ჯოისის მოდერნისტულ რომანში „ულისე“, ძირითადად, პაროდიული ხასიათისაა. შექსპირულ პარალელებში ყველაზე ხშირად პიესა „ჰამლეტი“ ფიგურირებს, რომლის ეპონიმურ პროტაგონისტთან ასოციაციურად გაიგივებულია „ულისეს“ ერთ-ერთი პროტაგონისტი სტივენ დედალოსი. მის მიმართ მამობრივი გრძნობით გამსჭვალული რომანის მთავარი პროტაგონისტი ლეოპოლდ ბლუმი კი ასოციაციურად ჰამლეტის მამის აჩრდილს შეესაბამება. ბლუმსა და აჩრდილს აერთიანებთ მოღალატე ცოლებიც, რითაც ასოციაციური შესაბამისობა მყარდება მოლი ბლუმსა და დედოფალ გერტრუდს შორის.
7. სტივენის „შექსპირულ თეორიაში“, რომელიც დიდწილად ირკვლავს „ულისეს“ ესთეტიკურ ბუნებას, წამყვანი როლი პიესა „ჰამლეტს“ აკისრია. პიესაში ჰამლეტი თავის ესთეტიკურ ხედვას ავლენს, როდესაც მსახიობებს არიგებს და მათ სცენაზე ზომიერებისა და ბუნებრიობისკენ მოუწოდებს. სტივენიც შემოქმედებითი ზომიერებისა და ბუნებრიობისკენ მიისწავლის, როდესაც ცდილობს, მეტაფორული გაგებით, გაიაროს სკილასა და

ქარიბდას შორის და მიაღწიოს ტრაგიკომიკურ წონასწორობას. თუმცა ჰამლეტისგან განსხვავებით, რომელიც ხელოვნებას იყენებს ობიექტური ჭეშმარიტების მისაგნებად, სტივენისთვის მთავარია თავისი ესთეტიკური ხედვა თანმიმდევრული და შთამბეჭდავი იყოს, თუნდაც ეს ხედვა ეფუძნებოდეს ხელოვნურ, სუბიექტურ „ჭეშმარიტებას“.

8. ჰამლეტისა და სტივენის ხედვა ქალთა სქესისადმი საკმაოდ განსხვავებულია. ჰამლეტი ქალში, პირველყოვლისა, სულიერ სიწმინდესა და ერთგულებას ეძებს. მას სჯერა, რომ ქალისთვის შესაძლებელია ამგვარ ზნეობრივ სიმაღლეზე ყოფნა. სტივენი კი მხოლოდ ხორციელ მიმზიდველობასა და შემოქმედებით მუზას ხედავს ქალში, ხოლო სიწმინდე და ერთგულება ნაკლებად ეგულება მასში. ქალის იდეალი ჰამლეტისთვის ბევრად უფრო ზნეობრივია, ვიდრე სტივენისთვის. შესაბამისად, ქალთმოქმედების ელემენტები უფრო სტივენშია სამიებელი, ვიდრე ჰამლეტში.
9. მაშინ, როცა ჰამლეტს ნამდვილად გამოეცხადა მამის აჩრდილი, სტივენს მხოლოდ ელანდება დედის მოჩვენება. იმ გამოცხადების პაროდიაა ეს მოლანდება, რომელთა შორის კონტრასტული მიმართებაა: ჰამლეტი და მამამისის აჩრდილი ერთსულოვანნი არიან, ხოლო სტივენი და დედის მოჩვენება ურთიერთსაპირისპირო პოზიციებზე დგანან.
10. ჰამლეტის, აჩრდილისა და გერტრუდის ტრაგიკული სახეები, შესაბამისად, სტივენის დედალოსის, ლეოპოლდ ბლუმისა და მოლი ბლუმის ტრაგიკომიკურ სახეებად გარდაიქმნება „ულისეში“. რაკი რენესანსული ჭუმანიზმისთვის ადამიანი მაღალზნეობრიობისთვის არის მოწოდებული, „ჰამლეტში“ ადამიანის ზნეობრივი დაცემულობა ტრაგიკული სინამდვილეა. მოდერნისტული გადმოსახედიდან კი ადამიანის ამგვარი მდგომარეობა, თუმც არასახარბიელო, მაგრამ მაინც ბუნებრივია და მასზე ჰამლეტური გლოვა არ ეგების. ამდენად, ჯოისის რომანში იგი ტრაგიკომიკურ რეალობად არის გააზრებული.
11. სტოპარდის პოსტმოდერნისტული პიესა „როზენკრანცი და გილდენსტერნი მკვდრები არიან“ აგებულია შექსპირის „ჰამლეტის“ იმ სიუჟეტურ ხარვეზზე, რომელმაც როზენკრანცსა და გილდენსტერნს გააგრძელებინა ინგლისისკენ მოგზაურობა ჰამლეტის დაკარგვის შემდგომ და შეახვედრა

ისინი თავიანთ სიკვდილთან. რომ არა ეს ხარვეზი, სტოპარდს არ ექნებოდა შესაფერისი ფაბულა და სათაური თავისი პიესისთვის. ამ ხარვეზმა განსაზღვრა სტოპარდის პიესის ერთ-ერთი მთავარი თემაც – დეტერმინიზმი – და შემოიტანა მეტადრამატული ირონია პიესის პროტაგონისტთა ბედში. მანვე განსაზღვრა სტოპარდის როზენკრანცისა და გილდენსტერნის მოსულელო ტიპაჟობაც თავიანთ შექსპირულ წინამორბედებთან შედარებით.

12. სტოპარდის პროტაგონისტების მორალური პასუხისმგებლობა ჰამლეტის წინააღმდეგ მიმართულ შეთქმულებაში მონაწილეობაზე ბევრად უფრო მცირე ჩანს, ვიდრე შექსპირის როზენკრანცისა და გილდენსტერნისა. სტოპარდის პროტაგონისტები არაფერს აკეთებენ ჰამლეტის გადასარჩენად, მაგრამ ასევე არ ცდილობენ საკუთარი თავების გადარჩენას. მათი მოქმედება მართულია გარეშე დეტერმინისტული ძალით და არა თავიანთი თავისუფალი ნებით.
13. პიესის დასაწყისში სტოპარდის პროტაგონისტების მიერ მონეტების აგდების თამაშს მნიშვნელოვანი სიმბოლური დატვირთვა აქვს. მონეტის გაუთავებელი მოსვლა „თავის“ მხარეზე უსათუოდ როზენკრანცისა და გილდენსტერნის გარდაუვალ სიკვდილს მოასწავებს. „კუდის“ მხარე მათ ჯაშუშობას განასახიერებს. მონეტა ასევე მიანიშნებს, რომ როზენკრანცი და გილდენსტერნი არსებითად არ განსხვავდებიან ერთმანეთისგან და მხოლოდ მონეტის ორ მხარეს წარმოადგენენ. როზენკრანცი უფრო „თავის“ მხარესთან ასოცირდება, გილდენსტერნი კი – „კუდის“ მხარესთან. გარდა ამისა, მონეტის ზედიზედ მრავალჯერ იმავე მხარეზე მოსვლა სამყაროს აუხსნელობისა და სინამდვილის შეუცნობლობის პრობლემას გამოხატავს.
14. პროტაგონისტების შემდეგ, სტოპარდის პიესის ყველაზე მნიშვნელოვანი პერსონაჟი – ტრაგიკოსთა ხელმძღვანელი მსახიობი, – ფორმალურად, „ჰამლეტის“ პირველ მსახიობად წოდებულ პერსონაჟს შეესაბამება, მაგრამ, სინამდვილეში, თავად შექსპირს განასახიერებს, რომელმაც ყველაფერი იცის თავის პერსონაჟთა წარსულისა თუ მომავლის შესახებ. მაშინ, როცა როზენკრანცი და გილდენსტერნი მეტადრამატულ რეალობას

მხოლოდ ქვეცნობიერად გრძნობენ, მსახიობი მშვენივრად აცნობიერებს ამ რეალობას და ფარულად მართავს კიდევაც მას.

15. სტოპარდის მიერ „ჰამლეტის“ მეორეხარისხოვანი პერსონაჟების აყვანა პროტაგონისტის ხარისხში და ჰამლეტის დაქვეითება მეორეხარისხოვან პერსონაჟამდე ტიპური პოსტმოდერნისტული ილეთია, რომელიც გამოხატავს ამ ეპოქის ერთგვაროვან დამოკიდებულებას მაღალი და დაბალი ფასეულობების მიმართ. რაკი უფლისწული ჰამლეტის მაღალზნეობრივი სიტყვებისთვის ყრუა თანამედროვე ადამიანი, სიტყვა ემლევათ როზენკრანცსა და გილდენსტერნს, რომელთა ლაყბობა უფრო მისაღები გახდა დღევანდელობისათვის. ჭეშმარიტებისა და სამართლიანობის მაძიებელი ჰამლეტი აღარ არის საჭირო. პოსტმოდერნისტული ხედვით, ჭეშმარიტებასა და სამართლიანობას ობიექტური არსი არ გააჩნია და მხოლოდ ხელოვნურ, პირობით ქმნილებას წარმოადგენს, რომელიც ექვემდებარება შეცვლას ნებისმიერ დროსა და სივრცეში. ასეთ მსოფლმხედველობრივ გარემოში კი ადამიანები სწორედ როზენკრანცსა და გილდენსტერნს ემსგავსებიან, რომელთაც გარეშე ძალები მარიონეტებივით ათამაშებენ თავიანთ ნებაზე.

დამოწმებული ლიტერატურის სია

- ბიბლია 2009:** ბიბლია. თბილისი: საქართველოს საპატიოარქო, 2009.
- გელაშვილი 2005:** გელაშვილი, მანანა. დროის პრობლემა მოდერნისტულ ლიტერატურაში. თბილისი: გამომცემლობა „ზეკარი“, 2005.
- კობახიძე 2004:** კობახიძე, თემურ. „პამლეტი, მისი პრობლემები“ და ტომას ელიოტის პოეტური მხრივლადება. ჰამლეტი 400. თბილისი, 17-19, 2001. ნინო ქირია. რედ. თბილისი: საერთაშორისო ფონდ კავკასიის გამომცემლობა, 2004.
- კობახიძე 2015:** კობახიძე, თემურ. ტომას ელიოტი და მაღალი მოდერნიზმის ლიტერატურული ესთეტიკა. თბილისი: გამომცემლობა „უნივერსალი“, 2015.
- მაზიაშვილი 2014:** მაზიაშვილი, დავით. ტომას ელიოტი და პოპულარული პოსტმოდერნიზმი. თბილისი: გამომცემლობა „საათი“, 2014.
- ყიასაშვილი 1959:** ყიასაშვილი, ნიკო. შექსპირი. თბილისი: გამომცემლობა „ხელოვნება“, 1959.
- ყიასაშვილი 1972:** ყიასაშვილი, ნიკო. შექსპირი – ტრადიცია და ნოვატორობა. ქართული შექსპირიანა. ტ. III. თბილისი: გამომცემლობა „ხელოვნება“, 1972.
- ყიასაშვილი 1992:** ყიასაშვილი, ნიკო. სკილასა და ქარიბდას შორის. თბილისი: გამომცემლობა „საქართველო“, 1992.
- შექსპირი 1987:** შექსპირი, უილიამ. ოხუცლებათა სრული კრებული ხუთ ტომად. ნიკო ყიასაშვილის საერთო რედაქციით, წინასიტყვაობითა და შენიშვნებით. ტ. III. თბილისი: გამომცემლობა „ხელოვნება“, 1987.
- შექსპირი 2006:** შექსპირი, უილიამ. პამლეტი. რეჟ. რობერტ სტურუა. თბილისი: რუსთაველის თეატრი, 2006.

- ცხვედიანი 2006:** ცხვედიანი, ირაკლი. „ულისეს“ მითოპოეზისა. ქუთაისი: აკაკი წერეთლის სახელმწიფო უნივერსიტეტის გამომცემლობა, 2006.
- ჯოისი 2005:** ჯოისი, ჯეიმზ. ხელოვანის პორტრეტი ახალგაზრდობისას. თბილისი: შოთა რუსთაველის სახელობის ქართული ლიტერატურის ინსტიტუტი, 2005.
- ჯოისი 2012:** ჯოისი, ჯეიმზ. ულისეს. თბილისი: „ბაკურ სულაკაურის გამომცემლობა“, 2012.
- ჟომეროსი 2011:** ჟომეროსი. ოდისეა. თბილისი: „გამომცემლობა პალიტრა L“, 2011.
- ბევინგტონი 2008:** Bevington, David. *Shakespeare's Ideas: More Things in Heaven and Earth*. Oxford: Wiley-Blackwell, 2008.
- ბლიტსი 2001:** Blits, Jan H. *Deadly Thought: Hamlet and the Human Soul*. Lanham, Md: Lexington Books, 2001.
- ბლუმი 2003:** Bloom, Harold. *Tom Stoppard: Comprehensive Research and Study Guide*. Philadelphia: Chelsea House Publishers, 2003.
- ბლუმი 2008:** Bloom, Harold, and Brett Foster. *Hamlet*. New York: Bloom's Literary Criticism, 2008.
- ბლუმი 2009ა:** Bloom, Harold. Ed. *Bloom's Modern Critical Views: James Joyce*. Introduction by Harold Bloom. New York: Bloom's Literary Criticism, Infobase Publishing, 2009.
- ბლუმი 2009ბ:** Bloom, Harold. *William Shakespeare's Hamlet*. New York: Bloom's Literary Criticism, 2009.
- ბოისი 2005:** Boyce, Charles. *Critical Companion to William Shakespeare: A Literary Reference to His Life and Work*. New York: Facts On File, 2005.
- ბოუენი 1975:** Bowen, Zack. *Musical Allusions in the Works of James Joyce*. New York: Gill an Macmillan, 1975.

- ბრაუნმიულერი ... 2003: Braunschweig, A. R. and Michael Hattaway. *The Cambridge Companion to English Renaissance Drama*. Cambridge: Cambridge University Press, 2003.
- ბრედლი 1937: Bradley, A. C. *Shakespearean Tragedy: Lectures on Hamlet, Othello, King Lear, Macbeth*. London: Macmillan, 1937.
- ბრისტოლი ... 2001: Bristol, Michael, and Kathleen McLuskie. *Shakespeare and Modern Theatre: The Performance of Modernity*. London: Routledge, 2001.
- გასოუ 1996: Gussow, Mel. *Conversations with Stoppard*. New York: Grove Press, 1996.
- გიბონსი 2015: Gibbons, Luke. *Joyce's Ghosts: Ireland, Modernism, and Memory*. Chicago: The University of Chicago Press, 2015.
- გილბერტი 1958: Gilbert, Stuart. *James Joyce's Ulysses: A Study*. New York: Vintage Books, 1958.
- გიფორდი 1988: Gifford, Don, and Robert J. Seidman. *Ulysses Annotated: Notes for James Joyce's Ulysses*. Berkeley: University of California Press, 1988.
- გლიდი ... 2011: Gleed, Kim Allen, and Harold Bloom. *Bloom's How to Write about James Joyce*. Introduction by Harold Bloom. New York: Bloom's Literary Criticism, Infobase Publishing, 2011.
- გოდარდი 1960: Goddard, Harold C. *The Meaning of Shakespeare*. Vol. 1 Chicago: University of Chicago Press, 1960.
- გოლანცი 1916: Gollancz, Israel. Ed. *A Book of Homage to Shakespeare*. Oxford: Oxford University Press, 1916.
- გოლდშტაინი 2001: Goldstein, Philip. *Communities of Cultural Value: Reception Study, Political Differences, and Literary History*. Lanham, Md: Lexington Books, 2001.
- გრეგი 1917: Greg, W. W. "Hamlet's Hallucination." *The Modern Language Review*. 12.4 (1917): 393-421.

- გრინბლატი 2010:** Greenblatt, Stephen. *Shakespeare's Freedom*. Chicago: The University of Chicago Press, 2010.
- დეივისი 2008:** Davies, Michael. *Hamlet: Character Studies*. London: Continuum, 2008.
- დეტმარი 1996:** Dettmar, J. H. *The Illicit Joyce of Postmodernism: Reading against the Grain*. Madison, Wisconsin: The University of Wisconsin Press, 1996.
- დიმასტესი 2008:** Demastes, William W. *Comedy Matters: From Shakespeare to Stoppard*. New York: Palgrave Macmillan, 2008.
- დიმასტესი 2012:** Demastes, William W. *The Cambridge Introduction to Tom Stoppard*. Cambridge: Cambridge University Press, 2012.
- ელიოთი 1963:** Eliot, T.S. *Collected Poems, 1909-1962*. New York: Harcourt, Brace & World, 1963.
- ელიოთი 1998:** Eliot, T.S. *The Sacred Wood and Major Early Essays*. Mineola, New York: Dover Publications, 1998.
- ელმანი 1972:** Ellman, Richard. *Ulysses on the Liffey*. New York: Oxford University Press, 1972.
- ეტრიჯი 2004ა:** Attridge, Derek. *James Joyce's Ulysses: A Casebook*. Oxford: Oxford University Press, 2004.
- ეტრიჯი 2004ბ:** Attridge, Derek. *The Cambridge Companion to James Joyce*. Cambridge: Cambridge University Press, 2004.
- ვერდერი 1907:** Werder, Karl. *The Heart of Hamlet's Mystery*. Trans. Elizabeth Wilder. Intro. William J. Rolfe. New York: Putnam, 1907.
- ვოსი 2009:** Vos, Nelvin. *Inter-actions: Relationships of Religion and Drama*. Lanhan, MD: University Press of America, 2009.
- ზეიდი: 2012:** Zeid, Wagdi. *Misreading Shakespeare: Modern Playwrights and the Quest for Originality*. Bloomington: iUniverse, Inc, 2012.
- კანტორი 2004:** Cantor, Paul A. *Shakespeare, Hamlet*. Cambridge: Cambridge University Press, 2004.

- Ճյլօ 2001:** Kelly, Katherine E. *The Cambridge Companion to Tom Stoppard*. Cambridge: Cambridge University Press, 2001.
- Ճյրնօ 2003:** Kearney, Richard. *Strangers, Gods, and Monsters: Interpreting Otherness*. London: Routledge, 2003.
- Ճօնենօ 2008:** Keenan, Siobhan. *Renaissance Literature*. Edinburgh: Edinburgh University Press, 2008.
- Ճշէծրո 2008:** Cooper, Helen. “Hamlet and the Invention of Tragedy.” *Literary Researches*. 29 (2008): 173-180.
- Ըշշաթօ 2005:** Leggatt, Alexander. *Shakespeare’s Tragedies: Violation and Identity*. Cambridge: Cambridge University Press, 2005.
- Ըշյոտյմօ 2014:** Latham, Sean. *The Cambridge Companion to Ulysses*. New York: Cambridge University Press, 2014.
- Ըօթօ 2002:** Leech, Clifford. *Tragedy*. London: Taylor & Francis e-Library, 2002.
- Ըտրյենսօ 1944:** Lawrence, William W. “Hamlet’s Sea-Voyage.” *PMLA*. 59.1 (1944): 45-70.
- Թագալունքոնօ 1991:** McAlindon, Thomas. *Shakespeare’s Tragic Cosmos*. Cambridge: Cambridge University Press, 1991.
- Թազըռթիօ 2009:** McCourt, John. Ed. *James Joyce in Context*. Cambridge: Cambridge University Press, 2009.
- Թագչյօլօ 1992:** McHale, Brian. *Constructing Postmodernism*. London: Routledge, 1992.
- Թառնօ 2009:** Mahon, Peter. *Joyce: A Guide for the Perplexed*. London: Continuum, 2009.
- Թյլօնօ 1994:** Mullaney, Steven. “Mourning and Misogyny: *Hamlet*, *The Revenger’s Tragedy*, and the Final Progress of Elizabeth I, 1600-1607.” *Shakespeare Quarterly*. 45.2 (1994): 139-162.
- Թյրօ 2000:** Moore, Jeanie Grant. ““In my mind’s eye”: Postmodern (Re)visions of *Hamlet*.” *Hamlet Studies*. 22 (2000): 40-76.

- ორი 2008:** Orr, Leonard. Ed. *Joyce, Imperialism and Postcolonialism*. Syracuse: Syracuse University Press, 2008.
- პარიზში 1984:** Parrinder, Patrick. *James Joyce*. Cambridge: Cambridge University Press, 1984.
- კეტერსონი 1990:** Peterson, Richard F. “Did Joyce Write *Hamlet?*” *James Joyce Quarterly*. 27.2 (1990): 365-372.
- პოგორზელსკი 2016:** Pogorzelski, Randall J. *Virgil and Joyce: Nationalism and Imperialism in the Aeneid and Ulysses*. Madison, Wisconsin: The University of Wisconsin Press, 2016.
- რაითი 2001:** Wright, George T. *Hearing the Measures: Shakespearean and Other Inflections*. Madison: University of Wisconsin Press, 2001.
- რედმონდი 2009:** Redmond, Michael J. *Shakespeare, Politics, and Italy: Intertextuality on the Jacobean Stage*. Famham: Ashgate, 2009.
- რიკარდი 1999:** Rickard, John S. *Joyce's Book of Memory: The Mnemotechnic of "Ulysses"*. Durham: Duke University Press, 1999.
- როზენბერგი 1992:** Rosenberg, Marvin. *The Masks of Hamlet*. Newark: University of Delaware Press, 1992.
- როკუელი 2008:** Rockwell, Thomas. *Nature's Mirror: Theme and Structure in Ten Plays by Shakespeare*. Indianapolis: Dog Ear Publishing, 2008.
- რუთვენი 1969:** Ruthven K. K. *A Guide to Ezra Pound's Personae*, 1926. Berkeley: University of California Press, 1969.
- სადოვსკი 2003:** Sadowski, Piotr. *Dynamism of Character in Shakespeare's Mature Tragedies*. Newark: University of Delaware Press, 2003.
- სკოფილდი 1980:** Scofield, Martin. *The Ghosts of Hamlet: The Play and Modern Writers*. Cambridge: Cambridge University Press, 1980.
- სპენსერი 1943:** Spencer, Theodore. *Shakespeare and the Nature of Man*. Cambridge: Cambridge University Press, 1943.
- სპინკს 2009:** Spinks, Lee. *James Joyce: A Critical Guide*. Edinburgh: Edinburgh University Press, 2009.

- სტაინი 1967:** Styan, John L. *Shakespeare's Stagecraft*. Cambridge: Cambridge University Press, 1967.
- სტოპარდი 1967:** Stoppard, Tom. *Rosencrantz and Guildenstern Are Dead*. London: Faber and Faber, 1967.
- ტინდალი 1959:** Tindall, William York. *A Reader's Guide to James Joyce*. New York: Noonday Press, 1959.
- უაითი 1986:** White, Robert S. *Innocent Victims: Poetic Injustice in Shakespearean Tragedy*. London: The Athlone Press, 1986.
- უელში 2001:** Welsh, Alexander. *Hamlet in His Modern Guises*. Princeton: Princeton University Press, 2001.
- უირი 2015:** Weir, David. *Ulysses Explained: How Homer, Dante, and Shakespeare Inform Joyce's Modernist Vision*. New York: Palgrave Macmillan, 2015.
- უილსონი 1951:** Wilson, John D. *What Happens in Hamlet*. 3rd ed. Cambridge: Cambridge University Press, 1951.
- უინკლერი 2006:** Winkler, Amanda E. *O Let Us Howle Some Heavy Note: Music for Witches, the Melancholic, and the Mad on the Seventeenth-Century English Stage*. Bloomington: Indiana University Press, 2006.
- ფარგნოლი ... 2006:** Fargnoli, A. Nicholas, and Michael Patrick Gillespie. *Critical Companion to James Joyce: A Literary Reference to His Life and Work*. New York: Facts On File, Infobase Publishing, 2006.
- ფერისი 2010:** Ferris, Kathleen. *James Joyce and the Burden of Disease*. Lexington: University Press of Kentucky, 2010.
- ფერნი 2002:** Fernie, Ewan. *Shame in Shakespeare*. London: Routledge, 2002.
- ფლემინგი 2001:** Fleming, John. *Stoppard's Theatre: Finding Order amid Chaos*. Austin: University of Texas Press, 2001.
- ფოკსი 1993:** Foakes, Reginald A. *Hamlet versus Lear: Cultural Politics and Shakespeare's Art*. Cambridge: Cambridge University Press, 1993.

- ქუინი 2006:** Quinn, Edward. *A Dictionary of Literary and Thematic Terms*. New York: Facts On File, 2006.
- შერი 2004:** Sherry, Vincent. *James Joyce: Ulysses*. Cambridge: Cambridge University Press, 2004.
- შექსპირი 2003:** Shakespeare, William. *Hamlet, Prince of Denmark*. Ed. Philip Edwards. 2nd ed. New Cambridge Shakespeare. Cambridge: Cambridge University Press, 2003.
- ჩარნი 2012:** Charney, Maurice. *Shakespeare's Villains*. Madison, N.J.: Fairleigh Dickinson University Press, 2012.
- ჯამპი 1968:** Jump, John. *Shakespeare: Hamlet: A Casebook*. London: Macmillan, 1968.
- ჯენკინსი 1989:** Jenkins, Anthony. *The Theatre of Tom Stoppard*. Cambridge: Cambridge University Press, 1989.
- ჯერნიგანი 2012:** Jernigan, Daniel K. *Tom Stoppard: Bucking the Postmodern*. Jefferson, North Carolina: McFarland & Company, Inc., Publishers, 2012.
- ჯოისი 1992:** Joyce, James. *A Portrait of the Artist as a Young Man*. Ed. Seamus Deane. New York: Penguin, 1992.
- ჯოისი 2000:** Joyce, James. *Ulysses*. With an introduction by Declan Kiberd. London: Penguin Books, 2000.
- ჰანტერი 2000:** Hunter, Jim. *Tom Stoppard: Rosencrantz and Guildenstern Are Dead, Jumpers, Travesties, Arcadia*. London: Faber and Faber, 2000.
- ჰანტი 2007:** Hunt, Marvin W. *Looking for Hamlet*. New York: Palgrave Macmillan, 2007.
- ჰარნესი 1984:** Harkness, Marguerite. *The Aesthetics of Dedalus and Bloom*. Lewisburg: Bucknell University Press, 1984.
- ჰელერი 2002:** Heller, Agnes. *The Time Is Out of Joint: Shakespeare as Philosopher of History*. Lanham, Md: Rowman & Littlefield, 2002.

- ჟოგანი 2013:** Hogan, Patrick Colm. *How Authors' Minds Make Stories*. New York: Cambridge University Press, 2013.
- ჟოლდენი 2007:** Holden, Martin L. *A Director's Approach to Tom Stoppard's "Rosencrantz & Guildenstern Are Dead"*. Thesis, Baylor University, 2007.